

1843 June 1st

Dear Sir

Yours














ISIDORI

HISPALENSIS EPISCOPI
IN LIBRVM GE-
NESEOS, PRO-
LOGVS.



HISTORIA SACRAE LEGIS
non sine aliqua prænuntiatiōe fu-
turatorum gesta atq; conscripta est:
nec pertineret ad pręfigurationis
mysteriũ tam multiplex rerum
umbragestarum, nisi docēs Apo-
stolus diceret: Lex figuram habet futuroꝝ bono-
rum, non ipsam imaginem rerum. Proinde quędā
quę in ea figuratim dicta uel facta sunt, et sunt ple-
na mysticis sacramentis, adiuuāte superna gratia,
in hoc opusculo exequētes intexuimus, ueterę ec-
clesiasticorũ sentētiās cōgregātes, ueluti ex diuer-
sis pratis flores collectos ad manũ fecimus: & pau-
ca de multis breuiter pstringentes pleraq; etiā ad-
tjciētes uel ex aliqua parte mutātes, offerimus nō
solum studiosis, sed etiam fastidiosis lectoribus, qu-
bus nimia longitudo sermonis abhorret. Breui em̃
expositione succincta, non faciunt de plixitate fa-
stidiũ. Prolixa em̃ et occulta tēdet oratio, breuis et
aperta delectat. Et quia iam pridem iuxta literam
ā nobis sermo totus cōtextus est, necesse est, ut prę-
cedēte historie fundamento, allegoricus sensus se-
quatur. Nam figuraliter quędam ex his intelligũ-
tur, uere tanq̃ prophetica indicia pręcedentiā futu-
rorũ

ISIDORI PROLOGVS.

rorum. Sane non omnia quę in lege & prophetis scripta sunt, ænigmatibus myſteriorum obteguntur, ſed pro his quę aliquid ſignificāt, etiam quę nihil ſignificant conneſtuntur. Sicut enim in citharis & huiusmodi organis muſicis, non quidē omnia quę tanguntur, canorū aliquid reſonāt ſed corde, cætera tñ in toto citharę corpore ideo facta ſunt, ut eſſet ubi cōneſterentur & quo tenderentur illa quę ad cantilenę ſuauitatē modulaturus eſt artifex: Ita in his prophetiſis narrationibus, quę obteguntur aut aliquid ſonant in ſignificatione futurorū, aut ſi nihil ſonant ad hoc interponūtur, ut ſit unde illa ſignificantia tanquā ſonantia cōneſtantur. Haſ aut rerum geſtarū figuras de myſticis theſauris ſapiētīū, ut prædiximus, depromentes, in unam formā compēdio breuitatis cōtraximus. In quibus lector nō noſtra leget, ſed ueterum. Quod enim ego loquor, illi dicūt, & uox mea, ipſorum eſt lingua. Sumpta itaque ſunt ab autoribus Origene, Victorino, Ambroſio, Hieronymo, Caſſiano, Auguſtino, Fulgentio, ac noſtri temporis inſigniter eloquenti Gregorio.

ENARRATIONIS IN GENESIM CAPITULA.

Premiſſio operis ab exordio mūdi uſq; ad expulſionem hominis de paradifo. I
De operibus ſex dierum. II

De para

CAPITULA.

De paradisi conditione uel hominis.	III
De præceptis dei, & persuasione serpentis.	IIII
De peccato primorū hominū siue supplicio.	V
De Cain & Abel, eorumq; progenie.	VI
De arca siue de diluuiο mundi.	VII
Item de Noē & bñdictionibus eius in filios.	VIII
De Nebroth gigante, & cōfusione linguarū.	IX
De egressu Abrahæ à Chaldeis.	X
De uictoria Abrahæ & de Melchisedech.	XI
De sacrificio Abrahæ & promissione dei.	XII
De Sara & circumcisione Abrahæ.	XIII
De tribus uiris qui uenerūt ad ilicē Mābrē.	XIIII
De Sodomis & de Loth, & filiabus eius.	XV
De Abimelech qui Sarā ducere uoluit uxorē.	XVI
De natiuitate Isaac, & expulsiōe Agar cū filio.	XVII
De eo quod obtulit Abraham filiū suum.	XVIII
De Isaac & Rebecca.	XIX
De Cethura siue de morte Abraham.	XX
De eo quod uidit Abimelech Isaac ludere cum Rebecca.	XXI
De puteis quos fodit Isaac.	XXII
De Esau & Jacob.	XXIII
De scala quam in uisione uidit Jacob. &c.	XXIIII
De Lia & Rachel, & duabus famulabus.	XXV
De fuga Jacob & Rachel, quæ furata est deos patris sui.	XXVI
De lucta Jacob cum angelo.	XXVII
De Dina & partu Rachel et incestu Rubē.	XXVIII
De Iuda quando dormiuit cum nuru sua.	XXIX
De historia Ioseph.	XXX
De benedictionibus Patriarcharum.	XXXI.
	Isido

ISIDORI

HISPALEN. EPISCOPI E.
narratio in Genesim.

Præmissio operis ab exordio mundi usque ad
expulsionem hominis de paradiso, Cap. 1.



REACTURA COE-
li & terræ quomodo hi-
storicaliter ab exordio
principij condita sit, le-
gimus, sed qualiter in
ecclesia spiritualiter à
doctoribus accipiat, in-
telligamus. In prin-
cipio fecit deus cœlū
& terram, & c.) Princi-

piū CHRISTVS est, ut ipse in Evangelio ait:
Ego sum principium qui & loquor vobis. In hoc igi-
tur principio fecit deus cœlum, id est spirituales qui
cœlestia meditatur, et quæ sunt in ipso. Fecit & car-
nales, qui terrenum hominē necdum deposuerūt.
Terra autē erat inanis & uacua, terra scilicet carnis
nostræ erat inanis & uacua, priusquam doctrinæ
acciperet formā. Et tenebræ erant super faciem
abyssi, quia delictorum cecitas & ignorantie pro-
funda obscuritas corda nostra tenebat. Et spiritus
domini ferebatur super aquas. Spiritus autē domini
super cor nostrum tenebrosū & fluidū quasi sup
aquas iam superferebatur, in quo subsistentes rege-
sceremus

IN GENESIM.

sceremus, cuiusq; uiuificaremur flatu, & cuius unda ablueremur.

Dixit quoq; deus, fiat lux. Id est illuminatio credulitatis appareat. Prima enim die lucem fidei dedit: quia prima est in conuersatione fides, unde & ipsum primum in præceptis mādaturum est. Dominus inquit, deus tuus, deus unus est. Propter quæ fidem ipse dominus etiā uisibiliter in mundo apparere uoluit. Iam tunc deus iuxta præsciētiae suæ gratiam diuisit iustos, id est filios dei & lucis à peccatoribus tanq̃ à tenebris: istos uocans diem, illos noctem. Nā quod lucis nomine iusti appellantur, audi Apostolum: Fuiſtis inquit, aliquādo tenebrę, nūc autem lux in domino.

Deinde secunda die disposuit firmamētum, id ē solidamentū sanctarū scripturarū: firmamentū eū in ecclesia scripturæ diuinæ intelliguntur: quia cœlum plicabit sicut liber. Discreuitq; super hoc firmamēto aquas. Id est, cœlestes populos angelorū, qui non opus habent hoc suspicere firmamētum, ut legentem legentes audiant uerbum dei. Vident enim eū semper & diligunt: sed superposuit ipsum firmamentū legis suæ super infirmitatē inferiorū populorum, ut ibi suspicientes cognoscant, qualiter discernāt inter carnalia & spiritualia, quasi inter aquas superiores & inferiores.

Post hæc die tertia collegit in unum aquas inferiores salſas. hoc ē hoies infideles, q̃ cupiditatū tēpestate & tentationum carnalium fluctibus quatuntur, & in se ipsis quasi amaritudo includuntur.

Segregauitq; ab eis aridam.) populū scilicet fontem fidei ficiētē: offixitq; dehinc superborum li-

ISIDORI ENARRATIO

bus, ut dominantur rationes intellectuū omnium carnaliū perturbationū, quasi insensibiliū animantium. Omnem autē herbam seminalem, & omne lignum fructuosum quod hominibus datum est in escam, fideles sunt de oblationibus suis sanctoꝝ necessitatibus cōmunicantes. Vnde Apostolus ait: Nā si in spiritualibus participes facti sunt gentiles, debēt & in carnalibus ministrare eis. Hæc sunt fructifera ligna. In istis ergo gradibus tanq̃ in quibsdā diebus uespa est ipsa perfectio singulorū operū, & manet ichoatio sequētiū. Post istorū itaq; quasi sex dierū opa bona ualde sperat hō quietē mentis constitut⁹ in spirituali paradiso, quo significat uita beata, ubi fons est sapiētiæ diuisus in quatuor partes uirtutū, ubi edat ligni uitæ gratiā, ubi utiles disciplinas morū quasi fructus lignorū carpat. Est nāq; paradisu uita beatorum. Quatuor flumina, quatuor uirtutes: ligna eius, oēs utiles disciplinæ: lignorū fructus, mores piorū: Lignum uitæ, ipsa bonorum omniū mater sapientia est: de qua scriptū est, Solomone dicēte: Lignū uitæ est his qui apprehendūt eam, & qui tenuerit eam beatus. Lignū scientiæ boni & mali, trāsgressio est mādati experimēto. Hactenus sex dierū opera qualiter in ecclesia spūaliter intelligantur, explicata sunt. Deinde quid in figurā seculi significant, subiciendū est. Sex diebus cōsummauit deus oīa opa sua, & in septimo regeuit. Sex ætatibus humanū genus in hoc seculo p̃ successione temporū dei opera insinuant, quarū prima est ab Adam usq; ad Noē. Secunda, à Noē usq; ad Abrahā. Tertia, ab Abrahā usq; ad Dauid. Quarta, à Dauid usq; ad transmigrationē Babylonie. Quinta deinde

usq;

IN GENESIM

usq; ad humilē aduentū domini nostri Iesu CHRI
 S T I. Sexta quæ nunc agitur usq; quo mundus finī
 a tur, donec excelsus ueniat ad iudiciū. Septima
 uero intelligitur in requie sanctorum, quæ scilicet
 uesperam nō habet, quā etiā nullus terminus clau
 det. Pergamus ergo breuiter per has oēs mūdi æta
 tes, & replicātes ordinē temporē eorū mystice dif
 ferētias distinguamus. Primo enī seculo factus ē
 tanq̃ lux homo in paradiso, in qua ætate filios dei
 in lucis nomine diuidit deus à filijs hominū, quasi
 à tenebris: fit q; huius diei uespera, diluuiū. Secundū
 seculum factum est quasi firmamentū, inter aquā
 & aquam, arca utiq; illa quę natauit inter pluuiam
 & maria. Huius uespera fit cōfusio linguarum. Ter
 tium seculū factū est, quando separauit populum
 suum à gentibus per Abraham, discernēs eū quasi
 aridam ab aquis, ut proferret germen herbarū atq;
 lignorum, id est sanctos, & fructum sanctarū scri
 pturarum. Huius uespera fuit peccatum, & malitia
 pessimi regis Saul. Inde quartū seculū cœpit à Da
 uid, qñ constituit deus luminaria in firmamēto cæ
 li, id est splendorē regni tanquā solis excellentiā, &
 in lunæ specie obtemperantem tanq̃ synagogam, &
 stellas principes eius. Cuius ætatis fit uespera in pec
 catis regū, quibus gens illa meruit captiuari in Ba
 bylonem. Porro quinto seculo, id est transmigrati
 o ne Babylonīæ, facta sunt quasi animalia in aquis
 & uolatilia cœli: quia tunc Iudei inter gentes tanq̃
 in mari uiuere cœperunt, nec habebant stabilem
 locum, tanq̃ uolantes aues. Huius diei quasi uespe
 ra est multiplicatio peccatorū in populo Iudæorū,
 quando sic excæcati sunt, ut etiā dominū I E S V M
 non

ISIDORI ENARRATIO,

non possent agnoscere. Iam sextum seculum fit in aduentu domini nostri Iesu Christi. Nam sicut in illa sexta die primus homo Adam de limo terræ ad imaginē dei formatus est, sic in ista sexta seculi ætate secundus Adam id est CHRISTVS, in carne de Maria uirgine natus ē. Ille in anima uiuēte, hic in spiritu uiuificāte. Et sicut in illa die fit aia uiua, sic in isto seculo uitā desiderātes æternam. Et sicut in illa sexta die serpentiū & ferarū genera terra produxit, ita & in hac sexta ætate seculi gentes uitam appetētes æternam, ecclesia generauit: quem etiam sensum uas Petro ostensum manifestauit. Et quemadmodum in illa die creati sunt masculus & fœmina, sic in ista seculi ætate manifestati sūt CHRISTVS & ecclesia. Et sicuti præponitur homo in die illa pecoribus, serpētibus & cœli uolatilibus, ita Christus in hac ætate gentibus, populis & nationibus, ut ab eo regantur: uel carnali cōcupiscentiæ dediti, sicut pecora: uel terrena curiositate obscurati, quasi serpentes: uel elati superbia, quasi aues. Et sicut in illa die pascit homo & animalia quæ cū illo sunt herbis seminalibus & lignis fructiferis, & herbis uiridibus: sic in ista ætate spiritualis hō qui bonus minister est Iesu Christi, cū ipso populo spūaliter pascitur sanctarū scripturarū alimētis & lege diuina ad cōcipiendā fœcūditatem rationū atq; sermonū, tanq̃ herbis seminalibus, partim ad utilitatē morū cōuersiōis humanę tanq̃ lignis fructiferis, partim ad uigorem fidei, spei & charitatis in uitā æternā tanq̃ herbis uiridibus, quæ nullo æstu tribulationū arescunt: sicut spiritualibus cibus, sic istis alimentis pascitur, ut multa intelligat: carnalis autē id est paruulus

IN GENESIM.

uulus in CHRISTO tanq̃ pecus domini, ut multa credat quæ intelligere necdū potest: tamē eosdē cibos omnes habent: huius autē etatis quasi uespera utinā nos nō inueniat. Illa ē em̃ de qua dominus dicit: Putas ueniens filius hominis inueniet fidē super terram? Post istam uespam fiet mane, cū ipse dominus in claritate uēturus est, & requiescent cū Christo ab omnibus operibus suis hi quibus dictū est: Estote perfecti sicut pater uester qui in cœlis ē, perfectus est. Tales em̃ faciunt opera bona ualde: Post talia enim opera speranda est requies in die septimo: quia uesperam non habet. Sequitur hinc recapitulatio uniuersæ conditę creature. Istæ gñrationes cœli & terræ quando creatę sunt in die quo fecit deus cœlum & terram, & omne uirgultum agri, omnemq̃ herbam regionis anteq̃ esset super terram.) Superius septem dies enumerati sunt, nūc unus dies dicitur, quo fecit deus cœlū & terrā, & omnē herbam regionis, & omne uirgultum. Huius diei nomine secundū prophetiā omne tēpus huius uitæ significatur, in quo cœlū & terra factū est, id est in quo creature uisibiles disponūtur, administrātur atq; subsistunt. Sed quid sibi uult, quòd nunc nominato cœlo & terra, adiecit uirgultū agri, & herbā regiōis, & tacuit cetera quę sunt in cœlo et in terra, uel etiam in mari, nisi quod per uirgultū agri in uisibilem creaturā demonstrat intelligi, sicut est anima? Dicta autē est uirgultum propter uigorē uitæ, herba propter eandem uitā nunq̃ marcescentē. De inde qđ addit, Anteq̃ esset super terram.) intelligitur anteq̃ anima peccaret. Terrenis enim cupiditatibus sordidata, tāquam super terrā nata, uel super terram

ISIDORI ENARRATIO,

terrā esse recte dicitur. Vnde adiecit: Nōdum em̃ pluerat de⁹ super terram.) quasi aperte diceret: An re⁹ peccaret anima, nondum nubibus scripturæ pluuiam doctrine dominus ad animā irrigandam cōcesserat. Nondum propter hominē qui est terra, dominus noster nubilum carnis nostræ assumpserat, per quod imbrem sancti EVANGELIJ largissimū infudit. Quod uero subiunxit, Et homo non erat qui operaretur terram:) quia nullus homo operatus est in uirginē unde natus est CHRISTVS. Ipse est em̃ lapis de monte abscisus sine manibus, id est absq; coitu & humano semine de uirginali utero quasi de monte humanæ nature & substantia carnis abscisus. Sed fōs ascēdebat de terra, irrigās uniuersam superficiē terrę.) Terra mater domini uirgo Maria rectissime accipit: de qua scriptum ē: Aperiat̃ur terra & germinet saluatorē. Quam terram irrigauit spiritus sanctus, qui fontis et aque nomine in euāgelio significatur. Formauit igit̃ deus hominem de limo terræ.) id est, factus est Christus iuxta quod ait Apostolus: Ex semine David secundū carnem, tanq̃ de limo terræ. Et inspirauit in faciem eius spiraculum uitę.) utiq; infusiōe sancti spiritus, q̃ operat⁹ est hominē CHRISTVM. Et factus est homo in animam uiuētem, scilicet ut qui perfectus erat deus, perfectus crederetur & hō.

DE PARADISI CONDITIONE uel hominis. CAP. III.

Plantauerat autē dominus deus paradysum uoluptatis à principio, &c.) Paradysus ecclesiæ est. Sic enim de illa legitur in Canticis canticorum: Hortus conclusus soror mea. A principio parad

IN GENESIM.

paradisus plantatur, quia ecclesia catholica à Chrīsto, qui est principium omnium condita ē ē cognoscitur. Fluius de paradiso exiens, imaginē portat Christi de paterno fonte fluentis, qui irrigat ecclesiam suam uerbo prædicationis & dono baptismatis. De quo bene per prophetam dicitur: Dominus deus noster fluius gloriosus exiens in terram sitientem. Quatuor autem paradisi flumina, quatuor euangelia sunt, ad prædicationem in cunctis gentibus missa. Ligna fructifera, omnes sancti sunt, fructus eorum, opera eorū. Lignum uitæ sanctus sanctorum utiq; CHRISTVS, ad quem quisq; si porrexerit manum, uiuet in æternum. Lignum autem scientiæ boni & mali, propriæ est uoluntatis arbitrium: quod in medio nostri est positum ad dinoscendum bonum uel malum, de quo qui derelicta gratia dei gustauerit, morte moriet̃. Tulit ergo deus hominem, & posuit eū in paradysum.) Assumpsit deus carnē, & factus est caput ecclesię. Ut operaretur & custodiret illum.) Id est ut uolūtate patris ex omnibus gentibus ecclesiā adimpleret, atq; ut impleretur sermo quem dominus dixit: Ego serua bā eos in nomine tuo, quos dedisti mihi custodiui.

Dixit quoq; deus: Non est bonū ēē hominē solū.) Arguant̃ heretici qui Chrm solū hominē putant, & nō etiam deū. Faciam⁹ ei adiutorē similē.) qā in ipso homine suscepto, ecclesia deo copulata est.

Appellauit aut̃ Adā noibus suis cuncta animalia & uolatilia coeli et bestias terrę:) significās gentes quę saluę fierēt in ecclesia, et p Chrm nomen erāt accepturæ, qđ prius nō habuerāt, sicut scriptū est: Et uocabo seruos meos noie alio, Adā uero nō inuenio

ISIDORI ENARRATIO,

inueniebatur ei⁹ adiutor similis.) utiq; qm̄ quantū
 uis fidelis aut iustus sit quisq; Christo tñ equari nō
 potest. Quis enim inquit Moses similis tibi in dijs
 domine? Nam & David ait: Speciosus forma prę fi
 lijs hominum. Nemo enim poterat à morte genus
 hominum liberare, & ipsam mortem superare ni
 si Christ⁹, sicut Apocalypsis ait: Nemo inuētus est
 dignus, neq; in cœlo, neq; in terra, neq; infra terrā
 aperire librum. Immisit ergo deus soporem in
 Adam: cumq; obdormiuiſſet, tulit unam de costis
 eius, et ædificauit costam quā tulerat de Adam in
 mulierem.) Dormiuit Adam & fit illi mulier de late
 re, quia patitur Christus, dormit in cruce, pūgitur
 latus lancea, & perfluunt sacramēta, ex quibus for
 matur ecclesia. Hanc dormitionem cantat per pro
 phetam dicēs: Ego dormiui & quieui & resurrexi,
 quoniā dominus suscitauit me. Sequitur: Et po
 suit carnē pro ea:) sicut & C H I R S T V S carnē su
 am moriēdo posuit in patibulo crucis pro ecclesia.
 Dixitq; Adā: Hoc nūc os ex ossibus meis, et caro de
 carne mea:) quia siue sancti spirituales et fortissimi
 in tentationibus, siue minus perfecti, utriq; unum
 corp⁹ Chri sunt, & una ecclesia. Hæc uocabit ui
 rago, quoniā de uiro sumpta est:) Sic & à Christo
 ecclesiæ nomen datum est Christianū, quia de eius
 latere sumpta est. Hæc igitur omnia facta sunt in fi
 gura, quæ erāt in ecclesia pfutura. Quā ob rē re
 linquet homo patrem suum & matrem, & adhere
 bit uxori suæ, & erūt duo in carne una.) Hoc inter
 pretans Apostolus ait: Hoc autē dico in Christo &
 in ecclesia. Ergo quod per historiam completum
 est in Adā, per prophetiam significatur in Christo,
 qui re

qui reliquit patrem cum dicit: Ego à patre exiui, & ueni in hunc mundum. Reliquit & matrem, id est synagogam ueteri testamento carnaliter inherentem, quæ illi erat mater ex semine Dauid secundum carnem. Et adhæsit uxori suæ, id est ecclesiæ, ut pace noui testamenti essent duo in carne una: quia cum sit dominus apud patrem per quem facti sumus, factus est per carnem particeps noster, ut illius capitis corpus esse possimus. Post hoc uocatur Eua uita & mater uiuorum, quæ de uiri sui latere facta est. Et dicit dominus in Euangelio: Si quis non manducauerit carnem meam & biberit sanguinem meum non habebit in se uitam.

De præceptis dei, & persuasio-
ne serpentis, Cap. IIII.

IAm dehinc præceptum quod accepit figuratim Christus, nos accipimus in illo: quia unusquisque Christianus non incongrue gestat personam CHRISTI, dicente ipso domino: Quæ fecistis uni ex minimis istis, mihi fecistis. Dicitur ergo illi. Ex omni ligno paradisi comedes.) quo significantur spirituales deliciae: fructus autem spiritus, est charitas, gaudium, pax, longanimitas, benignitas, bonitas, mansuetudo, continentia, sicut dicit Apostolus: Et non tangamus lignum in medio paradisi plantatum scientiæ boni & mali: id est non uelimus sup-
bire de natura arbitrii nostri, quæ media est, ut decepti post scientiam experiamur & malum. Serpens autem ille sapientior omnium bestiarum indicat diabolum: qui inde serpens dicitur, quod uolubili uersetur astutia. Sed quid est quod ipse per mulierem decepit & non per uirum? Quia non potest ratio nostra sedu-
b ciad

ISIDORI ENARRATIO,

ci ad peccandum nisi præcedente delectatiōe car-
nali infirmitatis affectu, qui magis debet obtem-
perare rationi, tanquam uiro domināti: Hoc enim
in unoq̃q; homine geritur in occulto quodā secre-
toq; coniugio. Suggestionē quippe serpentē acci-
pim⁹: mulierem uero animalē corporis sensum: ra-
tionem autem uirum. Ergo quando occurrit mala
suggestio, quasi serpens loquitur: sed si sola cogita-
tio oblectetur illius suggestioni, & refrenante rati-
one cōsensus explendi operis nō succedat, sola mu-
lier uidetur comedisse illicitum. Quod si ipsum pec-
catum etiam & mens perpetrandū decernat, iam
uir deceptus est, iam mulier cibum dedisse uiro ui-
detur. Illecebre enim consentire, de ligno prohibi-
to manducare est. Tunc quippe iure à uita beata
tanquam à paradiso expellitur homo, peccatumq; ei
imputatur etiamsi nō subsequatur effectus: q̃a
& si non est in factis culpa, in cōsensione tamē rea
tenetur conscientia. Hec secundum anagogen: ce-
terum iuxta metaphoram poterit callidus serpens
iste hæreticorū uersutiam designare: Nōnulli enim
loquacius atque subtilius promittūt illicita curio-
sitate secretorū ad apertionem atq; sciētiam boni et
mali, & in ipso homine tanquā in arbore quę plan-
tata ē in medio paradisi, eam dinoscentiam demō-
strare. Contra hunc serpentem clamat Apostolus
cum dicit: Metuo ne sicut serpens Euā seduxit astu-
tia sua, sic sensus uestri corrumpātur. Seducitur au-
tem uerbis huius serpentis carnalis uestra concupi-
scentia, & per illam decipitur non Christianus. Di-
cit ergo iste adulierē: Cur præcepit uobis de-
us, ut nō comederetis ex omniligno paradisi?) Sic
¶ hg

IN GENESIM.

& hæreticorū curiosa cupiditas, sic prauī prædicatores ad diligendam erroris fallaciam, auditorum carnalium corda succendunt dicentes: Quare fugitis scientiam habere latētem. Noua semper exquirite: boni malique scientiam penetrare. Vnde apud Salomonem mulier illa hæreticorum speciem tenēs, dicit: Aquæ furtiue dulciores sunt, & panis absconditus suauior. Subiecit deinde idem serpens:

Quacunque die comederitis, statim aperientur oculi uestri, & eritis sicut dii scientes bonum & malū.) Sic omnes generaliter hæretici diuinitatis meritum profitentur, atque scientię pollicitatione decipiunt, & reprehendunt eos, quos simpliciter credentes inueniunt. Et quia omnino carnalia persuadēt, quasi ad carnalium oculorum adaperitiōem conuertantur adducere, ut interior oculus obscuretur.

DE PECCATO primorū hominum siue supplicio. Cap. V.

Vidit igitur mulier quod bonum esset lignū, tulitque de fructu illius & comedit mulier.)

Mulier comedit antea, non uir: ideo quia facilius carnales persuadētur ad peccatum: nec tam uelociter spirituales decipiuntur. Et dedit uiro suo et comedit.) utique quia post delectationē carnalis concupiscentię nostrę, etiā ratio nostra subiicitur ad peccandū. Cūque cognouissent se eē nudos, concosuerūt folia fici: inde se contegūt.) foliis fici se contegunt quæ secundum asperū amplectunt, qui prurigne uoluptatis carnaliter utunt, quique decepti hæretica prauitate, et gratia dei nudati, tegumēta mēdacione tan-

b a q̄ folia



ISIDORI ENARRATIO,

quam folia fici colligunt, faciētes sibi succinctoria prauitatis: cum de domino uel ecclesia mentiūtur.

Cumq; audissent uocē dei ambulantis in paradiso ad auram post meridiē.) Deambulat deus in illis & non stat: qui stabiles in præcepto nō perseverāt. Et bene ad auram post meridiem: quia iā ab eis auferitur lux illa feruentior ueritatis appropinquantibus error & tenebris. Abscondere se à facie dei in medio ligno paradisi.) In medio namq; ligni se abscondunt, qui auersi à præcepto creatoris in erroris atq; arbitrij sui uoluptatibus uiuūt. Vocauitque deus Adam dicens: Vbi es?) Hic ostendit quia si qui à fide uel bonis operibus ad mēdacia sua desideria sp̄labuntur, non despicit illos deus, sed adhuc ut redeant, per pœnitentiā uocat, quia nō uult mortem peccatoris, sed ut conuertatur & uiuat. Ergo non est desperandum quibuslibet peccatoribus, dum & ipsi imp̄ ad sp̄e indulgentiē prouocantur. Dicitur aut̄ post hæc serpēti. Maledictus eris inter omnia animantia: super pectus tuū & uentrē gradieris.) Nomine pectoris significat̄ superbia mētis. Nomine aut̄ uentris significantur desideria carnis. His enim duabus rebus serpit diabolus per eos quos uult decipere, id est, aut terrena cupiditate et luxuria, aut superbix insana ruina. Et terrā manducabis.) id est ad te pertinebunt quos terrena cupiditate deceperis. Omnibus diebus uitæ tuæ.) Id est omni tempore quo agis hanc potestatem ante illam ultimam pœnam iudicij. Inimicitias ponā inter te & mulierem, & semen tuū, & semen illius.) Semen diaboli peruersa suggestio est: semen autē mulieris, fructus est boni operis, quo peruersæ suggestioni

IN GENESIM.

gestionem resistitur. Ipsa caput illius conterit, si cum mens in ipso initio malæ suggestionis excludit. Ille insidiatur calcaneo eius: quia mentem quam prima suggestionem non decepit, decipere in finem cõ-
tendit. Quidam autem hoc quod dictum est, Inimicitias ponam inter te & mulierem. de uirgine in qua dominus natus est, intellexerunt: eo quod illo tempore ex ea dominus nasciturus ad inimicum deuincendum et mortem cuius ille autor erat, destruendam promittebatur: sicut in Dauid scriptum est: De fructu uentris tui ponam super sedem tuam. Nam & illud quod subiunctum est, Ipsa conteret caput tuum, & tu insidiaberis calcaneo eius.) hoc de fructu uentris Mariæ intelligitur, qui est CHRISTVS: id est tu eum supplantabis ut moriatur: Ille autem te uictor resurget. Et caput tuum conteret.) quod est mors: sicut & Dauid dixerat ex persona patris ad filium: Super aspidem & basiliscum ambulabis, & conculcabis leonem & draconem. Aspidem dixit mortem, basiliscum, peccatum: leonem Antichristum, draconem diabolum. De poena autem mulieris quid significat quod ei dicitur,

In dolore paries filios.) nisi quia uoluntas carnalis cum aliquam malam consuetudinem uult uincere, paritur in exordio dolores: atque ita per meliorem consuetudinem parit bonum opus quasi filios. Quod uero adiecit, Et conuersio tua ad uirum tuum, & ipse tui dominabitur.) hoc significat, quod illa uoluntas carnalis quæ cum dolore reluctatur ut faciat consuetudinem bonam, iam ipsis erudita doloribus, cautior fit, et ne corruat obtemperat rationi: & libenter seruit quasi uiro iubenti. Vocaturque dehinc mater uiuorum, id est recte factorum, quibus contraria sunt

ISIDORI ENARRATIO,

peccata, quæ nomine mortuorū significātur. Iam uero per sententiam quæ in uirū infertur, ratio nostra arguitur, quæ & superata peccati concupiscencia seducta est, & à paradiso beatitudinis remota, habet maledictiones terrene opatiōis: habet & dolores tēporaliū curarū quasi spinas & tribulos. Sic tamen dimittitur à paradiso beatitudinis ut operaretur terram, id est ut in corpore isto laboret & collocet sibi meritum redeūdi ad uitam beatam, quæ paradisi nomine significatur: possitq; aliquādo manum porrigere ad arborem uitæ, & uiuere in æternum. Manus autem porrectio, bene significat crucem pœnitentiæ, per quam uita æterna recuperatur. Accepit etiam tunicā pelliceā diuino iudicio, quo nomine corporis mortalitas significatur in historia: in allegoria autē carnalibus sensibus abstractæ uoluptates, quæ carnaliter uiuentem diuina lege consequunt & contegunt. Qui si aliquando ad deum se conuerterit per flammeam frameam, id est per tēporales tribulationes peccata sua cognoscendo & gemēdo: & per cherubin id est plenitudinem scientiæ, quod est charitas, perueniet ad arborem uitæ **CHRISTVM** & uiuet in æternum. Cherubin nanq; plenitudo scientiæ interpretat: framea uero uersatilis posita ad custodiendā uiam ligni uitæ, temporales pœnæ intelligūtur. Nemo enim potest peruenire ad arborem uitæ, nisi per has duas res, tolerantiam uidelicet molestiarum & scientiæ plenitudinem: id est per charitatē dei & proximi: Plenitudo enim legis charitas est.

DE CAIN, ET ABEL

eorumq; progenie. Cap. VI.

Adam

IN GENESIM.

Adam uero cognouit uxorem suā, quę concepit et peperit Cain. Rursumq; peperit fratrem eius Abel.) Natiuitas duorū filiorū Adam, similitudinem habet duorum populorum, q̄ erant diuisis temporibus ad fidē uenturi pari opere, & dissimili charitate ante deum. Fuit autem Abel pastor ouium, & Cain agricola.) Sed sicut Cain ex terrę fructibus reprobatur, Abel autem sacrificium, ex ouibus & eorū adipe suscipitur, ita noui testamenti fides ex innocentie gratia deum laudās, ueteris testamenti terrenis operibus anteponitur.

Dixit deus ad Cain. Si recte offeras, & recte nō diuidas, peccasti uti q;.) quia & si antea Iudę recte illa fecere, in eo tamen infidelitatis rei sunt, quod **CHRISTO** ueniente iam tempus noui testamenti à tempore ueteris testamenti non distinxerunt. Quia si obtemperasset Cain deo dicēti: Quiesce, sub te erit appetitus eius, & tu dominaberis illius.) ad se cōuertisset peccatum suum, sibi hoc tribuēs, & confitens deo: ac sic adiutus per indulgētię gratiam, ipse peccato suo damnaret; non illo sibi dominante seruus peccati, fratrē occideret innocentem. Sic & Iudæi in q̄rū hoc figura gerebatur, si quiescerent à sua perturbatione, & tempus salutis per gratiam in peccatorū remissionē cognoscentes, audirent Ch̄m dicentem: Nō ueni uocare iustos, sed peccatores in p̄niam: tunc ad se cōvertere p̄ctū suum in confessione: sicut in psalmo scriptū est ad medicum dicentes: Ego dixi domine miserere mei: sana animam meā quia peccaui tibi: eidemq; peccato q̄diu esset adhuc in eorum mortali corpore, per spem gratiæ liberi dominarent. Nūc autē igno-



ISIDORI ENARRATIO,

rantes dei iustitiam, & suam uolentes constituere,
 elati de opibus legis, nō humiliati de peccatis suis,
 non quieuerunt, sed offenderunt in lapidem offen-
 sionis, & exarserunt iracundia aduersus Christum,
 cuius opera uidentes deo accepta esse doluerunt.
 Itaq; post hoc occiditur Abel minor natu, à fratre
 maiore natu. Occiditur CHRISTVS caput po-
 puli minoris natu, à populo Iudeorū maiore natu.
 Ille in campo, iste in Caluarig loco. Interrogat deus
 Cain non tanq̃ ignorans eum à quo discat: sed tan-
 quam iudex reum quem puniat, & dicit ubi sit fra-
 ter eius, Respōdet ille nescire se: nec eius se esse cu-
 stodem. Vsq; nūc quid nobis respōdēt Iudæi, cū eos
 dei, hoc est sanctarū scripturarum uoce interroga-
 mus de CHRISTO? Illi nescire se Christū respon-
 dent: fallax em̃ Cai ignoratio, Iudeorū est falsa ne-
 gatio. Essent aut̃ q̃dam mō Chri custodes, si Chriā
 nā fidē accipere & custodire uoluissent. Dixit de-
 us ad Cain. Quid fecisti? uox sanguinis fratris tui A-
 bel clamat ad me de terra.) Sic arguit in scripturis
 sanctis uox diuina Iudæos: Habet enim magnā uo-
 cem CHRISTI sanguis in terra, cum eo accepto
 ab oībus gentibus responderetur amen. Hęc uox cla-
 ra, uox sanguinis: qm̃ sanguis ipse exprimit ex ore
 fidelium, eodē sanguine redemptorū. Dicit deus
 ad Cain. Maledictus eris à terra quę aperuit os suū
 & suscepit sanguinem fratris tui de manu tua.) Ma-
 ledictus est enim populus Iudeorum infidelis à ter-
 ra, id est ab ecclesia quę aperuit os suum in con-
 fessione peccatorū, accipere sanguinē CHRISTI,
 q̃ effusus est in remissionē peccatōū omniū, de manu
 persecutoris nolētis esse sub gratia, sed sub lege, ut
esset

IN GENESIM.

esset ab ecclesia maledictus: id est ut estēderet eū ecclesia maledictum testificante Apostolo: Quicūq; em̃ ex opib⁹ legis sunt, sub maledicto sunt legis.

Cum operatus fueris eam, nō dabit tibi fructus suos.) In ipsa enim terra quam **CHRISTVS** portauit, id est in eius carne ipsi operati sunt salutē nostrā crucifigendo Christiū, qui mortuus est propter delicta nostra: nec tamen dedit eis eadē terra uirtutem suam, qā non iustificati sunt uirtute resurrectiōis eius: qui resurrexit propter iustificatiōem nostram: qui & si crucifixus est ex infirmitate, sed uiuit in uirtute dei. Hęc ē ergo uirtus terræ illius quā non ostendit impijs & incredulis: unde nec resurgens eis à quibus erat crucifixus, apparuit, tanquā Cain operanti terram, ut granum illud seminare.

Vagus & profugus: siue ut in Septuaginta scriptum est, gemens & tremens eris in terra.) Nunc ecce quis non uideat, quis nō agnoscat in totam terram quacunq; dispersus ille populus, quomō sit uagus in gētibus, & profugus ab Ierusalem: q̃modo gemat mœrore amissi regni, & tremat timore sub innumerabilib⁹ populis Chřianis? Ideoq; respōdit Cain dicens. Maior est iniquitas mea, q̃ ut ueniā merear. Ecce eijcis me hodie à facie terre, & à facie tua abscondar, & ero uagus & profugus in terra. Igitur omnis qui inuenerit me, occidet me.) Vere inde uagus & profugus, gemit & tremit, ne regno etiā terreno perduto, ista uisibili morte occidatur. Hanc dicit maiorem causam quam illā, quòd ei terra nostra non dat uirtutē suā, ne spūaliter moriatur. Carnaliter enim sapit, & abscondi à facie domini, id est iratum habere deum, graue non putat, sed hoc ti-

b s me ne



ISIDORI ENARRATIO,

met ne inueniatur, & occidatur. Carnaliter enim sapit tanq̃ operans terram, cuius uirtutem non accipit. Sapere autem secundum carnem, mors est: qđ ille non intelligens, amisso regno gemit, & corporalem mortem tremit. Sed quid ei respondit deus? Nequaq̃ ita fiet, sed oīs qui occiderit Cain, septuplū punietur, siue ut Septuaginta transtulerūt, septem uindictas exoluet, id est auferet, id est non sic quomodo dicis: nō corporali morte interibit genus impium carnalium Iudæorū. Quicūq; eos ita perdidit, septem uindictas exoluet, id est auferet ab eis septem uindictas quibus alligati sunt propter reatū occisi CHRISTI. Hoc toto tempore quod septenario dieꝝ numero uoluitur, magis q̃ non interit gens Iudæa, satis appareat fidelibus Christiāis, sed solam dispersionem meruerint: iuxta quod ait scriptura: Ne occideris eos, ne quando obliuiscantur legis tuę: disperge illos in uirtute tua, & destrue eos.

Posuit deus Cain in signum, ut non eum interficeret omnis qui inuenisset eum.) Hoc reuera mirabile est, quemadmodū omnes gentes quę à Romanis subiugate, sunt in ritum Romanorū sacrorū trāsierint: ea q̃ sacrelegia obseruanda & celebranda suscepert: gens autem Iudæa, siue sub paganis regibus, siue sub Christianis, nō amisit signum legis & circuncisionis suę, quo à cæteris gētibus populisq̃ distinguit: sed et omnis imperator uel rex q̃ eos in regno suo inuenit, cum ipso signo eos inuenit nec occidit. Exijt ergo à facie domini, & habitauit in terra Nait.) quod dicitur interpretatum cōmotio siue instabilis & fluctuans, & sedis incertæ. Contra quod malū deus rogatur in psalmo: Ne dederis in motum

IN GENESIM.

motum pedes meos, & manus pectorum non moueant me. Nunc uero Iudæi & omnes qui diuersis erroribus contumaces fiunt resistendo ueritati, exeunt à facie dei, id est à misericordia dilectionis uel participatione lucis eius, & habitant profugi in terra commotionis, id est in perturbatione carnali contra iocunditatem dei, hoc est contra Eden, quod interpretatur epulatio: ubi est plantatus paradysus. Cognouit autem Cain uxorem suam, & concepit & peperit Enoch: & edificauit Cain ciuitatem.) Quid ergo sibi per figuram uult quod impiorum progenies ciuitatem in ipsa mundi origine construxit, nisi quod noueris impios in hac uita esse fundatos: sanctos uero hospites esse & peregrinos? Vnde & Abel peregrinus in terris, populus Christianus non condidit ciuitatem. Superna est enim sanctorum ciuitas: quamuis hic pariat ciues in quibus peregrinat, donec regni eius tempus adueniat. Aedificauit autem ex nomine filij sui Enoch.) Iste filius in cuius nomine condita est, Enoch, id est terrestris Ierusalem, que interpretatur possessio, significat istam ciuitatem & initium & finem habere terrenum, ubi nihil plusquam cernit spectat. Porro Enoch genuit Irad, & Irad genuit Mauiel, & Mauiel genuit Matusaël, & Matusaël genuit Lamech: qui accepit duas uxores, nomen unum Ada, & nomen secundum Sella.) Notandum autem quod in progenie Seth nulla ibi progenita foemina nominatim exprimitur, nisi tamen in progenie Cain foemina commemoratur, quod significat terrenam ciuitatem usque sui in finem carnales habituram generationes, quam maritorum & foeminarum coniunctione proueniunt. Dixit quoque Lamech uxoribus suis: Audite uerba mea, & audite

se semper



ISIDORI ENARRATIO,

te sermonem meum: quoniam occidi uirum in uulnus & adolescentulum in liuorem meum, Septies uindicabitur de Cain: de Lamech autē septuagies septies.) Iam alibi secundū historiam dictum ē, eo quòd ab Adā usq; ad CHRISTVM septuaginta & septē generatiōes inueniantur: in quibus peccatum Lamech, id est totius mundi sanguinis Christi effusione solutum est. Siquidem & in populo Iudeorū propter interfectionem Christi, septuaginta & septē uindictę sunt statutę, iuxta illud EVANGELIUM in quo dictum est Petro apostolo: Non solum septies, sed usq; septuagies septies si poenituerit, fratri remittendum: id est Iudæum reuertentē post septuaginta & septem uindictas statutas, recipiendū ad indulgētiā Christi. Cognouit quoq; adhuc Adam uxorem suam, & peperit filiū: uocauitq; nomen eius Seth: sed & Seth natus est filius, quem uocauit Enos.) Seth quippe interpretatur resurrectio qui est Christus: Et Enos filius ei⁹ interpretatur homo. Qui coepit inuocare nomen domini.) Quid hoc intelligitur, nisi qd in cōfessione uiuit omnis homo q est filius resurrectionis, qdiu peregrinatur in terris? Itē ex duobus illis hominibus, Abel quod interpretatur luctus, & eius fratre Seth, quod interpretat resurrectio, mors Christi et uita eius ex mortuis figuratur. Ergo ut breuius dicam, Abel luctus: Seth resurrectio: Enos homo: quia post luctū resurrectio, de resurrectione homo inuocans deū Itē Enos genuit Cainan. Cainan autē genuit Malalehel Malalehel autem genuit Iareth. Iareth autē genuit Enoch.) Hic autē Enoch septimus ab Adam qui placuit deo & trāslat⁹ est, septimā requiem significat, ad quam

IN GENESIM.

ad quam transfertur omnis qui tanq̃ sexta die formatus, id est sexta ætate seculi per CHRISTI aduentum formatur. Transactis enim septem milib⁹ annis, facto etiam iudicio, & renouatis cœlo ac terra, transferentur sancti in uitam perpetuæ immortalitatis. Quod aut per Seth ab Adam usq̃ ad Noë denarius numerus insinuatur, completum mandatorum in ecclesiæ operibus figuratur. Cui numero si adiunguntur tres filij Noë medio reprobato, duodenarius consummat, qui in patriarcharum & apostolorum numero insignis habetur, propter septenarij partes, altera per alteram multiplicatas. Namq̃ ter quaterni uel quater terni ipsum faciunt. Quod uero progenies ex Adam per Cain undenario numero finitur, transgressio mandatorum siue peccatum ostenditur. Nam dum Lamech septimus ab Adam reperiatur scriptus, adduntur ei tres filij & una filia, ut undenarius numerus compleatur: per quod demonstretur peccatum. Nam & ipse numerus a foemina clauditur, a quo sexu initium peccati commissum est: per quod omnes morimur: scilicet ut uoluptas carnis quæ spiritui restiterat, sequeretur. Vnde & ipsa filia Lamech Noëmma, id est uoluptas interpretatur. Nam quod Mathusale secundum Septuaginta ultra diluuium numeratur anni, ut quoniam solus est Christus, cuius uita nullam sentit ætatē, nisi maioribus quoq̃ illis non sensisse diluuium uideretur.

DE ARCA siue de diluuiio mundi, Cap. VII.

NOë autem per omnia omnesq̃ actus eius Christum significat. Noë enim requies interpretatur. Et domin⁹ dicit: Discite à me quia mitissimum



ISIDORI ENARRATIO,

eis sum & humilis corde, & inuenietis requiem ani-
 mabus uestris. Solus iustus inuenitur Noë in illa gē-
 te, cui septem homines donatur propter iustitiam
 suam. Solus iustus est CHRISTVS atq; perfectus,
 cui septem ecclesiæ propter septemplitem spūm il-
 luminatē in unā ecclesiā condonatur. Noe p aquā
 & lignū liberatur. Lignum quippe & aqua crucem
 designāt & baptisma. Sicut enim ille cū suis p aquā
 & lignum saluat, sic familia Christi per baptismū
 & crucis passionem signatur uel sanatur. Arcam in-
 struxit Noe de lignis nō putrescētibus: ecclesia cō-
 struitur à CHRISTO ex hominibus in sempiter-
 num uiēturis: Arca enim ista ecclesiam demonstra-
 bat, quæ natat in fluctibus huius mundi. Quod au-
 tem eadē arca de lignis quadratis fieri iubetur, un-
 dique stabilem uitam sanctorū significat, ad omne
 opus bonum paratā. Quacūq; enim uerteris qua-
 dratum, firmiter stabit. Quod bitumine glutinan-
 tur arcę ligna intrinsecus & extrinsecus, ut in cōpa-
 ge uirtutis significetur tolerantia charitatis, ne scā-
 dalis ecclesiā tentantibus siue ab his qui intus sunt,
 siue ab his qui foris sunt, cedat fraterna iūctura, &
 soluatur uinculum pacis. Est enim bitumen seruē-
 tissimum & uiolentissimum gluten, significans di-
 lectiōis ardorem in magna fortitudinis, ad tenen-
 dam societatem spiritualement omnia tolerātē. Quod
 arca trecentis cubitis longa est, ut sexies quinquā-
 ginta cōpleatur: sic sex ætatibus omne huius secu-
 li tempus extēditur, in quibus omnibus Christus
 nunq̃ destitit prædicari. In quinta per prophetiam
 prænuntiatur: in sexta per euāgelium diffamatur.
 Potest quidem & in his trecentis cubitis signum li-
 gni pas-

IN GENESIM.

gni passionis ostēdi: Ipsius enim literæ **T** numerus crucis demonstrat signū: per quod socij Christi passionis effecti per baptismum, longitudinē uite eternæ adipiscimur. Quod uero cubitis quinquaginta latitudo eius expanditur, sicut dicit Apostolus: Cor nostrum dilatatum est: unde nisi charitate spirituali? Propter quod ipse iterū dicit: Charitas dei diffusa est in cordib⁹ nostris, per spiritum sanctum qui datus est nobis. Quinquagesimo enim die post resurrectionem suam **CHRISTVS** spiritum sanctum misit, quo corda credētium dilatauit. Quod autem eius altitudo triginta cubitis surgit, quē numerum decies habet in trecentis cubitis longitudo, quia Christus est altitudo nostra, qui triginta annorum ætatem gerens, doctrinam euangelicam consecrauit: contestans legem non se uenisse soluere, sed ad implere. Legis autē cor in decem præceptis agnoscitur, unde decies tricenis cubitis arcæ longitudo perficitur. Vnde & ipse Noe ab Adam decimus cōputatur. Quod sexies longa ad latitudinem, & decies longa ad altitudinem suam, humani corporis instar ostendit, in quo Christus apparuit. Corporis enim longitudo à uertice usq; ad uestigia sexies tantum habet q̃ latitudo quę ē ab uno latere ad alterū latus, & decies tantum q̃ altitudo, cuius altitudinis mensura est in latere à dorso ad uentrem, uelut si iacentem hominem metiaris supinum seu primum, sexies tm̃ longus ē à capite usq; ad pedes, q̃ latus à dextra in sinistrā, uel a sinistra in dextrā, & decies q̃ altus à terra. Vñ facta est arca trecentorum in lōgitudine cubitorū, & quinquaginta in latitudine, & triginta in altitudine. Itē qđ eadē arca collecta in unū cubitu



ISIDORI ENARRATIO,

cubitum desup cōsummat: sic ecclesia corpus Christi in unitate collecta sublimat & perficitur: Vnde dicitur in Euangelio: Qui mecū non colligit, spargit. Quod autem aditus ei sit à latere: nemo quippe intrat in ecclesiā nisi p sacramētū remissionis pētōrum, quod de Christi latere apto manauit. Quod inferiora arcæ bicamerata & tricamerata construuntur, sic ex omnibus gentibus uel bipartitam multitudinem cōgregat ecclesia, propter circuncisionē & præputium: uel tripartitam propter tres filios Noë quorū progenie repletus est orbis. Et ideo arce inferiora ista dicta sunt: quia ī hac terrena uita, est diuersitas gētium. In summo autē omneis in uno consummant, & nō est ista uarietas: quia omnia & in omnibus CHRISTVS est, tanq̃ nos uno cubito, desuper cōlesti unitate consummans. Quod cūcta animalīū genera includūtur in arca, significat quia ex omnibus gentibus & nationibus congregatio sit in ecclesia: quod etiam Petro demonstratus discus ille significat. Quod munda & immunda ibi sunt aīalia, sicut in ecclīe sacramētis et boni & mali uersantur. Quod septēa sunt mūda, & bina immunda, nō quia pauciores sunt mali q̃ boni, sed quia boni seruant unitatem spiritus in uinculo pacis. Secundum autē spiritum diuina scriptura in septiformi opatione cōmendať, sapientiæ & intellect⁹, consili⁹ & fortitudinis, scientiæ & pietatis, & timoris dei. Vnde & ille numer⁹ quinquaginta dieꝝ ad aduentū sancti spiritus pertinens, in septem septenis qui fiunt quadraginta nouem uno addito, consummatur: Propter quod dictum est: Studentes seruare unitatem spūs, in uinculo pacis, Mali autem in bina

IN GENESIM.

n binario numero ad schismata faciles, & quodāmodo diuisibiles ostenduntur. Quod ipse Noë cum suis octauus numeratur, quia CHRISTO spes resurrectionis nostræ apparuit, qui octauo die, id est post sabbati septimum, resurrexit primus à mortuis: qui dies à passione tertius, in numero autem dierum qui per omne tempus uoluūtur, & octauus & primus est. Quod post septem dies ex quo ingressus est Noë in arcam, factum est diluuiū, quia in spē futurę quietis, quę septimo die significata est, baptizatur. Quod præter arcam omnis caro quam terra sustentabat diluuiο consumpta est, quia præter ecclesię societatem aqua baptismi quāuis eadem sit, non solum non ualet ad salutem, sed ualet poti⁹ ad perniciē. Quod quadraginta diebus & quadraginta noctibus pluit, quia omnis reatus peccatorū in decē præceptis legis admittitur p̄ uniuersum orbem terrarum, qui quatuor partibus cōtinetur. Decem quippe quater ducta, quadraginta fiunt, siue ille reatus quod ad dies pertinet ex reꝝ prosperitate, siue quod ad noctes ex rerum aduersitate cōtractus sit, sacramento baptismi cōlestis abluitur.

Quod Noë quingētorum erat annorum cum ei locutus est dominus ut arcam sibi faceret, & sexcentos habebat annos cum in ea fuisset ingressus, unde intelligitur p̄ centū annos arca fabricata: Quid aliud hic uidentur centum anni significare, nisi etates singulas seculi? Vnde ista sexta ætas quę cōpletis quingentis usq̄ ad sexcentos, significat in manifestatione euangelica ecclesiam construī. Et ideo qui sibi ad uitam cōsulit, sic, uelut quadratū lignū paratus sit ad omne opus bonum, ut intret in fabri-

c cam san



ISIDORI ENARRATIO,

cam sanctam: quia & secundus mensis anni sexcē
tesimi quo intrat Noe in arcam, eandem senariam
gratem significat. Duo em̄ menses sexagenario nu-
mero cōcludunt. A' senario aut̄ nūero & sexaginta
cognominant, & sexcenti, & sex milia, & sexaginta
milia, & sexcentena milia, & sexcenties, & quicqd
deinceps in maioribus summis per eundem articu-
lum numeris in infinita incremēta cōsurgit. Et qđ
uicesimus & septimus dies mensis cōmemoratur,
ad eiusdem quadraturæ significantiā pertinet quę
iam in quadratis lignis exposita est: Sed hic euidē-
tius: quia nos ad omne op⁹ bonū paratos, id est qđ
dāmodo cōquadratos trinitas pficiet: in memoria
qua deū recolimus: in intelligentia qua cognosci-
mus: in uolūtate qua diligim⁹. Tria em̄ & te r octo,
fiunt uiginti septem: qui ē numeri ternarij quadra-
tus. Quod septimo mēse arca sedit, hoc est requi-
euit, ad illam septimam requiem significatio recur-
rit: & quia perfecti requiescūt, ibi quoq; illius qua-
draturæ numerus iteratur. Nam uicesima septima
die secundi mēsis cōmendatū est hoc sacramentū:
& rursus uicesima & septima die septimi mēsis ea-
dem confirmata est commēdatio, cum arca requi-
euit. Quod em̄ promittitur in spe, hoc exhibetur in
re. Porro qđ ipsa septima requies cum octaua resur-
rectione coniungitur: ne qđ enim reddito corpore fi-
nitur requies quę post hāc uitam excipit sanctos,
sed potius totum hominem non adhuc spe, sed iam
re ipsa omni ex parte spūs & corporis pfecta, et im-
mortali salute renouatū, in eterne uite munus assu-
mit. Quod ergo septima reges cū octaua resurrecti-
one coniungitur: & hoc in sacramentum regenerati-
onis no

IN GENESIM.

onis nostrę, id est in baptismo altum profundumq;
 mysterium est. Quod quindecim cubitis supercre-
 uit aqua excedens altitudinem montiũ: Octo itaq;
 & septẽ quindecim faciunt: sed octo signant resur-
 rectionem, septem quietem. Hoc igitur sacramentũ
 resurrectionis & quietis transcendit omnẽ sapienti-
 am superbore: ita ut nulla possit indagare scientiæ
 suæ altitudine, resurrectionis quietem. Et quia se-
 ptuaginta à septem, & octoginta ab octo dinume-
 rantur, coniucto utroq; numero centũ quinqu-
 aginta diebus exaltata est aqua, eandem commen-
 dans nobis atq; confirmans altitudinem baptismi,
 in consecrando nouo homine, ad tenendam quie-
 tis & resurrectionis fidem. Quòd post dies quadra-
 ginta emissus coruus non est reuersus, aut utiq; in-
 tercept⁹, aut aliquo super natãti cadauere illectus,
 significat homines immũditiæ cupiditatis deterri-
 mos, & ob hoc ad ea quæ foris sunt in hoc mundo
 intentos, aut rebaptizari, aut ab his qui præter arcã
 sunt, id est præter ecclesiam, quos baptismus occi-
 dit, seduci & teneri. Quòd columba emissa non in-
 uenta requiẽ reuersa est, oñdit per nouum testamẽ-
 tum requiẽ sanctis in hoc mundo non esse promi-
 sam. Post quadraginta enim dies emissa est: qui nu-
 merus uitam quæ in hoc mundo agitur significat.
 Deniq; post septẽ dies dimissa, propter illam septe-
 nariam operationem spũalem, oliuæ fructuosum
 furculum retulit: quo significaret nonnullos etiam
 extra ecclesiam baptizatos, si eis pinguedo nõ de-
 fuerit charitatis, posteriore tempore in ore colum-
 bæ tanq̃ in osculo pacis, ad unitatis societate posse
 perducì. Quòd post alios septem dies dimissa, non

b 2 est re



ISIDORI ENARRATIO,

est reuerſa, ſignificat finē ſeculi, quando erit ſancto-
rum requies, non adhuc in ſacramento ſpes quo in
hoc tempore conſociatur q̄diu uiuit, q̄d de C H R I
S T I latere manauit, ſed iam in ipſa perfectione ſa-
lutis æternæ, cū tradetur regnū deo & patri: ut in il-
la perſpicua contemplatione incōmutabilis uerita-
tis nullis myſteris corporalibus egeamus. Cur ſex
centefimo & uno anno uitæ Noe, id ē pactis ſexcē-
tis annis aperitur tectum arce? finita quippe ſexta
ætate ſeculi, reuelabitur abſconditum ſacramentū
atq; promiſſum. Cur uiceſimo & ſeptimo die ſecū-
di menſis dicitur ſiccāſſe terra? tanq̄ finita eſſet iā
baptizandi neceſſitas in numero dieꝝ quinquage-
ſimo & ſeptimo: Ipſe eſt enim dies ſecundi menſis
uiceſimus ſeptimus: qui numerus ex illa cōiunctio-
ne ſpiritus & corporis, ſepties octonos hebet uno
addito propter unitatis uinculum. Cur de arca con-
iuncti exeant qui diſiuncti intrauerūt: ſic em̄ dictū
erat q̄ intrauerint in arcam Noē & filij eius, uxor
eius, uxores filiorū eius, & ſeorſum uiri, ſeorſum fœ-
minæ cōmemoratæ ſunt, niſi quod in hoc tempore
caro cōcupiſcit aduerſus ſpūm, & ſpūs aduerſus
carnem? Poſtmodum autem exeunt Noe, & uxor
eius, & filij eius & uxores filioꝝ eius, hoc eſt coniū-
cti maſculi & fœming: Quod in fine ſeculi atq; reſur-
rectione iuſtoꝝ, omnimoda & perfecta pace ſpiri-
tui corpus adhærebit, nulla mutabilitatis indigen-
tia uel concupiſceutia reſiſtente. Quod dantur eis
in eſcā cuncta animalia: ſicut in illo diſco Petro di-
citur: macta & manduca. Quod deiecto ſanguine
iubentur māducare, ne uita priſtina quaſi ſuffoca-
ta in conſcientia teneatur, ſed habeant tanq̄ effuſi
onem

IN GENESIM.

onem per confessiōem. Quòd uero testamentū po-
suit deus inter se & homines, atq; omnem aīam ui-
uam, ne pdat eam diluuiο, arcū scilicet qui apparet
in nubibus, qui nunq̃ nisi de sole resplēdet Illi enim
non pereunt diluuiο, qui in perfectis omnibus di-
uinis scripturis, tanquā in dei nubibus cognoscunt
CHRISTVM.

DE NOE ET BENEDICTIO nibus eius in filios. Cap. VIII.

IAm uero illud quòd post diluuiū de uinea quā
plantauit, inebriatus est Noë, & nudatus est in
domo sua, cui non appareat CHRIST esse fi-
guram, qui inebriatus est dum passus est, nudatus
est dū crucifixus est: in domo sua, id est in gente sua
& in domesticis sanguinis sui, utiq; Iudæis? Tunc e-
nim nudata est mortalitas carnis eius. Quam nudi-
tatem id est passionem CHRIST uidens Cham,
derisit: & Iudæi Christi mortem uidētes, subsanna-
uerunt. Sem uero & Iaphet tanq̃ duo populi ex cir-
cuncisione & præputio credentes, cognita nudita-
te patris qua significabat passio saluatoris, sumen-
tes uestimentum, posuerunt super dorsa sua, & in-
trantes, auersi operuerūt nuditatem patris: nec ui-
derunt quando uerenda texerūt: Quodam em̃ mo-
do passiōem Christi uelamento tegimus, id est sa-
cramento honoramus: eiusq; mysteriū rōnem red-
dentes, Iudæorū detractionem operimus. Vestimē-
tum enim significat sacramentum: dorsa memori-
am præteritorū: quia passiōem CHRISTI transa-
ctam, celebrat ecclesia: non adhuc prospectat futu-
ram. Medius aut̃ frater Cham, id est impius popu-



ISIDORI ENARRATIO,

lus Iudeorū, ideo medius, quia nec primatū Aposto-
 lorum tenuit, nec ultimus in gentibus credidit, ui-
 dit nuditatem patris, quia cōsensit in necem domi-
 ni saluatoris. Post hæc nuntiavit foras fratribus : p-
 eū quippe manifestatū est, quod erat in prophetia
 secretum: Ideoq; fit seruus fratrum suorum : Quid
 est enim aliud hodie gens ipsa, nisi quædam scrini-
 aria Christianorū, baiulans legem & prophetas ad
 testimonium assertiōis ecclesiæ: ut nos honorem⁹
 per sacramentū, quod nunciant illi per literā? Post
 hæc benedicuntur duo illi, qui nuditatem patris ho-
 norauerūt. Bñdictus, inquit, dominus deus Sem:
 sit Chanaan puer illius. Dilatet deus Iaphet: & ha-
 biter in tabernaculis Sē.) Hic Sēm maior natus, ipse
 est ex quo patres & prophetæ & apostoli genera-
 ti sunt: Iaphet autē gentium est pater, qui etiam la-
 titudo interpretatur: Cū ingenti enim multitudine
 dilatatus est populus ex gentibus, qui cū prophe-
 tis & apostolis erat habitaturus. Siquidem & uidi-
 mus iuxta Noe patris propheticam benedictionē,
 in tabernaculo Sēm transisse habitatiōem Iaphet:
 hoc est in domo legis & prophetarū ecclesiā poti⁹
 iustificari: minorem quidem temporū quo, sed gra-
 tia & lege maiorem. Chā porro qui interpretatur
 callid⁹, id em medius filius tanquā ab utroq; discre-
 tus, nec in primitiis Israëlitarū, nec i plenitudine gē-
 tium permanens, significat non solum Iudeorum,
 sed hæreticorum genus callidum, non spiritu sapiē-
 tiæ, sed impatientiæ, quo solent hæreticorū feruere
 primordia, & pacē turbare sanctorū: sed & omneis
 qui Christiāno uocabulo gloriātur & perditæ uiuūt,
 ipsius figuram gestare uidentur, Passionem quip-
 pe Chri

IN GENESIM.

pe CRISTI quæ per illius hominis nuditatem significata est, & annuntiant bene profitendo, & male agendo exhonorât. De talibus ergo dictum est: Ex fructibus eorû cognoscetis eos. Ideo & Cham in filio suo maledictus est, tanq̃ in fructu suo, id est in opere suo. Vnde conueniënter & ipse filius eius Chanaan, interpretat̃ motus eorû. Quid aliud qd̃ est, q̃ opus eorum? Item quod Cham peccâte, posteritas eius damnatur, significat q̃ reprobi hic quidem delinquunt, sed in posterum id est in futurû, sententiã damnationis excipiunt. Sed & plebs Iudaica quæ dominum crucifixit, etiam in filiis poenam damnationis suæ transmisit: Dixerunt enim: Sanguis eius super nos, & super filios nostros. Benedictis ergo duobus filiis Noe, atq; uno eorum medio maledicto, deinceps generationes eorû texuntur, ex quibus septuaginta duę gentes sunt ortę, id est quindecim de Iaphet: triginta de Cham: uiginti septem de Sem.

DE NEBROTH GIGANTE ET confusione linguarum. Cap. IX.

Primus post diluuiũ inter homines Nebroth filius Chus, noua imperij cupiditate tyranni dē arripuit: regnauitq; in Babylonia quæ ab eo quod ibidem confusæ sunt linguæ, Babel appellata est, quod interpretatur confusio, cuius ædificandæ turris, idem Nebroth extitit autor, quiq; pro eo quod ultra naturam suam cœli alta penetrare contendit, non incongrue diabolo comparatur: qui cogitatione cordis sui intumescens, super sydera exaltare se uoluit: id est super oẽm potestatem angelorum deo



ISIDORI ENARRATIO,

rum deo se coæquare disponens, dum dicit: Ascendam super altitudinem nubium, & ero similis altissimo. Quod autē dicitur uenator, quid significatur hoc nomine, nisi animarū terrigenarū deceptor, & accipiens homines ad mortem? Turris eius, superbia huius mundi est, uel impia dogmata hæreticorum, qui postq̃ orti sunt, ab oriēte id est à uero lumine recesserunt. Et uenerunt in cāpum Sennaar.) qui interpretatur excussio dentium. Statim aduersus deum impietatis suæ ædificant turrem, ac dogmatum superbiam hefariorum ausu confingūt: uolentes curiositate non licita, ipsius cœli alta penetrare. Sed sicut illi per superbiam ab una lingua in multis diuisi sunt, ita & hæretici ab unita fidei confessione segregati, inter se diuersitate erroris, quasi per dissonantiam linguarū, inuicem discernuntur. Et quos armauit aduersus deum elatæ conspiratiōis pernicioſa confessio, rursus intercidente dogmatū discordia, diuidit oborta repente confusio. Quos quidem ipsa trinitas damnat inquā offendunt: ipsa eos dispigit dum dicit. Venite & cōfundamus linguas eorum.) In uarietate utiq; erroris siue schismatum. Eo autem tempore quādo linguarū facta est uarietas, in sola domo Heber quæ antea fuit lingua, remāsit. Nunc quoq; in sola ecclesia, quæ est domus CHRISTI, unitatem esse confessionis & fidei pacem, diuisis omnibus re, p̃bis atq; hæreticis, manifeste cōstat.

DE EGRESSV ABRAHÆ à Chaldæis. Cap. X.

Deinde de actibus Abrahæ, uel de his quæ illi repromiserit deus exponendum: Loquit̃
em̃

IN GENESIM.

enim eidomin⁹. Egrede de terra tua & de cognatione tua, & de domo patris tui.) Quis autem alius exiit in Abraham de terra sua & de cognatione sua, ut apud exteros locupletaret^r, & esset in gentem magnam nisi CHRISTVS, qui relicta terra & cognatione Iudæor^{um}, prepollet nūc, ut uidemus, in populis gentium? Sed & nobis ad exemplū Christi exeundum est de terra nostra, id est de facultatibus mundi huius opibusq^{ue} terrenis, & de cognatione nostra, id est de conuersatione & moribus, uitijsq^{ue} prioribus, quæ nobis à nostra natiuitate coherentia, uelut affinitate quadam & consanguinitate coniuncta sunt: siue de domo patris nostri, id est omnium memoria mundi, ut ei renuntiantes, possimus in populo dei dilata^{ti}: & in terram cœlestis re promissionis cū tempus aduenerit, introduci. Duæ autē repromissiones Abraham dantur: una per quā, terrā Chanaan possessurū semen eius promittitur, dum dicit deus: Vade in terram quā demonstra- uero tibi: faciamq^{ue} te in gentem magnam.) Aliam uero longe præstantiorem, non de carnali sed spū- ali semine, per quod pater est non unius gentis Isra- ëliticæ, sed omniū gentium quæ fidei eius uestigia consequuntur: quod promitti cœpit his uerbis: Et benedicentē in te uniuersæ cognationes terræ. Egres- sus autē Abraham de terra, uenit ad Sichem: acce- ptoq^{ue} secundo oraculo de promissione terræ, ibi ipse edificauit altare: & profectus inde, habitauit in eremo: Inde famis inopia pulsus, descēdit in Aegy- ptum, ubi uxorem suā dixit esse sororem, nec men- titus: quia propinqua erat sanguine: quam tamen Pharaō rex Aegypti uxorem uolens accipere, gra-

C S

uissimis



ISIDORI ENARRATIO,

uissimis territus monstris, multisq; propter eā malis afflicto, ubi eius esse diuinitus uxorem didicit, confestim illāsam cum honore restituit. Hoc itaq; cum de Abimelech dicere cōperim⁹, exponemus.

Reuersus ergo Abraham ex Aegypto unde uenerat, tunc Loth fratris filius, in terram Sodomorū salua charitate discessit, uitans discordiam: quia diuites facti erant, & pastores eorū inuicem rixabantur. Permanfit autem Abraham in terra Chanaan: habitauitq; iuxta quercum Mambrae.

DE VICTORIA ABRAHAE, & de Melchisedech. Cap. XI.

DEinde à quinque regibus q Sodomis irruerāt, captum Loth liberat, habens secum in praelio trecētos decem & octo uernaculos. Sed quid hęc uictoria Abraham de quinque regibus indicabat, quos ille fidei pater mysterio superauit, nisi quòd fides nostra si confirmata sit in spū principali, totidem corporis nostri sensus uerbo dei subigit? Nam sicut ille de proximo in regibus uictor, ita & fides pro anima uictrix de exteriori homine triumphabit. Quòd uero ille non in multitudine, nec uirtute legionum, sed tātum trecētis decem & octo comitantibus, aduersarios principes debellauit, in tunc in sacramento crucis, cuius figura per T literā Græcā numero trecētorū exprimitur, imaginabatur, quòd nos CHRISTI passio liberaret à dominatu quinque carnalium sensuū: qui nos antea uarijs uitij captiuantes exuperauerunt. Reuertēti igitur à cæde hostium Abraham, occurrit ei mox Melchisedech rex Salem sacerdos dei, in enarrabili parate pro

IN GENESIM.

te progenitus : benedixitq; Abraham offerēs panē & uini in sacrificiū deo.) Hunc Melchisedech Apostol⁹ sine patre & sine matre cōmemorās figurali-
ter refert ad CHRISTVM. Ipse enim est solus de patre sine matre genitus per diuinitatē: ipse de matre sine patre per humanitatē: Ipse quoq; sacerdos æternus, ad quem dicitur: Tu es sacerdos in æternū secundum ordinem Melchisedech: utiq; propter mysterium sacramenti, quod Christiāis celebrare præcepit: ut non secundum Aaron pecudum uictimas, sed oblationem panis & uini, id est corporis & sanguinis eius sacramētum in sacrificium offeramus. Quod uero patriarcha magn⁹ decimas oēs substantiæ suæ Melchisedech sacerdoti post benedictionē dedit, sciens spūaliter melius sacerdotium futurū in populo gentium q̃ Leuiticū quod in Israel de ipso erat nasciturū: futurumq; ut sacerdotium ecclesiæ habentis præputium, benediceret in Abraham circumciso sacerdotium synagogæ: Qui enim benedicit, maior est q̃ qui benedicitur. Vnde & sacerdotes ex semine Abrahæ nati fratres quos benedicebant, id est populū Israël quibus illi decimas secundū legis mandatum dabāt: uere ut maioribus & eminentioribus suis. Nomen autem ipsum Melchisedech, rex pacis, uel rex iustitiæ interpretatur: quod bene refertur ad CHRISTVM. Ipse est etē rex pacis: quia per ipsum reconciliamur deo. Ipse est rex iustitiæ: quia ipse ueniet ut discernat sanctos ab impijs. Idem quoq; unus sacerdos & rex: qui ad redemptionem omnium, hostiam deo patri seipsum obtulit, & uerus rex in præsentī seculo, populum suum regit, & in futuro iudicabit.

De sacri



ISIDORI ENARRATIO,
DE SACRIFICIO ABRAHAE,
& promissione dei. Cap. XII.

Post hanc uictoriam factum est uerbum domini ad Abraham in uisu dum esset de posteritate sollicitus, & sibi uideret non nasci filium: & tamen se mini suo factam promissionem teneret. Statim fit illi duplex figura promissi seminis eius: id est in similitudinē harenę maris, uel in multitudinē stellarum cœli. Eijciens ergo Abraham deus foras, ostendit illi stellas cœli dicens: Sic faciam semen tuum.) Id est Christianam gentē cuius tu pater in fide subsistis, sic faciam resurrectiōis lumine coruscare. Deinde demonstrauit illi harenā maris, & dixit: Sic erit in multitudine semē tuum.) Hoc est, erit quidē copiosa gens Iudæorū: sed sterilis & infœcūda sicut harena manebit. Post hæc cum repromitteret ei deus, quod esset & possessor repromissionis futurus, signum petit per quod agnosceret: non quasi dubitans an fieret, sed quomō futurum esset exquirēs. Cui dominus hanc similitudinem proposuit. Summe, inquit, mihi uaccam triennem, & caprā trimā, & arietem annorū triū, turturem & columbā. Tollens igitur Abraham uniuersa hæc, diuisit ea per medium, & utraq; partes contra se altrinsecus posuit: aues autē non diuisit. Descenderūtq; uolucres super cadauera, & abigebat eas Abraham. Cumq; occubisset sol, pauor irruit super Abraham, & horror magnus & tenebrosus inuasit eū: apparuitq; ei clibanus fumās, & ignis transiēs inter media illa quæ diuisa erant, dictumq; est ei: Cognoscēdo scies, quia peregrinum erit semen tuum in terra nō sua, & seruiet & affligetur: &c.) Statutus est itaq; modus promissi

IN GENESIM.

missi seminis Abrahæ: & ista est figura: Per iuuen-
cam enim significata ē plebs posita sub iugo legis:
per capram eadem plebs peccatrix futura: per ari-
etem eadē plebs etiam regnatura. Quæ animalia
ideo tria dicuntur, quia per articulos temporum
ab Adam usq; ad Noë, & inde usq; ad Abraham, &
inde usq; ad Dauid, tanq̃ tertiam ætatem gerens, il-
le populus adoleuit. Per turturem & columbā, spi-
rituales in eo populi figurati sunt: individui filij pro-
missionis, & hæredes regni futuri: quorū ætas tem-
poralis ideo tacetur, quia æterna meditantes, trans-
gressi sunt desideria temporalia. Sed quid est q̃ ani-
malia illa tria diuiduntur, aduersus se inuicem par-
tibus constitutis: nisi q̃ carnales & in populo uete-
ri, & nūc inter se diuiduntur? Porro aues iccirco nō
diuiduntur, quia spirituales individui sunt: schisma
non cogitant, nec seducuntur ab hæreticis, sed pax
est semper in ipsis, siue à turbis se remoueant ut tur-
tur, siue inter illas conuersentur sicut colūba, utra-
q; tamen auis & simplicitatem habet, & innocentia-
m. Volucres autē descendentes sup̃ corpora quæ di-
uisa erant, spūs immūdi significantur, pastum quē
dam suum de carnalium diuisione quærentes. Quod
autem illis confidentibus, Abraham abigebat eas,
significat multos carnales merito sanctoꝝ in fine
mundi ab angustis liberandos. Quod autē circa so-
lis occasum pavor irruit in Abrahā, horror magn⁹
& tenebrosus, significat circa huius seculi finē ma-
gnam perturbatiōem ab Antichrō in sanctis futu-
ram, de qua domin⁹ in EVANGELIO dicit: Erit
em̃ tunc tribulatio magna, qualis nō fuit ab initio.
Quod uero adiungitur,) Cum occubuisset sol, fa-
cta est



ISIDORI ENARRATIO,

Et est caligo tenebrosa, & apparuit ei clibanus fumigans, & lampas ignis transiens inter media illa quæ diuisa erant.) significat post finem seculi futurum diem iudicii, quando per ignem segregabuntur sanctorum populi & iniquorum. Quod uero dictum est ad Abraham, Sciēdo scies quia peregrinum erit semen tuum in terra non propria, & in seruitutem redigent eos, & affligent eos quadringentis annis.) hoc de populo Israël qui erat in Aegypto seruiturus, apertissime prophetatum est: non quod sub Aegyptiis quadringentis annis seruiuerint, sed quoniam iste numerus in eadem afflictione completus est, qui computatur ab illo tempore, quo ista Abrahamæ promittuntur.

DE SARA ET CIRCUNCISIONE Abrahamæ. Cap. XIII.

IAm tunc propter peregrinationem futuram, ne cōmiseret semen eius inter gentes, datur ei circuncisio in signū his uerbis: Circuncidetur ex uobis omne masculinum: infans octo dierum circuncidetur in uobis: tam uernaculus quam emptitius circuncidetur. Masculus autem cuius præputii caro circuncisa non fuerit, delebitur anima illa de populo suo, quia pactum meum irritum fecit. Sed & Sarai non appellabitur Sarai, sed Sara. Et dabo tibi ex ea filium, & benedicam illum, & erit in nationes, & reges gentium ex eo erunt.) Hic iam declaratur promissio de uocatione gentium in Isaac filium promissionis: id est gratia, non natura: quia de senescente patre & sterili matre: et quia hoc non per generationem que est Ismael, sed per regenerationem futuram erat, à deo ibidem imperata est circuncisio: quando de Sara promittitur

IN GENESIM.

mittitur filius in typo ecclesie, non quando Ismael qui typum tenuit Iudæorū. Sed quid aliud circumcisio significat, nisi renouatam naturam per baptismum post spoliationem ueteris hominis? Et quis est octauus dies nisi CHRISTVS, qui hebdomada completa, hoc est post sabbatum resurrexit?

Quòd uero non solum filios, sed & seruos uernaculos & emptitios circumcidi præcepit, ad omnes gratiam redemptionis pertinere testatur. Ibi parentū mutantur & nomina, ut omnia resonent nouitatē. Nam Abrā quod antea uocabatur, interpretat̃ pater excelsus, Abraham pater gētiū: quo nomine prænūtiabatur qđ multæ gētes fidei eius uestigia sequerentur. Illud aut̃ quid sit quod dictum est?

Masculus qui nō circumcidetur octaua die, peribit anima illa, quia pactum meū irritum fecit. Cur autem pereat anima paruuli incircūcisi, dum ipsa pactum dei non irritum fecit, sed qui eum circūcidere neglexerūt, nisi ut significaret quod paruuli nō secundum opus, sed secundū originem in primo homine, pactum dei dissipauerūt, in quo omnes peccauerunt? Nascūtur enim non proprie sed originaliter peccatores: quoniam nisi regeneratio liberet, peribit anima ei⁹ de populo suo, quia pactum dei irritum fecit: quando in Adam originaliter etiā ipse peccauit.

DE TRIBVS uiris qui uenerunt
ad ilicem Mambræ, Cap. XIII.

DEinde apparuit dominus Abrahæ in cōualle Mambræ, sedenti ad ostium tabernaculi. Cumq; leuasset oculos, apparuerūt ei tres uiri stātes iuxta eum, Quos cum uidisset, adorauit & ait

ISIDORI ENARRATIO,

& ait: Domine si inueni gratiā in oculis tuis, lauen-
 tur pedes uestri, et regescite sub arbore. Et abiit Ab-
 raham ad Saram, & iussit eam ex tribus satis face-
 re subcinericios panes: quos cum uitulo quem pa-
 rauerat, apponebat illis: similiter & lac, & butyrū.
 Ipse uero stabat iuxta eos sub arbore. Cūq; come-
 dissent, dixerunt ad eum: Vbi est Sara uxor tua? At
 ille: Ecce inquit, in tabernaculo est. Cui dixit. Reuer-
 tens ueniam ad te tempore isto, & habebit filium
 Sara uxor tua. Quo audito Sara, risit.) Notandum
 quippe q̄ Abraham triplicem habeat figuram in
 semetipso: primam saluatoris, qm̄ relictā cognati-
 one sua, uenit in hunc mundum; alteram patris, q̄-
 niam imolauit unicum filium: tertiā uero quæ hoc
 loco est, figuram gestauit sanctoꝝ, qui aduentum
 CHRISTI cum gaudio susceperunt. Tabernacu-
 lum autem illud Abrahæ, ipsam Ierusalem porten-
 dit, ubi pro tempore prophetæ & apostoli habita-
 uerunt: ubi & primū dominus adueniens à creden-
 tibus exceptus est, ab incredulis in ligno suspensus
 est. In tribus autem uiris qui uenerunt ad illum, do-
 mini nostri IESU CHRISTI prænūtiabatur ad-
 uentus, cum quo duo angeli comitabant, quos ple-
 riq; Moysen & Heliam accipiūt: unum prisce legis
 latorem, qui per eandem legem aduentum domi-
 ni indicauit: alium qui in fine mundi uenturus est,
 denuntiaturus & secundum aduentū CHRISTI:
 atq; eius Euangelium Iudæis prædicaturus. Vnde
 & in monte cū dominus fuisset transfiguratus, hī
 duo Moyses & Helias ab Apostolis cū eouisi sunt.
 Quod uero Abraham tres uidens unum adorauit,
 dominum scilicet saluatorem ostēdens, cuius iam
 aduentū

IN GENESIM.

Aduentum est præstolatus: iuxta quod etiam dominus in EVANGELIO ait: Abraham quæsiuit uide re diem meum: uidit & gauisus est. Tunc enim futuri aspexit mysterium sacramenti. Vnde & pedes eorum lauat, ut in extremo lauacri purificationē demonstraret futurā. Pedes enim nouissima significant. Siquidem & conuiuium preparat: uitulum scilicet saginatum. Iste autē uitulus tener, saginatus, domini IESV CHRISTI est corpus. Hic & uitulus domini, qui propter salutem credentium ad arborem crucis est immolatus. Hic est uitulus domini corporis, qui in Euangelio pro peccatore occiditur filio. Sed & butyr & lac cum carne uituli, apposuit. Lac quippe priscæ legis habuisse figuram, Apostolus nobis annuntiat dicens: Lac uobis potum dedi, non escam: Nōdum enim poteratis, nec adhuc quidem potestis. Tradiderat enim illis legis mandatum, quasi lac de uberibus duarum tabularum expressum, hoc est testamētum fidei. Necdū enim poterant propter infantiam sensus sui Euangelicæ doctrinæ solidam et robustam escā accipere. Butyrum autem uberrimū et pinguiissimū Euangeliorū est testimonium: quod ueluti oleum fidelibus in signum datur. Sed proinde uitulum cum lacte & butyrū Abraham edendū apposuit, quia nec corpus domini quod est uitul⁹ sine lacte legis, nec lac legis sine butyro, hoc est sine Euāgelij testimonio esse potest. Tria autem sata unde Sara subcinericios panes fecit, trium filiorū Noe imaginem indicauerunt: ex quibus omne genus hominū natum est. qui diuinę trinitati credētes, ex aqua baptismatis per ecclesiam cuius imago Sara erat, cōspargēdi essent.

ISIDORI ENARRATIO,

die essent: & in uno pane CHRISTI corporis redigendi. Hæc sunt illa tria sata, quæ mulier in Euangelio cognoscitur fermentasse. Azyymi aut panes, eo quod sine fermento malitiæ & sine angore nequitie, sine feruore peruersæ doctrine oporteat esse credentium unitatem. Subcinerici autem ideo, ut per poenitentiam præteritorum delictorum spiritus sancti uapore decocti, uelut esca bene placita, deo acceptabiles efficiantur. Sub arbore autem sedisse eos, passionis dominicæ erat signum: cuius ipsi sunt prædicatores. Quod autem promittit deus Saræ sterili filium dicens: Circa tempus hoc ueniam. Non de temporibus significat, sed de qualitate aduentus sui, quoniam per filium repromissum fidelis erat populus nasciturus. Ista est enim Sara sterilis, cui per prophetam dominus dicit: Letare sterilis quæ non paris: erumpere & exclama, quæ non parituris: quoniam plures filii desertæ, magis quam eius quæ habet uirum. Risus aut Saræ non est dubitatio, sed prophetia. Qui risus duplicem habet significantiam: siue quod risus esset futurus incredulis CHRISTVS: siue quod omnes inimicos in iudicio suo esset risurus. Unde & ipse qui natus est de Sara, risus nomen accepit. Isaac enim Hebræa lingua, in Latinum sermonem risus interpretatur. Deinde rursum idem Isaac filius, promittitur futurus in gentem magnam: Et benedicentur in eo ait, omnes gentes terræ. Quibus uerbis duo illi historialiter promissa sunt, gens Iudeorum secundum carnem, & omnes gentes secundum fidem.

DE SODOMIS ET DE LOTH

& filiabus eius.

Cap. XV,

IN GENESIM.

Post hanc promissionē uertitur in cinerem Sodomā, liberato Loth cū filiabus suis. Sed quid significat q̄ à quinquaginta iustis usq̄ in decem, si in Sodomis inuenirentur, dixerit dominus urbem esse saluandam? Numerus quippe quinquagenarium propter pœnitentiæ signum posuit, si forte conuerterentur & saluarentur. Quinquagenari⁹ enim semper ad pœnitentiam refertur. Vnde & Dauid in eodem numero psalmū scribit pœnitentiæ. Proinde quoniam aspicit deus delinquentium uitā, nequaquā uelle reuerti ad pœnitentiā, quā quinquagenarius numerus præfiguratur, confestim ardorem immoderatæ luxuriæ cōpescet igne gehennæ. Usque ad decem aut iustos non perire Sodomam dixit, quia si in quēlibet per decē præceptorū custodiam **CHRISTI** nomē inueniatur, iste non perit: Denarij em̄ numeri figura, crucem Christi demonstrat. Nam & quod quinque sunt ciuitates quę imbris igneis conflaratæ sunt, illud nisi fallor, significat, q̄ omnes q̄ quinque sens⁹ corporis sui libidinosè tractauerint, in illo futuro incendio concremandi sunt. Ipse autē Loth frater Abraham iustus & hospitalis in Sodomis, qui ex illo incēdio, quod erat similitudo futuri iudicij, meruit saluus euadere, typum figurabat corporis **CHRISTI**, quod in omnibus sanctis, & nunc inter iniquos atq̄ impios gemit, q̄rum factis non consentit: & à quorū permixtiōe in seculi fine liberabit illis dānatis supplicio ignis æterni. Vxor autē eius, eorū scilicet genus figurauit, q̄ per gratiam dei uocati retro respiciunt: & ad ea quę reliquerant redire contēdunt: De quibus ipse dominus: Nemo inquit, ponens manum suam super ara

ISIDORI ENARRATIO.

trū respiciensq; retro, aptus est regno dei. Vnde & illi prohibetur retro respicere, per quod ostenderet non esse redeūdum ad ueterem uitam, qui per gratiam regenerati ultimū cupiūt euadere iudicium. Quòd uero eadem respiciens remansit, & in salem conuersa est, exemplum prestat ad condimentum fidelium, unde alijs seruentur. Nam nec ipsum tacuit **CHRISTVS** dicens: Mementote uxoris Loth: scilicet uti nos tanq̃ sale condiret, ut nō fatui negligeremus, sed prudentes caueremus. Hoc enim & illa admonuit, cum in statuam salis cōuersa est. Illud uero q̃ ipse Loth ardentem Sodomam fugiens Segor uenit, & nequaq̃ ad montana conscendit: ardētē quippe Sodomā fugere, est illicita carnis incendia, uel mūdi desideria declinare. Altitudo uero mōtiū, speculatio est perfectōrū. Sed quia multi sunt iusti, qui mundi quidem illecebras fugiunt, sed tamen in actione positi, cōtemplationis apicem subire non queunt, hoc est quod exiit quidem Loth de Sodomis, sed tamen ad montana non peruenit: quādamnabilis uita relinquit, sed adhuc celsitudo speculationis subtiliter non tenet. Inde idem Loth ad angelū dicit: Est ciuitas hic iuxta ad quā possum fugere parua, & saluabor in ea. Nunquid non modica est, & uiuet in ea anima mea?) Iuxta igit̃ dicitur, & tamen ad salutem tuta perhibetur: quia actualis uita nec à mundi curis ex toto discrēta est, nec tamen à gaudio æternæ salutis aliena. In ipso autē Loth, quando filię concubuerunt cum eo, non illud quod cum à Sodomis liberatus est, sed aliud figuratum est. Tunc enim ipse Loth futuræ legis uidebatur gestasse personam: quia quidem ex illa pro-

creat

IN GENESIM.

creati, et sub lege positi, male intelligēdo quodam modo se inebriant: ea q̄ non legitime utēdo, infidelitatis opera pariunt. Bona est enim lex inquit, Apostolus, si quis ea legitime utatur.

DE ABIMELECH qui Saram ducere uoluit uxorem. Cap. XVI

SEQVITUR dehinc historia de Abimelech, q̄niā Abraham tacuit Saram uxorem suam & dixit sororē: ne se occiso, ab alienigenis, captiua possideretur: certus de deo quod eam uiolari non permetteret, sicut nec primū à Pharaone. Vnde & Abimelech somnio commonitus, non cōmaculauit eā concubitu, sed intactam restaurauit marito. Verū tamē quis tunc in illo figurabatur uiro, & cuius sit uxor quæ in hac peregrinatiōe, atq; inter alienigenas pollui, maculari q̄ non finitur, ut sit uiro suo sine macula & ruga? In gloriam quippe CHRISTI recte uiuit ecclesia: ut pulchritudo ei⁹, honor sit uiro eius: sicut Abrahā propter Sarę pulchritudinem, inter alienigenas honorabatur: ei⁹ que cum dicitur in Canticis canticorū: O pulchra inter mulieres: ipsi us pulchritudini merito reges offerunt munera: sic Saræ obtulit rex Abimelech: plus in ea miratus formę decus, quod amari potuit. Est em̄ & sancta ecclesia domino IESV CHRISTO in occulto uxor. Occulte quippe atq; in abscondito secreto sp̄iali, anima humana inhæret uerbo dei, ut sint duo in carne una: quod magni coniugij sacramentum in Christo & ecclesia commendat Apostolus. Proinde regnum terrenum seculi huius, cuius figuram gerebant reges qui Sarā polluere permisi nō sunt, non

d s est ex

ISIDORI ENARRATIO,

est expertum: nec inuenit ecclesiam coniugē Christi, nisi cum uiolare tentauit. Diuino enim testimonio per fidem martyrum cessit, correctūq; i posterioribus regibus honorauit munere: q̄ corruptioni suæ subdere, in prioribus non ualuit. Nā quod tunc in eodem rege prius & posterius figuratum ē, hoc in isto regno prioribus & posterioribus regibus ad impletum est. Cum autē dicitur de patre esse soror CHRISTI ecclesia non de matre, non terrenæ generationis quæ euacuabitur, sed gratiæ coelestis quæ in æternum manebit, cognatio commendatur: secundum quam gratiam, genus mortale nō erimus, accepta potestate, ut filij dei uocemur & simus. Neq; em̄ gratiam hāc de synagoga matre CHRISTI secundum carnem, sed de deo patre pcepimus. Hāc uero cognationem terrenam, uocans in aliam uitā ubi nullus moritur, negare nos Christus docuit nō fateri, cū discipulis suis ait: Ne uobis dicatis patrē in terra: unus est enim pater uester qui in coelis est. Quod uero ecclesia cuius uxor sit, occultatur alienigenis, cuius autem soror nō tacetur, hec interim causa facile occurrit: quia occultum est & difficile ad intelligendum, quomō anima humana uerbo dei copuletur siue misceatur: siue qd̄ melius & aptius dici potest, cum sit ille deus, ista creatura: secundum hoc em̄ sp̄sus & sponsa, uel uir & uxor Christus & ecclesia dicuntur. Quod uero cognatiōe sint fratres CHRISTVS IESVS & oēs sancti, gratia diuina non consanguinitate terrena, hoc est de patre non de matre, & affabilius dicitur, & capacius audiri. Nā inter se oēs sancti per hanc grām fratres sunt: sponsus autē ceterorū societate nullus illorū est.

De nati

IN GENESIM.

DE NATIVITATE Isaac, & expulsionem Agar cum filio. Ca. XVII.

Centenarius itaque Abraham genuit ex Sara uxore sua filium: quē uocauit Isaac. Hūc cum uidisset mater ludētem cum Ismaēl, dixit ad Abraham: Eijce ancillam & filiam eius: Non enim heres erit filius ancille, cum filio meo Isaac.) Nunc igitur quærendum est cur antea Sara uoluit maritum de ancilla suscipere filium: aut cur nūc cū matre iubet expelli domo: q̄ nō zelo fecit accensa, sed mysterio prophetiæ compulsa. Agar quippe secundum q̄ ait Apostol⁹, in seruitutē genuit carnalem populum: Sara uero libera, populum genuit, qui non est secundum carnem, sed in libertatem uocatus est: qua libertate CHRISTVS eum liberauit. Hoc igitur mysterio figurabat priorem populum in seruitute peccatorū generatū, in domo Sarg id ē ecclesiæ non manere in eternum: neq̄ esse cohæredem uel cōsortem cultoribus Christi: nec cum filio nobili, id est fideli populo, regnum cœlestis gloriæ possessurum. Cum eijceret igitur Abraham Agar de domo, accepit panes & utrem aque, & dedit Agar: & imposuit sup̄ humeros ei⁹ infantem, & dimisit eam. Exiens aut̄ Agar, errabat in solitudine, & cū morientem siti filium proiecisset sub arbore, apparuit ei angelus domini, & demonstrauit fontē aque, & potauit filium suum.) Quid ergo significat quod exiēs Agar infantem in humeros suos imposuit, nisi quod peccator populus & insipiens, ceruicē matris suæ synagoge grauauit dum dicit: Sanguis huius super nos & super filios nostros? Panes aut̄ hoc indicabant, qd̄ uetus sacerdotium panes propositi

ISIDORI ENARRATIO,

onis sicut scriptum est, portaret secum, & uesceret. Vter uero aquæ qui defecit, Iudaica purificatio significabatur defectura: siue doctrina coræ carnalis in pelle mortua clausa: id est in carne ueteris hominis præuaricationis sententia damnata: quæ nec refrigerium præstat, nec satiat sitim: sed æstu tepida, uomitū facit. Quod uero errat Agar in solitudine cū filio suo, significat synagogam cū populo suo expulsam de terra sua, sine sacerdotio & sacrificio in toto orbe errare: & uiam qui est CHRISTVS, penitus ignorare. Quod filius illius siti deperit, ostendit populum nullam habentem spiritualem purificationem. Quod uero filium morientem siti, sub arbore proiecit, & sic demonstrante angelo aspicit fontem, significabat quosdam ex eo populo ad umbram ligni crucis, refugiū reperturos. Quod exclamat puer plorans, & exaudiuit eum deus, & sic demonstrante angelo aspicit fontem, hoc pro illis dicit, qui ex Iudeis ad Christum conuertuntur: ac flentes retroactos errores, exaudiuntur: referatisq; oculis cordis uidet fontem aquæ uiuæ, id est CHRISTVM filium dei qui dicit: Ego sum fons aquæ uiuæ: qui sitit ueniat & bibat. Vnde Ismahel exauditio interpretatur. Angelus autem iste, similitudo est Helix, per quem populus iste est crediturus: sicut per Malachiā dicitur: Ecce ego mittam uobis Heliam, qui conuertat corda patrum in filios. Veruntamen quod angelus domini stat, & uocauit Agar dicens: Surge et tolle puerum, quia in gentem magnā faciam eū.) hoc significabat, siue quod copiosus Iudæorū populus esset regnaturus in seculo: siue quia cœlestis regni gloriam consecuturi essent, qui ex eis credidissent in

IN GENESIM.

sent in **CHRISTO**. Quòd autem eundem angelū qui loquitur ad Agar, prius angelū scriptura denūtiat, deinde deum, filium dei eum fuisse credendum est: qui per legem et pphetas semper locutus est: qui propter obedientiam paternæ uoluntatis, angelus uocatur: deus autem secundum naturam patris: quia uere & ipse deus sicut & pater.

DE EO QVOD OBTVLIT ABRAHAM filiū suum. Cap. XVIII.

Iubetur deinde Abraham immolare filium unicum suum. Ille autem obtemperans deo, soluit uotum: strauit asinum: imposuit ligna: seruos longe dimisit: solus cum filio ascendit: triduo ad locum peruenit. Antequam ueniret filius ad locū sacrificij, ipse sibi immolādus ligna portauit. Deinde Abrahā gladio armatur, & cum iam pene feriret, admonetur ut parceret: & nō tamen sine sacrificio, sine sanguine effuso recedit. Apparet namq̃ aries in uepre inhærens cornibus: immolatur, peragiturq̃ sacrificium: & peracto sacrificio, dicitur ad Abrahā:

Benedicam tibi & multiplicabo semen tuū sicut stellas coeli, & uelut harenā maris. Possidebit semē tuum portas inimicorū suorum: & benedicentur in semine tuo omnes gentes terre, quia obaudisti uoci meæ. Age nunc uideamus, quid sub huius sacramenti lateat mysterio. Iste enim Abraham qui filium unicum perduxit ad immolandum, habebat psonam dei patris. Sed quid est quod eum senex suscepit? Non enim senescit deus, sed ipsa prænuntiatio de Christo iam quodammodo senuerat, quādo

ISIDORI ENARRATIO,

natus est CHRISTVS: Inchoata ē em̄ ab Adam
 ubi dictum est; Et erūt duo in carne una. Sacramē
 tum illud magnum in Christo & ecclesia: & cōple
 ta est sexta ætate seculi, quæ à senect̄a significaba
 tur Abrahæ: quia ipsum sacramentum dei, iam lon
 gæuum erat. Et senectus Saræ in plebe dei, hoc est
 in multitudine prophetarū, hoc idem significat quā
 in fine temporum ex ipsa plebe sanctarū animarū
 natus est Christus. Sterilitas aut̄ eius intimat, quod
 in hoc seculo spe salui facti sumus: & in Christo tā
 quam in Isaac omnes nati sumus: quem partū ec
 clesia in fine temporum, mirabili dei gratia, nō na
 turali foecunditate procreauit. Iam deinde sequen
 tis historiæ sacramentum, quid imaginarie portē
 debat, inspiciendum est. Quis ergo in Abraham, ut
 prædictum est, per illam immolationem figuraba
 tur, nisi pater excelsus? Quis in Isaac, nisi Christus?
 Nam sicut Abraham unicum & dilectū filium deo
 uictimam obtulit: ita domin⁹ unigenitū filium su
 um pro nobis omnibus tradidit: & sicut Isaac ipse si
 bi ligna portauit, quibus erat imponēdus: ita & Chri
 stus gestauit in humeris lignum crucis suæ, in quo
 erat crucifigendus. Duo aut̄ serui illi dimissi, & non
 perducti ad locum sacrificij, Iudæos significabant,
 qui cum seruiliter uiuerent, & carnaliter saperent,
 non intelligebant humilitatem CHRISTI: non
 intelligebant passionem Christi: ideo non peruene
 runt ad locum sacrificij. Cur aut̄ duo serui, nisi quia
 ipse populus in duas partes diuidēdus erat? Quod
 factum est Salomone peccante: quoniam diuisus ē
 idem populus loco regni, non errore impietatis: qu
 bus etiam sæpe per prophetas dicitur: Auerſa trix
 Israël

IN GENESIM.

Israël, & preuaricatrix Iuda. Asinus autem ille, insensata est stultitia Iudæorū. Ista insensata stultitia Iudæorū portabat omnia sacramēta: & qđ ferebat, nesciebat. Iam quod dictū est eis: Expectate hic cum asino: postq̃ autē adorauerimus, reuertemur ad uos,) Apostolum audi: Cæcitas, inquit, ex parte in Israël facta ē. Quid est cæcitas ex parte? Expectate hic cum asino, ut plenitudo inquit, gētium intraret: hoc est, postq̃ adorauerimus: ubi sacramentum dominicæ crucis impletum, per gentes fuerit prædicatum: hoc est, ut plenitudo gētium intraret. Quid est, & reuertemur ad uos? Et sic omnis Israël saluus fiet. Triduum autem illud in quo uenerunt ad locū immolationis, tres mundi ætates significat, unam ante legem: aliam sub lege: tertiam sub gratia. Ante legem, ab Adā usq; ad Moysen. Sub lege, à Moysē usq; ad Iohannem. Vnde iam à domino & quicqđ restat, tertius dies ē gratiæ: in qua tertia ætate quasi post triduum, sacramētum sacrificij CHRISTI completum est. Deinde Isaac ligatus pedibus altari superponitur, & dominus in ligno suspensus, cruci affigit: Sed illud quod figuratum est in Isaac, traiectum est ad arietem. Cur? Quia Christ⁹ ouis: ipse enim filius: ipse agnus. filius quia natus: aries quia immolatus. Sed quid est in uepribus hærebat aries ille? Crux cornua habet: Sic enim duo ligna cōpinguntur in se, cū speciē crucis reddunt. Vñ & scriptū est de eo: Cornua in manibus eius sunt. Cornib⁹ ergo herēs aries. crucifixū dominū significat. Vepres autē spine sunt. Spinæ iniquos & pēctōres significāt, qui suspenderūt dominū in cruce. Inter spinas itaq; peccatorum Iudaicorum suspensus est dominus, sicut per Ieremiam idem dicit: Spinis peccatorum

ISIDORI ENARRATIO,

suorum circundedit me populus hic. Alij hunc arietem cornibus in uepribus obligatum, eūdem Christum senserunt, anteq̃ immolaretur spinis à Iudæis coronatum. Peracto igitur sacrificio, dicitur Abraham: In semine tuo benedicentur omnes gentes.) Quando enim hoc factum est, nisi quando dicit ille aries: Foderunt manus meas & pedes meos: & dinumerauerunt omnia ossa mea? Hoc enim quando pactum est illud in psalmis sacrificium, tunc in ipso psalmo dictum est: Cōmemorabuntur & conuertentur ad dominum uniuersi fines terre, & adorabūt in conspectu eius omnes patrie gentiū: quoniam domini est regnum, & ipse dominabitur gentium. Immolato igitur Abraham ariete pro Isaac filio suo, uocauit nomen loci illius, dominus uidet, pro eo quod est, dominus uideri se fecit: utiq̃ per incarnationem. Deinde moritur Sara centesimo uicesimo anno uitæ suæ: & empto agro ab Efron, sepeliūt eam. Sed quid sibi uelit quod Sara in sepulchro duplici sepelitur, nisi quia anima quæ seculo moriūt ut deo uiuat, gemina uite requie suscipitur: id est in actione boni operis, & contemplatiōe diuinitatis.

DE ISAAC ET REBECCA.

Cap. XVIII.

ERat autem Abraham senex dierūq̃ multorū: dixitq̃ seruo suo seniori q̃ supra omnia eius erat: Pone manum tuam sub fœmur meū, ut adiurem te per dominum deū cœli & terræ, ut non accipias uxorem filio meo de filiabus Chananæorum, sed ad terram & cognationem meam proficiscaris



IN GENESIM.

scaris: inde accipiēs uxorem filio meo Isaac.) Et qđ
 sibi uelit qđ Abraham seruo suo dixit, postulans iu-
 re iurando fidē: Pone, inquit, manum sub fœmore
 meo, & adiuro te per deū cœli? Quid uult deus cœ-
 li ad fœmur Abrahę, nisi ut cognoscat sacramentū?
 Per fœmur enim genus intelligitur. Ergo quæ fuit
 illa cōiuratio, nisi quia significabat de genere Abra-
 hę, uenturum in carne deū cœli? Senior autem iste
 imaginē habuit legis per quam spōsa CHRISTI
 ecclesia desponsabatur: qui tamen propter antiqui-
 tatem senior nuncupatur. Abijt itaq; puer in Me-
 sopotamiam in ciuitatē Nachor: stetitq; circa fon-
 tē quærēs sponsam filio domini sui.) Sic & lex quæ
 post fidem est, uenit ad fontē baptismatis. Occur-
 rit & uirgo Rebecca, id est ecclesia. Vidit autē Re-
 becca puer, id est sermonem propheticum: depo-
 nit de humero hydriam: utiq; elatam seculi sa-
 cundiam, & ad humilē ppheticum se inclinauit sermo-
 nem. Suscipit fidei ornamenta uel morum: accipit
 aureos scripturę sensus, & clarum argenti eloqui-
 um: sicq; secuta puerum Rebecca uenit ad Isaac. Se-
 cuta uerbum propheticum ecclesia uenit ad Chri-
 stum: quæ tamen cameli dorso deducitur: quia ad
 CHRISTVM ex gentilitate ecclesia properās, in
 tortis uitiosisq; uitæ ueteris conuersationibus in-
 uenitur. Quę Isaac uiso descendit, quia domino co-
 gnito, uitia sua gentilitas deseruit, & ab elatiōe cel-
 situdinis ima humilitatis petiit. Quę etiam & uere
 cū data pallio uelatur, quia coram eo de erroribus
 prioris uitę confunditur. Quod uero inclinato iam
 die egressus est in agrum Isaac, hoc designabat, qđ
 extremo huius mūdi tēpore uelut in diei fine, Chri-
 stus

ISIDORI ENARRATIO,

flus aduenit. Quasi in agrum foras exiit, quia cum sit inuisibilis, se tamen uisibile in hoc mundo uenienti ex gentibus ecclesie demonstrauit. Inuenit autem eum ecclesia ad puteum uisionis, id est in contemplatione & intelligētia ueritatis, ubi intellectum percipiat altiore: siue lauacrum aquae ubi purificet, sicq; dehinc copulatur spōso suo Christo, adhærēs illi gloria, æternitate, & regno.

DE CETHURA, SIVE DE morte Abraham.

Cap. X X.

QUID autem sibi uult quòd Abrahā post obitum Sarę Cethuram duxit uxorem? Nunqd ob incontinentiam, dū esset iam ætate grandæuus? Absit. An propter filiorum procreationem, dum illi semē quasi stellæ cœli ex Isaac filio promitteret? non. Ergo quid sibi uult ista Cethura, nisi quia sicut Agar & Ismahel significauerūt carnales ueteris testamenti, sic & Cethura & filij eius significabant hæreticos, quise ad testamentum nouum existimant pertinere? sed utræq; concubinæ dicuntur. sola Sara semper uxor uocatur, sicut scriptum est: Vna est enim columba mea, pfecta mea. Dedit autem cuncta quæ possidebat Abraham Isaac filio suo: filiis autem cōcubinær suarū largitus est munera: & separauit eos ab Isaac filio suo.) Quid hoc significat, nisi quia dantur & nonnulla munera filijs concubinær, id est carnalium? sed non perueniunt ad regnum promissum nec hæretici, nec Iudei, qui carnalia lucra sectantur. Præter Isaac enim nullus est hæres, utiq; quia non filij carnis, sed filij promissionis

IN GENESIM.

missionis deputantur in semine. Deinde mortuus ē Abraham centum septuaginta quinque annorum: sepultus est in spelūca duplici, in cuius interiori parte Adam esse positum traditio Hebræorū testatur.

DE EO QVOD VIDIT ABIMElech Isaac ludere cum Rebecca Cap. XXI.

ORTA DE INDE fame super uniuersam terram, abiit Isaac ad Abimelech regē Palæstīnorum in Gerara, ex præcepto & benedictione domini, ibiq; Rebeccam uxorem suam timoris causa finxit sororem, quā rex alienigena Isaac coniugem tunc esse cognouit, quādo iam eum cū ea ludentem uidit. Quid autem sibi uelit in sacramento CRISTI & ecclesiæ, quod tantus patriarcha cum coniuge luserit, coniugiumq; illud inde sit cognitum? Videt profecto quisquis ne aliquid errando in ecclesia peccet, si secretum uiri eius in scripturis sanctis diligenter intueatur, & inuenit eum maiestatem suam qui in forma dei æqualis est patri paulisper abscondisse in forma serui, ut eius capax esse humana infirmitas posset, eoq; modo sequi coniugij congruum iter aptaret. Quid enim absurdum, immò quid non conuenienter futuroꝝ prænuntiationi accommodatum, si propheta dei carnale aliquid luserit, ut eum caperet affectus uxoris, cum ipsum uerbum dei caro factum sit, ut habitaret in nobis?

DE PVTEIS

ISIDORI ENARRATIO,

DE PVTEIS quos fodit Isaac.

Cap. XXII.

Post hæc refert scriptura quòd Isaac, postq̃ benedixit illū dominus, & magnificatus est ualde, aggressus est op⁹, & cœpit fodere puteos, quos foderant pueri patris sui Abraham. Sed inuidentes ei Palæstini obstruxerunt eos, implentes humo: & reliqua.) Quis est iste Isaac nisi saluator noster, qui cum descēdisset in istam torrentem Gera-
ra, primo omniū istos puteos fodere uult quos foderant pueri patris sui id est, Moyse puteū legis foderat: Dauid, Salomon & prophetæ libros scripserunt ueteris testamenti, quos tamen terrena & sordida repleuerat intelligentia: & eorū os cum uellet purgare Isaac, ut ostēderet quia quæcūq; lex & prophetæ dixerunt, de ipso dixerūt, rixati sunt cum eo Philistiim, id est Iudei à regno dei alieni. Sed descendit ab eis: nō potest esse cum his qui in puteis aquā nolunt habere sed terram: & dicit eis: Ecce relinquitur uobis dom⁹ uestra deserta. Fodit ergo Isaac nouum puteum: immò pueri Isaac fodiūt. Pueri sunt Isaac Matthæus, Marcus, Lucas & Iohannes, Petr⁹ & Iacobus: Iudas & Apostolus Paulus, qui omnes noui testamenti puteū foderūt, & inuenerunt aquā uiuam, quæ sit fons aque salientis in uitam æternā. Sed pro his adhuc altercātur illi qui terrena sapiūt: nec noua condi patiuntur, nec uetera purgari. Euāgelicis puteis contradicunt: apostolis aduersantē & prophetis. Et qm̃ in oibus contradicunt litigantes, dicit ad eos: Quoniam indignos uos fecistis gratie dei, ex hoc iā ad gentes ibimus. Et post hæc fodit tertium puteum Isaac: Et appellauit nomen loci illius latitudo

IN GENESIM.

latitudo dicens, Nunc dilatauit nos dominus, & fecit crescere super terrā). Vere dilatatus est Isaac, & impleuit omnem terram scientia trinitatis, & in toto orbe latitudinem ecclesiæ collocauit. Prius enim tantum in Iudæa notus erat deus, & in Israël nominabatur. Nunc autem in omnem terram exijt sonus eorum, & in fines orbis terre uerba eorum. Exeuntes enim pueri Isaac, per uniuersum orbem terre foderunt puteos, & aquam omnibus ostenderunt, baptizantes omnes gentes in nomine patris & filij & spiritus sancti. Sed quid est q̃ puteos Abraham q̃s aperuit Isaac sic uocauit eos, sicut & pater eius, nisi quia Moyses apud nos etiā Moyses appellat, & propheta unusquisq̃ suo nomine appellat, nec mutant quasi eorundē uocabula puteorū? Hęc mystice, moraliter autem Isaac apud alienam gētem puteos fodisse describitur, quo uidelicet exemplo discimus, ut in hac peregrinationis erumna positi, cogitationum nostrarum profunda penetremus, & quousque nobis ueræ intelligentiæ aqua respondeat, ne quā nostræ inquisitionis manus ab exhaurienda cordis terra torpescat. Quos tamē puteos allophyli insidiantes, replent. quia nimirum immundi spiritus cum nos studiose confodere conspiciunt contractas nobis tentationum cogitationes, mergunt.

DE ESAU ET IACOB.

CAPVT XXIII.

Igitur Isaac dū rogaret dominū ut pareret uxorem eius q̃ sterilis erat, cōcessit dñs q̃ postulat: illi debātur q̃ gemini in utero ei⁹ inclusi angustia. Quē dum agerentur, interrogauit dominum, accēpitq̃ responsum. Duæ gētes in utero tuo sunt, & e duo pō

ISIDORI ENARRATIO,

duo populi de uentre tuo diuidentur, populusq; populum superabit: & maior seruiet minori.) Quod figuraliter factum, etiam ipsis Iudeis non credentibus notum est, qualiter populus ecclesie synagogæ populum superauit: & quomodo plebs Iudæorum tempore maior, seruit minori populo Christianorum. Si quidem & in singulis nobis hoc dici potest, quod duo gētes & duo populi sint inter nos, uitiorum scilicet atque uirtutum: sed iste minor est, ille maior: semper enim plures sunt mali quam boni: & uitia numerosiora uirtutibus sunt. Sed tamen in nobis gratia dei populus populū superat: & maior seruit minori. Seruit etenim caro spiritui: & uitia uirtutibus cedunt. Procedit autem Esau primus rufus, & totus tanquam pellis hirsutus. Deinde exiit frater eius Iacob: & manus eius impleta erat calcaneo Esau. Sed cur totus ille rubeus & hispidus, nisi quia populus ille prior prophetarum & Christi fuit cruore pollutus, ac peccati & nequitie squalore extitit circumdatus? Cuius ideo minor calcaneū tenuit, quia mystice maiorem populum minor superauit. Nam quod iste Esau primogenita sua propter escā eidem iuniori fratri suo uenūdedit, ac postmodum paterna benedictione sibi promissa priuatus est, significat eundem Israheliticū populū, qui a deo, ut exodi indicat liber, primogenitus filius nūcupatus est: qui propter presentis seculi lucra non solum primatus sui honorem amisit, uerum etiam & regni cœlestis premiū preparatū adipisci non meruit, domino quodāmodo id eidem exprobrante cum dicit: Transfere a uobis regnū dei: et dabitur genti facienti uoluntatem eius. Primogenita autem ipsa, uestis erat sacerdotalis: qua maiores natu cum benedictione patris induiti, ui-

IN GENESIM.

duti, uictimas deo uelut pontifices offerebāt. Hoc donū terreni amoris desiderio dedicauerūt Iudæi, cum gloria regni futuri. Iam sequit̃ dehinc ipsa benedictio in Iacob: quæ tamen quid figuraliter indicauerit, Hyppoliti martyris uerba, sicut excellētissimæ scientiæ ac doctrinæ Hieronymus replicauit, in hoc loco ponenda sunt. Isaac inquit, portat imaginē dei patris: Rebecca spūs sancti, Esau populi prioris & Zabuli: Iacob ecclesie et Christi. Senuisse Isaac, cōsummationē orbis oñdit. Oculos illius caligasse, fidem periisse de mundo, & religionis lumen ante eū neglectū eē significat. Quod filius maior uocatur, acceptio legis ē Iudæorū. Quod escas eius atq; capturam diligit pater, hoīes sunt ab errore saluati: quos per doctrinam iustus q̃sq; uenat̃. Sermo dei repromissiōis ē benedictio, & spes regni futuri: in q̃ cum Christo sancti regnaturi sunt, & uerū sabbatū celebraturi. Rebecca plena spū sancto, et sciēs qđ audisset ante q̃ pareret, qđ maior seruiet minori, formam gerit in hoc loco spūs sancti. Quæ futura norat in Christo, in Iacob aut̃ meditat̃: loquitur ad filium minorē: Vade ad gregē et accipe mihi inde duos hœdos.) p̃figurās carneū saluatoris aduentū: in q̃ eos uel maxime liberaret, qđ peccatis tenebatur obnoxij: si qđē in oib⁹ scripturis hœdi pro peccatorib⁹ accipiunt̃. Quod autē duos iubet afferre, duorū populorū significat̃ assumptio. Quod tene ros & bonos, dociles & innocētes aīas. Stola Esau, fides & scripturæ sunt Hebræorū: quæ illis primo data sunt, & postmodū gentiliū indutus est populus. Pelles aut̃ quæ eius brachijs cirundatæ sunt, peccata utriusq; plebis, quæ Christ⁹ in extensiōe manū

ISIDORI ENARRATIO,

cruci secū pariter affixit. Ipse enim in corpore suo, nō sua, sed aliena peccata portauit. Quòd Isaac quęrit ab Iacob, cur tam cito uenerit, admiratur uelocem in ecclesiis credentium fidem. Quòd cibi delectabiles offeruntur, hōstia placens deo, salus est peccatorum. Quòd postremo consequitur benedictio & eius odore perfruitur, uirtutem resurrectionis, & regni aperta uoce pronūtiat. Taliter enim benedicitur. Ecce odor filiī mei sicut odor agri pleni.) Odore nominis Christi sicut ager, mundus impletur, cuius est benedictio de rore cœli, de uerborū pluuia diuinorū. Et de pinguedine terræ,) hoc est de cōgregatiōe populorū. Multitudo frumētī & uini,) hoc est multitudo quā colligit de sacramēto corporis sui & sanguinis. Illi seruiunt populi ex gentibus ad eum conuersi, ipsum adorāt tribus, id est populi ex circuncisione credētes. Ipse est dominus fratrum suorum, quia plebi dominatur Iudeorum. Ipsum adorant filiī matris eius, quia & ipse secundum carnem ex ea natus est. Ipsum qui maledixerit maledictus est, & qui benedixerit benedictionibus replebit̃. **CHRISTVS** in quā noster, ex ore patris, id est populi ignorātis benedicitur, id est ueraciter dicitur, sed alius à Iudæis benedici putatur, qui ab eis errantibus expectatur. Ecce benedictionē promissam repetēte maiore, expauit Isaac & alium se pro alio benedixisse cognoscit: nec tamen indignatur relato sibi sacramento, sed confirmat benedictionem in filio dicens: Et benedixi eum, & benedictus est.) Hęc est bñdictio prima Isaac, quæ data est minori populo Christianorum: sed ne quæ tamen maiorem filium penitus fuisse despectum, quæ cum in

IN GENESIM.

cum intrauerit plenitudo gētium, tunc omnis Isra-
el saluus erit: cuius tamē secūda benedictiōis pro-
phetatio hec est. In pinguedine terrę & in rore cœ-
li desup erit bñdictio tua.) In pinguedie utiq; terrę,
in fœcūditate rerū, & in potētia regni q̄ in illo popu-
lo fuit. Et in rore cœli erit benedictio tua,) id est
in eloquijs dei: Ipsis enim credita sunt eloquia dei,
& legis testamēta. Viues gladio.) id est, quia po-
pulus ille sanguini dedit⁹, necem in CHRISTO
ut prophetis exercuit. Et fratri tuo seruiēs mino-
ri,) scilicet populo Christiāo. Tempusq; ueniet
cum excuties & soluas iugum de ceruicibus tuis.)
dum per agnitionem fidei ad gratiam Christi con-
uersus, deposueris onus legis: quando iam non ser-
uiēs populo minori, sed per fidem frater uocabe-
ris. Igitur Esau post benedictionem patris inuidiæ
stimulis concitatus, necem fratri suo Iacob fraudu-
lenter excogitat. Hoc & nimirū & Iudaicus popul⁹
in Christo præmeditatus, non solum dominum pa-
tībulo crucis tradidit, uerū etiam credentes in illo,
usq; ad effusionem sanguinis persecutus est. Iacob
autem dolos fugiens fratris, relicta domo, patria &
parentibus, uadit in regiōem longinquam, ut acci-
peret sibi uxorem. Non aliter Christus, relictis pa-
rentibus secundum carnem, id est populo Israël, &
patria, id est Ierosolyma, & oībus regiōibus Iudeę,
abiit in gētibus, accipiēs sibi inde ecclesiā: ut imple-
ret qđ dictū est: Vocabo nō plebē meā, plebē meā:
& nō dilectā plebē, dilectā: & erit in loco ubi dictū
est, non plebs mea uos, ibi uocabunt filij dei uiui,

DE SCALA quam in uisione
uidit Iacob. Cap. XXIII.

ISIDORI ENARRATIO,

Pergens autē Iacob in Mesopotamiam, uenit in locum qui nūc Bethlehem uocatur, & posuit sub capite suo lapidem magnum, & dormiens uidit scalam subnixam innitentē cœlo: & angelos dei ascendentes & descēdentes. Hoc uiso eui gilauit, unxitq; lapidem dicens: Vere hic est domus dei, & porta cœli: & his dictis discessit. Somnus iste Iacob, mors siue passio CHRISTI ē. Lapis ad caput eius, qui nominatim quemadmodum dictum est, etiam unctus, Christus significatur: Caput em̄ uiri Christus est: Quis enim nescit Christum ab unctiōe appellari? Domus autem dei, quia ibi natus est Christus, in Bethlehē. Porta uero cœli, quia ibi in terram descendit: ibi iterum in cœlum conscendit. Erectio autē lapidis, resurrectio Christi est. Porro scala, Christus est, q̄ dixit: Ego sum uia, Per hāc ascēdebant & descendebant angeli, in quibus significati sunt Euangelistæ prædicatores Christi, ascendentes utiq; cum ad intelligendam eius supereminētissimam diuinitatem excedunt uniuersam creaturam, ut eum inueniant qui in principio erat uerbū apud deum, per quē omnia facta sunt. Descendentes autem, ut eum inueniāt factum ex muliere: factum sub lege, ut eos qui sub lege erant redimeret. In illa em̄ scala à terra usq; ad cœlū, à carne usq; ad spiritū: quia in illo carnales proficiendo, uelut ascēdendo spūales fiunt, ad quos lacte nutriendos etiā ipsi spirituales descendunt quodāmodo, cū eis nō possunt loqui quasi spiritualibus sed quasi carnalibus. Ipse ē sursum in capite: ipse deorsum in corpore suo quod est ecclesia. Ipsum ergo scalā intelligimus, quia ipse dixit: Ego sum uia. Ad ipsum ergo ascendit

IN GENESIM.

scēditur, ut in excelsis intelligat: & ad ipsum descēditur, ut in mēbris suis paruulus nutriatur. Et per illum solum se cōfigunt, ut eū sublimiter expectēt. Per ipsum se etiam humiliāt, ut eum simpliciter ac temperanter annuntient. Post hanc uisionem inde Iacob iter faciens, uidit oues & pastores, & puteum aquæ uiuæ, & lapidem magnum superpositū puteo. Figuraliter per oues, iustorū populi significabant; sicut illud quod dictū est in Euangelio: Statuet ad dextram oues. Pastores uero, & prophetæ sunt qui usq̃ ad aduentū domini spiritu sancto mūdati, Israheliticum populum gubernabāt. Lapis puteo superpositus, figuram domini præferebat. Puteus gratiam spūs sancti per prædicationem Christi uenturam ad ecclesiam ex gentibus: quæ obtecta erat, nōdū adueniēte & homine factō Christo.

DE LIA & Rachel, & duabus famulabus. Cap. XXV.

Igitur Iacob pergēs Mesopotamiā, accepit uxores duas, filias Laban fratris Rebeccæ: hoc est, primo Liam, secundo Rachel. Inde sibi accepit Liæ ancillam nomine Zelpham, & ancillā Rachel Balam: Ex quibus quatuor, genuit XII. filios & unā filiam. De Lia scilicet genuit ruben, Symeō, Leui, Iudam, Isachar, Zabulō. De Rachel autē Ioseph & Beniamin. De Bala ancilla Rachel, Dan & Neptalim. De Zelpha ancilla Liæ, Gad & Aser: Hi sunt duodecim filij Israhel. Nunc autem quid rerū figurauerint quatuor uxores Iacob, quarū duæ liberæ, duæ ancillæ fuerunt, dicendum est. Vidimus enim Apostolū in libera & in ancilla quas habebat Abraham, duo

ISIDORI ENARRATIO,

testamenta intelligere. Sed ibi in una & una facili⁹ apparet quod dicitur: Hic autem duæ sunt & duæ. Deinde ibi ancillæ filius exheredatur: Hic uero ancillæ filij cum filijs liberarij, terram promissionis accipiūt. Vnde hic proculdubio aliquid aliud significatur. Quid enim duæ liberæ uxores Iacob ad novum testamentum quo in libertatē uocati sumus, existimātur pertinere? Nō tamē frustra duæ sunt, nisi quia duæ uitæ nobis in Christi corpore prædicantur, una temporalis in qua laboramus: alia æterna in qua dilectionem dei contemplabimur. Lia namque interpretatur laborans: Rachel autem, uisum principium siue uerbum. Actio ergo huius uitæ in qua uiuim⁹ ex fide, laboriosa est in operibus, & incerta quo exitu proueniat ad utilitatem eorū, quibus cōsulere uolum⁹. Ipsa est Lia prior uxor Iacob: ac per hoc & infirmis oculis cōmemoratur: Cogitationes enim mortalium timidæ & incertæ prouidentia nostræ: Spes uero æternæ contemplatiōis dei, habens certam intelligentiam ueritatis, ipsa ē Rachel: Vnde etiam dicitur bona facie, & pulchra specie: Hāc enim amat omnis pie studiosus: & propter hanc seruit gratiæ dei, qua peccata nostra & si fuerint quasi phœnicium, tanq̃ nix dealbabitur: Laban quippe interpretatur dealbatio, cui seruiuit Iacob propter Rachel. Namq̃ enim se quisq̃ cōuertit sub gratia remissionis p̃c̃tōrum seruire iustitiæ, nisi ut quiete uiuat in uerbo ex quo uidetur principium, quod est deus. Ergo propter Rachel, nō propter Liam seruitur: Nam quis tandem amauerit in operibus iustitiæ laborem actiōum atq̃ passionū? Quis enim eam uitam propter seipsam expetierit, sicut

IN GENESIM.

ficut nec Liam Iacob: Sed tamen sibi nocte suppo-
 sita, in usum generandi amplexus, fecunditatem
 eius expertus est. Dominus enim eam, quia per se
 ipsam diligere non poterat, primo ut ad Rachel per-
 ueniretur, tolerare fecit: deinde propter filios com-
 mendauit. Ita uero unusquisque utilis de seruis, sub
 dealbationis peccatorum suorum gratia constitutus,
 quid aliud amans in sua conuersatione meditatur
 nisi doctrinam sapientiae, quam plerique se perceptu-
 ros putant, statim ut se in septem praeceptis legis
 exercuerint, quae sunt de dilectione proximi ne cuique
 noceatur: id est, honora patrem tuum & matrem tuam:
 non moechaberis: non occides: non furaberis: non fal-
 sum testimonium dices: non concupisces rem pro-
 ximi tui? Quibus obseruatis, posteaque homini pro con-
 cupita delectatione doctrinae, per tentationes ua-
 rias quasi per huius saeculi noctem, tolerantia labo-
 ris adhaerit, uelut pro Rachel Lia inopinata coniu-
 gitur: & hanc sustinet ut ad illam perueniat, si per-
 seueranter amat acceptis alijs septem praeceptis, ac
 si ei dicatur: Serui alius septem annis propter Rachel
 ut sit pauper spiritu, mitis, lugens, esuriens sitiensque
 iustitiam: misericors, mundi cordis, pacificus. Vel-
 let enim homo si fieri posset, sine ulla tolerantia la-
 boris quae in agendo patiendoque amplexanda est,
 statim ad pulchrae contemplationis delicias perue-
 nire: sed hoc non potest in terra morientium. Hoc enim
 uidetur significare quod dictum est ad Iacob. Non
 est moris in loco hoc, ut minor habeatur priusquam
 maior: Quia non absurde maior appellatur, quae tem-
 pore prior est. Prior est autem in hominis eruditio-
 ne labor boni operis, quam requies contemplatio

ISIDORI ENARRATIO,

nis. Ad unum ergo contēdendum est: sed propter
 hoc multa ferēda sunt. Ita q̄ duæ sunt uxores iacob
 liberæ: ambæ quippe sunt filiæ remissiōis peccato-
 rum, hoc est dealbationis peccatorū quod est La-
 ban: ueruntamen una amat, alia toleratur. Sed quæ
 toleratur, ipsa prius & uberius fœcundatur: ut si nō
 propter seipsam, sed certe propter filios diligitur:
 Laborem enim iustorū maximum fructū habet in eis,
 quos regno dei generat, inter multas tribulationes
 & tentationes prædicando Euangelium: & eos pro-
 pter quos sunt in laboribus abundantius, in plagis
 supra modū, in mortibus sæpius, propter quos ha-
 bent foris pugnas, intus timores, gaudium & coro-
 nam suam uocant. Nascūtur autē eis facilius atq; co-
 piosius ex illo sermone fidei, quo prædicāt Christū
 crucifixum. Rachel autem clara aspectu, mēte ex-
 cedit deo, & uidet in principio uerbū deū apud de-
 um: & uult parere & non potest, quia generationē
 eius quis enarrabit? Ideo q̄ cum contemplandi otia
 appetit ut diuinitatem ineffabilem cernat, uacare
 uult omni negotio. Et ideo sterilis, q̄ in uarijs præ-
 furis non subuenit. Sed quia & ipsa interdū procre-
 andi charitate inardescit, (uult enim docere quod
 nouit) uidet sororem labore agendi filijs abundā-
 tem, & dolet potius currere homines ad eam uirtu-
 tem qua eorum necessitatibus consulitur, q̄ ad illā
 unde diuinum aliquid discitur. hic dolor figuratus
 uidetur in eo quod scriptū est: Et zelauit Rachel
 sororē suam.) Proinde, quia purus intellectus spi-
 ritualis substantiæ, uerbis carne editis exprimi nō
 potest, elegit doctrinā sapientiæ per quaslibet cor-
 poreas similitudines insinuare diuinas, sicut elegit
Rachel

IN GENESIM,

Rachel ex viro suo & ancilla suscipere filios, magis
 q̃ sine filijs omnino remanere. Bala quippe ancilla
 Rachel, interpretatur inueterata. De ueteri quippe
 uita carnalibus sensibus dedita, corporeæ cogitan-
 tur imagines: etiam cum aliquid de spiritali & in-
 commutabili substantia diuinitatis auditur. Susci-
 pit & Lia de ancilla sua filios, amore habendæ nu-
 merosioris prolis accēsa. Inuenimus autem Zelphā
 eius ancillam interpretari os hiās. Quapropter hæc
 ancilla illos figurat, quorum in prædicatione fidei
 euangelicæ, os erat & cor non erat: de qualibus scri-
 ptum est: Populus hic me labijs honorat, cor autē
 eorum longe est à me. Et de quibus Apostolus dicit:
 Qui prædicas non furandum, furaris. Veruntamen
 ut etiā per hanc conditionalē libera illa uxor Iacob
 laborans, filios hæredes regni suscipiat, ideo domi-
 nus dicit: Quæ dicunt facite: quæ autem faciunt, fa-
 cere nolite. Vnde & Apostolus: Siue inquit, in occa-
 sione, siue ueritate Christus annuntietur: & in hoc
 gaudeo, sed & gaudebo: tanq̃ & ancilla partente de
 prole numerosiore lætatus. Est uero quidā Liæ fœ-
 tus ex beneficio Rachel editus, cum uirū suū secū
 debita nocte cubiturum, acceptis à filio Liæ man-
 dragoricis malis, cū sorore cubari permittit. Quid
 enim de mandragora dicendum est? Proinde rem
 comperi pulchrā & suaue olentē, sapore autē insipi-
 do: & ideo in illo mandragorico pomo figurari in-
 telligo famā bonā popularē: Vnde dicit Apostolus.
 Oportet etiā testimoniū bonū habere ab eis q̃ foris
 sunt: qui licet parū sapiāt, reddunt tñ plerūq; labori
 eorū per quos sibi consulitur, & splendorem laudis,
 & odorem bonæ opinionis. Nec ad istam gloriam
 popu-

ISIDORI ENARRATIO,

popularem, primi perueniunt eorum qui sunt in ecclesia, nisi quicumque in actionum periculis & labore uersentur. Propterea Liæ filius mala mandragorica inuenit exiens in agrum: id est honeste ambulans ad eos qui foris sunt. Doctrina uero illa sapientiæ quæ à uulgi strepitu remotissima in contemplatione ueritatis dulci dilectione defigitur, hanc popularē gloriam quantulacumque non assequeretur nisi per eos, qui in medijs turbis agendo, accusando, populis pre sunt: quia dum isti actiuosi & negotiosi homines, per quos multitudinis administratur utilitas, & quorum auctoritas populis chara est, testimoniū perhibent etiam uitæ, propter studium conquirendæ & cōtemplandæ ueritatis otiosæ, quodammodo mala mandragorica per Liam perueniunt ad Rachel: ad ipsam uero Liam per filium primogenitum: id est per honorem fœcunditatis eius: in quo est omnis fructus laboriosæ atque inter incerta tentationū periclitantis actionis: quia plerique bono ingenio præditi, studioque flagrant, quamuis idonei regendis populis esse possint, tamen euitant propter turbulentas occupationes: & in doctrinæ otium toto pectore tanquam inspectione Rachel feruntur in amplexus. Et quia bonum est ut etiam hæc uita latius innotescens popularem gloriam mereatur, iniustum est autem ut eam consequatur, si amatorem suum administrandis ecclesiasticis curis aptū & idoneū, non otio detinet: & gubernationem communis utilitatis impedit: propterea Lia sorori suæ dicit: Parast tibi quod uirū meū accepisti, insuper & mandragorā filij mei uis accipere? Per unum uirum significans eos omnes, qui cum sint agendi uirtute habiles,

IN GENESIM.

les & digni, quibus regimen ecclesię committatur, ad dispensandum fidei sacramentum, illi accēsi studio doctrinę atq; indagandę & contemplandę sapiētīę, se ab omnibus actionum molestiis remouere, atq; discendi in otio aut docendi uolunt consedere. Ita ergo dictum est: Parum est tibi q̄ accepisti uirum meum, insuper & mādragoram filiū mei uis accipere? ac si diceretur: Parum est tibi quod homines ad laborem rerum gerendarum necessarios, in otio detinet uita studiorum: insuper & popularem gloriam requirit? Proinde ut eam iuste compareret, impartit Rachel uirum sorori suę illa nocte: ut scilicet qui uirtute laboriosa regimini populorū accommodati sunt, etiam si scientię uacare delegerant, suscipiant experientiam tētationum: curatum quoq; sarcinam pro utilitate communi: ne ipsa doctrina sapientię cui uacare statuerant, blasphemetur: neq; adipiscatur ab imperitiis populis existimationem bonam, quod illa poma significant: & quod necessarium est exhortationem discētiū: sed plane ut hanc curā suscipiant, uī coguntur satis. Et hoc significatum est, quod cū uenerit de agro iacob, occurrat ei Lia: eumq; detinens ait: Ad me intrabis: conduxī enim te pro mandragoris filiū mei.) tanq̄ diceret: doctrinę quā diligis uis conferre bonā opinionem, noli fugere officiosum laborem. Hęc in ecclesia geri quisquis aduertit, cernit & experitur in exemplis, quod intelligamus in libris. Quis non uideat hoc geri toto orbe terrarum, uenire homines ab operibus seculi, & ire in otij usum cognoscēde & contemplandę ueritatis, tanquā in amplexum Rachel: & excipi de transuerso ecclesiastica necessitate

ISIDORI ENARRATIO,

tate: atq; ordinari in labore, tanq̃ Lia dicente, ad me intrabis? Quibus istud mysterium dei dispensantibus, ut in nocte huius seculi filios generet fidei, laudatur à populis etiam illa uita, cuius amore cōuersi, & spem seculi relinquunt: & ex cuius professione ad misericordiam regendæ plebis assumpti sunt. Id enim agunt in omnibus laboribus suis, ut illa professio qua se cōuerterant, quia tales rectores populi dedit, latius & clarius glorificetur, tanq̃ Iacob nō recusante noctem Liæ, ut Rachel pomis suaue olētibus & clare nitentibus, potiatur: quæ aliquando & ipsa, præstante misericordia dei per se ipsam parit, uix tandem quidem: quia paucorū est: ut, in principio erat uerbum, & uerbum erat apud deum, & deus erat uerbum: & quicquid de hac re pie sapienti terq; dicitur, & sine phātasmate carnalis cogitationis, & salubriter uel ex parte capiat. Alio quoq; sensu Liam & Rachel, Victorinus martyr, & cæteri in similitudine ecclesiæ uel synagoge, interpretati sunt. Liam enim maiore natu, synagogæ tenuisse existimant typū, quia prior dei genuit populū: quæ quidem & oculis legitur grauida, quia lex per Moysen data: quæ operta est atq; signata. Rachel autem iunior & pulchra, prius sterilis & postmodum fœcunda, similitudo est ecclesiæ. Iunior, quia tempore posterior. Pulchra, quia sancta corpore & spiritu. Oculi eius decori, quia euangelium prospicere meruerunt. Quæ etiam tandiu sterilis fuit, quousq; synagoga populum generauit. Cur autē Iacob pro Rachel seruiuit, & supponit ei Lia maior, nisi quia dominus ut ecclesiā assumeret, prius synagogā sibi cōiūxit? Seruitus itaq; Iacob septē annorū pro duabus

IN GENESIM.

uxoribus, huius uitæ præsentis tempus significat, quæ per septem dies euoluitur: in qua dominus formam serui accepit: factus obediens paternæ uoluntati usque ad mortem. Ille enim pro ouibus seruiuit: & dominus noster ait: Non uenit filius hominis ministrari, sed ministrare. Ille oues paut: & dominus in euangelio dicit: Ego sum pastor bonus. Ille mercedis lucro uariū sibi pecus abstulit: Christus diuersarum gentium uarietatem sibi met congregauit. Ille tres uirgas amputatis corticibus, in aluicis aquarum opposuit, ut earum contemplatione multiplicaretur eius oues: & dñs noster in aqua baptismatis trium personarū nomina populo fidei proposuit: ut quisque hoc pleno corde perspexerit, efficiat̃ ouis dei.

DE FUGA IACOB & Rachel, quæ furata est idola patris sui. Cap. XXVI.

Post longam igitur seruitutem quam Iacob apud socerū suum pro uxoribus uel mercede sustinuit, præcepit ei deus ut reuerteretur ad patriā suam. Tunc ignorante socero suo, cum uxoribus, cum comitatu properauit. Laban autē consecutus est eum in monte Galaad cum furore: atque idola quæ Rachel furata erat, apud eum requisivit, nec repperit. Quid ergo sibi hoc ipsum figuraliter uelit? Dum enim Laban aliam superius gerat personam, nūc tantū diabolici ty pum figurat. Laban quippe interpretatur dealbatio. Dealbatio autē diabolus non inconuenienter accipitur: quia cum sit tenebrosus ex merito, transfigurat se uelut in angelū lucis. Huic seruiuit Iacob, id est ex parte reproborū: Iudai cus populus, ex cuius carne incarnat⁹ dñs uenit. Potest per Laban mūdus hic exprimi, qui cū furore Iacob se qui-

ISIDORI ENARRATIO,

sequitur: quia electos quosque qui redemptoris nostri membra sunt, persequendo opprimere conatur: Huius filiam, id est seu mundi siue diaboli, Iacob abstulit, cum sibi Christus ecclesiam ex gentilitate coniunxit: quam & de domo patris abstrahit, quia & ei per prophetam dicit: Obliviscere populum tuum & domum patris tui. Quid uero in idolis, nisi auaritia designatur? Vnde per Paulum dicitur: Et auaritia quæ est idolorum seruitus. Laban ergo ueniens apud Iacob, idolum non inuenit: quia ostensis mundi thesauris, diabolus in redemptore nostro uestigia concupiscentiæ terrenæ non repperit. Sed quæ in actibus habuit, ea Rachel sedendo coopuit. Per Rachel quippe quæ & ovis dicitur, ecclesia figuratur. Sedere autem, est humilitatem poenitentiæ appetere, sicut scriptum est: Surgite postquam sederitis. Rachel ergo idola sedendo cooperuit, quia sancta ecclesia Christum sequens, uitium terrenæ concupiscentiæ per humilitatem poenitentię cooperuit. De hac cooperatione uitiorum per prophetam dicitur: Beati quorum remissæ sunt iniquitates: & quorum tecta sunt peccata. Nos igitur Rachel illa significauit qui idola sedendo premimus, si culpas auaritię poenitendo damnamus: quæ utique auaritiæ immunditia, non illis qui uiriliter currunt, quibus dicitur: Viriliter agite & confortetur cor uestrum, sed his maxime euenit, qui quasi effœminato gressu gradientes, per blandimenta seculi resoluuntur. Vnde illic eiusdem Rachelis hæc uerba sunt. Iuxta consuetudinem foeminarum nunc accedit mihi.) id est quasi muliebria se habere innotuit. Laban autem postquam persecutus esset Iacob, & inuenisset eum, & locuti essent

IN GENESIM.

essent inter se ineuntes foedus, tulit Iacob lapidem
& erexit illum in titulum: dixitq; fratribus suis:

Afferte lapides. Qui congregantes fecerunt tumulū:
quem & uocauit Laban tumulum testis: & Iacob
aceruum testimoniū.) Inter fideles enim tam Iudæos
quā gentes, testis est lapis eminēs in similitudinem
CHRISTI, & aceruus lapidum qui est multitudo
credentium.

DE LVCTA Iacob cum angelo.

Cap. XXVII.

HIs transactis, Iacob mittit nuntios ad Esau
fratrem suum: mittit & munera. Post hæc
transductis omnibus suis per torrentē, ipse
remanfit solus: & ecce uir luctabatur cum illo, præ-
ualuitq; ei Iacob: nec dimisit eum nisi benedictio-
nem extorqueret: sacrumq; Israhel nomen accipe-
ret: in quo principaliter sacramētū dominici imago
præfigurata est. Vir enim ille typum Christi euide-
tissime gesserat: cui tamen ideo præualuit Iacob,
utiq; uolenti ut mysterium figuraret passiōis Chri-
sti: ubi uisus est Iacob in Iudæorum typo, hoc ē in
corporis sui sobole præualuisse deo: & quasi cum in-
firmo, ita cū carne eius luctamen inire: & inualesce-
re in passiōe eius, sicut scriptū est cum diceret: Cru-
cifige. Et tamen Iacob benedictionē ab angelo eo-
dē quē uictor superauerat, impetrauit: cuius nomi-
nis impositio utiq; benedictio fuit. Interpretat autē
Israhel uidens deum: quod erit in fine præmiū san-
ctorum omnium. Tetigit porro illi idē angelus la-
titudinem fœmoris, & claudum reddidit. Sicq; erat
unus atq; idem Iacob, benedictus & claudus. Bene-
dictus in his, qui in Christum ex eodē populo cre-
derunt

ISIDORI ENARRATIO,

diderunt, atq; in infidelibus claudus: Nam fœmoris nervus uel latitudo, generis multitudo est. Plures quippe sunt in stirpe, qui degenerantes à fide patræ & à præceptis auctoris sui deuiantes, in erroris sui semitis claudicant: de quibus prophetice prædictū est: Et claudicauerunt à semitis suis: qui tamen populus prætactis sibi uiribus, non solum claudicat sed & torpescit, ne ultra iam generare filios possit. Deniq; quod adiecit idem patriarcha, uidisse se dominum facie ad faciem, cum superius uirū secum narret fuisse luctatum, id significat, q̃a idem deus hō erat futurus, qui cū Iacob populo luctaretur.

D'E Dina & partu Rachel, & incestu
Ruben. Cap. XXVIII.

Post hæc Sichem Emor filius, Dinam filiam Iacob uiolauit: qui post concubitum eius, familiaræ Israhel uoluerat sociari: quem Symeon & Leui fratres, uirginitatis sororis uindices, dolo cū omni populo eius interfecerūt. Sed qd sibi uelit qd scriptum est? Egressa est Dina ut uideret mulieres regionis illius: quam cum uidisset Sichem fili⁹ Emor Euæi princeps terræ illius, adamauit & rapuit: dormiuitq; cū ea ui opprimens uirginē, & conglutinata est anima eius cum ea: tristementq; blāditijs deliniuit.) Dina quippe ut mulieres uideat extraneæ regionis egreditur, quando unaquæq; mens sua studia negligens, actiones alienas curans, extra habitum atq; extra ordinem proprium euagatur. Quam Sichē princeps terræ opprimit, quia uidelicet inuentam in curis exterioribus, diabolus corrūpit. Et cōglutinata est anima eius cum ea, quia unitam sibi

IN GENESIM.

tam sibi per iniquitatem respicit. Et quia cum mēs à culpa resipiscit addicitur, atq; admissum flere conatur, corruptor spes ac securitates uacuas ante oculos uocat, quatenus utilitatē tristitiæ subtrahat, recte illic adiungitur, tristēmq; blanditijs delinuit. Modo enim aliorum facta grauiora: modo nihil esse quod perpetratum est: mō misericordē deum loquitur: modo adhuc tempus subsequens ad poenitentiam pollicetur. ut dū per hæc decepta mēs ducitur, ab intentione poenitentię suspendatur: quatenus tunc bona nulla percipiat, quā nūc mala nulla contristant, & tunc plenius absorbeat supplicijs, q̄ nūc gaudet in delictis. Dehinc loquitur deus ad Iacob, ut habiraret in Bethel. Ibi Rachel cū pareret Benjamin, mortua ē. Sed quid sibi uult, qđ cum eundē Benjamin Rachel pareret, uocauit nomen eius, filius doloris mei, nisi futurum prophetās ex ea tribu Paulum qui affligeret filios ecclesiæ persecutionis suæ tempore? Aliter per Benjamin terrestris figurabatur Ierusalē, quæ est in tribu eiusdem Benjamin: cuius populus graui matrem dolore affecit, effundendo sanguinem prophetarum: insuper etiam in necem CHRISTI impijs acclamando uocibus: Sanguis eius super nos, & super filios nostros. Interea Ruben concupiscētia motus est libidinis, & in concubinam patris sui præceps efferbuit: quod incesti crimen non scriberetur, nisi futura peruersitas populi pronuntiaretur: quanq̄ & in illo qui hoc cōmiserit, cōsideretur esse flagitium: in scripturis autē prophetia ē futurorū. Nāq; per Ruben primogenitū, ppl's primogenit⁹ Israhel ex circūcissione significat, qđ thorū cōcubinæ polluit: id est, legē ueteris

ISIDORI ENARRATIO,

testamenti sæpe preuaricando cōmaculauit. Quod autem in concubina, lex ueteris testamenti ponat, Paulus edocuit dicēs: Abraham duos filios habuit: unum de ancilla, & unū de libera. Hæc autem sunt duo testamenta: in quo Agar quæ concubina fuit, in ueteris testamenti ponitur typo: Vna est em̄ perfecta columba genitrici suæ: quæ uirgo casta, sponsa regis ecclesia, per euangelium iungitur Christo.

DE I V D A quando dormiuit cum
nuru sua. Cap. XXIX.

IAm deinde Iudæ factum consideremus, quia cū sua nuru concubuit, qd significauerit futurorū. In Thamar ergo nuru Iudæ, intelligitur plebs Iudæa: cui de tribu Iuda reges tanq̄ mariti adhibebantur. Merito nomen eius amaritudo interpretatur: ipsa enim domino fellis poculū dedit. Duo autē genera principum qui non recte operabātur in plebe, unum eorum qui oberant, alterum eorum qui nihil proderant, significantur in duobus filijs Iudæ, quorum unus erat malignus uel sæuus ante dominum, alter in terra fundebat semen, ne daret ad fecundandam Thamar: nec sunt amplius q̄ duo genera hominū inutilia generi humano: unū nocentiū, alterum præstare nolentium: & si quid boni habēt in hac terrena uita perdentiū: tanq̄ in terra fundentium. Et quia in malo prior est ille qui nocet, q̄ ille qui non prodest, ideo maior dicitur malignus ille, & sequens qui fundebat semen in terram: nomēq; maioris qui uocatur Her, interpretatur pelliceus: qualibet tunicis induti sunt primi homines in pœna dānatiōis suæ dimissi ex paradiso. Sequentis aut nomen qui uocatur Onan, interpretatur memor eorum

IN GENESIM.

eorum. Quorum, nisi quibus nihil prodest, cum habeat unde prodesse possit: atque id perdat in terram. Maius porro malum est ablatae uitae quod significat pellis, quam non adiuta, quod significat, memor eorum. Deus tamen ambos occidisse dictus est: ubi figuratur regnum talibus hominibus abstulisse. Tertius uero filius Iudae, quod illi mulieri non iungitur, significat tempus ex quo reges plebi Iudaeorum coeperunt de tribu Iudae non fieri. Et ideo erat quidem filius Iudae, sed eum Thamar maritum non acceperat: quia erat eadem tribus Iuda, sed iam in populo inde nemo regnabat. Vnde et nomen eius, id est Selo, interpretatur dimissio eius. Non pertinent sane ad hanc significationem uiri sancti et iusti, qui licet illo tempore fuerint, ad nouum tamen pertinent testamentum: qui prophetando scienter utiles fuerunt: qualis Dauid fuit. Eo sane tempore quod iam Iudaea coeperat reges ex tribu Iuda non habere, non est computandus Herodes maior in regibus eius, tanquam maritus Thamar. Erat enim alienigena: nec ei sacramento illo mysticae unctiois, tanquam coniugali foedere cohaerebat, sed tanquam extraneus dominabatur: quam potestatem à Romanis et à Caesare acceperat. Sic et eius filij tetrarchae, quorum erat unus Herodes patris nomine appellatus: qui cum Pilato in passione domini concordauit. Isti ergo alienigenae usque adeo non deputabantur in regno illo mystico Iudaeorum, ut ipsi Iudaei publice clamarent frendentes aduersus Christum: Nos non habemus regem nisi Caesarem: neque hoc uerum, nisi illa uniuersali dominatione. Romanorum quippe etiam Caesar rex erat non propriae Iudaeorum, sed ut Christum negarent.



ISIDORI ENARRATIO,

& hunc adorarent, ideo se tali uoce damnarunt. Il-
 lo in tēpore quo iam de tribu Iuda regnum defece-
 rat, ueniēdum erat Christo uero saluatori domino
 n ostro, qui non obesset, multumq; prodesset. Hinc
 enim fuerat prophetatū: Non deficiet princeps ex
 Iuda, neq; dux de fœmorib⁹ eius, donec ueniat qui
 mittendus est: & ipse erit expectatio gentium. Iam
 isto tempore omne quoq; magisterium Iudæorū,
 & mystica, unde Christi uocabātur, unctio ipsa de-
 fecerant, secundum prophetiam Danielis; Tunc ue-
 nit cui repositum erat expectatio gētiū, & unctus
 est sanctus sanctorum oleo exultationis præ parti-
 cipibus suis. Natus est enim maioris Herodis tēpo-
 re. Passus ē Herodis minoris tetrarchæ. Huius itaq;
 uenientis ad oues quæ perierant domus Israhel, fi-
 guram gessit ipse Iudas, cum iret ad tendendas o-
 ues suas in Tamna, quod interpretat̃ deficiens. Iam
 enim defecerat princeps ex Iuda: & omne magiste-
 rium atq; unctio Iudæorū: donec ueniret cui repo-
 sitū erat. Venit autē cum suo pastore Odollamite,
 cui nomē erat Hyras. Interpretatur Odollamites te-
 stimōium in aqua. Cum hoc plane testimonio do-
 minus uenit, habens quidem testimoniū maius Io-
 hanne: Sed tamen propter oues infirmas, hoc testi-
 monio usus est in aqua. Nā & ipse Hyras, quod no-
 men illius pastoris fuit, interpretatur fratris mei ui-
 sio. Vidit omnino fratrem suum Iohannes: fratrem
 secundum semen Abraham: secundum cognationē
 Mariæ matris eius, & Elisabet matris suæ, eundem
 dominum & deum suum: quia sicut ipse ait: Ex
 plenitudine eius accepit. Vidit omnino: & ideo in
 patris mulierum maior illo non surrexit, quia ex o-
 mnibus

IN GENESIM.

mnibus prænuntiātibus CHRISTVM ipse uidit,
 quod multi iusti & prophete cupierunt uidere, &
 non uiderunt. Salutaui ex utero agnouit perfecti-
 us ex columba, & ideo tanq̃ Odollamites, uere te-
 stimonium perhibuit ex aqua. Venit aut̃ dominus
 ad oues tondēdas, hoc est exonerādas sarcinis pec-
 catorū: ex quibus ecclesiæ laudati in Canticis Can-
 titorū dentes essent, uelut grex detonsar̃. Iam dein
 de Thamar habitū mutat: nam & cōmutans inter-
 pretatur Thamar: Mutat habitū, mutat & nomen:
 & fit de synagoga ecclesia. Sed in ea prorsus nomē
 amaritudinis manet, non illius amaritudinis in qua
 domino fel ministrauit, sed illius in qua Petrus ama-
 re fleuit. Nam & Iuda Latine cōfessio est. Confessio
 ni ergo amaritudo misceat̃, ut uera pœnitētia præ-
 signetur. Hac pœnitētia fœcundat̃ ecclesia in omni-
 bus gentibus constituta. Oportebat enim Christū
 pati & resurgere tertia die: & prædicari in nomine
 eius pœnitentiā & remissionē peccatorū per oēs gē-
 tes, incipiētibus ab Hierusalē. Nā & ipse habitus me-
 retricius, cōfessio peccatorū est. Typū quippe eccle-
 siæ gerit Thamar ex gētibus euocatæ, sedēs cū hoc
 habitu ad portā Eman uel Enain, q̃ interpretatur
 fontes. Cucurrit em̃ uelut ceruus ad fontes aquarū,
 peruenire ad semen Abrahæ: illic à non cognoscēte
 fœtat̃: quia de illa prædictū est, Populus quē nō co-
 gnoui, seruiuit. Accepit in occulto anulū, monile &
 uirgā: uocatiōe enī signat̃: iustificatiōe decorat̃: glo-
 rificatiōe exaltat̃. Quos em̃ p̃destinauit, illos & uo-
 cavit. Quos aut̃ uocauit, illos & iustificauit. Et q̃a iu-
 stificauit, illos & glorificauit. Sed hæc ut dixi adhuc
 ī occulto, ubi fit & cōceptio sanctę ubertatis. Mittit̃

autē promissus hædus, tanq̃ meretrici. Hædus ex
 probratio peccati. Per eundē Odollamitem, tanq̃
 increpantem & dicentem: Generatio uiperarū: sed
 nō eam inuenit peccati exprobratio, q̃ mutauit cō
 fessionis amaritudo. Pōst uero iam publicis signis
 anuli, monilis & uirgæ, uicit temere iudicantes Iu
 dæos, quorum iam personam Iudas ipse gestabat,
 qui hodieq; dicūt: non hunc populum esse Christi,
 nec habere nos semen Abrahæ, sed prolatis certissi
 mis documentis nostræ uocationis, iustificationis
 & glorificationis, erubescant sine dubio & confun
 dantur, & nos magis q̃ se iustificatos esse fateant.
 Pignora em̃ refert habere secum ecclesia. Accusare
 tur enim à Iudeis quasi adulteratrix legis. Sed ostē
 dit uirgā, signū passionis: & monile, legis legitima:
 & anulū, pignus immortalitatis. Quod aut scriptu
 ra inducit parientē Thamar, & duos in utero gē
 nos habētem, q̃ & scilicet primus qui dicitur Zara,
 misit manum suā, & obstetrix ligauit coccinū: & de
 hinc illo manum intrinsecus retrahente, posterior
 qui Phares uocatur, porrexit & nascēdo præcessit,
 figuraliter congruit, quod extēderit Israhel in legis
 opera manum suā, & eam prophetarū & ipsius sal
 uatoris pollutā cruore, cōtraxerit: postea uero pro
 rupit populus gentiū: scilicet ut futuri essent nouis
 simi qui erant primi: & primi futuri essent, qui erāt
 nouissimi.

DE HISTORIA Ioseph.

Cap. XXX.

DEhinc historia sequitur Ioseph, qui uendit⁹
 ab inuidentibus fratribus, in Aegyptum p
 ductus, atq; ibidē sublimatus ē. Ioseph unus
 ex duo

I N G E N E S I M.

ex duodecim filiis Iacob, quem pater præ cæteris filiis dilexit, C H R I S T V M dominum figurauit: quæ deus pater secundum carnem natum, cæteris filiis ex Abraham stirpe progenitis, prætulit: unde & ibi dicitur: Amabat eum Iacob, eo quod in senectute genuisset eum.) Senescenti enim mundo illucescens dei filius per Mariæ uirginis partum, serus aduenit: tantum filius senectutis secundum sacramentum suscepti corporis, qui erat ante sicut semper apud patrem. Tunica autem polymita quam ei fecit pater, uarietatem ex omnibus gentibus populorum in corpore Christi congregatam significauit. Somnium uero illud, per quod fratrum manipuli adorauerint manipulum eius, illud est, quod in Christo impletum est: Adorabunt eum omnes reges terræ: omnes gentes seruient ei. scilicet per fidem fructum bonorum operum offerentes. Ipse est quem sol & luna & stelle adorant: de quo sole dictum est: Laudate eum sol & luna, & omnes stellæ. Ipsum enim excellentia sanctorum in solis nomine, & ecclesiæ claritas sub imagine lune, & omnium populorum numerositas in figura stellarum adorat. Vnde & pater suus increpauit eum dicens: Nunquid ego & mater tua & fratres tui adorabimus te?) Obiurgatio ista patris, duritiam populi Israhel significat: qui pro eo quod ex se natum C H R I S T V M esse cognoscunt, adorare contemnunt. Iacob mittit Ioseph filium suum, ut de fratribus sollicitudinem gereret: & deus pater misit unigenitum filium suum, ut genus humanum peccatis languidum, uisitaret. Mittitur ab illo, utique patre, de quo scriptum est: Misit deus filium suum in similitudinem carnis peccati. Vt uideret si recte essent oues.) Et dominus in Euangelio: Non ueni, nisi ad oues

ISIDORI ENARRATIO,

perditas domus Israël. Inuenit ergo Ioseph fratres suos in Dothaim.) Dothaim interpretat defectio. Vere in grandi defectione erant, qui de parricidio cogitabāt: Quia cū uidissent Ioseph fratres sui procul, occidere eū cogitauerūt. Et Iudæi uidentes uerū Ioseph dominū Iesum Christū, ut eū crucifigerent, unū omnes consiliū statuerūt dicētes: Crucifige eū.

Fera pessima deuorauit eū.) id est Iudaica bestia interfecit eū: de qua dñs in euāgelio dicit: Ecce mitto uos sicut oues in medio lupoꝝ. Nudauerunt Ioseph fratris sui tunica polymita & talarī.) & Iudæi Christū per mortē crucis expoliauērūt tunica corporali. Polymitā autē dicit scriptura, id est decoratā omniū uirtutū diuersitate. Resperferunt autē tunicam hoedi sanguine.) quia eū falsis testimonijs accusantes, in inuidiā deduxere peccati, omniū peccata donantē. Mittit dehinc in cisternā, id est in lacū: & Christus expoliatus carne humana, descendit in infernū. De cisterna quoq; leuatus ille, Ismahelitis uendit: & Christus postea q̄ de inferno egredit, ab omnibus gētibus fidei cōmercio cōparat. Ille p Iudæ consiliū triginta argēteis distrahit: & hic per cōsiliū Iude Scarioth eodē numero uenundat. Dehinc Iacob posteritatis suę deplorās dispēdia, quasi pater filiū lugebat amissum: quasi propheta flebat interitum Iudæoꝝ. Deniq; scidit uestimentū suū: quod in passiōe domini legimus factū à principe sacerdotū. Sed & uelū templi scissum est, ut propheta & nudatum suū populū, & diuisum ostenderet regnū. Igit Ioseph descēdit in Aegyptū.) & Christus in mūdum. Emit eū eunuchus.) i. castus in disciplinis euāgelicis populus. Erat aut Ioseph pulchra facie.)

IN GENESIM.

ita & de Christo Dauid ait: Speciosus forma præ filiis hominū: diffusa est gratia in labijs tuis. Sed mulier inquit in eū oculos iniecit, ut adulteriū cū illa perpetraret. Ista mulier figura erat synagogæ, quæ sæpe sicut scriptū est, mœchata est cū dijs alienis: similiter uolebat & Christū in adulteriū sui scelere retinere, ut negaret se esse deū: & phariseorū magis & scribarū q̄ legis præcepta seruare, quæ illi uelut maritus erat. Christus autē non adquiescēs illicitæ doctrinæ, adulterio adulterinæ synagogæ, manu ueste corporis apprehensus, carne se exuit: atq; liber mortis, in coelū ascēdit. Calūniata est meretrix, ubi eū tenere nō potuit dicēs: eo q̄ templū dñi blasphemaret: & legis dicere se esse trāsgressor: & illū non carcer tenuit, non inferna terruerūt, quin etiā, ubi ueluti puniendus descenderat, inde alios liberauit. Deniq; inuenit duos eunuchos de domo regis in carcere uinctos, duorū populorū credētū uel incredulorū figurā significantes: qui conclusi sub peccato, Adæ trāsgressionī obnoxij tenebant. Qui ideo eunuchi dicti sunt, quia castā acceperāt regulā disciplinæ. Eloquia inquit domini casta. Deniq; post trinā lucē domino ab inferis resurgēte, & legis obscura ut Ioseph somnia reuelante, solutus est à peccatis credentiū popul⁹: & de inferni carcere liberat⁹, reddit⁹ in ministerio diuinæ legis. Incredulus autē & impius popul⁹ Iudeorū, q̄ in cōuersatiōis ligno nō credidit, trāsgressiōis ligno suspēdit⁹: ut illi alteri cōtigit eunuchō q̄ uideorū imaginē indicauit. Præterea narrat Pharaō somniū, interpretat⁹ Ioseph. Sed quid significāt vii. anni q̄ in vii. spicis plenis, seu q̄ in septē uaccis piguib. ostendebant, nisi septē charismatū spiritualiū dona, quibus

ISIDORI ENARRATIO,

quibus ubertas fidei larga pietate redundat? At cōtra, septem steriles & ieiunæ, famem ueritatis & iustitiæ nouissimis tēporibus significabāt. Congregauit autē Ioseph per septem annos omniū frugum abundantiam. id est frumenta fidei sanctorū horreis cōdēs, per illa scilicet septem charismata quasi per septem annos: ut cum septē anni inopiæ ceperint, idem cū iniquitas illa occurrerit septem capitaliū criminum sub Antichristo, quando fames fidei fuerit & salutis, tunc sancti pariter & fideles habeant curiosam iustitiæ frugem: ne fides eorū inopia sermonis attenuata, deficiat. Inde Ioseph qui typū induerat Christi, currum meruit: & præconauit ante eum præco: & constituit illum super uniuersam terram Aegypti. Et dominus noster postq̃ ē distract⁹ à Iuda ut Ioseph à fratribus, & de inferorū carcere surrexit, ascendit currū regni coelestis: de quo dictum est: Currus dei decem miliū multiplex milia lætantium. Et accepit potestatem à patre prædicandi & iudicandi, sicut Paulus apostolus ait: Et dedit ei nomen quod est supra omne nomē: ut in noīe Iesu omne genu flectatur, coelestiū, terrestriū & inferorū. Accepit q̃q; pontificatū, & anulū scilicet fidei, quo credentium aīæ salutis signo signantur frontibusq; & cordib⁹. Per signū crucis, figura regis æterni exprimitur. Induiturq; stola byssina, id est carnem suam bysso splendidiore, & stolā immortalitatis. Accepit quoq; torquem aureā, id ē intellectum bonū. Præco ante eū præcedit: id ē Iohannes baptista: q̃ iter eius præcedēs, præconabatur dicēs: Parate uiam domini: habebit autē & aliū præconē tubam angeli: quia ipse dixit: Veniet in tuba angeli. Vocatur quippe

IN GENE SIM.

tur quippe Ioseph lingua Aegyptiaca saluator mūdi. Quid manifestius de Christo, quando sub figura Ioseph saluator ostēditur. non tantū unius terræ Aegypti, sed etiā totius mūdi? Triginta annorū erat Ioseph, quādo in conspectu regis Pharaōis stetit: totidemq; annis fuisse legitur Christus, quādo sub typo Pharaonis in conspectu mundi apparuit reuelatus. Accepit ergo ex gentibus uxore id est ecclesiā: ex qua genuit duos filios: id est duos populos ex Iudæis & gentibus congregatos. Igitur post ubertatis annos, in uniuerso orbe fames preualuit, & merito: quia non erat qui faceret bouitatē. Post hæc Ioseph à penuria frumēti saluat Aegyptum: & Christus fame uerbi dei liberat mundum. Apperuit enim horrea sua Christus in omni orbe terrarū: & erogatiōe frumenti sui omnia subiugauit. Nisi enim fratres uendidissent Ioseph, deficeret Aegyptus. Nisi Iudæi Christū crucifixissent, perierat mundus. Ioseph igitur interpretatur augmentatio siue ampliatio. Sed in illo Ioseph ampliatiōem nō habuit nisi sola Aegyptus: in nostro uero Ioseph augmētum meruit habere uniuersus mundus. Ille erogauit triticū: noster erogauit dei uerbum. In omnem terram exiuit sonus eorum. Dicit Iacob filiis suis: Est frumentū in Aegypto.) et dicit deus pater: Ex Aegypto uocaui filium meum. Descendunt igitur decem perfectiores, id est Iudæi quasi decalogo legis in numero constituti: q̄s ipse cognoscens nō ē agnitus ab eis. Cognoscuntur & Hebræi à Christo: ipsi aut non cognoscunt eū. Dederuntq; illi pecuniā, sed Ioseph id est Christus, triticū dedit & argētum reddidit: quia non pecunia emitur Christus, sed gratia. Vidit Ioseph

ISIDORI ENARRATIO,

Ioseph Benjamin fratrem suum parvulum.) Mystice quod uide-
 dit dominus Iesus Paulum, quoniam lux circumfulsit eum. Parvulus dici-
 tur, quia nondum maturam in carne fidei aetatem gerebat.
 Unde etiam et adolescens legitur, quoniam lapidantium Stepha-
 num uestimenta seruabat. fleuit Ioseph.) et ca-
 ritas Pauli, fletus est Christi. Lauat faciem suam.)
 ut lumen ei amissum restituat. Lauat faciem suam
 Christus, ubi baptizatus est Paulus, per quem domi-
 nus Iesus a plurimis uideretur. Dehinc Ioseph argen-
 teus scyphus, soli sacculo iunioris inseritur. Sed quod
 sibi uult quod inuentus est in sacco Benjamin scyphus
 Ioseph, nisi quod in corpore Pauli iam doctrinae coele-
 stis praefulgebat eloquium, dum esset eruditus in
 lege. Sed quia subiectus non erat, intra saccum erat
 scyphus: doctrina intra legem: lucerna intra modium.
 Missus tamen Ananias manum posuit: marsupium
 soluit: marsupio soluto, argentum resplenduit: et deci-
 dentibus squamis uelut quibusdam sacci uinculis, so-
 luto sacco, id est deposito legis uelamine, adeptus
 est gratiam libertatis: et reuelata facie sermonis euangelium
 praedicat. Dati sunt triginta argentei cum
 quinque stolis optimis. Triginta argenteos a Christo
 accipit, quicumque praedicat trinitatem siue Christi cru-
 cem. Ideoque Paulus ait: Neque enim iudicaui scire me
 aliquid inter uos nisi Christum Iesum, et hunc cruci-
 fixum. Vere autem stolas accepit: id est sapientiae
 omniumque sensuum multiplices disciplinas. Prae-
 cellit igitur Paulus: quia eius exuberat portio merito-
 rum. Sed tamen habent et fratres, id est alij praedi-
 catores gratiam suam, binas stolas: id est ut confiteantur
 Christum et deum esse et hominem, iuxta quod in Prouer-
 bijs legitur: Omnes domestici eius uestiti sunt du-
 plici-

IN GENESIM.

plicibus; id est mystica uel morali intelligentia. Mit-
tuntur & patri munera: filius honorat patrem: Chri-
stus populū suū promissis inuitat muneribus. Por-
tant hæc munera a fini illi, gentiles inutiles & labo-
riosi: nūc utiles portāt in typo Christi munera: por-
tāt in euāgelio munera largitorē. Misit ergo Ioseph
fratres suos, qui nuntiauerunt patri dicētes: Ioseph
uiuit: & ipse est dominus in omni terra Aegypti. Ex-
pauit aut Iacob,) id est gēs incredula. Sed postquā
Christi gesta cognouit, reuiuiscit spiritus eius: & q
mortuus uidebat, fide resurrectionis Christi uiuifica-
tur. Vocatus ergo à filijs suis, id est à Petro, Paulo &
Iohāne, populus Iudeorū inuitat ad gratiā. Occurrit
illi Iudas, qđ interpretatū est confessio: qđ præcedit
iam cōfessio qđ perfidia possidebat. Et sic Ioseph ue-
rus Christus occurrit, qui senē iam ætate suscipiat
populū Iudæorū: non secundū illius merita, sed se-
cundū electionē suæ gratiæ: & imponit manū sup
oculos eius & cæcitātē aufert: cuius idem distulit
cæcitātē, ut postremus crederet, qui ante non puta-
uit esse credendū. Vnde & Paulus ait: Quia cæcitas
ex parte in Israël facta est, donec plenitudo gentiū
intraret, & sic omnis Israël saluus fieret. Tradidit post
hæc Ioseph parentibus & fratribus optimā terrā
Gesen, præbens eis cibaria: quia fames oppresserat
terrā. Sic dominus eligens optimā terrā, parentibus
id est patriarchis & prophetis, ex quibus Christus
secundū carnē: siue omnibus sanctis de qbus in euā-
gelio dicit: Hi sunt fratres mei, qui faciūt uoluntatē
meā. His igit dat terrā. sc. repromissionis regni dei: de
qua propheta dicit: Credo uidere bona dñi in terra
uiuētīū. De hinc Ioseph festinās accipe bñdictionē
patris.

ISIDORI ENARRATIO,

patris, duos filios obtulit, Manassem & Effraim : in quibus sicut dictū est in Esau & Iacob , dicente domino, Maior seruiet minori : ita in istis duobus filiis Ioseph. Nā maior, Manasses qui interpretatur obliuio, typum gessit Iudæorū , qui oblitus deū suū qui fecit eum: Minor autem Christianorū, qui fecunditatem sonat, quod est propriū populi iunioris qui corpus est Christi: qui fecundatus est in latitudine mundi. Hos quidē cum benedicere uellet Iacob, posuit Ioseph Effraim ad sinistrā : Manassem autem ad dexteram aui constituit. At ille cācellatis manibus mysterium crucis præfigurans , trās lata in minore dextera, maiori sinistrā superposuit: sicq; crucis similitudo super capita eorū denotata est: Iudæis scandalum, Christianis futurā fidē præsignauit : seniorē q; per crucis mysteriū, sinistrū factum de dextro: & iuniorē dexterū de sinistro: quia Iudæis in nostra deserta labentibus, nos illorū gloriam adepti sumus. Talisq; sacramento maiori populo Iudæorū , præpositus est minor populus gentium. Vnde & idē patriarcha sic ait: Hic quidē erit in populū, sed hic exaltabitur.) His cōpletis, uocauit Iacob filios suos ut benediceret eos, mystico ordine loquens: uere tanq̃ futuroꝝ præsciū: dixitq; eis quæ temporibus uouissimis futura erant, incipiens ita:

DE BENEDICTIONIBVS PATRIARCHARUM. Cap. XXXI.

Ruben primogenitus meus.) In Ruben prioris populi uidetur ostēdisse personā, cui etiā à domino per prophetam dicitur: Israël primogenitus meus. Etenim iuxta quod primogenitis debebatur, ipsius erat sacerdotium accipere atq; regnū:

IN GENESIM.

gnum. Additur: Tu uirtus mea,) utiq; quia ex ipso populo fundamentum fidei: ex ipso uirtus dei quę est Christus aduenit. Quomodo autem ipse sui principium dolorum, nisi dum patri deo semper irrogaret iniuriam, dum cōuertit ad eum dorsum & nō faciē? Iste prior in donis.) quia primis ipsis data sunt eloquia, datur primis ipsis legislatio: & testamētū siue promissio. Iste maior imperio.) utiq; pro magnitudine uirium: quia copiosius cæteris in hoc seculo populus idē regnauit. Effusus est autem sicut aqua) peccando in Christo: quasi aqua quę uasculo non tenetur. Voluptatis effusus est impetu, & ideo addit: Ultra nō crescas.) q̃a populus ipse postq̃ in uniuersum orbē dispersus est, ualde imminutus atq; abbreviatus est. Sed quare talia meruit, ita subiecit: Quia ascendisti cubile patris tui.) Non sicut Iudæi intelligunt hoc proinde dictū esse, eò q̃ cū Bala concubina patris sui cōcubuerit: Prophetia enim futura prænuntiabat: non quę fuerunt gesta, ipso patriarcha dicente: Annuntiē uobis quę uētura sunt nouissimis diebus. Et ideo in præterito non est referēdum, quod ille futurę prædixit: Prædicabat enim domini passionē, & primogenitę plebis audaciā: quia ascendit cubile dei patris sui, & maculauit stratū eius, quando corpus dominicum in quo plenitudo diuinitatis quiescebat, raptū, in cruce suspendit, & ferro commaculauit. Post hæc conuertitur ad Symeon & Leui dicens:

Symeon & Leui fratres, uasa iniquitatis bellantia.) Per Symeonem & Leui, scribæ & sacerdotes Iudaici populi intelligunt. De Symeōne enim scribæ erant Iudæorū: de tribu uero Leui principes sacerdotum:

ISIDORI ENARRATIO,

dotum : de quibus scriptum est : quia consilium fecerunt ut I E S V M morti traderent : de quo consilio iste patriarcha, qui iam mente uidebat deum, dicit:

In consilio eorum non ueniat anima mea, & reliqua .) Horrebat enim iam illo tempore sanctus iste patriarcha uidere scelera, quæ in nouissimis temporibus facturi erant Iudæi. Sequitur: Quia in furore suo occiderunt uirum,) id est C H R I S T V M: iuxta quod Esaias ait: Væ animæ ipsorum: quia cogitatio ipsorum consilium malum, aduersus se dicentes: Alligemus iustum, quia inutilis est nobis. Et in dolo suo suffoderunt murum.) quando lancea confoderunt illud spirituale & fortissimum propugnaculum qui custodit Israël. Maledictus furor eorum quia pertinax) utique ad tantum facinus perpetrandum: quando furore accensi & ira, obtulerunt C H R I S T V M Pontio Pilato dicentes illi: Crucifige crucifige: & si hunc dimittis, non es amicus Cæsaris. Et indignatio eorum quia dura .) dum Barabbam latronem peterent, & principem uitæ crucifigendū postularent. Diuidā eos in Iacob, & dispergam illos in Israël.) Hic duo nominantur, diuisio & dispersio: iccirco, quia nonnulli ex ipsis domino crediderunt: quidam in infidelitate permanserunt. Diuisi enim dicuntur hi qui ab eis separant, & ueniunt ad fidem: dispersi autem hi quorum patria temploque subuerso, per orbem terræ incredulū genus spargitur.

Iuda te laudabunt fratres tui .) Per hunc enim Iudam uerus confessor exprimitur Christus: qui ex eius tribu secundum carnem est genitus. Ipsum laudant fratres sui, apostoli scilicet, & omnes cohæredes

IN GENESIM.

des eius : qui per adoptionem filij deo patri effecti sunt, & Christi fratres per gratiam: quorum ipse dominus est per naturam. Manus tuæ in ceruicibus inimicorū tuorū.) Iisdē enim manibus, atq; eodem crucis trophæo & suos textit & inimicos : & aduersarias potestates curuauit: iuxta quod & pater promittit ei dicens: Sede ad dexterā meā, donec ponā inimicos tuos scabellū pedū tuorū. Adorabunt te filij patris tui.) quoniā multi ex filijs Iacob adorabunt eū, per electionē gratiæ salui facti. Catulus leōis Iuda.) qñ nascēdo paruul⁹ factus: sicut scriptū est: Paruulus natus est nobis. Ad prēdā fili mi ascēdisti). i. ascēdēs in crucē captiuos populos redēdisti: & q̄s ille leo contrarius inuaserat, tu moriēs eripuisti: deniq; rediēs ab inferis, ascēdisti in altū: capti uā duxisti captiuitatē. Regescēs accubuisti ut leo.) Manifestissime in passiōe Christus recubuit, qñ inclinato capite tradidit spiritū: siue qñ in sepulchro securus, uelut qdā corporis somno geuit. Sed quare ut leo & uelut catulus leonis? In somno em̄ suo leo fuit, q̄a nō necessitate sed potestate hoc ipsum impleuit: iuxta qd & ipse dixerat: Potestatē habeo ponēdi animā meā: & Nemo eā tollit à me, sed ego eā pono. Quod uero addidit, & ut catulus leonis, inde em̄ mortuus unde & natus. Phisici autē de catulo leōis scribūt, qd cū natus fuerit, tribus diebus & tribus noctib⁹ dormit. Tūc deinde patris fremitu uel rugitu, ueluti tremefactus cubilis loc⁹, suscitare dicit catulū dormiētē: qd ualde cōueniēter de passiōis morte aprat Ch̄s: q̄ trib⁹ dieb. & trib⁹ noctib⁹, ī cubili sepulchri iacēs, somniū mortis impleuit. Bñ ergo Ch̄s ut leo regeuit: q̄ nō solū mortis acerbitatē nō

ISIDORI ENARRATIO,

timuit, sed etiam in ipsa morte, mortis imperiū dē-
tuit. Bene idē iterū ut catulus leonis; quia die tertia
resurrexit. Vnde & sic adiungitur de resurrectione
eius: Quis suscitabit eum? Hoc est quia nullus ho-
minū nisi ipse: iuxta quod idem de corpore suo di-
xit: Soluite hoc templū, & in triduo suscitabo illud.

Nō deficiet princeps de populo Iuda, nec dux de
fœmoribus eius, donec ueniat qui mittēdus est: &
ipse erit expectatio gentium.) Hic locus manife-
stissime ad Iudā refertur. Tandiu enim fuit ex semi-
ne eius apud Iudæos intemerata successio regni, do-
nec Christus ad redemptionem mundi ex uirgine
nasceretur. Probant hoc historiæ Iudæorū, in qui-
bus ostenditur Herodē primū alienigenā, regem in
gente Iudæorū fuisse, quo tempore Christus natus
est. Quod si putant Iudæi non uenisse Christū de tri-
bu Iuda, ergo usq; hodie Iudæorū permanet regnū.
Ita nō defuit rex de populo Iuda, donec ueniret cui
repositū est. Sed quia non solum Iudæis profuit qui
mittēdus erat, ideo sequitur: & ipse erit expectatio
gentiū. Alligans ad uineā pullū suū.) Pullus suus
ex gentibus populus: cui adhuc nunq̃ fuerat legis
onus impositum. Hunc copulauit ad uineam apo-
stolorum, qui ex Iudæis sunt. Nam uinea domini sa-
baoth, domus est Israël. Et ad uitem fili mi asi-
nam suam.) Ipse dixit: Ego sum uitis uera. Ad hanc
ergo uitem alligat asinam suam cui supersedit, Ec-
clesiam ex nationibus congregatam. Hanc itaq; ad
uitem corporis sui alligauit uinculo charitatis, &
disciplinæ euangelicæ nexu: ut de imitatione illius
uiuens, efficiatur hæres dei & cohæres Christi. Alij
quoq; hanc asinā synagogā interpretantur, tardi-
gradam

IN GENESIM.

gradam scilicet, & graui pondere legis oppressam, Lauabit in uino stolam suam.) siue carnem suā in sanguine passionis, siue sanctam ecclesiam in illo uino sanguinis sui, qui pro multis effundetur in remissionem peccatorum. Et in sanguine uuæ pallium suum.) Pallium gentes sunt, quas corpori suo coniunxit: sicut scriptum est: Viuo ego dicit dominus, nisi hos omnes induam sicut uestimentum. Hos quippe Christus in sanguine uuæ mundauit, quando ille sicut botrus, in ligno crucis pependit. Tunc enim ex latere eius sanguis & aqua profluxit. Sed aqua nos abluit: sanguis redemit. Pulchriores oculi eius uino.) Oculi Christi apostoli sunt & euāgelistæ, qui sciētiae lumen uniuerso corpori ecclesie præstant. Hi pulchriores uino probantur: quia eorum doctrina austeritatem uini ueteris exuperat, id est priscae legis traditionē: Euangelica enim præcepta longe clariora sunt, q̄ ueteris testamenti mandata. Et dentes lacte candidiores.) Dentes prædicatores sancti sunt, qui præcidunt ab erroribus homines: & eos quasi comedendo in Christi corpore transferūt. Nomine autem lactis doctrina legis significatur: quæ carnalem populum tanquā paruos, poculo lactis alebat. Cuius quidem candidiores sunt effecti doctores ecclesie: quia fortem & ualidum uerbi cibum mandunt atq; distribuunt: De quibus dicit Apostolus in Epistola ad Hebræos: Perfectorum autem est solidus cibus. Et bene cādidiores lacte dentes eius dicuntur: Omnes enim qui perfecti sunt, & qui scripturarum cibos explanantes, subtilem & minutum intellectum qui spiritualis dicitur, ecclesie corpori subministrant, candidi esse

ISIDORI ENARRATIO,

debent & puri: atq; ab omni macula liberi.

Isachar asinus fortis.) Isachar quod interpreta-
tur merces, refertur ad populum gentium, quem
dominus sanguinis sui pretio est mercatus. Hic Isa-
char asinus fortis scribitur: quia prius gētilis popu-
lus quasi brutum & luxuriosum animal erat, nul-
laq; ratione subsistens: nunc uero fortis est, redem-
ptori dominico colla subiiciens & iugum discipli-
næ euāgelicæ perferēs. Hic accubans inter termi-
nos, uidit requiem quod esset bona: & terrā quod
optima,) Inter terminos nanque accubare, est
præstolato mundi fine requiescere: nihilq; de his
quæ nunc uersantur in medio quærere: sed ulti-
ma desiderare. Et fortis asinus requiem, & terram
optimam uidet, cum simplex gentilitas iccirco se
ad robur boni operis erigit, quia ad æternæ uitę pa-
triam tendit. Vnde etiam apponet humerum su-
um ad portandum: quia dum ad præmissam re-
quiem peruenire desiderat, cuncta mandatorum
onera libenter portat. Vnde & factus est tributis
seruiens: hoc est regi & CHRISTO suo fidei do-
na, operumq; bonorum munera offerens.

Zabulon in littore habitabit, & in statiōe na-
uium.) Zabulon qui interpretatur habitaculum
fortitudinis, ecclesiam significat, fortissimam ad o-
mnem tolerātiā passionis. Hæc in littore maris
habitat & in statione nauium, ut credentibus sit re-
fugium: & periclitantibus demonstret fidei portū.
Hæc contra omnes turbines seculi immobili & in-
concussa firmitate solidata, expectat naufragium
Iudæorum, & hæreticorum procellas: qui circunfe-
runtur omni uento doctrinæ: quorum & si tūditur
fluctibus

fluctibus, frangit tamen ipsa fluctus, non frāgitur: nec ullis hæresum tempestatibus cedit: nec ulli uento schismatum commota, succumbit. Pertendit autem usq̃ ad Sidonem: hoc est usq̃ ad gentes peruenit. Legitur etiam in euangelio, inde assumptus esse aliquos apostolor̃: & in ipsis locis dominū sæpe docuisse: sicut scriptū est: Terra Zabulon & terra Neptalim: uia maris trans Iordanē Galilææ gentium: populus qui ambulabat in tenebris, uidit lucem magnam.

Dan iudicabit populū suū, sicut & alia tribus in Israël. Fiat Dan coluber in uia, cæastes in semita: & cætera.) Dicunt Antichristū per hæc uerba prædici de ista tribu futurū. Alij de Iuda à quo traditus est Christus, hæc scripta pronuntiant: Et equitem atq̃ equū, dominū cum carne suscepta designare uolūt. Retrorsum autem cadere, ut in terrā reuertatur unde sumptus est. Sed quomodo die tertia resurrexit, ideo ait: Salutare tuū expectabo domine.) sicut & per Dauid dicit: Non relinques animā meā in inferno. Hoc quidā ita exponunt. Alij uero hanc prophetiam ad Antichristū transferunt: de tribu enim Dan uenire Antichristū ferunt: pro eo q̃ hoc loco Dan & coluber asseritur & mordens. Vnde & non immerito dum Israëliticus populus terras in castror̃ participationē susciperet, primus Dan ad Aquilonē castra metat⁹ est: illū scilicet signās q̃ in corde suo dixerat: Sedebo in monte testamenti, in lateribus aquilonis: ascendā sup̃ altitudinē nubiū, ero similis altissimo. De quo & per prophetam dicitur: A' Dan auditus est fremitus equorū eius. Qui non solū coluber, sed etiā cæastes uocat: κίρστος em̃ Græce, cornua dicitur.



ISIDORI ENARRATIO,

Serpens qui hic cornutus esse perhibetur, per eum digne aduentus Antichristi asseritur: qui contra uitam fidelium, cum morsu pestiferæ prædicationis, armabitur etiam cornibus potestatis. Quis autem nesciat semitam angustiores esse quàm uiam? Fit ergo coluber in uia, quia in præsentis uitæ latitudinem eos ambulare prouocat, quibus quasi parcendo blanditur: sed in uia mordet, quia eos quibus libertatem tribuit, erroris sui ueneno consumit. Fit iterum cerastes in semita: quia quos fideles reperit, & sese ad præcepti cœlestis angusta itinera cōstringentes, non solum nequitia callidæ persuasionis impetit, sed etiam terrore potestatis premit: & in persecutionis angore post beneficia fictæ dulcedinis, exercet cornua potestatis. Quo in loco equus hunc mundum insinuat: qui per electionem suam in cursu labentium temporum spumat. Et quia Antichristus extrema mundi apprehendere nititur, cerastes iste equi ungulas mordere perhibetur. Ungulam quippe equi mordere, est extrema seculi feriendo constringere. Vt cadat ascensor eius retro.) Ascensor equi est, quisquis extollitur in dignitatibus mundi. Qui retro cadere dicitur & non in faciem: sicut Saulus cecidisse memoratur. In facie enim cadere, est in hac uita suas unumquemque culpas agnoscere: easq; poenitendo deflere. Retro uero quò non uidetur cadere, est ex hac uita repente decidere: & ad quæ supplicia ducatur, ignorare. Et quia Iudæa erroris sui laqueis capta, pro CHRISTO Antichristum expectat, bene Iacob eodem loco repente in electorum uoce conuersus est dicēs: Salutare tuum expectabo domine.) id est non

IN GENESIM.

non sicut infideles Antichristum, sed eum qui in redemptionē nostram uenturus est, uerum credo fideliter Christum.

Gad accinctus præliabitur ante eum.) Iste Gad accinctus personam domini exprimit: qui in primo aduentu humilitatis suæ ante aduentum Antichristi præliaturus occurrit: accinctus gladio uerbi sui circa foemur potentissime, quo inimicos diuisit: id est filium à patre: filiam à matre: nurum à socru: iuxta quod legitur in Euangelio: Non ueni pacem mittere sed gladium. Quòd autem ait, Et ipse accingetur retrorsum.) claritas domini nostri in secundo aduentu eius ostenditur: quia cum uenerit Antichristus, itē recurret retrorsum: id ē post eius uestigia Christus celeri aduētū progrediēs, ut interficiat eum gladio oris sui: Vnde & bene Gad, id est latrunculus interpretat: eo q̄ posterior, id est secus pedes quasi latrunculus, rapido atq̄ improviso aduentu exiliat cōtra apertam Antichristi oppugnationem. Hinc est quod Euangelista proclamat dicēs: Quia dies domini sicut fur, ita in nocte ueniet. Christus ergo & ante & retro præliari cōtra Antichristum dicitur. Ante eum nāq̄ in occulto aduentu humilitatis: post eū, manifestus in gloria maiestatis. Demōstrat aperte & Moyses prophetiam patriarchæ hui⁹ specialiter pertinere ad Christum: sic enim ait: Benedictus inquit, in latitudine Gad: quasi leo requieuit: coepit brachium & uerticem: & uidit principatum suum. Agnoscant itaq̄, quis requieuerit sicut leo, nisi Christus in sepulchro suo: quis confregerit brachia uerticemq̄ potentium, nisi redemptor noster qui humiliauit uirtutem & superbiam

ISIDORI ENARRATIO,

biam excelsorum? Quis uidit principatū suum, nisi ille cui datus est principatus, & honor & regnū?

Aser pinguis panis eius: & præbebit delicias regibus.) Aser cuius nomen significat diuitias, idē Christus est: cuius est altitudo diuitiarū sapiētig & scientiæ: qui propter nos pauper factus est cum diues esset: cuius panis pinguis factus est, caro scilicet eius quæ est esca sanctorum: quam si quis māducauerit, nō morietur in æternum. Iste enim præbet delicias sapientiæ regibus: id est, qui sensus proprios bene regunt: qui dominantur uitiorum suorū: qui castigant corpora sua, & in seruitutem subijciunt.

Neptalim quod interpretat dilatatio, apostolos & prædicatores sanctos significat: quorum prædicatio in latitudine toti⁹ mūdi diffusa est. Ex hac em tribu fuerunt apostoli: qui sicut principes ecclesiarum & duces: & principes Zabulon, & principes Neptalim: qui sine dubio ad personam referunt apostolorum. Ipsi sunt filij excelsorum, id est prophetarum: qui in manu potentis dei positi, & tanq̃ sagittæ excussæ, peruenerunt usq; ad fines terræ. Vnde & bene hic Neptalim ceruus emissus scribitur: quia nimirum quod siue prædicatores ueloci saltu exilientes in morem ceruorum, transcendunt implicamenta seculi huius: sicq; excelsa ac sublimia meditantes, dant eloquia pulchritudinis: id est predicāt cunctis gentibus doctrinam domini saluatoris.

Filius accrescens Ioseph.) Hæc prophetia post passionem domini paternæ uocis imaginem prætulit: qua redeūtem in cœlum post uictoriam Christum, pater alloquitur dicens: Filius accrescens Ioseph, Filius accrescens utiq; in gentibus: quia cum
ob incre

IN GENESIM.

ob incredulitatem synagogæ populum reliquisset innumerabilem sibi plebem ecclesiæ, ex omnibus gentibus ampliavit, quod & David cecinit dicens: Reminiscantur & conuertentur ad dominum universi fines terræ. Filius accrescēs & decorus aspectu.) Omnes enim superat illius pulchritudo: iuxta quod & de ipso in psalmis canit: Speciosus forma præ filiis hominum. Filii discurrerunt super murum.) Id ē gētes uel ecclesiæ quę crediderūt in Christum. Hæ super soliditatem fidei, quasi super murū, amore pulchritudinis CHRISTI accensæ, discurrunt: ut uerum sponsum per contemplationem aspiciant: & osculo charitatis illi copulentur atq; adhæreant. Sed obiurgati sunt eum, quando falsis testimonij calumniātes, sanctum dei opprimere synagogæ populi cogitauerunt. Inuiderunt illi habentes iacula.) neq; enim quisquam in Ioseph coniecit sagittas, uel aliquod uulneris telū, sed hoc specialiter euenit in CHRISTVM. Sedit in forti arcus eius.) Christ⁹ enim arcum suum & arma pugnādi posuit in deo, q̄ fortis est propugnator: cui⁹ uirtute conceditur omnis nequitia perfidorum. Et dissoluta sunt uincula brachiorum eius.) quibus fratres eum uinctum ad Pilatum duxerūt: uel quibus eū suspensum ligno, crucifixerunt. Recisa sunt enim per manum dei omnipotentis Iacob: hoc est, per manum omnipotentis dei Iacob: ex cuius ore ipse dominus bonus pastor egressus est: lapis & firmitas credentiū in Israhel. Deus patris tui erit adiutor tuus.) Quis adiuuit filiū nisi solus pater deus qui dixit: Puer me⁹ Iacob suscipiat eū aīa mea? Et oīpotens benedicet tibi bñ dictionibus cœli desup: benedi

ISIDORI ENARRATIO,

benedictionibus abyssi iacentis deorsum.) Vniuersa enim subiecit ei: cœlestia per benedictionem cœli, & terrena per benedictionem abyssi iacentis deorsum: ut omnibus angelis & hominibus dominaretur. Benedictionibus uberum,) id est siue duū testamentorū: quorum altero nuntiatus est, altero demonstratus est: siue benedictionibus uberū Mariæ quę uere benedicta erat, quia ipsa sancta uirgo de se potum lactis immulsit. Vnde & illa mulier in Euangelio ait: Beatus uenter qui te portauit, & ubera quę suxisti. Benedictionibus uberum & uulua.) Etiam hic benedicitur uulua eiusdem matris: illa utique uirginalis quę nobis Christum dominum edidit: De qua per Ieremiam prophetam: Priusquā te formare in utero, noui te, & antequā exires de uulua, sanctificaui te. Benedictiones patris tui confortatę sunt benedictionibus patrum tuorū.) Benedictiones inquit, patris tui cœlestis, quę datę sunt tibi à summo cœli & abyssi, confortatę sunt: id est præualuerunt benedictionibus patrum tuorū. Ultra omne enim sanctorum meritum patriarcharum siue prophetarum, conualuit benedictio omnipotentis patris in filio: ita ut ei nullus sanctorū æquetur. Donec ueniret desiderium collium æternorū.) Colles isti sancti sunt, qui Christi aduentum prophetantes, magno cum desiderio incarnationē eius expectauerunt. De quibus dominus dicit: Quia multi iusti & prophete cupierunt uidere quę uideris. Hi ergo sancti, dicti sunt colles propter excellētiam sanctitatis. Qui etiam & æterni uocantur: quia uitam consequuntur æternam. Ne cointereant cum mundo, sed esse creduntur æterni. Fiant in capite Ioseph

IN GENESIM.

seph.) omnes scilicet benedictiones istę super caput Christi ponuntur: quas incarnatus accepit. Et super uerticem Nazaręi.) de quo scriptum est: Quoniam Nazaręus uocabitur, id est sanctus dei. Inter fratres suos.) quia ipse est caput omnium eminens uniuersorum sanctorum: quos etiam & fratres uocat in psalmis.

Beniamin lupo rapax, mane comedet prędam: uespere diuidet spolia.) Quibus dictis apostolus Paulus designatur, de Beniamin stirpe progenitus: qui mane rapuit prędam .i. primordiis fideles quos potuit, deuastauit: uespere autem spolia diuidit, quia fidelis postmodum factus, sacra eloquia audientibus, discretione mirifica dispensauit. Legimus quendam ex doctoribus, ad urbem Hierusalę ea quę de Beniamin scripta sunt referentem: Beniamin inquit, filius doloris interpretatur: Hic sorte hereditatis eius locum accepit, in quo terrena est Hierusalę, quę nunc propter incredulitatem abiecta est atque repulsa. Hęc enim in filiis suis sub persona Beniamin designatur: Nam sicut Beniamin ultimam consequitur benedictionem, ita & idem populus, ultimus est saluandus, posteaquam plenitudo gentium introierit. Dicit enim: Beniamin lupo rapax: lupo scilicet, quia ipse populus effudit sanguinem prophetarum atque iustorum: Rapax autem propter auaritatem dicitur: ex multa enim fame & inedia, uerbum dei, uenit rapax: quia & ipse uiolenter diripuit regnum dei. Hic autem mane comedet prędam: Mane, illud tempus creditur quo legem accepit: Tunc enim mundo prima quidem illuminatio scientię data est. Comedet autem mane, quia legem quam mane accepit, edit adhuc & meditatur, licet sequens legem iusticie, in legem fidei

ISIDORI ENARRATIO,

dei nō peruenerit. Ad uesperam autem diuidet spolia. Vespera est illud tempus nouissimum, à quo cōuertetur. Tunc ergo diuidet escā: tunc intelliget diuidendā esse literam ab spū, & tūc cognosceret quia litera occidit, spūs autē uiuificat. Qd̄ ergo iā per grā tiam domini illuminatus, incipit in lege spūalia à corporalibus diuidere & separare: ideo dicitur ad uesperā diuidere escā, qd̄ tota die in lege meditās, antē nō fecit. Quærit autē de iacob, cur oēs quos de libris & de ancillis genuit, æquali honore filios & hæredes cōstituerit: nisi ut ostēderet, qd̄ Chrūs dominus oībus gētibus, quæ per fidē corpori eius cōciliantur, cunctis pari honore & gloria habitis, cælestia præmia largiāt. Nec est discretio, Iudæus an Græcus, barbarus an Scythæ, seruus an liber sit, q̄a per oīa & in oībus Chrūs est. Propterea enim figuram serui saluator noster & dñs induit, & pro libero & pro seruo seruiuit, ut omnibus credentibus in se æquale donū bonorū cælestiū largiāt. Nec p̄feratur apud illū qui scdm carnē nobilior sit. Quicunq; em̄ fidē dñi promereť, nullis maculis carnalis natiuitas obfuscatur. Nā hoc ita futurū, etiā p̄ prophetam significatur, dicente domino: Erit in diebus nouissimis, effundam de spū meo super oēm carnē.

Enarrationis Isidori in Genesim finis.

CAPITVLORVM Exodi elenchus.

D	E septuaginta animabus.	I
	De morte Ioseph.	II
	De afflictione populi.	III
	De masculorum nece.	III

ELENCHVS CAPITVM.

De inuentione Moyſi.	V
De occiſo Aegyptio.	VI
De manifeſtatione dei in rubo.	VII
De uirga in ſerpentem conuerſa.	VIII
De manu Moyſi in ſinum miſſa.	IX
De aquis conuerſis in ſanguinem.	X
De ingreſſu Moyſi ad Pharaonem.	XI
De uirga in draconem conuerſa.	XII
De obduratione Pharaonis.	XIII
De decem plagis	XIIII
De paſcha.	XV
De argento & auro Aegyptiorum ſublato.	XVI
De azymis.	XVII
De columna ignis & nubis.	XVIII
De diuiſione maris.	XIX
De cantico glorificationis.	XX
De aquis maris.	XXI
De duodecim fontibus.	XXII
De carnibus alitum & manna.	XXIII
De petra uirga percuffa.	XXIIII
De pugna Amalech.	XXV
De cognato Moyſi.	XXVI
De aſcenſione moyſi in montem.	XXVII
De monte Sina, & tonitruis cum fulgure, & caligine.	XXVIII
De decem uerbis.	XXIX
De duabus tabulis.	XXX
De lapideis tabulis.	XXXI
De eo qđ iuſſum ē: Altare de terra facietis.	XXXII
De eo quod ait: Non ædificabitis illud de ſectis lapidibus.	XXXIII
De eo qđ ait: Nō accedetis ad eū p gradus.	XXXIIII
De	

ISIDORI ENARRATIO,

De Hebræo sex annis seruiente.	XXXV
De talione.	XXXVI
De decimis & primicijs offerendis.	XXXVII
De uitulo combusto igni.	XXXVIII
De interfectis tribus milibus hominum.	XXXIX
De confractione tabularum.	XL
De quadraginta diebus, q̄s ieiunauit Moyses.	XLI
De eo quod deus dicit ad Moysen, posteriora mea uidebis.	XLII
De glorificatione Moysi.	XLIII
De ædificatione arcæ.	XLIII
De urna aurea, tabulis & uirga.	XLV
De propiciatorio & cherubin.	XLVI
De altari.	XLVII
De mensa.	XLVIII
De candelabro & oleo.	XLIX
De tabernaculo.	L
De columnis, eius basibus & capitellis.	LI
De tabulis deauratis.	LII
De decem cortinis.	LIII
De undecim uelis Cilicinis.	LIIII
De oppanso uelo in medio tabernaculi.	LV
De diuersis donarijs ad constructionem tabernaculi.	LVI
De ungento quo perungitur tabernaculū.	LVII
De incenso composito.	LVIII
De ueste pontificis.	LIX

ISIDORI HISPALENSIS EPISCOPI

in Exodum, Prolegus.

Quædam mysteria ex libro Genesi, & obscuriora rerum gestarum quæ allegoricis sunt oblecta figuris, ex libris maiorum breuiter excerpta, perstrinximus. Nonnulla uero sequentis legis typica & figurata mysteria, singillatim ex literis sanctorum uirorum sublata, subiungimus: pauca scilicet eorum stylo promentes. Nam omnia legis quis poterit indagare: quæ tam immensa sunt, ut nec iuxta historiarum textum explicari facile possint. Proinde tantum secuti sumus, quantum contiguo operi sufficiens putauimus: ut nec libellus excedat modum, nec lector incurrat fastidium.

ISIDORI HISPALENSIS EPISCOPI

in Exodum Enarratio

De septuaginta animabus. Cap. I.



PRIMO OMNIUM SEPTUAGINTA animæ cum Iacob introierunt in Aegypto, id est septuaginta discipuli ad prædicandum uerbum dei toto mittuntur in mundo. Aliter hæ septuaginta animæ quæ in Aegypto ingressæ sunt, mystice in numero remissionis accipiuntur: scilicet ut huic seculo quod per Aegyptum figurabatur, post tanta peccata & sacrilegia, donaretur remissio peccatorum. Aegyptus enim, hic mundus figuraliter multis prophetarum uocibus approbatur.

De morte Ioseph. Cap. II.

Mortuo Ioseph & fratribus eius, creuerunt filij Israël: & inualuerunt nimis. Sic & noster
h uerus

ISIDORI ENARRATIO,

uerus Ioseph, postquam destruxit diabolū qui habebat mortis imperiū, multiplicatus est fidelīū populus. Nisi enim sicut ipse ait, cecidisset granum frumenti in terra & mortuū fuisset, non utiq; fructum nunc plurimū totius orbis terræ ecclesia sustulisset.

DE afflictione populi. Cap. III.

Affixit Pharaο filios Israēl luto & latere.) Israēl similitudo est populi dei, Pharaο autē Zabuli, qui imposuit iugū grauissimū seruitutis luto & latere operari: id est terrenis & lutulentis operibus incubare. Admixtis paleis.) hoc est leuibus & irrationabilibus factis: ut his uitiorū actibus populus dei comprimi, & peccatorū omnium muro incredulitatis posset obcludi: ut nemo esset q̄ regnū eius aut disperderet aut uinceret.

DE masculorum nece. Cap. IIII.

Iubet quoq; masculos Pharaο occidi, & fœminas uiuere. Sic Zabulus, ne robur fidei pręualeat, conabat ut interfectis uirtutib⁹ uicia remanerēt: fortissimosq; & uiriles animi sensus unde cœlestia sapimus & diuina. i. rationē, prudentiā, cōstātiā, innocentia & fidē, in hoīe occidere: & illud in eo uiuere q̄d fœmineū, q̄d imbecille & fragile, & p̄nū ad uicia cernit. i. ambitionē, uinolētiā, libidinē, iracundiā, crudelitātē, furorē, & c. his filia, q̄ in fœminarū

DE inuētiōe Moyfi. Ca. V. (figura sunt.

Deinde Moyſes ad ripā fluminis expositus reperit. Et dñs cui⁹ Moyſes typū induerat, ad flumē lauacri, & ad aquā baptismatis à credētibus inuenit. Plorabat infans.) q̄a Christus ueteris hominis quē induerat peccata deflebat. Vnde & ad resuscitandū Lazarū fleuit, Iudæorū deplorās perfidiā,

IN EXODVM.

perfidia. Filia Pharaonis descendens ad lauacrū fluminis, collegit infantē.) ecclesia ex gentibus lauacri salutaris sanctificationē desiderans, excepit Christū à synagoga matre carnali expulsū quasi infantē: quia tunc paruulus uidebat, cū in homine cerneret. Inuenit illa Moysen inclusum in uasculo tipin, qđ ex multis agrestibus uirgulis fit. Inuenit Christū ecclesia reconditū in cordibus sanctorū: qui in unitatē suī contexti ex multorū fratrum membris, omnes unū in Christo corpus effecti sunt: & eū religiosa obseruatione suscipientes tuentur.

DE occiso Aegyptio. Cap. VI.

INterea Moyses peregrinū fratrem ab Aegypto liberauit. Ab Aegypto iniuriā perpetiētē inultū esse non perferens, fratrem defendit: & eundē Aegyptiū occidit. Cuius figura facillime occurrit, iniuriosum nobis in hac peregrinatione diabolū, à dño Christo nobis defensū occidi. Quod uero in fabulo harenæ obruit interemptū, manifestū est eius iam morticinā præsentiā in eis latere, qui non habēt stabile fundamentū. Vnde & ecclesiā dñs in petra aedificat: & eos qui audiunt uerbū eius & faciūt, cōparat prudēti uiro qui aedificat domū suā supra petrā, ne tentationibus cedat & corruat. Illos autē qui audiunt & non faciūt, cōparat stulto aedificanti super harenā: cuius tētata domus ruinā efficit magnam.

DE manifestatiōe dei in rubo. Ca. VII.

DEinde apparuit dñs Moyfi in rubo, mittēs eū ad gētē, quā p̄sciebat iniquā futurā. Et erat flāma in rubo.) i. in spinis: & rubus nō crebābat.) Rub⁹ spine p̄ctōꝝ Iudaicōꝝ. Flāma in rubo, v. bñ dei. Q. ergo illis lex data ē, flāma erat ī rubo. Q.

h a lege

ISIDORI ENARRATIO,

lege data non sunt consumpta peccata, rubus nec sub igne cremabatur. Alij in rubo flammante & nō urente, ecclesiā intelligunt inflammari persecutionibus: & eam loquente in illa domino non perire. Quod uero dominus Moyfi in eodē rubo apparuisse legitur, ostendit non alibi q̄ in ecclesia eū credentibus apparere; quia nullus digne consistere uel deum uidere potest, nisi qui cuncta tertena & mortalia deposuerit uitia, quod significabant illa Moyfi calceamenta deposita. Habet quippe & aliā figurā id, q̄ Moyfes ex calceari iubetur. Veterū nanq; consuetudo erat, ut si sponsa sponsum repudiare uellet, discalcearetur ille: & hoc esset signū repudiij. Proinde Moyfes ex calceari iubetur, ne ad ecclesiā quæ in rubo significabatur, quasi spōsus calceatus accederet. Hæc enim Christo seruabat, qui uerus sponsus erat. De quo dicit Iohannes: cuius non sum dignus corrigiā soluere calceamenti: utiq; sicut dictū est Iosue & Moyfi. Hebræi autē dicunt propterea in rubo apparuisse deū Moyfi, non in alio ligno, ne forte exculperent in eodē Iudei idolum. Semper enim deus abstulit occasionem idololatriæ.

De uirga in serpentē conuersa. Cap. VIII.

Mittitur dehinc Moyfes ad liberandū populum Israël: qui dicit dñō: Quod signum habebo ut credant mihi, quia me misistis? Et deus ad illū: Proijce uirgā inquit quam in manu gestas in terrā. Et proiecit in terrā, & factus est serpens. Expauit Moyfes & fugit. Et ait illi dominus: Apprehende caudā eius. Et apprehēdit: & facta est iterū uirga.) Quid enim hoc significat? Serpens em̄ persuasit homini mortem. Ergo mors à serpēte. Vir-

ga itaq; in serpente : Christus in morte. Et tamē expauit, & fugit Moyses. Quid est ab illo serpente fugisse Moysen, nisi quod legitur in euangelio factū, mortuus est Christus, & expauerūt discipuli: & ab illa spe in qua fuerunt, recesserūt? Sed quid dictum est, apprehēde caudā eius? Quid est cauda nisi posteriora? hoc significauit: posteriora mea uidebis. Primo enim factus est serpens: sed cauda apprehensa facta est uirga: quia primo occisus est: postea peractis omnibus, ad id quod fuerat resurgendo reuersus est: ubi per uitæ reparationē morte consumpta, nihil in eo serpentis apparuit. Est etiā in cauda serpentis, seculi finis: quia sic mortalitas ecclesiæ, per lubrica temporū uoluitur: alij eunt, alij ueniunt. Per mortē tanq̃ per serpentē mors seminata est. Sed si ne nouissimo uelut cauda seculi, redimus ad manū dei, atq; apprehensi reparabimur: & nouissima inimica morte destructa, resurgentes in dextera dei, uirga regni erimus.

DE manu Moyfi in sinu missa. Ca. IX.

Item datur aliud signū Moyfi: Mitte inq; manū in sinū tuū: Et misit. Produc inquit eā: & produxit. Et inuenta est alba) id est immūda. Albor enim in cute, lepra est non candor. Ipsa enim hæreditas dei, id est populus eius foras ab eo missus, immundus factus est: sicut scriptū est de ea: Vt qd auertis faciē tuā & dexterā tuam de medio sinu tuo? Sed quid illi ait? Reuoca eam in sinum tuum. Reuocauit, & reuersa est ad colorem suum.) Sic & plebs iudæa nunc aliena est à sinu dei, & foris immunda remansit: sed reuocat eam, & redit ad pristinum colorem, dum agnouerit dominum saluatorem. Nūc

h 3 enim

ISIDORI ENARRATIO,

enim cæcitas ex parte contigit in Israël, donec plenitudo gentiū intrauerit, & sic omnis Israël salus fiat.

DE aquis conuersis in sanguinē. Cap. X.

DEinde aquæ missæ in terram à Moysse uertūtur in sanguinem : id est populi in sanguinis Christi fidem. Aquæ enim ait Apocalypsis, quas uidisti, populi sunt & gentes.

DE ingressu Moysi ad Pharaonē. Cap. XI.

Post hæc intrant ad Pharaonem Moyses & Aaron, petentes uia triū dierū proficisci in deserto populū Israël : & ibi sacrificare domino deo. Quæ est uia trium dierū quæ nobis incedēda est, ut exeuntes de Aegypto, peruenire possimus ad locū in quo immolare debeamus? Via ista Christus est, qui dixit: Ego sum uia, & ueritas & uita. Quæ uia tri duo nobis incedēda est. Qui enim confessus fuerit in ore suo dominū Iesum, & crediderit in corde suo, q̄ deus illum suscitauit à mortuis tertia die, saluus erit. Hæc est ergo tridui uia, per quā peruenitur in locū in quo domino imoletur: & reddatur sacrificiū laudis. Abominationes inquit Aegyptiorū immolabimus domino deo nostro.) Oues quippe Aegyptij edere dedignantur: sed q̄ abominantē Aegyptij, hoc Israëlita deo offerunt: quia simplicitatem conscientia q̄ sapientes huius seculi, hoc est ciues Aegypti quasi fatuitatē deputant, hanc iusti deo in sacrificiū immolāt. Et per id deo placere procurant, q̄ seculo & mundo abiectū & contēptibile esse considerant, secundū Apostolū qui ait: Nā quæ stulta sunt mundi elegit deus, ut confundat sapientes. Ex quo autē loqui cœpit Moyses ad Pharaonē, magis affligit populus dei. Ex quo enim in animā hominū

IN EXODVM.

hominis sermo dei perlatus fuerit, acrius callidus hostis cōsurgit: & maiora uitia qbus uincat, immit tit. Pri⁹ uero q̄ ueniret sermo q argueret uitia, in pa ce durabant. Sed ubi sermo dei facere cōepit unius cuiusq̄ discriminē, tūc conturbatio magna cōsurgit.

DE uirga in draconē conuersa. Ca. XII.

PROIECIT deinde Moyses uirgā corā Pharaone: & serpens facta deuorauit serpētes Aegyptio rum: significans q̄ uerbū caro fieret qui serpē tis diri uenena euacuaret per remissionē & indulgē tiam peccatorū. Virga enim est uerbū directū rega le, plenū potestatis, insigne imperij. Virga serpēs fa cta est: quoniā qui erat filius dei ex deo patre natus, filius hominis factus est natus ex uirgine: qui quasi serpēs exaltatus in cruce, medicinā uulneribus in fudit humanis: Vnde ipse dominus ait: Sicut Moy ses exaltauit serpentē in deserto, ita exaltari oportet filium hominis. Virga enim Moyfi in draconē con uersa, magorū absorbuit uirgas: & Christus post po sita gloriæ suæ dignitate, factus est obediēs usq̄ ad mortē: & per ipsam mortē carnis, consumpsit acu leum mortis: attestante propheta: Ero mors tua o mors: ero morsus tuus inferne.

DE obduratione Pharaonis. Cap. XIII.

INDURAUIT dominus cor Pharaonis: scilicet quia diabolū sic indurauit post peccatū, ut pœniten tiæ cōpunctione nunq̄ emolliat: sicut in Iob de co scriptū est: Cor eius indurabit quasi lapis.

DE decem plagis. Cap. XIII.

DE HINC inferūt plagę in Aegyptū. Licet illa in Aegypto corporaliter gesta sint, spūaliter tñ nūc gerunt in nobis Aegypt⁹ nāq̄ seclⁱ i forma ē: in q̄

ISIDORI ENARRATIO,

primo aquæ uertuntur in sanguinem. Aquæ Aegyptiæ erratica & lubrica philosophorū sunt dogmata: quæ merito in sanguinē uertuntur, quia in rerū causis carnaliter sentiunt. Sed ubi crux Christi mūdo huic lumen ueritatis ostendit, huiusmodi eū cor reptionibus arguit, ut ex qualitate poenarum, proprios agnoscat errores.

II. IN secunda uero plaga ranae producuntur, quibus indicari figuraliter arbitrantur carmina poetarū, qui inani quadā & inflata modulatione, uelut ranarum sonis & cantibus, mundo huic deceptionis fabulas intulerunt. Rana est enim loquacissima uanitas. Ad nihil enim aliud animal ipsum utile est, nisi quod sonum uocis improbis & importunis clamoribus reddit.

III. POST hæc sciniphes producuntur. Hoc animal penis quidē suspēditur per aëra uolitans: sed ita subtile est & minutum, ut oculi uisum nisi acute cernētis, effugiat: corpus autē cui insederit, acerbissimo terebrat stimulo: ita ut quem uolātem uidere quis non ualet, sentiat statim pungētem. Hoc enim animalis genus subtilitati hæreticæ comparatur: quæ subtilibus uerborum stimulis animas terebrat: tantaque calliditate circumuenit, ut deceptus quisque nec uideat nec intelligat, unde decipiatur.

Quod uero in tertio signo magi accesserūt dicētes, Hic digitus dei est.) typū hereticorum atque animo firmitatem habuerunt. Declarat hoc Apostolus dicēs: Sicuti Iannes & Mambres restiterunt Moyse, sic & hi resistunt ueritati, homines mente corrupti, & reprobī circa fidem: sed ultra non proficient. Dementia enim eorum manifesta erit omnibus: sicut

sicut & illorum fuit. Hi autem qui per ipsam corruptionem mentis inquietissimi fuerunt, in signo tertio defecerunt, fatentes sibi aduersum esse spūm sanctum, qui erat in Moyse.

Tertio enim loco ponitur spū sanctus, qui est digitus dei. Vnde & illi deficientes in tertio signo dixerunt: *Digitus dei est hic.*) Sicut autē conciliatus & placatus spū sanctus requiem præstat mitibus & humilibus corde, ita contrarius & aduersus immites ac superbos inquietudine exagitat, quam inquietudinem muscæ illæ breuissimæ significauerunt, sub quibus magi Pharaonis defecerunt dicentes: *Digitus dei est hic.*

Quarto loco Aegyptus muscis percutitur: Musca III.
enim nimis insolens, & inquietū animal est. In qua quid aliud q̄ insolentes curæ desideriorū carnalium designantur? Aegyptus ergo muscis percutitur, quia eorum corda qui hoc seculum amant, desideriorum suorum inquietudinibus feriuntur. Porro Septuaginta interpretes cynomyam. i. caninā muscā posuerūt, per quā canini mores significant, in quibus humanæ mentis uoluptas, & libido carnis arguitur. Potest quidem hic locus significare etiā per muscam caninam eloquentiam forensiū hominū, quia uelut canes alterutro se lacerant.

Iam uero quinto in loco animalium nece uel pecudū, Aegyptus uerberatur. Vecordia in hoc arguitur & stulticia mortalium, quæ tanq̄ irrationabilia pecora, cultū & uocabulū dei imposuerūt figuris, nō solum hominū, sed & pecudū, ligno et lapidibus impressis. Ammonē Iouem in ariete uenerant, & Anubim in cane, Apin quoq; colentes in tauro, & cæte-

ISIDORI ENARRATIO,

ra quoque quæ Aegyptus pro summo deo portenta miratur, & in quibus cultum credebant inesse diuinum, in his uiderunt miseranda supplicia.

VI. **H**ulcera posthæc & uesicæ tumētes feruoris uel liuoris, sexto in uerberere producuntur. In huiusmodi arguitur huius seculi dolosa & purulenta malitia: in uescicis tumens & inflata superbia: in feruoribus ira ac furoris insania. Hucusque enim talia per errorum suorum figuras mundo supplicia temperantur,

VII. **P**ost hæc uero uerbera ueniunt de supernis uoces, scilicet tonitrua & grando & ignis discurrens. In tonitruis enim increpationes ac diuinę correptiones intelliguntur, quia non cum silentio uerberat, sed dat uoces, & doctrinam cœlitus mittit, per quam post culpam suam castigatus agnosceret mundus. Dat & grandinem, per quam tenera adhuc uastentur nascētia uitiorum: dat & ignem, sciens esse spinas & tribulos, quos debeat ignis ille depascere, de quo dicit dominus: Ignem ueni mittere in terram. Per hunc enim incentiua uoluptatis & libidinis consumuntur.

VIII. **Q**uod autem locustarum octauo in loco fit mentio, putatur à quibusdam per hoc genus plagæ, dissidētis à se & discordantis humani generis inconstantia confutari. Alio quoque sensu locustæ per mobilitatem leuitatis accipiendæ sunt, tanquam uagæ & salientes animæ in seculi uoluptates.

IX. **N**ona plaga tenebræ factæ sunt, siue ut mentis eorum cæcitas arguatur, siue ut intelligant diuinę dispensationis & prouidentię, obscurissimas esse rationes. Posuit enim deus tenebras latibulum suum quas illi audacter & temere perscrutari cupientes, & alia ex alijs asserētes, in crassas & palpabiles igno-

IN EXODVM.

rantia tenebras deuoluti sunt.

AD ultimum delentur primogenita Aegyptiorū, x.
 siue principatus, & potestates, & mundi rectores tenebrarum harum, siue autores & inuentores falsarum quæ in hoc mundo fuerunt religionum, quas CHRISTI ueritas cum suis extinxit & deleuit autoribus. Porro quod sequitur: In dijs eorū fecit iudicium.) Illud Hebræi autumant, quod nocte qua egressus est populus, omnia in Aegypto tēpla destructa sunt, siue motu terræ, siue tactu fulminum. Spiritualiter autem dicimus, quod egredientibus nobis ex Aegypto, errorum idola corruāt, & omnis peruerforum dogmatum cultura quatiatur.

DE PASCHA. Cap. XV.

INterea fit pascha in occisione agni. Occiditur Christus, de quo in euangelio dicit: Ecce agnus dei, ecce qui tollit peccata mundi. Vespere autē immolatur agnus: in uespera mundi passus est dominus. Prohibentur qui pascha faciunt ossa frangere, non franguntur in cruce ossa domini, attestante euangelista qui dicit: Os non comminuetis. Sanguine agni liniuntur Israëlitarum postes, ne uastator angelus audeat inferre perniciem. Signantur signo dominicæ passionis in frontibus fideles populi ad tutelam salutis, ut hi soli ab interitu liberentur, qui cruore dominicæ passionis corde & fronte signati sunt: qui etiā opere loquuntur: Signatū est sup nos lumen uultus tui dñe. Vnde & appellat ipsa solennitas phase, q̃ nos transitū possumus uocare, eo q̃ de peioribus ad meliora p̃gētes, tenebrosam Aegyptū

ISIDORI ENARRATIO,

derelinquimus. Quod autem ait de agni illius esu,

Omnis alienigena non comedet ex eo: in una domo comedetur: ne efferetis de carnib⁹ eius foras.) hoc de Christi corporis sacramēto, cuius agnus ille figuram obtinuit, proprie tenetur scriptū: cuius corpus & sanguis in una domo, id est, in una ecclesia uesci præcipit: nec efferri foras in plebibus, scilicet hæreticorū, quæ ab eadē ecclesiæ catholicæ unitate, foris uagantur.

DE ARGENTO & auro Aegyptiorum
sublato. Cap. XVI.

PRæcepit dehinc populo dñs per Moysen, ut ab Aegyptiis sibi commoda peterent, quæ auferretur. Sicq; Moyses & populus proficiscēs, auro & argento spoliavit Aegyptios iussu dñi dei, nihil iniuste iubentis. Quid uero hæc præfigurae runt, nisi q̃ in auro & argento ac ueste Aegyptiorū significatæ sunt quædā doctrinæ, quæ ex ipsa consuetudine gentium, non inuiti studio discuntur? Siue per hoc significatum est, quod ex ipsis gentibus pretiosæ animæ tanq̃ uasa aurea & argentea, cū suis utiq; corporibus, quod uestes significant, adiungūt se populo dei, ut simul de hoc seculo tanquam de Aegypto liberentur.

De azymis.

Cap. XVII.

QUOD uero ait, fermento sublato sic profectos esse filios Israel de Aegypto, hoc & à nobis modis omnibus, si fieri potest, elaborandum est, ut exeūtes à seculi huius illecebris, nō ambulemus in fermento ueteris malitiæ ac nequitiae: sed in azymis synceritatis & ueritatis: quod est noui hominis cōuersatio, relicto pristino homine cū

uitiis

IN EXODYM.

titijs suis. Et illi quidem septē diebus azyma come-
debāt: nos uero simpliciter & pure uersetur in his
septem diebus, quibus mundus iste peragitur, qui
semper in suo ordine reuoluūtur, & quotidie nobis
agnus occiditur, & pascha quotidie celebrať, si fer-
mentum malitiæ & nequitix non habeamus: si in-
nouati, nihil ex ueteris corruptiōis malitia delecte-
mur. Nam quid est aliud fermentum, nisi corruptio
nature: quod & ipsum prius à naturali dulcedine re-
cedens, adulterino acrore corruptum est. In hac no-
bis pręcipit māsione, ut semper egressionis ex Ae-
gypto memores simus, ut celebremus pascha, id ē
transitum nostrum de pcioribus ad meliora, & pri-
mogenita nostri uteri. i. nostrorū operum, cuncta-
rū q̃ uirtutum principium, dño consecremus.

De columna ignis & nubis. Cap. XVIII.

IAm tum uidetur dñs nocte in columna ignis,
& per diem in columna nubis pręcedēs popu-
lū, & dux factus itineris. Nubes ista pręcedēs,
Christus est. Idem etiā columna, quia rectus & fir-
mus, et fulciens infirmitatē nostrā. Per noctē lucēs,
per diem non lucens, ut qui non uident uideant, &
qui uident cæci fiant. Potest & sic nō incongrue ac-
cipi, qđ Christi sacramentū tanq̃ in die manifestū
est in carne uelut in nube: in iudicio uero tanquam
in terrore nocturno, quia tunc erit magna tribula-
tio seculi tanquā ignis, et lucebit iustis, et ardebit in-
iustis.

De diuisione maris. Cap. XIX.

SEquētibz inde Aegyptijs, pcutit uirga Moy-
ses aquas, & transierunt filij Israel per medium
mare rubrū. Quid mare rubrū nisi baptisumus
est Christi sanguine cōsecratus? Hostes sequentes
cum

ISIDORI ENARRATIO,

cum rege qui à tergo moriuntur, peccata sunt preterita quæ delentur, & diabolus qui in spiritali baptismo suffocatur. Premunt quidem Aegypti, urgent instantia peccata, sed usquadaquam.

De cantico glorificationis. Cap. XX.

Post transitum rubri maris, canit canticum populus deo, & Aegyptiis & Pharaone summo. Non aliter & fideles, postquam de lauacro descendunt, extinctis peccatis, hymnū in uoce gratulationis emittunt dicentes: Cantemus domino, gloriose enim honorificatus est, equum & ascensorem protexit in mare. Quod tamen melius & dignius ille dicit, qui habuerit tympanum in manu sua sicut Maria, id est, carnem suam crucifixerit cum uitis & concupiscentiis, & mortificauerit mēbra sua quæ sunt super terram.

De aquis maris. Cap. XXI.

Iam dehinc ducitur post maris transitum populus per desertum, baptizati scilicet omnes per mundum non perfruentes promissa patria, sed quod non uident sperando, per patientiam expectando, tanquam in deserto sunt: & illic laboriosæ & periculosa tentationes, ne reuertantur corde in Aegyptum. Nec ibi tandem Christus deserit, nam & ibi illa columna non recedit.

Egressis populis de mari rubro occurrit eremus, in qua tribus diebus ingredientiētes, nō habuerūt aquam: & peruenerunt ad montem Marath, qui ex amaritudine nomē accepit. Murmurat populus uidens aquas, & potare non sustinens. Mittit lignum Moyses in aquas, & factæ sunt dulces. Intellige amaras aquas, occidentis literæ & legis habere figuram

IN EXODVM.

eam: quibus si immittatur confessio crucis, & passionis dominicæ sacramentum iungatur, tunc efficitur aqua myrrhea suavis, id est, amaritudo literæ et legis, incipit habere figuram intelligentiæ spiritualis. Vnde & scriptum est: Cōstituit dominus populo suo legem & iudicia, & tētauit eum. Alio quoq; sensu, quod aquæ myrrheæ, id est, amaræ ligno in se suscepto dulcescunt, indicio erat amaritudinem gentium per lignum crucis Christi in usum dulcedinis quandoq; esse uertendam. Sciendum uero iuxta superiorem sensum, quod primum ductus est Israël ad aquas salvas atq; amaras, & ligno monstrato à domino, dulces effectę sunt: postea uenitur ad fontes: Primo enim ducitur populus ad literam legis, in qua donec permanet, de amaritudine recedere non potest.

De duodecim fontibus. Ca. XXII.

CUm ergo per lignum uitæ dulcis fuerit effecta, & intelligi lex spiritaliter cœperit, tunc de ueteri testamento transitur ad nouum, et uenitur ad duodecim apostolicos fontes. Ibi enim arbores reperiuntur septuaginta palmarum. Non enim duodecim soli apostoli fidem Christi prædicauerunt, sed & alij septuaginta missi ad prædicandum uerbum dei referuntur, per quos palmas uictoriæ Christi, mūdus agnosceret. Siquidem & isti duodecim fontes, septuaginta palmarum arbores irrigantes, apostolicam gratiam præfigurant, populos in septenario numero decuplato rigantem, ut per septiforme spiritus donum, legis decalogus impleatur.

De carnibus alitum & manna. Ca. XXIII.

Mur.

ISIDORI ENARRATIO,

Murmurat interea populus in deserto propter famē, & cōuersus respexit procul in nube gloriā dei, aspexit quē specoturnicē: & mane alterius diei, manna. Quid em̄ per uolucrū escas, nisi prædicationes diuinitus missæ, intelliguntur, quæ transcurrunt per uerba sonantia, quasi per aerem uolatilia pennata, quibus per fidem pascantur hi, qui ad patriā regni cælestis peruenire contendunt? Potest quidē & uolucrū esca, ueteris significare legis eloquia: quæ plebē carnalem tanquā carne alebat per uerba diuinit⁹ missa, quasi per uolatilia. Vnde & uespere dantur, quia cuncta quæ carnaliter illis cōcessa sunt, finē erant habitura. Manifestato autē lumine fidei, manna populo datur. Manna utiq; Christus est, qui tāquā panis uiuus de cælo descendit, qui per nubes euāgelicas uniuerso orbi pluitur, non iā murmuranti & tentanti synagogæ, sed credenti, & in illo spē ponenti ecclesię. Hoc est autē manna indeficiens: hic est panis uerus, & cæli cib⁹ angelorū, quod uerbū dei corruptibiles, incorruptibiliter pascit: quod ut manducaret homo, caro factū est & habitauit in nobis, quo etiā qui uescuntur, spūaliter uiuunt. Nā illi ueterē figurā carnaliter accipientes, mortui sunt. Non incongrue autē & per manna etiam cælestia significantur eloquia, unde & interpretatio nominis sic sonat: Māna enim interpretatur, quid est hoc? Cum enim audimus legem dei recitari in ecclesia, interrogam⁹ doctores dicētes, quid est hoc? Hoc autē manna minutū erat sicut semen coriandri, & suaue. Quid em̄ uerbo dei minutius, quid ue subtilius? Aut quid dulcius & suauius eloquijs dei, quæ sunt super mel & fauum? Sed qd est

IN EXODVM.

est q̄ sexta die duplum colligi iubetur, quod etiā sufficiat in sabbato? Sexta dies ista, est sexta ætas mundi in qua nunc sumus. In hac ergo duplum colligit, qui propter sp̄m uitæ æternæ, uerbum dei & audit & facit. In hac duplū recondit, qui bene uiuit, & alijs misericordia præbet. Quod & reponebatur, per sabbatū non corrumpēbatur. Bona enim opera facta propter futurā requiē, in futuro seculo permanent. Qui uero infideles erant, & præter causam sabbati seruabant de manna, bulliebant ex ea uermes, & cōputrescebat. Sic & qui propter præsentē uitā & amorē seculi thesaurizant, his ille uermis ebullit qui nō morietur. Isti sunt uermes quos generat auaritia, & diuitiarū cæca cupiditas: his qui habent pecunias, & uidentes in necessitate fratres suos, claudunt ab eis uiscera sua. Sed & is qui post susceptum dei uerbū peccat, efficitur ei ipsi uerbū dei uermis, qui eius semper conscientiam fodiat, & arcana pectoris rodat: quanq̄ & uermis sit Christus ipso loquēte: Ego autē sum uermis & non homo. Sicut em̄ ipse est alijs in ruīnam, alijs in resurrectionē, ita & ipse in manna fidelibus quidē dulcedo mellis, infidelibus uermis efficitur.

DE petra uirga percussa.

Cap. XXIII.

Post manna populus queritur ob ardorē sitis: & fons de petra erupit. Eadem uero petra que percussa aquā euomuit, Christi figuram habuit: quo aperto, sacramenta cuncta fluxerunt: ad quem uelut uirga, lignū passionis accessit, ut emanaret credentibus gratiā. Percussa enim petra fons emanauit: Percussus in cruce Christus, sitientibus lauacri gratiā, & donum spiritus sancti effudit. Pe-

i . tram

ISIDORI ENARRATIO,

tram enim istā figurā Christi habuisse, probat Apō-
stolus cum dicit: Bibebant inquit de spiritali conse-
quente eos petra: petra autē erat Christus. Q. autē
sitientes populus, pro aqua murmurat aduersus Moy-
sen, & propterea iubet deus ut ostendat ei petrā de
qua bibebant, quid hoc significat, nisi quia si quis
est qui legēs Moysen murmurat aduersus eum, &
displicet ei lex quæ secundū literā est scripta, osten-
dit ei Moyses petram quæ est Christus: & adducit eū
ad ipsam, ut inde bibat & reficiat sitim suam?

De pugna Amalech. Cap. XXV.

Post hæc Moyses ascendit in montem: Iesus cō-
tra Amalech militat. Tenet uirgam Moyses:
brachiaq; sua in modum crucis extendit. Sicq;
hostis id est diabolus, uiam cœlestis patriæ interclu-
dere moliens, signo crucis dominicæ superatur. Dū
leuaret manus Moyses, uincebat Israël. Rursum dū
inclinaret, superabat Amalech. Eleuātibus enim nō
bis actus nostros ad cœlū, rectores tenebrarū subi-
ciuntur: at contrā remissis orātes manibus, hoc est,
conuersationē terrenā sectantes, hostis uictor inse-
quitur: Sedet Moyses super lapidē de Zachariā, qui
septē oculos habebat: & in Samuelis uolumine ap-
pellatur lapis adiutori: & utranq; manum eius Aa-
ron & Hur quasi duo populi aut duo testamenta,
sustinent.

De cognato Moyse. Cap. XXVI.

Deuicto autem Amalech, uenit Iethro socer
Moyse & adducit Sephoram & ecclesiā: &
utrunq; filium ex utroq; populo procreatū.
Dat Moyse consilium septuaginta seniorum: audit
eum Moyses & facit quodcunq; dicit: ubi magnæ
admira-

IN EXODVM.

admirationis est, ut Moyses propheta deo plenus, qui cū domno facie ad faciem loquebatur, ab homine gentili consilium acciperet, & faceret omnia quæcūq; diceret illi. Quid autē aliud esset, nisi ut formam humilitatis populorū principibus daret: & futuri sacramenti designaret imaginem? Sciebat enim futurum quandoq; quoniā per populū ex gētibus congregatum, ea quæ in lege deerant, eo suggerente complerentur, bonūq; & spiritualē intellectum afferret ad legem dei: & sciebat quod audiret eundem populū lex, & faceret omnia quæcūq; diceret, legisq; diminutio suggerente euangelio, compleretur.

De ascensione Moyfi in montē.

Caput XXVII.

SUCCESSIT itaq; post hæc populus quadragessimaseptima die egressiōis ex Aegypto ad montem Sinai, ibiq; Moyses ascendit ad deum, & dominus ad eum descēdit. Sed quid est moraliter, quod moyses in montē ascēdit, & dominus in monte descendit? Mons quippe altitudo contēplationis nostræ est, in quam ascendimus, ut ad ea quæ ultra infirmitatē nostrā sunt intuenda subleuemur. Sed in hanc dominus descendit, quia sanctis multum proficiētibus, parum de se aliquid eorum sensibus aperit.

De monte Sina, & tonitruis cū fulgure,
& caligine.

Ca. XXVIII.

IAM deinde quinquagesima die post actum pascha, data est lex Moyfi: ita & quinquagesima die post passionē dñi, quā pascha illd̄ p̄figura-
bat, datus est spiritus sanct⁹, promissus paracletus,
i e descen

ISIDORI ENARRATIO.

Descendens super apostolos & qui cum eis erāt, in centū uiginti Mosaicæ ætatis numero constitutos: & diuisis linguis credentiū, totus euangelica prædicatione mundus impletus est. Dicitur illic scripta lex digito dei: & dominus dicit de spiritu sancto: In digito dei eiicio dæmonia. Aspicit illic cunctus populus uoces & lampades, montēq; fumantē: tonitrua & fulgura; clangorēq; buccinæ perstreptentē. In uocibus nanq; & tonitruis, clamor prædicationū intelligitur. In lampadibus, claritas miraculorū. In sonitu buccinæ, fortis prædicationis sanctotum: quæ omnia in aduentu Christi & spiritus sancti cōpleta sunt, qñ omnes discipuli Christi, in uarietate linguarū, præceptis & signis intonuerunt. Interpretat autē Sinai rubus, quod significat ecclesiā: in qua & dñs Moyſi loquitur. Quod autē legē daturus dñs in igne; fumo q; descendit, hoc significat, qd & fideles claritatis sue ostensiōe illuminat: & infidelium oculos per fumū erroris obscurat. Quod uero uidet in caligine; hoc significat, qd impij qui terrena sapiunt, caligine malitiæ eū descendantē, id est in humilitate nascentem non agnouerūt. Aliās in caligine uisus, legē dedit: quia ueritatē suæ legis nō secuturis infidelibus; quasi per caliginē dixit: ut uidentes non uideant: & audientes non audiant.

De decem uerbis.

Cap. XXIX.

DAt igitur deus Moyſi legem innocentiaē nostræ, & cognitionis sue: eandemq; in decem uerba constituit, & in saxeis tabulis digito suo scripsit. Et hæc quidem præcepta ita sunt distributa, ut tria pertineant ad dilectionem diuinæ trinitatis: septem uero ad amorem fraternum, quibus societas

IN EXODVM.

societas humana non læditur.

Primū decalogi mandatū ad deū patrē pertinet, dum dicit: Dominus deus tuus, deus unus est: utiq; ut hæc audiens, unū patrē deū colas: & in multos fictos deos fornicationē tuā non effundas.

Secundū præceptū ad filiū pertinet dum dicit: Non assumes nomen domini dei tui inuanū: id est ne æstimes creaturā esse filiū dei: quoniā omnis creatura uanitati subiecta est: sed credas eū æqualē esse patri: deum deorum: uerbum apud deum, per quem omnia facta sunt.

Tertiū mandatū de sabbato ad spiritū sanctū pertinet, cuius dono requies nobis sempiterna promittitur. Nam quia spiritus sanctus septiformis dicitur, propterea & septimū diē sanctificauit deus. In alijs enim diebus operū, non est nominata sanctificatio nisi in sabbato, ubi dicitur: requieuit deus. Porro igitur hoc mandatū pertinet ad spiritū sanctum, tam propter nomen sanctificationis, q̄ etiā propter æternā requiē ad donū sancti spiritus pertinentem. Dicitur em̄ ibi: Memēto ut diē sabbati sanctifices. Sex diebus operaberis, & facies omnia opera tua: Septimus autē dies sabbatū est dñi dei tui: nō facies omne opus.) In sex dierū opere, sex milia annorū operatio continet. In septimo uero reges, id est beati illius regni tēpus ostendit: quod carnaliter Iudæi celebrantes peccant: & hoc non nos ad fidē mendacij fallentes, aptamus. Clamat dominus per prophetam dicēs: Neomenias & sabbata uestra odiuit anima mea. Quomodo ergo sanctificata erunt sabbata illa quę odiuit dominus? Illud ergo sabbatum est sanctificatum, ubi post bona huius uitæ opera,

i 3 requies

ISIDORI ENARRATIO,

requies nobis æterna promittitur: Ideo q̃ si quicqd agimus propter futuri seculi requiē facimus, ueraciter sabbatum obseruamus.

Post hæc tria præcepta, septenarius succedit numerus mandatorum ad dilectionem pertinens proximi: & incipit ab honore parentum: quod tamen in ordine quartum est. Honora patrem tuū & matrē tuam.) A parētibus enim suis, homo aperit oculos: & hæc uita ab eorū dilectione sumit exordium. Inde hoc mandatum primum est in septē, sicut & dominus in euangelio ait: Honora patrem tuum & matrē tuam, quod est mandatum primū. Sed quomodo primum, quod est quartū, nisi quia sicut prædictum est, in septenario numero qui pertinet ad dilectionē proximi, primum est in altera tabula? Nam ideo duę tabulę legis datę sunt. Iubetur ergo in hoc præcepto filius honorare parētes: neq̃ contumeliosus illis existere, sed officio pietatis debi- tam reuerētiā prestare. Nam qui parētibus honorem deferre non nouit, quibus parcere poterit qui suos odit?

Quintum, Non mœchaberis:) id est, ne quis. Quām præter matrimoniū sui fœdera, alijs fœminis misceatur ad explendā libidinē. Nam specialiter adulteriū facit, qui præter suā, ad alterā accedit.

Sextum, Non occides.) Etenim non solum opere perpetrans homicidium facit, sed etiam & qui incurrit in esurientem uel nudum qui mori possit, nisi indumentum cibumq̃ porrigendo subueniat, & idem homicida tenebitur.

Sepimū, Non furtum facies.) quod est uicium rapacitatis.

Octauum

Octauū, Non falsum testimoniū dices.) quod est crimen mendaciꝝ & falsitatis.

Nonum, Non cōcupisces uxore proximi tui.) In hoc præcepto uetat intentionē adulterinę cogitationis. Nam aliud est facere aliquid tale præter uxore, aliud non appetere alienam uxore: ideo duo præcepta sunt, Non mæchaberis, &, Non concupisces uxorem proximi tui.

Decimum, Non cōcupisces rem proximi tui.) In quo præcepto damnat ambitionē seculi, & refrenat concupiscentiam rerum. Itaq; horum primum prohibet surreptionē: secundū errorē: tertiu interficit seculi amorē: quartū impietate: quintum allidit fornicationē: sextū crudelitatem: septimum rapacitatem: octauū premit falsitatem: nonū adulteriꝝ cogitationē: decimū mundi cupiditatem, Et notandum q̄ decē plagis percutiuntur Aegyptiꝝ, sicut decem præceptis conscribuntur tabulæ: quibus reguntur populi dei, & dæmones deiſciuntur.

De duabus tabulis. Cap. XXX.

Cvr autem in duabus tabulis scripta est lex, nisi aut propter duo testamenta significāda, aut' propter duo illa præcepta dilectiōis dei & dilectionis proximi, in quibus lex tota pendet & prophetæ? Hæc enim in singulis tabulis explicata sunt: in una enim tria præcepta ad dei pertinentia charitatem, in alia uero septem, pertinentia ad proximi societatem.

De lapideis tabulis.

Cap. XXXI.

Sed cur lapideæ fuerūt, nisi ad significandū cor lapideū Iudeorū? Per lapidis em̄ insensibilitatem, demonstrauit durā eorū mentis stoliditatem, de qua



ISIDORI ENARRATIO,

propheta dicit: Auferā à uobis cor lapideū, & dabo uobis cor carneū: Vnde & Apostolus: Non in tabulis lapideis, sed in tabulis cordis carnalibus: Neque enim hoc tabulæ carnales uolunt ut carnaliter sapiamus, sed quia in cōparatiōe lapidis qui sine sensu est, caro sentit, iccirco per lapidis duritiā significatū est cor non intelligens: & per carnis sensibilitatem, significatū est cor intelligens. Quod autē additur ibi à domino, Nō facietis uobis deos aureos & argenteos) ab idolorū cultu remouet: quæ quanto pretiosiora, tanto ad subuertendos imperitorum animos efficaciora.

De eo quòd iussū est, Altare de terra facietis. Cap. XXXII.

Altare de terra facietis mihi.) Altare de terra deo facere, est incarnationē mediatoris sperare. Tunc quippe à deo nostrū munus accipitur, quando in hoc altare, nostra humilitas, id est super dominicę incarnationis fidē posuerit, quicqd bene operatur. In latere ergo de terra oblationum munus offerimus, si actus nostros dominicę incarnationis fide solidamus.

De eo q̄ ait, Non ædificabitis illud de sectis lapidibus. Cap. XXXIII.

Deinde adiecit, Quòd si altare lapideū feceris mihi, non ædificabis illud de sectis lapidibus. Si enim leuaueris super eos cultum, polluetur.) Secti lapides hi sunt qui unitatem scindunt, ac diuidunt semetipsos à societate fraterna per odium uel schismata. Tales in corpore suo non recipit **C H R I S T V S** : cuius corporis

IN EXODVM.

poris figuram altaris illius constructio obumbrabat. Isti uero non secti lapides ex quibus altare construi iubetur, hi sunt, qui fide morumq; unitate solidantur, de qualibus dicit Apostolus: Vos estis lapides uiui, qui coedificamini in domos spirituales. His non est injectum ferrum, quia incorrupti sunt, & iacula maligni ignea non receperunt: quiq; unum altare faciunt, id est unitatē fidei uel concordia charitatis sequuntur.

DE eo quod ait, Non accedetis ad illud
per gradus. Cap. XXXIII.

Non accedes per gradus ad altare meum.) id est, non gradatim unum aliq; præferēs ad me peruenies: neq; priorem atq; posteriorem tempore discernens: quia diuisum & sequestratum propitium non habebis. Hoc enim Arriani faciunt, qui insecabilem patris & filij & spiritus sancti substantia diuidunt. Iam deinde quia plura legis præcepta dantur, quibusdā omissis quæ opportunitiora sunt, dicenda sunt.

DE Hebræo sex annis seruiente. Cap. XXXV.

Pæcipitur enim post hæc, ut Hebræus puer si fortē in seruitutē deuenierit, sex annis seruiat, septimo uero anno liber dimittat. Quod si egredi à seruitute noluerit propter uxorem & filios, perforabitur auricula eius, & erit seruus in seculum. Hoc de præsentī non dicit seculo, sed de futuro: quia in sex ætatibus huius seculi seruientes, septimo die æterno sabbato liberamur: si tamen uoluerimus esse liberi, dum adhuc in seculo seruimus peccato. Si autem noluerimus, perforabitur nobis auricula in testimonium inobedientiæ: & cum uxore & filijs

i 5 nostris

ISIDORI ENARRATIO,

nostris quos pretulimus libertati, id est, cum carne
& operibus eius peccati, serui erimus in æternum.

De talione.

Cap. XXXVI.

Illud uero quid significat, q̄ in hac lege oculus
pro oculo dari iubetur? Oculus enim est quisq̄
doct̄or, tanquam uitę demonstrans iter. Iste au-
tem si intentionem auditoris per aliquam pernici-
osam doctrinam conetur extinguere, si oculum læ-
dat animę & intellectum eius turbet, auferatur ne-
cesse est ab ecclesię pręsulatu: & intellectus eius
turbulentus ac ferox, qui scandalum fidei generat,
proñciatur. Sed & si quis dētem læsit auditoris, per
quem scripturarum cibos cōminuebat, & diuidēs
spiritualiter distinguebat, ut subtilem ex his ad in-
teriora animę transmitteret sensum. Quisquis ergo
huiusmodi euellens dentem, conat̄ à corpore Chri-
sti præcidere, auferatur dens ille. De talibus em̄ di-
citur: Dentes peccatorum contriuiisti. Si quidem et
manus pro manu, & pes pro pede deposcitur. Ma-
nus ē actio opantis, per quā inceditur ad bona uel
mala. Præcidatur ergo ille qui scandalum facit, nō
solum fide, sed etiam in actibus, qui per manum si-
gnificatur: aut offendiculum præbet, quo pedes in-
telliguntur. Recipiat etiam combustionem qui cō-
bussit, & gehennę fraternam tradidit animam: per
quę singula ostenditur, ut iste percussor omnibus
detruncatus membris, à corpore excidat ecclesię,
ut cæteri uidentes timorem habeant, & non faciāt
similiter.

De decimis & primitiis offerendis.

Caput

XXXVII.

Iubetur quoq̄ inter hæc Israëlítico populo deci-
mas

IN EXODVM.

mas frugum, cunctarumq; primitias rerum offerre domino. Spiritualiter quippe primitiæ frugum uel primogenitorum, principia operum bonorum ostendunt, uel ipsam bonam uoluntatem, quæ prior est opere, quam Pelagiani sibi tribuendo offendunt. Deus autem dum illa sibi à nobis iubet offerri, indicat ad ipsius gratiam pertinere. In decimis itaq; domino offerendis, denarius numerus perfectionem significat, quia usq; ad ipsum numerus crescit: ideoq; sicut in primitiis principia uoluntatum, ita decimis consummationes nostrorum operum ad deum referre præcipitur: à quo & boni operis initium, & perfectionis donatur effectus. Verum quod dixit, Primogenita a sinu mutabis oue.) Per asinum quippe hoc loco immunditia: per ouem uero innocentia designatur. Asini ergo primogenita oue mutare, est immundæ uite primordia ad innocentiam simplicitatē conuertere: ut postquā illa peccator egit, q̄ ut immunda dominus respuit, ea iam agēdo proferat, quæ dei sacrificio munda imponat. Quod uero sequitur: Si non redimes, occidetur.) quia nimirum mens immunda ac delictis obnoxia, si nō fuerit in melius commutata, necabitur morte perpetua.

De uitulo combusto igni. Ca. XXXVIII.

DEscendens itaq; Moyses de monte cū tabulis, dū audisset populū q̄ fuerat in idolo consecretus, indignos eos iudicās accipe legē, p*i*ecit de manibus suis tabulas. Quib? cōfractis, incendit uitulū quē plasmauerant. Sed quid sibi uelit iste uitulus, quē fecerūt filij Israel in solitudine uel qd significet q̄ Moyses ipsum uitulum ignecom-

ISIDORI ENARRATIO,

combussit, minutatimq; concidit, & in aquam aspergens, potum populo dedit. Si enim tabulas, quod digito dei, hoc est, operatione spiritus sancti scriptas acceperat, ideo fregit, quia indignos eas quibus legeret iudicauit: si deniq; ut ab eis ille uitelus penitus aboleretur, incendit & contriuit, & in aquam sparsit atq; summersit, ut quid & potum populo dedit? Quem non excitet factum hoc, ad querendam & intelligendam prophetica significatione? Occurrat ergo iam intentis mentibus, quia diaboli corpus significatur in uitulo, id est, homines in omnibus gentibus, quibus ad hæc sacrilegia caput, hoc est autor diabolus est. Aureum propterea, quia uidentur idololatriæ ritus uelut à sapientibus instituti, de quibus dicit Apostolus: Quoniam cognoscentes deum, non sicut deum glorificauerunt, aut gratias egerunt, sed euauerunt in cogitationibus suis, & obscuratum est insipiens cor eorum: Dicentes enim se esse sapientes, stulti facti sunt, & immutauerunt gloriam incorruptibilis dei, in similitudinem imaginis corruptibilis hominis, & uolucrũ, & quadrupedum, & serpentium. Ex hac quasi sapientia iste uitelus aureus, qualia solebant Aegyptiorum etiam ipsi primates & tanq̃ docti hoies, adorare figmenta. Hoc ergo uitulo significatum est omne corpus, id est, ois gentilitas, & societas idololatriæ ditorũ. Hanc sacrilegã societate dñs Christus igne illo comburet, de quo in euangelio ait: Ignem ueni mittere in terrã: ut qm̃ non est qui se abscondat à calore eius, dũ in eũ credunt gentes, igne uirtutis eius, diabolica in eis forma soluatur. Totũ deinde corpus illud cõminuit. i. ab illa malæ cõspirationis cõfatione di-

IN EXODVM.

scisum uerbo ueritatis, humiliatur: & cōminutū in aquam mittitur, ut eos Israēlitæ, id est, euangelij p̄dicatores ex baptismo in sua mēbra, hoc est, in dominicum corpus transferāt: quorum Israēlitarum Petro de ipsis gentibus dictum est: Macta & manduca. Si ait, macta & manduca, quare etiā nō inquit, cōcide & bibe? Ita ille uirulus per ignē zeli, & aciē uerbi, & aquā baptismi ab eis potius quos absorbere conabatur, absorptus est.

De interfectis tribus milibus hominum.

Caput XXXIX.

Nunc autem, quid etiā propheticae significationis habuerit, requirendū est, q̄ ex eis multos qui se absente ipsum idolum fabricauerunt, sine ulla cuiusq̄ necessitudinis distēsiōe iussit interimi. Facile est, ut intelligatur hominū illoꝝ interēptione significari uitioꝝ taliū necē, quā libus ad eandē idololatriā defluerunt. In talia q̄ppe uitia seruire nos coērcuit Apostolus cū dicit: mortificate mēbra uestra quæ sunt super terram, fornicationē, immunditiā, luxuriā, concupiscentiā malā, & auaritiā quæ est idoloꝝ seruitus. De porta uero usq̄ ad portā ire, est à uitio usq̄ ad uitium, per q̄d ad mentē mors ingredit̄, cū gladio increpatiōis discutere. Sed & ipse nūerus triū miliū interfectoꝝ, tripli cē formā indicat p̄ctōꝝ. Omne em̄ p̄ctm̄, aut facto aut uerbo aut cogitatione cōmittitur.

De confractiōe tabularū. Ca. XL.

Ascendit itaq̄ Moyses denuo in montem, itē rūq̄ dat ei de⁹ legē in alijs tabulis ad instar priorū præcis. Sed qd significauerūt tabulæ, quas primū à dño Moyses accepit, & sine morā con-

ISIDORI ENARRATIO,

confregit? Tabulæ imaginē demonstrabant priscæ legis nō pōt longo interuallo pro populi peccato cessantis. Alię uero ad instar priorum iteratim incisę, noui testamenti habuere figuram. Istæ non franguntur, ut ostenderetur noui testamenti eloquia permanens. Vnde & merito decem uerbis legenda signantur, ut per eundem numerum figura crucis exprimeret̃. Huius em̃ forma X litera est. Nam tracto uno apice à summo, in imū ducit̃: rursus alio non dispari per transuersa brachiorū cōponit̃: unde & ipse ait: Non ueni legē soluere, sed implere: utiq; p passionem crucis, cuius imago fuit in tabulis.

De XL. diebus quos ieiunauit Moyses. Ca. XLI.

Quid autē sibi uelit, quod Moyses quadraginta diebus ieiunauerit? Cuius actiōis quædā figura est, in huius numeri consideratiōe. Quadragenario em̃ numero & Moyses, & Helias, & ipse dñs ieiunauerunt. Precipitur em̃ nobis ex lege, & ex prophetis, & ipso euāgelio, qđ testimoniū habet à lege & prophetis. Vnde etiā in monte inter utrāq; personā medius saluator effulsit, ut ab om̃ibus mundi illecebris aueritatē nostrā tanq̃ ieiunio temperantiæ refrenemus, quādiu perfectio decalogi legis, per quatuor eiusdem mundi partes, id ē, toto orbe prædicatur: ut decem quater ducta, quadragenarium numerū fignent.

De eo quod deus dicit ad Moysen: Posteriora mea uidebis. Cap. XLII.

Quid uero petiuit Moyses, ut claritatem dñi uideret, dicens: Si inueni gratiā apud te, ostēde mihi temetipsum manifeste.) Accepit enim in presenti congruum responsum, quod faciē

IN EXODVM.

domini uidere non posset, quam nemo hominum uideret & uiueret. Quid est ergo: Faciem meā uidere non poteris.) nisi quia quamuis usq; ad parilitatē angelicā humana etiā post resurrectionē natura perficiat, & ad contēplandū deū indefessa consurgat: uidere tamen eius essentiā plene nō praualeat: quam ne ipsa perfectio angelica in toto uel integre attingit scire, scđm Apostolū, qui ait: Pax dei quæ exuperat omnem sensum: ut subaudias angelorū. Sola enim sibi integre nota est trinitas, & humanitati susceptę, quę tertia est in trinitate persona. Iam deinde in sequentibus ybis dei, futurum Christi ecclesię mysterium significatum est. Gestauit quippe Moyses typum populi Iudæorum in Christum postea credituri: ideo illi dictum est: Cum transiero, posteriora mea uidebis.) Quidā hūc sensum in euāgelio dicūt fuisse cōpletū cū ascēdisset Iesus in montē, qñ apparuit Moyses colloquens cū Iesu: & ideo ibi completam aiunt istā promissionē quā accepit in mōte Sinai, cū dictū est, posteriora mea uidebis. Vidit ergo posteriora eius. i. uidit quæ in posterioribus & nouissimis facta sunt. Qđ aut ait dñs ad Moysen: Est locus apud me, stabis super petrā, & paulo pōst tollā manū meā, & uidebis posteriora mea,) quia cū ex sola catholica ecclesia Chrs cōspicitur, apud se esse locū dñs phibet, de quo uideatur. In petra Moyses ponitur, ut dei speciem contēpletur, quia nisi quis fidei soliditatem tenuerit, diuinam præsentiā nō agnoscit: de qua soliditate dominus dicit: Super hanc petram ædificabo ecclesiā meam.

De glorificatione Moysi

Ca. XLIII.

Quod

ISIDORI ENARRATIO,

QUod uero descendente denuo Moyse cū tabulis, facies eius glorificata uidet, sed tamen uelamine tegit, hoc significabat, ut ostenderet eandē legem mystico esse uelamine cooperatam: tectamq; infidelibus & occultam. Sermo q̄pe legis habet scientiæ gloriam, sed secretā. Habet & cornua duū testamentorū, quibus cōtra dogmata falsitatis incedit armata. Cū enim Moyses legit, uelamen est positū super cor eorū: & manifeste dū legis & prophetarum scripturam per nimiam stoliditatē cordis, carnaliter accipiunt infideles, illis tota facies Moysi quodam uelamine tegit, ita ut non possint loquentis legis gloriam sustinere. Sed si cōuersi fuerint ad dominum, auferet uelamen: occidens litera morietur, uiuificās spiritus suscitabitur. Dominus enim spiritus est, & lex spiritualis est. Unde & David orabat ī psalmo: Reuela oculos meos, & considerabo mirabilia de lege tua.

De ædificatione arcæ. Ca. XLIII.

IAm nunc arcam testamenti dei inspiciamus, in qua erant repositæ tabulæ legis. Per hanc itaq; arcā, quā de lignis īputribilibus Moyses fabricauit ecclesia Christi significatur, ædificata ex omnibus sanctis mente & corpore incorruptis: habentibus etiam interioribus duas tabulas testamenti, id est, obseruantiam legis & euangelij. Intrus autem ac foris inauratur arca. Sic & ecclesia quasi aurum radiare debet, tam interioris uitæ splendore, q̄ exterioris doctrinæ & sapiæ claritate. Corona autē aurea p̄ circuitū, & quatuor circuli aurei, qui per quatuor angulos iubentur adiungi, hoc significant, quia in eo ecclesia per quatuor mundi partes dilatata tendit, proculdu

IN EXODVM.

proculdubio quatuor sanctis euāgelij libris accincta prædicatur: quam tamen intra unius coronæ ambitum, id est intra eiusdem fidei unitatem concludit. Vectes quoque de lignis Sethim fiunt, qui eisdem ad portandum circulis inseruntur: quia fortes perseverantesque doctores, uelut imputribilia ligna quærendi sunt: qui instructioni sacrorum voluminum semper inhærentes, sanctæ ecclesiæ unitatem denuntient: & quasi intromissi circulis, arcam portent. Qui auro quoque iubetur operiri: ut cum sermone alijs insonant, ipsi etiam uitæ splendore fulgescant.

De urna aurea, tabulis & uirga. Ca. XLV.

IN hac testamenti arca fuit urna aurea: tabulæ quoque & uirga Aaron, Arca hæc ut prædictum est, ecclesia est habens duas tabulas lapideas: id est duplicis testamenti perpetuam firmitatem. Vrnâ quoque auream, hoc est carnem intelligimus Christi puram atque sinceram, quæ reconditum in se manna perpetuæ diuinitatis conseruat: & angelici illius panis perennem coelestemque gerit dulcedinem: nec non etiam uirgam Aaron, id est eiusdem summi uerique pontificis nostri IESU CHRISTI salutare uexillum, immortalis memoriæ semper uiriditate frondentem.

De propitiatorio & Cherubin. Cap. XLVI.

IAm porrò propitiatorium super arcam testamenti positum, id est ipse Christus insinuatur: qui inter deum & homines medius propitiator interuenit: de quo dicit Apostolus: Quem proposuit deus propitiationem per fidem in sanguine ipsius. Hoc propitiatorium arcæ superponitur, sicut &

Christus

ISIDORI ENARRATIO,

Christus caput est ecclesiæ: cuius à dextris & sinistris duo Cherubin consistunt, quod est plenitudo sciētix: id est dilectio dei & proximi, per quā dominus ostēdit. Nemo enim potest puenire ad dominū, nisi per charitatē. Plenitudo enim legis dilectio. Alij eadē duo Cherubin, duo intelligunt testamēta, quę propitiatoriū dei, id est Christi sacramentū obumbrant, testante propheta: In medio duūm animalium cognosceris. Hi uersis uultibus se respiciunt, dum in spiritali sensu uertuntur. Tunc enim alterutrum in melius sibi concordant, & in omnibus rectius consonant. Siquidē ex utroq; latere oraculū uel propitiatorium tegunt: quia uetus & nouū instrumentū, tam Christi sacramēta, q̃ ecclesiæ mysteria sub ænigmatum figuris operiunt.

De altari.

Cap. XLVII.

Altare autem illud corpus Christi significabat: siue omnes sanctos, in quibus ardet semper diuinus ignis, & semper consumitur caro.

De mensa.

Cap. XLVIII.

Posita uero mensa pacis & fidei, ecclesię gestabat typū, in qua pascimur alimentis scripturarum: ad cuius unitatem ex toto orbe uocibus apostolicis dei populus congregatur, Salomone dicente: Sapiētia ædificauit sibi domū: parauit suā mensam: miscuit uinum in cratere: & reliqua: dicens: Venite & edite de meis panibus.

De candelabro & oleo.

Cap. XLIX.

Candelabrum autem illud septem ramorum, spiritus sancti gerebat imaginem: qui septiformi gratia illustrat ecclesiam omnem in unitate

IN EXODVM:

unitate fidei cōsistentē. Alij idē candelabrū Christū intelligunt gestantē septem ecclesias: in quibus septiformis spiritus sancti splendor emicat. Huic candelabro fiunt emunctoria, quæ in Esaia forcipes nūcupantur. Et hæc quidā duo testamēta interpretati sunt, quibus peccata purgantur: quæq; inter se sancti spiritus unione sociantur. Extra uelum autem testimoniū quod oppansum est, candelabrum ardere precipitur: quia sine ullo ueteris testamenti uelamine, spiritus sancti iam ueritas fulget. Oleum uero quod de arboribus oliuarum sumendum dominus præcipit, eandē gratiā spiritus sancti ostendit: habentē in se pacē & misericordiam per saluatoris aduentum: unde in cordibus nostris lumen ueritatis accenditur.

De tabernaculo.

Cap. L.

Sequitur nunc figura tabernaculi, quod iubēte domino Moyses fabricare iubetur. Tabernaculū hoc per allegoriā, ecclesia est in huius uitæ eremo constituta: de quo psalmista ait: Quoniā abscondit me in tabernaculo suo in die malorū. Varijs igitur speciebus instruitur tabernaculū, partim pretiosis, partim uilioribus: per quod demonstratur alios sanctos, alios esse peccatores in ecclesia: fideles autē omnes: & intra corpus ecclesiæ constitutos.

De colūnis, eius basibus, & capitellis. Ca. LI.

Ipsū autē tabernaculū cū in typo ecclesiæ fieret, colūnas eius quatuor fundari argēteas dñs iubet. Colūnx istę, q̄tuor euāgelistę sunt, sanctę firmitate fidei solidati. Argēteę autē dicunt, propter diuini eloqui claritatē. Hæc colūnaꝝ bases, pphetę sunt: q̄ suo gestamine structurā portāt ecclesię. Sup

k a fun.

ISIDORI ENARRATIO,

fundamentum enim prophetarum, euangelistę ec-
clesiam collocant: eoręq; auctoritate euangelicā fi-
dem confirmant. Caput aut columnę aureę, illę
est de q̄ dicit Apostolus, quia caput uiri Christ⁹ est.

De tabulis deauratis. Cap. LII.

INterim & tabulas deauratas erigi præcepit, &
fundi earum bases argenteas iubet. Quid enim
per tabulas nisi doctores & apostoli, extensa in
mundum prædicatione dilatati? Quid per bases ar-
genteas, nisi ut prædictū est, prophetę signantur:
qui superimpositas tabulas ipsi firmi ac fusiles susti-
nēt: quia apostolorū & doctorū uita, dū eorū prædi-
catione instruit, eorę auctoritate solidat? Vnde & cō-
iūctę binę bases singulis tabulis supponūtur: quia
dum prophetę sancti, in uerbis suis de mediatoris
incarnatione concordāt, subsequētes prædicatores
ecclesię indubitanter ædificant. Et cū in semetipsis
non discrepant, illos in se robustius figūt. Quod au-
tem argenteas ait bases & tabulas deauratas, ostē-
dit præcepta apostolorū longe clariora esse quā
prophetarum.

De decem cortinis. Cap. LIII.

Tentoria autem quę ansulis assuta, & circū-
lus suspensa atq; innexa funibus ad modum
cortinarum, uiginti & octo in longum, atq;
in latum quatuor cubitis distendūtur, reliqua cre-
dentium plebs intelliguntur: quę hæret & pendet
in funibus fidei. Funus enim triplex non rumpitur,
quę est trinitatis fides: ex qua dependet & per quā
sustinetur om̄is ecclesia. Quod autē uiginti & octo
cubitorū in longū, & in latū quatuor cortinę unius
mensurę distenduntur, lex euangelij designatur.

Septē

Septenarius nanq; numerus legē significare solet, pro multis septiformis numeri sacramentis, qui cō sociatur ad quatuor euangelia. Quater septeni, uiginti & octo numerum faciunt. Decem autem cortinæ fiunt, ut integrum perfectionis numerum teneant, & legis decalogū signent. Quæ tamen quinquagenis aureis circulis sibimet connectuntur: quia omnes fideles per donū sancti spiritus, fidei & charitatis uinculo sociantur. Quinquagenarius enim numerus, ad spiritū pertinet sanctū: Vnde & quinquagesima diē post pascha, descēdit de cœlo paraclet⁹.

De XI. uelis Cilicinis. Cap. LIII.

Consequentur uero undecim uela Cilicina fieri præcipiuntur. In Cilicio quippe peccatum ostēditur propter hœdos ad sinistram positos. Quoniam ergo superius in decē cortinis, sancti perfectionē legis tenētes imaginati sunt, rursus undenario Ciliciorū numero, quoniā transgreditur denarium, transgressores legis, hoc est peccatores in ecclesia intelliguntur: Sed tamen & ipsa saga Cilicina quinquagenis ansulis copulantur, propter pœnitentiæ signū, & spē remissionis per indulgentiā peccatorū: Vnde & quinquagesimus psalmus uenix & remissionis est. Possunt eadē tentoria Cilicina quibus tabernaculū tegeretur, ut pluias & uentos & turbines tolerarent, grossas hominū mentes accipi: qui aliquādo in ecclesia occulto dei iudicio quāuis duri sint, præferuntur: Vnde & bene sequenter pelles arietū ibi subiecit: ut per arietes, duces prepositosq; ecclesiæ ostenderet: quiq; deseruire curis tēporalibus nō timēt, oportet ut tentationū uētos & pluias, de huius mundi contrarietatibus portēt: ut hi

ISIDORI ENARRATIO,

qui inter ecclesiam spiritualiter quasi byssus & hyacinthus & purpura fulgent, securi interius resplendant: dum præpositi & rectores eorū, contra procellas & turbines seculi, foris laborant.

De oppanso uelo in medio tabernaculi. LV.

QUod uero in medio tabernaculi uelū extēditur, & exterior pars ab interiore separatur, illud significat, quod nunc populis ecclesiæ ea quæ promissa sunt uelut oppansa, quo usque adueniant, uidere nō liceat: Sic enim & Apostolus ait: Nūc uidemus per speculum in ænigmate: tunc autē facie ad faciē. Quandiu igitur in hoc mūdo sumus, tanquā per speculum ueritatē uidemus: positi quasi in sancta: nondū perueniētes ad sancta sanctorū. Sancta enim possunt esse ea, quæ in præsentī seculo habere sancta conuersatio potest. Sancta uero sanctorū in qua semel tantūmodo intrat, ad cœlū esse tāsitū: ubi est propitiatorii & Cherubin: ubi & mundis corde apparere poterit deus. In qua tñ conuersatione cōstituti, non sine adiutorio spiritus sancti cōstitimus. Habemus ergo ex spiritus sancti fonte septē lucernas, quæ illuminēt populū ecclesiæ. i. septēplīcē dñi gratiā missam in uniuerso orbe terrarū: quæ populos ecclesię, fulgore spiritus sancti diuersa charismatū claritate illustrat. Potest quippe hoc oppansum uelū, qđ partē tabernaculi interioris occultabat ne prospicerent illuc reposita, tēpus illud significare qđ fuit sub lege: quia quæ lex & prophetæ cecinerunt occulta erāt, & interiecto uelamine uideri nō poterāt. Sed posteaquā Christus adueniēs, tēpore passionis uelū illud à summo usque deorsum dirūpīt, omni

IN EXODVM.

omnia illa quæ antea erāt occulta, per domini passionem ad nostrā fidē sunt reuelata, dicēte Apostolo: Nobis autē reuelauit deus per spiritū suū: qui spiritus omnia scrutatur, & ea quæ sunt alta dei.

De diuersis donarijs ad constructionem tabernaculi. Cap. LVI.

Offeruntur autē uno studio, & tamen diuersa donaria ad cōstructionē tabernaculi, iuxta quod scriptū est: Aurū, argentū, æs, lapides pretiosos: tunc præterea byssum, coccū, hyacinthū & purpurā: pelles etiā arietum rubricatas, & pelles hyacinthinās: sed & ligna imputribilia: pilos quoq; caprarū ad constructionē tabernaculi: sed & quicquid in cultū & ad uestes sanctas necessarium erat, uiri cum mulieribus præbuerunt. Armillas & in aures, anulos & dextralia: omne uas aureū in donaria domini separatū. Si quis habuit hyacinthū, purpuram, coccū bis tinctū, byssum & pilos caprarū.) Figura itaq; prioris tabernaculi, ecclesiæ typus est. Per hæc itaq; munera, significant meritorū dona, quibus ornat ecclesia. Fides eius, auro cōparat. Sermo prædicationis, argento: æs, patiētia. Quæ uero quæ in ornamento siue tabernaculo necessaria sunt, uiri cū mulieribus præbēt, hoc significat, quia intra ecclesiā uirtutes fortiū quæ per uiros exprimunt, exigua opera infirmorum quæ per mulieres intiman-
tur, omnia locum inueniunt: ad usus sanctæ ædificationis accipiuntur. Collatio uero ipsa non fit necessitate sed sponte: quia fides spontanea est. Nam per armillas quæ lacertos adstringunt, præpositorum ualide laborantium opera demonstrantur. Per in aures, subditorum obedientia exprimitur:

ISIDORI ENARRATIO,

per anulos, signaculum secretorum. Vnde & quedā minus intelligentibus occultantes, quasi sub signaculo recondunt doctores: ne indignis quibusq; dei sacramenta credantur: unde & iustus lætatur & dicit: In corde meo abscondi eloquia tua, ut non peccem tibi. Porro per dextralia, opera dextra commemorantur. Vas aureum in donaria domini separatum, diuinitatis intelligentia accipitur: quæ tantū ab inferiorum amore disiūgitur, quantum ad sola quæ æterna sunt, amāda subleuatur. Porro per hyacinthum, spes cœlestium: per purpurā, cruor ac tolerātia passionum amore regni perpetui exhibita: Per bis tinctum coccum, charitas demonstratur: quæ per profectionem sui bistingitur: quia dei & proximi dilectiōe decoratur. Per byssum, immaculatæ carnis incorruptio, & splēdidissimus sanctimoniꝝ candor ostenditur: Byssus enim, linum est candidum. Per pilos autē caprarū ex quibus Ciliciorum asperitas textitur, dura poenitentię afflictio designatur. Dum igitur alij per armillas & anulos forte magisterium exercēt: alij per inares & dextralia deuotam audiendi obedientiam rectamq; operationem exhibent: alij per uasa aureū præclaram subtilioremq; dei intelligentiam tenent: alij per hyacinthum, purpurā & coccū, audita cœlestia sperare, credere, amare non desinunt, quæ etiā adhuc subtiliori intellectu minime cognoscūt: alij per byssum incorruptionē carnis offerūt: alij p caprarū pilos deplorāt aspere, qđ libenter admiserunt: ecce ex tanta diuersitate operum, unū conficitur tabernaculū: sicut ex diuerso puluere, una cōpingit terræ gleba infusione sancti spiritus irrigata. Iam porro ligna

Sethim

IN EXODVM.

Sethim imputribilia, omnes sancti intelligunt mēte & corpore incorrupti, nec cū seculo pereuntes, semper manētes æterni. Lapidēs quoq; pretiosi, cōfessores, apostoli, sacerdotes, oēsq; iusti, quos etiā lapides uiuos beat⁹ Petrus apostolus dicit: Vt sitis inquit, lapides uiui: cōdificati in templū dei. Hæc igitur omnia offeruntur in tabernaculū dei, ut nulus desperet salutem. Offert super hæc & alius aurū, sensum: alius argentū, eloquiū: alius uocē æris. Sicq; fiunt multa in tabernaculo dei, mensa scilicet & cādelabrū, altare, colūnæ, bases, tabulæ, cathedræ, & fulcra, thuribula, phialæ, mortariola, emunctoria, paxilli, tentoria, quibus diuersitatibus tota illa tabernaculi, i. ecclesiæ pulchritudo distinguitur. Nā tabernaculū ecclesia est, in qua mensa, id est unitas fidei, ul' certe scriptura sacra, qua uniuersi fideles spīrituali cibo pascuntur. Cādelabrum quoq; cum septem lucernis, Christus cum septem ecclesijs. Emūctorium quoq; eius, hoc est, geminū testamentū. Et colūnæ, doctores sancti firmitate fidei solidati. Nec non & bases, i. prophetæ suo fundamine structurā gestantes ecclesiæ. Ibi etiā & tabulæ: apostoli prædicationis latitudine dilatati. Ibi tentoria, præpositi uidelicet & prædicatores, qui exterius laborant cōtra huius seculi turbines. Sūt ibi & cathedræ, i. distributiones hoīm. Sunt & paxilli, hoc est principes ecclesiæ, quibus appendent oīa gña populorū. Scyphi quoq; doctrinæ eloquia siue sensus. Nec non & thuribula: uirtutes scilicet opm bonorū, uel orōnes sanctorū, quibus odor suauitatis ascendit ad dñm. Phialæ quoq; apłi & doctores, pleni uitalibus ags. Ibi lilia, uirginitatis candor. Siue mortariola, labo-

ISIDORI ENARRATIO,

rum, passionumq; tolerantia: quibus mortificantur membra poenitentium. Et hæc quidē species dispensationesq; donorum sunt diuisæ per spiritū sanctum fidelibus, ut in singulis distributionibus perfectum Christi tabernaculū construat, in quibus habitat deus in medio eorū.

De unguento quo perungitur tabernaculum.

Ca.

LVII.

Porro unguentū quo perungitur tabernaculū chrisma est, quo ungitur fidelis populus, in quibus diuitas tāquā in tabernaculo inhabitat. Potest quidem intelligi per hoc unguentum etiā uirtus sanctorū, siue odor iustitiæ longe lateq; diffusus, de quo dicit Apostolus: Deo autē gratias qui triumphat per nos in Christo Iesu, & odorem iustitiæ suæ manifestauit per nos.

De incenso composito. Ca. LVIII.

Incensum autē est, quod ex quatuor odoratissimis gñibus in maximā subtilitatē comminutis, quæ sunt, stacte, onyx, galbanū, & thus, componit. Hæc in forma orationū fidelium constituta esse, beati Iohannis Apocalypsis ostendit. Et illi quidem uiginti quatuor seniores prociderunt ante agnum, habentes unusquisq; citharas & phialas aureas, plenas incenso, quæ sunt orationes sanctorū. Quanquam & speciem quatuor elementorum, horū quatuor odorū naturæ significare uideantur, ut thus quod pulchrum est, aëri comparetur: stacte uero aquis: galbanus & onyx terræ atq; igni: ut per hæc omnium quæ in cœlo & infra cœlū, & i terra, & in aquis sunt, placitū deo incensum, sit huius creaturæ laudis oratio. Sanguis autē ille quo Moyses populū aspergit

ac

IN EXODVM.

ac purificat, & tabernaculū testamenti, & oīa quæ in eo erāt dicēs: Sanguis hic, sanguis testamenti.) mirifice dñi Iesu Christi sanguinē p̄dicare mōstrat, quo oīm credentiū corda purgant, quo fides eccl̄ie signat, quo oīs ppl's. i. corpus om̄e tabernaculi sanctificatur, dicēte dño discipulis: Hic est sanguis meus noui testamenti qui pro multis effundet, ad implendū in ueritate id, qđ per Moysen fuerat ostensum in imagine.

De ueste pontificis. Ca. LIX

IAm nūc indumēta pontificis quæ sūt, qđq; potius significant, demonstrandū est. Aaron aut sacerdotē illū significat, ad quē dicit: Tu es sacerdos in æternū scđm ordinē Melchisedec. Vestis eius dē sacerdotis ecclesia est, de qua dicit Apl's: Vt exhiberet sibi gloriosam ecclesiā, nō habētē maculā aut rugā. Quatuor colores ex qbus uestis eius cōtexit, meritorū ē diuersitas, q̄ intra sc̄tām ecclesiā in Christi corpore ruſilat. Poderē aut illā sacerdotalē lineam, incarnationē Ch̄i accipimus, q̄ de terra est, & significat in pedibus: linū em̄ de terra oriē. Cidarim super caput eius, & auream laminā, splendorē diuinitatis intelligimus, ut unus atq; idē scđm hominē podere, scđm deū cidari ornatus esse uideat. Fœminalia ȳo illa quæ induunt, castitatē corporis Christi, & integritatē ostendūt. Cingulū uero illud quo sacerdotale pectus astringit, chorus sanctorū: q̄ cōcordiæ figura, unitate fidei Chrūm amplectit. Tunica aut illa talaris à capite usq; ad plātas demissa, eadē ecclesia Christi ē, usq; ad finē tpm p̄mansura. Hæc uestis fit tota hyacinthina. Hyacinthus em̄ aëreo colore resplendet, scilicet ut omnis ecclesia que-
sur

ISIDORI ENARRATIO,

sursum sunt sapiat, & tota ad amorem celestium
 surgat. Mala autem punica in inferioribus posita, eius-
 dem ecclesie unitatem declarant. Nam sicut in malo puni-
 co, uno exterius cortice multa interius grana mu-
 niunt, sic innumeros sancte ecclesie populos uni-
 tas fidei contegit, quos intus diuersitas meritorum te-
 net. Tintinabula uero inter mala granata consonan-
 tia, prophetie intelliguntur & doctores sancti in me-
 dio ecclesie collocati, quorum lingua doctrine scientiam re-
 sonans, tangit utramque partes. id est legis & euangelij. Hec
 autem tintinabula in extremo uestimento sunt posita
 idcirco, ut de fine mundi, & de uita futura disputan-
 tes, nunquam sileant. Superhumeralis autem pallium, sal-
 uatoris insinuat potestatem & regnum, sicut scri-
 ptum est: Principatus eius super humeros eius. Duo
 quoque lapides smaragdini in superhumerali a dextra
 & laeva positi, duo sunt populi, gentilis dexter, & Iu-
 daeus qui fuit aliquando sinister, habentes in se scul-
 pta nomina duodecim patriarcharum, id est, ad imi-
 tamentum uitae exempla sanctorum apostolorum. Alii
 eosdem duos lapides, duo testamenta dixerunt, si-
 ue literam & spiritum, in quibus tenentur legis uni-
 uersa mysteria: in dextera spiritus, in laeva litera. Rati-
 onale uero pectori superpositum, quaternio lapidum
 ordine distinctum, sermonem figurat euangelicum, qui
 quadruplicato ordine ueritatem nobis fidei & do-
 ctrinam trinitatis exponit: cui conuenit in gemmis
 apostolicus sermo tam uirtute quam numero. Hoc autem
 rationale duplex est, quia euangelicae doctrine scientia aperta est & abscondita: simplex est & mysti-
 ca. Item idem sacerdos, Christus non incongrue inter-
 pretaur, in membris suis & maxime in pontifice, qui moratur

IN EXODVM.

ratur in sanctis, & offert uictimas pro populo, car-
 nem immaculati agni sacro ore conficiens. Primo
 em qd in Aaron pectore ronale iudicij uittis ligati-
 bus imprimit, significat, ut sacerdotale cor nequa-
 q cogitationes fluxæ possideant, sed ratio sola con-
 stringat. Qd etiã ronalis uigilantia adiungit, ut duode-
 cim patriarcharum nomina describatur: ascriptos
 etenim sanctos patres semper in pectore ferre de-
 bet, quorum exempla imitari nō cesset. Et quod in
 utroq humero sacerdos uelamine superhumeralis
 astringitur, ut contra aduersa & prospera, uirtutū
 semper ornamento muniatur. Et quod superhume-
 rale ex auro, & hyacintho, & purpura, bis tincto
 cocco, & torta fieri bysso præcipitur, quanta sacer-
 dos clarescere uirtutum diuersitate debeat, demō-
 stratur. In sacerdotis quippe habitu aurum fulget,
 dum intellectu sapientiæ emicat. Cui hyacinthus,
 qui aëreo colore resplendet, adiungitur, scilicet ut
 omne quod tractat, ad amorem cœlestium surgat.
 Huic admiscetur regalis purpura, ut suggestiones
 uitiorum, ueluti ex potestate regia, comprimat.
 Coccus quoque bis tinctus huic superhumerali ad-
 iungit, ut ante internū iudicis oculos, omnia uirtutū
 bona ex charitate decorentur: quia dum charitas
 in dilectione dei & proximi pendet, quasi ex dupli-
 ci tinctura resulget. Cui bis tincto cocco torta bys-
 sus adiungitur: de terra enim byssus nitenti specie
 oritur: per quod candens decōr, & munditiā corpo-
 ralis castitatis designatur: quæ uidelicet torta pul-
 chritudini superhumeralis innectitur, quia tunc ca-
 stimonia ad perfectum mundicię cādore ducitur,
 cum per abstinentiam caro affligitur. Siquidem &
balthem

ISIDORI ENARRATIO,

balthæo præcingitur, per quod renum incentiua, & luxuriæ libidinum restringantur. Tabernaculū autē sacerdos ingrediens, in tunica tintinabulis ambiſ, ut uidelicet uoces prædicationis habeat, ne ſuper- ni inſpectoris iudiciū ex ſilentio offendat. Mala quoq; punica tintinnabulis coniungunt, ut per ei⁹ doctrinam ſi dei unitas deſignetur. Quòd autem in prima parte tabernaculi quotidie ſacerdos ad im- molandas hoſtias introibat, inſtantia nobis quoti- diana præcipit, ut ab hoc loco ubi populus dei cœ- leſtibus uocibus nutritur, nunquam abſcedamus, ſed quotidie confeſſionis & laudis ſpirituale ſacriſi- cium offeramus, id eſt, humilitatē animarum no- ſtrarum, quæ ſunt ueræ hoſtiæ, ſicut ſcriptum eſt: Sacrificium deo ſpiritus contriſulatus. Illud autem quod ſemel pontifex in anno relicto populo ingre- diebatur in ſancta ſanctorum, ubi erat propitiato- rium, ſignificat pontificem noſtrum dominum Je- ſum Chriſtum, qui in carne poſitus, per totum an- num erat cum populo, annum illum de quo ipſe di- cit: Euangelizare pauperibus miſit me, & uocare annum domini acceptum, & diem propitiationis. Iſte ergo ſemel in iſto anno propitiatiōis intrat in ſancta ſanctorum, id eſt in completa diſpenſatione penetrat cælos, intrans ad patrem, ut eum propiti- um humano generi faciat, & exoret pro omnibus in ſe credentibus.

Enarrationis Iſidori in Exodum finis.

Capitulo



CAPITVLORVM LEVI.

tici elenchus.

D E figuris hostiarum.	I
De igne sacrificij.	II
Quod mel in dei sacrificio non offertur.	III
Quod sal in omnibus sacrificijs admiscetur.	IIII
Quod in sacrificium oleum offertur.	V
De quatuor generibus principalium.	VI
De sacrificio eius qui sacramentum protulit, & obliuione transcendit.	VII
De filijs Aaron extinctis.	VIII
De discretione ciborum.	IX
De immunditia partuum.	X
De lepris.	XI
De sacerdote magno & cultu eius.	XII
De sacerdotibus qui non offerunt sacrificium.	XIII
De oblatione Aaron & filiorum eius.	XIIII
De ablutione pro sacerdotis delicto.	XV
De pecoribus quæ nō offeruntur in sacrificio.	XVI
De cæteris ceremonijs.	XVII

I S I D O R I H I S P A -
LENSIS EPISCOPI IN LEVITI-
cum Enarratio.

De

ISIDORI ENARRATIO,

tum cū hilaritate faciamus: nihil ut ait Apostolus, ex tristitia aut ex necessitate: hilarem enim datorē diligit deus.

DE quatuor generibus principalium
oblationum. Cap. VI.

IN EXORDIO autem Leuitici quatuor genera principalium oblationum describuntur, quæ in odorem suauitatis domino offerri iubentur: id est primum uitulus de armentis sine macula: secundum agnus de ouibus: tertium turtur & columba: quartum similago conspersa, azyma oleo uncta, clibano cocta. Reliqua autem sacrificia pro qualitatibus causarum in persona populi offerebant. Primum itaque sacrificium uitulus ex armētis, Christum demonstrat ex patriarcharum progenie descendētem. Hic aratro crucis suæ terrā carnis nostrę prodomuit: atque spiritus sancti semine, uirtutū fruge ditauit. Iste uitulus sine macula est: quia sine peccato ad passionē ducit. Offeritur autem non in tabernaculum sed ad ostium eius: quia extra castra passus est Christus. Per filios autē Aarō sacerdotis offert sanguis eius: quod de Anna & Caipha intelligitur, qui consilium facientes effuderūt sanguinē Christi. Secunda hostia de ouibus agnus oblatus, idem Christus propter innocentiam figuratur. Hic est agnus qui apud Esaiam in sacrificiū adducitur: & ab Iohanne omnib⁹ demonstrat: Ecce agnus dei: ecce qui tollit peccata mundi. Bene ergo in sacrificio agnus offertur, ut innocentie & passionis CHRISTI figura demonstraretur. Bene & hœdus: quia per eius mortem auctor peccati diabolus agnoscitur: iugulatur. Tertium sacrificium dicit turtur & columba: Turturem

IN LEVITICVM.

turē, carnem Christi esse manifestum est, Salomone dicente: Speciosæ genæ tuæ sicut turturis. Colūbā spūs sancti figuram habere, Iohannes baptista declarat dicens: Super quem uideris spiritū descendēte sicut columbā, hic est filius meus: ac per hoc turturem & columbā, id est carnem Christi spiritui sancto sociatum per mysterium passionis, sacrificiū deo in odorē suauitatis. Ista tria sacrificia offert homo: id est Christus Iesus. Quartū autem offert sacrificiū de simila, ecclesiæ catholicę figuram pronuntians: quę ex incōueniētibus membris quasi simila ex multis credētium granis collecta est: & legis & Euangeliorum mola inter literā & spūm separata: per aquam etiam baptismatis adunata: chris-matis oleo perūcta: spiritus sancti igne solidata: p. humilitatē spiritus deo hostia placens effecta. Hæc sunt quatuor oblatiōes, quadriformē Christi & ecclesiæ habitū demonstrantes.

DE SACRIFICIO eius q̄ sacramentū protulit, & oblatiōe transcendit. Ca. VII.

DE eo autē qui iuramentū protulit, ut uel male quid uel bene faceret, atq; hoc ipsum obliuione trāscendit, dicit: Offerat agnā de gregibus siue capram: orabitq; pro eo sacerdos & pro peccato eius. Sin autem non potuerit offerre pecus, offeret duos turtures aut duos pullos columbarum: unum pro peccato, & alterum in holocaustum. Iuramentum namq; proferre, est uoto nos diuinæ seruitutis alligare: & cum bona opa promittimus, bñ nos facere spōdemus. Cū uero abstinentia cruciatuq; carnis nostrę uouimus, male ad præsens

1 2 nobis

ISIDORI ENARRATIO,

nobis facere iuramus. Sed quia nullus in hac uita perfectus est, ut quamlibet deo deuotus sit, inter ipsa quantulumcunque pia uota non peccet, pro peccato agna offerri de gregibus siue capra iubet. Quid enim per agnam nisi actiue uite innocentiam: quid per capram quae in summis sepe extremisque pendens rupibus pascitur, nisi contemplatiua uita signatur? Qui ergo se conspicit promissa haec & proposita non impluisse in sacrificium dei, se studiosius debet uel innocentia boni operis uel in sublimi pastu contemplationis accingere. Et bene agna de gregibus, capra uero offerri de gregibus non iubetur: quia actiua uita multorum est, contemplatiua paucorum. Et cum haec agimus quae multos agere & egisse conspiciamus, quasi agnam de gregibus damus. Sed cum offerentis uirtus ad agnam capramque non sufficit, in remedio poenitentis adiungitur, ut duo columbarum pulli uel turtures offerantur. Scimus quia columbarum pulli uel turtures, pro cantu gemitum habent. Quid ergo per duos columbarum pullos uel duos turtures, nisi duplex poenitentiae nostrae gemitus designatur: ut cum ad offerenda bona opera non assurgimus, nosmetipsos dupliciter deprecemur: quia & recta non fecimus, & praua operati sumus? Unde & unus turtur pro peccato, alter uero in holocaustum offerri iubetur. Holocaustum namque totum incensum dicitur. Vnum ergo turturem pro peccatis offerimus, cum pro culpa gemitum damus. De altero uero holocaustum facimus, cum pro eo quod bona negleximus nosmetipsos funditus succedentes, igne doloris ardemus.

DE filiis Aaron extinctis,

Cap. VIII.

IN LEVITICVM.

Filii autem Aaron, qui imponentes altari ignem alienum igne diuino exusti sunt, illos significauerunt, qui dei traditione contempta, alienas doctrinas appetunt, & magisteria humanæ institutionis inducunt: quos increpat dominus & obiurgat in **E V A N G E L I O** dicens: Reijcitis mandatum dei, ut traditionem uestram statuatis. Videtur & ignem alienum incēdere, quisquis corporeæ uel secularis alicuius cupiditatis ignem, in sacrario sui cordis accēdēs, audet altarijs dñi appropinquare, quæ non recipiunt nisi illius ignis accensionem de quo ait dominus: Ignem ueni mittere in terram. Hoc igne nos dominus Iesus semper incendit, ut illuminemur in sensibus: ne conflagemur in uitijs.

DE discretione ciborum. Cap. IX.

Nunc de discretione ciborum, ubi lex de mundis & immundis quædam animalia ad esum quasi munda concessit: quædam uero interdixit, quasi non munda. Primum enim sciendum est quicquid à deo institutū est, mundum esse: & in ipsa institutionis authoritate purgatum. Quid ergo est? In animalibus igitur mores pinguntur humani, & actus & uoluntates: ex quibus ipsi fiunt mundi uel immundi. Hæc ita quæ munda esse dicit. Omne inquit, quod habet diuisam ungulam, & ruminat in pecoribus, comedetis. Quod cū diceret, non pecora sed mores hominū discernebat. Denique hi homines mundi sunt qui ruminant, qui in ore semper portant quasi cibum, præcepta diuina. Hi & ungulam findunt, qui duo testamenta legis & Evangeliorū credentes, se firmo gressu innocentie iusticieque

ISIDORI ENARRATIO,

corroborant. Item Iudæi ruminant quidem uerbū legis, sed ungulā non findūt, quia nec duo testamēta recipiunt, nec in patrem & filiū fidei suæ gressus statuunt: propterea immundi habētur. Hæretici quæ licet ungulam findant, in patrem & filium credentes, & duo testamēta recipientes, sed quia doctrinā ueritatis in ore nō ruminant, nihilominus & ipsi immūdi sunt. Nā quæ adtecit scriptura dicēs, Ex oībus quæ gignūt in aquis, & habēt pennulas & squāmas, hæc comedetis. Quicquid autē pēnulas & squāmas nō habet, abhominabile uobis erit.) Quod ergo in piscibus squammis aspera pro mūdis habentur, hispidi & firmi, & graues mores hominū approbantur. Quæ autē sine his sunt, immunda dicuntur: in quib⁹ leues & lubrici, & infidi & effœminati mores reprobantur. Quid autē sibi uult quod lex dixit.

Camelum non māducabis.) nisi quoniā de exēplo animalis, uitam damnat informem & criminibus tortuosam? Cū autē in cibum suam prohibet, reprehendit utiq; coenosam & luteam, & gaudentē uitiorum sordibus uitam. Et cum leporem accusat, deformatos utiq; in fœminas uiros damnat. Quis autē mustelæ corpus, cibum faciet? sed furtū reprehēdit. Quis lacertam? Sed odit uitæ incertam uarietatem. Quis postremo stellione uesci possit, ut hæc lex magnopere prohiberet? Sed maculas mentium execratur. Quis accipitrem, aut miluum aut aquilam? Sed odit raptos uiolento scelere uiuentes. Quis uulturem? Sed execratur prædā de aliēa morte quærentes. Sed & cum coruū prohibet, uoluntates nigras. Passerem quoq; dum interdicit, intemperantiam coarguit. Quādo noctuā, odit lucifugas ue-

IN LEVITICVM.

ritatis. Quando charadrion garrulum auilū genus, altam nimis linguæ intemperantiam. Quando cygnum prohibet, ceruicis altæ superbiam denotat. Quando uespertilionem, quærētes tenebris noctis similes errores. Hæc ergo & his paria lex in animalibus execratur, quæ in illis quidem nō sunt criminosa quia in hoc nata sunt, sed quia contra naturā non ex institutione, sed ex errore quæsitæ sunt. Sed fuit tempus aliquod antiquū, quo istæ umbrę & figuræ exercendę erant à populo uel gerendæ: ut abstinendum esset à cibis quos institutio quidē commendauerat, sed lex interdixerat: uerum iam finis legis Christus aduenit, aperiens cuncta legis & obscura referans: atq; omnia sacramēta quæ nobis antiquitas texerat, magister insignis & doctor cœlestis, & institutor referatæ ueritatis patefecit: sub q̄ dicitur: Iam omnia munda mundis: inquinatis autē & infidelibus nihil mundum: sed pollutæ sunt corpus & conscientia.

DE immunditia partuum.

Cap. X.

SEquitur quæstio de immūditia partus, & contagio lepræ. Ait enim mulierem quæ cōcepit semen & peperit masculū, septem diebus esse immundam: octaua purificari. Quę autem foeminam peperit, bis septem diebus in immunditia scribitur permanere. In talibus ergo quędam mysteria latentis arcani non est dubium contineri. Septimana enim, huius pręsentis uitę tempus uideri potest: quia in septimana dierū cōsummatum est mūdus: in q̄ donec sumus in carne positi, ad liquidum puri

ISIDORI ENARRATIO.

puri esse nō possumus, nisi octaua uenerit dies, qđ est futuri seculi tempus: in quo tamen die purgandus est ille, qui uiriliter agit. Statim enim mūda efficitur mater eius, quæ genuit eum. Purgatam namque uitij carnem, ex resurrectione suscipiet. Qui uero nihil in se habuit uirile aduersus p̄ctūm, sed remissus & effœminatus p̄manferit in actibus suis, iste nanque in præsentis seculi hebdomoda, neque in futura purgabitur ab immunditia sua.

DE lepris. Cap. XI.

Locutus est autem dominus ad Moysen & Aaron dicens: Homo in cuius carne & cute ortus fuerit diuersus color siue pustula, aut quasi lucens quippiam, id est plaga lepræ, adducetur ad Aaron sacerdotem, uel ad unum quemlibet filiorū eius. Qui cū uiderit lepram in cute, & pilos in albū mutatos colorem, plaga lepræ est: & ad arbitrium eius separabitur.) Lepra, doctrina est falsa. Proinde leprosi non absurde intelliguntur hæretici: qui unitatem ueræ fidei nō habētes, uarias doctrinas profitentur erroris: ueraq; falsis admiscēt: sicut & lepra ueris falsisq; locis humana corpora uariando commaculat. Huius scilicet lepræ inuenimus legislato-rem sex spēs in homine posuisse: primā capitis & barbæ: secundam caluitij & recaluatiōis: tertiā carnis & cutis: quartam cutis corporis & cicatricis albæ cum rubore: quintam ulceris & cicatricis: sextā uersionis. In capite lepram portat, qui in diuinitate patris, uel in ipso capite qđ Chrs est, peccat. Caput em̄ uiri Chrs est. Hæc leprā habent Iudæi, Valētiniani, Marcionistæ, Photiniani, Manichæi, Arriani, Sabellia

IN LEVITICVM.

belliani, Macedoniāi, Anthropomorphitę, Priscilliani, Donatistę, Nestoriāi, Eutichiāi, qđq; oēs ī caluaria leprā gerūt, qđ erroris sui p̄fidiā, apta prauitate defendūt. In barba leprā gerunt, qđ de apostolis & sanctis Christi puerse aliquid sentiunt: atq; eos falsum qđlibet p̄dicasse confingūt. Sic enī barba ornamētū ē uiri, ita Christi apostoli & doctores, ornamētū sunt corporis Christi. In corpore leprā habent, qui ecclesię detrahunt, sicut Carpocratiani: qui negāt carnis resurrectionē: sicut Nouatiani qui nuptias damnant, & peccantibus poenitentia negant: sicut Heraclitę qui inter alios errores regnū cęlorū paruulos habere non credunt: sicut Eritiani qui uetant pro defunctis offerre sacrificiū. In carne & cute gerunt lepram, qui carnalia uel exteriora suadere conantur, ut Corinthiani: qui resurrectionē futuram in carnis uoluptate existimāt: uel sicut Eriani, qui dicūt in fide manētib; , quamuis carnaliter utuāt, non posse cōputari peccata. In cicatrice sanati ulceris lepram portat, qui post cognitionē & medicinam dei, & manifestationem fidei quam à Christo suscepit, rursus in ipsa cicatrice ascēdit in aliquod indicium erroris prioris: aut perfidiam dogmatis ueteris. In carne uiua gestat lepram, qui de anima quę uita est carnis, falsum aliquid existimat, sicut Luciferiani: qđ dicūt aīam de carnis substātia p̄pagatā: sicut Arabici, qđ aīam simul cum corpore mori putāt. In cicatrice uestionis leprā habēt Manichęi hęretici: qđ inanis abstinentię cruciatu, corpora sua exurūt: & p̄ infidelitatē, nō munditiā inde sed leprā gignūt. De talibus enī p̄dixit Apostol⁹: Discedent inquit, quidā à fide, attēdentes spiritibus erroris &

ISIDORI ENARRATIO,

doctrinis dæmoniorum, in hypocrisis loquentium mē-
daciū: & cauteriatam habentium suam conscien-
tiam: prohibentiū nubere: abstinere à cibis quos de-
us creauit ad percipiendum. Sed adhuc adiecit co-
lores leprarū: id est pallidam, rubētem, albam, liui-
dam, nigram, florentem. Itaq; dum pallidam le-
pram dicit, imbecillum & fragilē fidem animæ de-
notat illius, qui perduto colore integræ sanitatis, er-
roris infirmitate languescit. Cū aut rubicundam le-
prā oñdit, homicidij cruore mentē infectam deno-
tat & innuit. Cum uero albam, illos hæreticos qui
se mundos appellant: siue reliquos qui de falso me-
rito gloriātur: sicut Pelagius & Nouatus. Cum au-
tem atram uel liuidam lepram commemorat, inuē-
diæ & liuoris notas execratur. Cū uero nigram inuē-
nuat, sacrificiorum fumo & busto idololatriæ deni-
gratā cōscientiā detestatur. Cū aut florentem to-
to corpore, & cooperientem omnem pelliculā cor-
poris à capite usq; ad pedes dicit, auaritię crimen o-
stendit: quia nūc floridum & iocundū putatur, ho-
minem felicem esse in hoc mundo: & diuitem uide-
ri in seculo. Hæc enim pestis auaritiæ, omne genus
hominum quasi totum corp⁹ crebro erroris istius
contagio commaculat. Cū autem lepram quæ ha-
bet ruborem cum pallore permixtum, eum homi-
nem denotat, qui cum sit imbecillus animo & mē-
dax, facile in furorem prorūpit: & leuitate morum
cito periurat. Pallor enim mentientem linguam si-
gnificat: rubor iracundiā manifestat. Est itaq; lepra
peccati quæ sacrificiorum oblationibus emunda-
tur, id est corde contrito & humiliato: Sacrificium
enim deo spiritus contribulatus est: ut idololatria
quæ

IN LEVITICVM.

quæ aqua diluitur baptismi. Est & hæreticorū quæ septem dierum purgatione extra castra habeatur. id est per septiformis spiritus agnitionem purificetur. Est quæ in usu sacerdotis aufertur per doctrinā. Genus autem lepræ quod mundari omnino nō potest eorum est, qui in spiritu sancto peccant: nec dicunt poenitentes posse consequi ueniam. De his ait ueritas: Qui peccauerit in spūm sanctum, nō dimittetur ei, neq; in hoc seculo neq; in futuro. Quod uero iubetur leprosis, ut exeant de castris & sedent foris, donec mundetur lepra eorū, intelligitur hæreticos proijci debere ab ecclesia, donec à proprio errore purgentur, & sic reuertantur ad dominū. Eiusmodi uero dissutis tunicis, capite deoperto & ore obuoluto sedere iubetur, lepræ mundationē expectans. (Dissutis tunicis.) id ē oībus secretis manifestatis. (Capite deoperto.) ut à cūctis eius denudatio uideatur. (Ore clauso.) ne ulterius impia doceat uel loquatur. Sed adhuc q̄ adiecit scriptura leprā esse in uasis, in parietibus dom⁹, hæreticorum congregatio denotatur: quæ per sacerdotē purgari debet. Lepra in uasculis, uniuscuiusq; hominis proprij corporis delicta. Lepra in stamine uel in uestimento, peccata quæ extra corpora cōmittunt, uel in ipso corpore ppetrant. Stamē enim anima hominis intelligit, & trama nobilissimi corporis sensus.

DE Sacerdote magno & cultu eius. Cap. XII

Dixit dñs ad Moysen: Pōtifex id est sacerdos maximus inter fratres suos, sup cuius caput fusum ē, unctiōis oleū, & cuius manus in sacerdotio cōsecrate sunt, uestit⁹ ē sanctis uestibus, caput

ISIDORI ENARRATIO,

caput suum non discooperiet: uestimenta non scindet: & ad omnem mortuū nō ingreditur oīno: super patre quoq; suo & matre non cōtaminabit: nec egredietur de sanctis, ne polluat sanctuariū domini: quia oleū sanctæ unctiōis dei sui super eum est. Ego dominus. Virginē ducet uxorem. Viduā & repudiatam, & sordidam atq; meretricem nō accipiet: sed puellā de populo suo, ne contaminet semen suum.) Sacerdos magnus inter fratres suos, hic est de quo scribitur cum resurrexisset à mortuis, Vade ad fratres meos inquit, & dic eis: Ascendo ad patrem meum & patrem uestrū: ad deum meū & ad deum uestrum. Super cuius caput fustum est unctiōis oleum, iuxta qđ prædixit propheta Dauid dicens. Dilexisti iustitiā & odisti iniquitatem: propterea unxit te deus deus tuus oleo letitiæ, præ participibus tuis. Cuius consecratę manus sunt.) Iste cōsecratas habet manus, dum eas in passione extendit pro expiatione totius seculi. Vestimentū eius non scinditur.) id est non patitur diuidi in hæreses & schismata ecclesiam suam, quæ illi inhærendo, uestis est propria: cuius indumenti figura fuit tunica illa inconsutilis & per totum textilis: quæ in passione eius non scinditur, sed indiuidua à possidente seruatur. Ad mortuū non accedet.) quia peccatū non fecit. Per peccatū enim mors intelligitur, sicut scriptū est: Anima quæ peccauerit ipsa morietur.

In patre & matre non contaminabitur.) In patre Christus nō est pollutus, cū ante secula nasceretur de patre. Similiter & in matre nō est cōmaculaus, cum in seculo nasceretur ex matre. Solus enim ipse in seculum mundus ingressus est, procedēs ex utero

IN LEVITICVM.

ro uirginali sine contagione uirili. Nam nos omnes
dū peccamus, contaminamur in patre de quo crea-
ti sum⁹, si in heresem deuoluamur: itē in matre con-
taminamur si credentes deo, ecclesiam in aliquo le-
dimus: uel libertatem matris cœlestis, indigna pec-
cati seruitute foedamus. De sanctis nō discedet.)
quia Christus per susceptionem carnis descendit
in mundum, ut nunq̄ defereret cœlū. Viduam &
repudiata, aut meretricem non ducet uxore, sed
uirginē.) Vidua & repudiata est synagoga: de qua
dominus loquitur per Esaiam dicens: Quis est hic
liber repudiij matris uestre, quo dimisi eam? Mere-
trix aut̄ hæresis est: quæ multorū errori uel libidini
patet. Tales non copulantur Christo: nisi sola eccle-
sia uirgo quæ non habet maculā aut rugam, de qua
Apostolus ait: Despondi uos uni uiro, uirginem ca-
stam exhibere Christo. Dicitur quidem & anima
sponsa esse, sed illa, quæ fidei simplicitate & actū
puritate, incorrupta probatur & uirgo. Est & uidua
anima: quæ discedens à iugo legis, Euangelij præce-
pta nō seruat. Est & repudiata: quæ peccādo à Chri-
sti corpore separatur etiam si nō proijciatur ab epī-
scopo. Est & meretrix: quæ ad se recipit amatores,
id est contrarias ptātes & dæmones, qui desiderium
capiūt pulchritudinis eius: Pulchra nanq̄ a deo cre-
ata est anima & satis decora: quæ imaginem habet
& similitudinem dei. Sequitur dehinc: De genere
suo ducet uxorem.) animā scilicet quæ & fide con-
iungitur. Nec contaminabit semen suū.) id ē uer-
bum dei qđ in ecclesia prædicat̄: sicut in Euangelio
scriptū est: Ne dederitis sanctū canibus: neq̄ mitta-
tis margaritas uestras ante porcos, ne inculcēt eas
pedi

ISIDORI ENARRATIO,

pedibus suis.

DE Sacerdotibus qui non offerunt sacrificium. Cap. XIII.

HVCUSQ; quæ de summo sacerdote prædicata sunt, mystice ad Christum pertinuerunt. De hinc ea ipsa interpretatur in membris suis, & maxime in sacerdotibus: ad quos pertinent spiritualia sacramenta: qui etiam quantis polleant privilegijs, breuiter percurrendum est: Dicit enim de eo: Caput inquit, suum non discooperiet.) id est ut sacramenta Christi qui caput eius est, uelamēta mysteriorum honoret. Vestimenta sua non scindet.) ne in heresim uel schismata trāseat. Super oēm animā quæ mortua est non ingreditur.) ad omne peccatū quod ad mortem pertinet non accedet. Super patre suo & matre non inquinabitur.) scilicet ne tāta indulgeat pietate parentū amorī, ut dominum suū offendat & creatorē: neq; ita misereat propinquis suis, ut erga deum uideat culpabilis. Quanti enim episcopi in monasterio, dum curā gerunt parentū, suas animas perdiderunt? De sanctis non egreditur.) ut semper in ope & cogitatione sancta moretur. Qui enim loquitur qd otiosum & reprehensione dignū est, de sanctis egreditur, & polluit sanctificationem dei: quia non incedit ut seruus Christi.

Viduā & repudiatam & meretricē non inducat uxorem, sed uirginē.) id est nihil de ueteri homine & pristina uoluptate amplectat: sed uitā omni puritate florētem possideat. De genere suo ducet uxorem;) utiq; si uitam amplectat sanctorū, quorū per fidem proximus est. Inter hæc præcipit nō sē ut ministrātes in templo, uinū & ficerā non bibant: ne in ebrietate & crapula & curis huius uitæ, prægrauen-

IN LEVITICVM.

tur corda eorū. Nec partem habeant in terra nisi solum dominū: ne dū de terrenis cogitant, supna obliuiscantur. Ab huius q̄q̄ conuiuio iubet uicinus & mercenarius separari: & seruis tantū ciborū dari reliquias. Vicin⁹, hereticus ē: q̄ proximū se titulo Christiāi noīa asserit. Mercenarius, Iudæū oñdit: qui fructum obseruantię legis, carnaliter quærit. Cū istis ergo sacerdos dei nō participat Euāgelij pabulum quod est ad refectionem animarū: sed tm̄ modo cū Christi seruis. Datur de his quæ superferunt altari, sacerdoti pectus & brachiū dextrū. In pectore, legis mundas cogitatiōes doctrinæq̄ notitiā. In brachio dextro, opera bona, & pugnā contra diabolum: & armatam manum: ut q̄d corde cōceperit, operū ex ēplo perficiat. Datur ei & de priuato maxilla: ut eloquentiam habeat. Datur & de uictimis uenter: cui⁹ indicio discat luxuriam extinguere, & contemnere gulā. Inter hæc etiam iubetur ipsis sacerdotibus ut nulla debilitate insignes sint, ne cec⁹: ne claudus: ne paruo aut grandi uel torto naso: ne fracto pede aut manu: ne gibberosus: ne lippus: ne albuginem habens in oculo: ne iugem scabiem, ne impetiginem in corpore: ne ponderosus. Quæ omnia referuntur ad animæ uitium: mores enim in homine non natura damnantur. Nam cæcus sacerdos est, qui scripturæ scientiā nō intelligit: & quo gressum doctrinæ uel operis porrigat, per ignorantiam nescit: De qualibus scriptum est: Speculatores eius cæci omnes. Claudus est, q̄ quidē intelligit q̄d docere debet: sed tm̄ p̄cepta quæ docet nō implet. Paruo naso est, q̄ ad tenēdā mēsuram discretionis idoneus nō est. Grandi & torto naso est, furibundus & minax

cum su

ISIDORI ENARRATIO,

cum superbiæ arrogantia, uel immoderata discretionē. Fractō autē pede uel manu, qui uia dei quam docet, p̄gere nō studet. Gibberosus q̄q; sacerdos ē, quem terrenæ cupiditatis pondus deprimit: & tardius ad sup̄na intendit. Lippus uero est, cuius ingeniū ad cognitionē ueritatis emicat: sed hoc carnaliter uiuēdo obscurat. Albuginem quoq; habet in oculo, qui arrogantia sapiētiae seu iustitiæ cæcatur: Iugem uero habet scabiem, cui carnis petulātia sine cessatione dominat̄. Impetiginem quoq; habet in corpore, qui auaritia uastat in mente: quæ si in paruo non compescitur, nimis sine mēsurā dilatur. Ponderosus uero est, qui & si turpitudinem nō exercet opere, sed ab hac cogitatione continua, sine moderamine grauāt in mente. Talis nec sancta ingredi, nec nomen antistitis poterit possidere: quia & terrenis grauatur desiderijs, & expers est scientiæ ueritatis.

DE ablutione Aaron, & filiorum eius. Cap. XIII.

PRæterea quid sit illud, q̄ iuxta præceptū dei Moyses lauisse Aaron & filios eius legitur. Iam tunc purgationem mundi & reꝝ omniū sanctitatem, baptismi sacramenta signabant. Non accipiunt uestes nisi lotis prius sordibus: nec ornantur ad sacra, nisi in Christo noui homines renascantur. Quod autē Moyses lauat, legis indicatiū est. Præceptis enim dei lauandi sumus: & cum parati ad indumentū Chrī tunicas pellicias deposuerimus, tūc induemur ueste linea nihil in se mortis habēte, sed tota cādida, ut de baptismo consurgētes, cingamus lumbos

IN LEVITICVM.

lumbos in ueritate, & tota pristinorū peccatorū turpitudine celeſt. Vnde & dicit: Beati quorū remiſſe ſunt iniquitates, & quorum teſta ſunt peccata.

De oblatione pro ſacerdotis delicto.

Caput XV.

Vid autē ſibi uelit lex imaginaria, quę iubet
q uitulum pro peccato ſacerdotis immolari,
 & ſanguine eius ſepties digito populum aſpergendū: deinde duos hircos offerri deberi: unū
 in quo ſors domini ueniſſet, occidēdum eſſe, & ſanguine eius, ſimiliter ut de ſanguine uituli, digito ſacerdotis populum aſpergendum: alterum uero in
 quo omnia peccata & maledictiones totius populi imponendę eſſent, in locum deſertum perducēdum, ibiq; dimittendum. Sed prius neceſſe eſt uituli ſacrificium pandere, & tunc etiam hircorum cauſas myſteriaq; eorum narrare. Vitulus itaq; hic, qui pro peccato ſacerdotis, & totius populi emundatione occidi iubetur, figurā domini & ſaluatoris noſtri in ſemetipſo monſtrabat, qui non ſolū pro peccatis ſacerdotalis populi, uerū & pro omni humano genere, cunctisq; nationibus deo patre permitte, eſt immolatus, ſicut Apoſtolus ait: Qui filio ſuo non pepercit, ſed pro nobis omnibus tradidit eum. Merito & in loco, de huius uituli ſanguine ſepties populus digito ſacerdotis aſpergi iubetur, ut redemptio noſtra & purificatio in Chriſti ſanguine collata, per gratiam ſeptēmplicis ſpiritus demōſtretur. Duo autem hirci, duorum populorū figurā perſpicua ratione demonſtrauerunt, propter originalis peccati præuaricationem hircorum formam gerentes: quorum eſt ſimilitudo in euāgelio. Hęc

m di

ISIDORI ENARRATIO,

die enim, id est, peccatores, ad sinistram futuri sunt. Sed ex his qui in Christo credidissent, & poenitentiam delictorum suorum toto corde egissent, baptismi gratiam consecuti, hi in similitudinē unius hirci, qui in sorte domini uenit, figuram accipiunt: cuius sanguis cum sanguine uituli permisceri iubet, ut cōsortes passionis Christi effecti, participes gloriæ ipsius efficiantur. Sed quid est, hircum in sorte domini uenire, nisi ut populus credentium, cuius ille figuram habebat, consors & cohæres domini haberet in regno: sicut Apł's ait, Heredes dei sumus, cohæredes aut Christi? Alius uero hircus qui in sorte domini nō uenit, similitudinem tenet infidelium, qui nunquam in Christo credere uoluerunt. Hi utiq; accipiunt maledictionem totius populi, & omnes iniquitates humani generis, & proijciuntur in desertum locum. Sed quid est omnes iniquitates & maledictiones accipere, nisi quia omnia peccata quæ ab Adam usq; ad Christū humanum genus admisit, illi soli sunt percepturi, qui neq; credere Christo neq; expiari Christi sanguine uoluerunt: & sic onusti & prægrauati iniquitatibus & maledictionibus totius humani generis, in desertum locum proijciuntur, id est, in tenebras exteriores, ubi ē fletus & stridor dentium, & in stagnum ignis, quod ē gehēna, ubi ignis eorum non extinguetur, & uermis eorū non morietur?

De pecoribus quæ non offeruntur in sacrificio. Caput XVI.

Diuersitas uictimarū, & q̄ uel offerri debeāt, uel nō offerri, in hoc libro Leuitico dinūerat, sed per cōparationē pecorū, cōuersatio homi-

mi.

IN LEVITICVM.

minū demonstrat. Hō q̄ obtulerit uictimā pacificā
rū dño uel uota soluēs uel spōte offerēs, tā de bob⁹.
q̄ de ouib⁹, immaculatū offerat, ut acceptabile sit.
Omnis macula nō erit in eo: si cecū fuerit, si fractū,
si cicatricē habens, si papulā, aut scabiē uel impeti-
ginē, non offeretis ea dño, neq̄ adolebitis ex eis su-
per altare dñi. Bouē & ouem aure aut cauda ampu-
tatis, uolūtariē offerri possibile est: uotū aut̄ ex his
fieri non potest. Omne animal quod uel contritis,
uel tonsis, uel reiectis ablatisq̄ testiculis est, non of-
feretis deo, & in terra uestra hoc omnino non faci-
etis. De manuali alienigenæ non offeretis panes dño
deo uestro, quicquid aliud dare uoluerint, quia cor-
rupta & maculata sunt omnia, non suscipietis ea.)
Primo reijcitur ē sacrificio maculosum animal uel
uariū, id est, in quibus est diuersitas peccatorum,
& nunc in libidine & cupiditate, nūc in diuersis cri-
minibus demutantur. Reijcitur quidē cæcum ani-
mal, id est, qui necdum uidet, nec opera eius facit.
Fractum quoq̄, id est, uitijs carnalibus uexatū atq̄
collisum. Reijcitur & cicatricem habēs, qui non di-
gna satisfactione poenitentia, uulnera peccatorū
deplorat: sed adhuc ueteris morbi signū, per deside-
ria uoluptatis interius gestat. Reprobat & lingua
amputatū, qui deum non confitetur, neq̄ diuinam
legem meditatur. Reijcitur & papulam habens, q̄
pruritu libidinis & ardore cōcupiscentiarū exestu-
at. Similiter & scabiosum, qui peccatum carnis pfi-
cit contagione operis. Iam uero impetiginem ha-
bens, hæreticorū figurat collectionē, quæ frequen-
ter se in ecclesiæ corpus immergit, & impetigine li-
morē facit. Porro aure amputata sunt, qui ȳbo dei

ISIDORI ENARRATIO,

non obediunt, non faciendo quæ iussa sunt. Qui uero caudam habet amputatam, ille est, qui bonum quod incipit, pseueranti fine non pficit. Porro defectū, uel testiculis amputatū, indicat eos qui cū corpore uiri sunt, turpitudinis usu effœminant. His ergo & similibus inuoluti, à sacrificio dñi reprobant, nec efficiunt cōsortes passiōis Christi, nec cœlestis sanctificationis participes. Sed neq̃ panis alienigenę offeret dño. i. doctrina hereticorū, uel studia superstitiosa secularium literarū, quę extra fidem sunt, & aliena putantur. Tales em̃ repudiantur hostię à domino, & reijcit huiusmodi sacrificium ab ecclesia catholica.

Enarrationis Isidori in Leuiticum finis.

CAPITVLORVM in Numeroselenchus.

C atalogus mansionum.	I
Pascha secundi mensis.	II
Nazaræi.	III
Leprosi, fluxi, immundi.	IIII
Aetas bellatorum.	V
Leuitæ & custodes uasorum.	VI
Duæ tubæ.	VII
Sepulchra concupiscentiæ.	VIII
Septuaginta uiri electi,	IX
Mariæ obtrectatio.	X
Exploratores.	XI
Homo ligna colligens.	XII
Dathan & Abiron.	XIII
Aaron cum thuribulo;	XIIII
Virga florens;	XV
	VI

ELENCHVS CAPITVM.

Vitula rufa.	XVI
Mariæ mors.	XVII
Moyfi titubatio ad petram	XVIII
Mors Aaron.	XIX
Serpentium uulneratio.	XX
Seon rex Amorrhæorum, & Og rex Bafan.	XXI
Moyfi mors.	XXII
Balaam diuinus.	XXIII
Phinees sacerdos.	XXIII
Numerus populi.	XXV
Quinq; filiæ Salphat.	XXVI
Genera oblationum.	XXVII
Mors Balaam.	XXVIII
Filij Ruben & Gad.	XXIX
De idolo deftruendo.	XXX

ISIDORI HISPALENSIS EPISCOPI in numeros, Prologus.

Hic liber unus ex qnq; libris Moyfi, ideo Numeri appellatus est, eo quod egressæ multitudinis Israëlitici populi ex Aegypto in eodem, & perfectorum uirorum computatio, & numerus teneat insertus. In quo etiã perfectiões eorū, & māsiones à finibus Aegypti, usq; ad locum & tēpus, in quo Moyfes defunctus est, numerantur: in quo & dies dedicationis tabernaculi, & oblationum modus non sine mystici numeri sacramento, ratione diuine ratusest.

ISIDORI HISPALENSIS EPISCOPI
in Numeros Enarratio.

CATALOGVS AVTEM MANSIO-
num filiorū Israel, quæ à prima usq; ad
ultimam numerātur, simul quadragin-
ta & duæ, de quibus Matthæus loquitur:
Ab Abrahā in usq; ad Dauid generatio-
nes quatuordecim: & à Dauid usq; ad transmigrati-
onem Babylonis generationes quatuordecim: & à
transmigratione Babylonis usq; ad Christū, genera-
tiones quatuordecim: id est, gñationes simul qua-
draginta & duæ. Per has currit Hebræus qui de ter-
ra transire festinat ad cælū, & Aegypto seculi dere-
lictā, terram repromissionis ingreditur. Nec mirum si
illo numeri sacramento perueniamus ad regnū coe-
lorū, sub quo dñs atq; saluator, à primo patriarcha
peruenit usq; ad uirginem, quasi ad Iordanem, qui
pleno gurgite fluēs, spūs sancti gracia redundauit.

Prima mansio est Ramesse urbs, quæ in extre-
mis finibus Aegyptierat, in qua populus cō-
gregatus, exiit in desertum altera die post pa-
scha, in conspectu Aegyptiorū. Ramesse interpre-
tari quidam commotionem, uel tonitru gaudiū pu-
tauerunt: utiq; quia cum moti fuerimus ad euāge-
licam tubam, & excitati tonitru gaudiū, eximus in
mense primo, quando hyems præterit, quando ue-
ris exordium est, quando cuncta renouantur. Exi-
mus quintadecima die mensis primi in crastinum
paschæ pleno mensis lumine, post esum agni im-
maculati, & calceati pedes de Apostolo, & accincti
pudicitia lumbos, & baculos in manibus habētes
præparatos.

Secunda

Secunda mansio est Soccoth, in qua coquunt panes azymos, & primū tendūt tabernacula, unū & locus nomē accepit: Soccoth quippe interpretat tabernacula siue tētoria. Cū ergo exierim⁹ ex Aegypto .i. ē seculo, primū tabernacula figimus, scientes nobis ad ulteriora pergēdum, & ad sanctam terram, id est, cōlestem Hierusalem iter accelerandum.

Tertia mansio est Etham, quæ est in extremo solitudinis, in qua primum uidetur dominus præcedēs populum in columna ignis. Etham sonat fortitudinem siue perfectionē. Præparemus ergo nobis fortitudinem, assumentes perfectum robur, ut intra errorum tenebras & confusionem noctis, scientiæ Christi lumen appareat: dies quoque noster nubem habeat protegentem, ut his ducibus ad terrā sanctæ repromissionis peruenire ualeamus.

Profecti de Etham, reuersi sunt ad Phiairoth, quod est contra Belsephon: & castra metati sunt eregione Magdal. Assumpta igitur fortitudine, nobilitemur in domino: & Belsephon, id est idoli arcana contemnamus, illiusque magnificentiam & turritam superbiam declinemus.

Quarta mansio est Phiairoth, quod est cōtra Belsephon. Phiairoth interpretatur os nobilium. Proinde assumpta fortitudine nobilitemur in domino, contemnentes Belsephon, quod interpretatur dominus aquilonis, eiusque superbiam declinemus. Ab hac mansione profecti filij Israel, transierunt per medium mare in desertum, uideruntque Pharaonem cū suo exercitu pereuntem, Maria præcinnante in tympanis.

Quinta mansio est Marath, ad quam filij Israel trās-



ISIDORI ENARRATIO.

actō mari, post triduum uenerunt. Marath autem interpretatur amaritudo. Post prædicationem em̄ euangelij, & tabernacula transmigrantium, post assumptam fortitudinem fidei, & post baptismum atque uictoriam, rursus uenit ad amaritudinem: ut uoluptas atque luxuria, uitę amaritudine terminetur, & per crucis lignum quasi per cruciatū, iterum suauitas compensetur.

Sexta mansio est Helim, ubi erant duodecim fontes aquarum, & septuaginta palmæ, in figura duodecim apostolorum, & septuaginta discipulorū secundi ordinis: de quorum fontibus doctrinæ potū haurimus, & dulces fructus uictorię carpimus. Vnde & bene Helim uertitur in arietes fortes. Ipsi enim sunt robusti principes gregis, duces ouium, doctores gentium.

Septima mansio, est iterum ad mare rubrum. Queritur hic quomodo post transitum rubri maris, & fontes Marath' & Helim, rursus ad mare rubrum uenerunt: nisi forte in itinere pergentibus, sinus quidam maris occurrit, iuxta quē castra metati sunt. Aliud est enim transire mare, aliud in proximo figere tabernacula. Ex quibus monemur, etiam post euangelicam disciplinam & cibos dulcissimos triumphorum, apparere nobis interdū mare, & præterita discrimina poni ante oculos.

Octaua mansio est in solitudine Sin, quæ tenditur usque ad montem Sinai. Interpretatur autem Sin rubus uel odium, quia posteaquā uenerimus in locum ecclesię, de qua nobis sit dominus locuturus, grande odium meremur inimici.

Nota

IN NVMEROS.

Nona mansio est in Dopheca, quæ dicitur pulsatio. Iuxta quod & dominus ait: Pulsate & aperietur uobis: sensusq; est manifestus: quia postquam uenerimus in locum ecclesiæ, sacramenta pulsare incipimus.

Decima mansio est in Halus, quod interpretatur fermentum: quod tollēs mulier commiscuit farinae satis tribus, donec fermentaretur totum. In hac solitudine murmurat populus propter famem: accepitq; uespere cothurnicem, & mane alterius diei māna. Et nota in decima mansione manna tribui: id est post decalogi perfectionem, angelorum panem manducare.

Vndecima mansio in Raphidim, quæ interpretatur dissolutio fortiū, uel remissio manuū. In hac, sitienti populo fons de petra Oreb in similitudinē Chri, aquā erupit. Ibi Iesus in typo saluatoris cōtra Amalech militat: & in signū crucis dæmonū bella aduersum testamenta surgentia, deuincuntur. Ibi uenit Iethro ad Moysen dās consiliū septuaginta seniorum: & in typū ecclesiæ ex gentibus congregatæ, legis imminutio euangelio suggerēte completur. Pulchre autē dissolutio ac sanitas fortiū Raphidim dicitur: uel propter dissipatū Amalech, uel propter sanatum Israël.

Dodecima mānsio est in solitudine Sinai. Statim tibi ueniet in mēte apostolicus numerus. Sinai quippe interpretatur rubus: quo significatur ecclesia in qua nobis apostoli prædicant. In hac mansione Moyses ascēdit ad deū: ibiq; descēdit dominus in montē Sinai dans legē populo suo. Ibi fabricatur tabernaculū: ibi præcipitur uarietas hostiarū: uasorū

ISIDORI ENARRATIO.

diuersitas: indumenta pontificis: sacerdotum ac Leuitarum cerimoniarum: ibi numerus populorum Leuitarumque, & per singulas tribus populi distributio: oblationes quoque in hac mansione descriptae sunt. Duae quoque argenteae tubae ad promouenda castra, ibidem fieri iubentur.

Pascha secundi mensis. Cap. II.

Vbi præcipitur immundis qui primo mense paschae interesse non potuerunt, ut in mense secundo conueniant. Sed quid sibi uelit qui hi qui longius habitant, uel immundi in anima fuerant, in secundo mense pascha iussi sunt facere? Quia nimirum in typo intelligitur populi gemitum, qui cum omnibus daemonibus fornicati, immundi uidebantur in anima: salubri uero confessione mundati, ad secundam natiuitatem, quasi ad secundum mensem, transire præcipiuntur.

Nazaræi. Cap. III.

Iubetur quoque Nazaræis in hac mansionem, ut uinum & siceram, & omne quod de uuis est, non bibant nec comedant: nec de uua quidem pascha, uel acetum quidem ex uino: sed ut in Prouerbijs præcipitur, Potentes qui iracundi sunt, uinum non bibant: ne cum biberint, obliuiscantur sapietiae. Quid ergo Nazaræorum nomine, nisi abstinentium continentiumque uita signatur? His in uino luxuria prohibetur: in sicera omnis uoluptas terrena. Sicera enim ex diuerso conficitur genere: sicut uoluptas ex diuersa uiciorum oritur passione. Illi enim uinum non bibunt & siceram bibunt, qui ad decipiendos homines, umbras quasdam & imagines simulat habere uirtutum. Uua passa illi uescuntur, qui propter humanos oculos abstinent.

IN N V M E R O S.

abſtinentiæ pallore inficiuntur, ut gloriam captēt ab hominibus. Ac etū autē hi bibunt, qui poſt uitæ ſanctitatē, in uetultatē præteritorū uitiorū delabuntur: & corruptione ueteris nequitix delectant. Præcipit itaq; deus, ut eos qui ſanctitatis induent titulum, cunctis his careant uitijſ: nulla q; huius criminis macula ſe inficiant.

Leproſi, fluxi, immundi. Cap. III.

IN hac manſione proijciuntur de caſtris leproſi, fluxi & immundi. Leproſi hæretici: fluxi cogitatione: & immundi opere: ut tanq̃ contaminati & morbidī, à caſtris eccleſiæ ſeparentur: ne cōtagione morū ſuorū, uitam polluant innocentium.

Aetas bellatorum. Cap. V.

VBI ab anno uiceſimo annumerantur populi, qui ad prælium eligantur. Sed cur ab anno uiceſimo, niſi quia ab hac ætate contra unumquēq; uitia bellorū naſcuntur. Ideoq; ad pugnam eliguntur, ut habeant contra libidines conſuetum: ne luxurijs ſuperentur.

Leuitæ, & cuſtodes uaforum. Cap. VI.

VBI etiā ab anno uiceſimo & quinto, Leuitæ tabernaculo ſeruire mandantur: & quinquagenario, cuſtodes uaforū fiunt. Quid enim per annum quintum ac uiceſimū, in quo ſos iuuentutis aboritur, niſi ipſa contra unumquodq; uitiorum bella ſignantur? Et quid per quinquagenarium, in quo & Iubilæi requieſcunt in æternum, niſi interna quies edomito bello mentis exprimitur. Quid uero per uafa tabernaculi, niſi fidelium animæ figurantur? Leuitæ ergo anno uiceſimo & quinto, tabernaculo ſeruiunt, & quinquagenario

cuſtodes



ISIDORI ENARRATIO,

custodes uasorū fiunt: ut uidelicet qui adhuc impugnantū uitiorū certamina per consensum delectationis tolerāt, aliorū curā suscipere non præsūmāt. Cum uero tētationū bella subegerint, cum apud se iam de intima tranquillitate securi sunt, animarum custodiam fortiantur. Sed quis hęc prælia sibi perfecte subigat, cum Paulus dicat: Video aliā legē in membris meis, repugnantē legi mentis meæ: & captiuum me ducentē in legē peccati? Sed aliud est bella fortiter ppeti, aliud bellis eneruiter expugnari. In istis exercetur uirtus ne extolli debeant, in illis omnimodo extinguitur, ne subsistant. Præcipit dehinc ibi lex, Leuitas omēs pilos carnis radere: quia hi qui in obsequiis diuinis assumuntur, debent ante dei oculos à cunctis carnis contagionibus mundi apparere: ne illicitas cogitationes mēs proferat: & pulchram animæ speciem quasi pilis fruticātibus, deformem reddat.

Duæ tubæ.

Cap. VII.

Post hæc iubentur etiam fieri duæ tubæ: quæ clangore populi mouerentur ad prælium. Sic enim scriptū est de his ad Moysen: Fac tibi duas tubas argenteas ductiles.) Et paulo post: Cum concisus clangor increpuerit, mouebunt castra.) Per duas enim tubas exercitus ducitur, quia per duo testamenta siue per duo præcepta charitatis, ad procinctū fidei populus euocatur. Quæ iccirco argenteæ fieri præcipiuntur, ut prædicatorum uerba eloquij nitore refulgeant: & auditoris mentē nulla sui obscuritate confundant, Iccirco autē ductiles, quia necesse est, ut hi qui uenturam uitā predicant, tribulationū præsentium tunctionibus crescāt.

BNC

IN NVMEROS.

Bene autem dicitur: Cum cōcisus clangor increpue-
rit, mouebuntur castra: quia nimirū cum subtilior
ac minutior prædicationis sermo tractatur, audito-
rum mentes contra certamina ardentius excitant.
Iam abhinc promouētur filij Israël de monte Sina,
& transeunt in sepulchra concupiscentiæ.

Sepulchra concupiscentiæ. Cap. VIII.

Tertiadecimā mansio est in sepulchris concu-
piscentiæ: ubi populus fastidiens cœlestē pa-
nem, carnes Aegyptias desiderat: multosq;
subitū uorauit incendiū. Ex quibus edocemur, ut qui
cōuersationē reliquimus seculi, Aegyptias ollas, id
est carnaliū desideriorū feruorē contempsimus, nō
debere murmurare contra cœlestē panē: nec iurulē-
tias Aegyptiorū qui sunt magnarū carniū, sed sim-
plicem mannæ cibū, id est purā cœlestē uitā quære-
re. Alioqui si post perceptū angelicū mannā, quæ
est cœlestis uita siue doctrina, rursus carnes Aegy-
ptias, quæ sunt carnales huius seculi uoluptates, &
concupiscentias pristinarū morū uoluerimus appe-
tere, uorabimus na useā. & statim domini igne tor-
quebimur: desideriiūq; nostrū uertetur in tumulis, ut
simus sepulchra dealbata, quæ foris parent homi-
nibus speciosa: intus autem plena sunt ossibus mor-
tuorum, & omni spurcitia.

Septuaginta uiri electi. Cap. IX.

In hac mansione descendit spiritus super septua-
ginta uiros electos: & tunc dñs descendit in nu-
bē, & retraxit de spiritu qui erat super Moysen,
& imposuit super septuaginta uiros. Descēdētē em̄
in nube carnis Christo, diffusa ē p̄ fidē spirit⁹ sancti
gratia super populos ex septuaginta gentiū linguis
electos:

ISIDORI ENARRATIO,

electos: uenitq; super omnes donum illud uirtutis
coelestis, quod quondam fuerat in Moyse atque
prophetis.

Mariæ obrectatio. Cap. X.

Quartadecima mansio est in solitudine Ase-
roth. In hac Aaron sacerdos locum incidens
offensiois, cū sorore sua Maria, fratri uter-
q; obrectant, q̄ alienigenā accepisset uxorem. Un-
de ilico Maria contagione lepræ effloruit. Quo loco
euidens fuit figura mysterij: quòd sacerdotalis illa
plebs patrum, Christo saluatori aduersus ecclesiam
congregatam ex gentibus derogaret: ideoq; lepræ
sorde perfunditur: nec redit ad dei tabernaculum,
donec statutum plenitudinis gentiū tēpus, adim-
plebitur. Tūc enim eadem plebs pristinam poterit
recipere sanitatem, dum eis septiformis spiritualis
agnitio fuerit ad ueniā suffragata.

Quintadecima mansio est in Rethma: quæ trans-
fertur sonitus siue iuniperus. Fertur autē lignū
hoc ignem multo tempore cōseruare: ita ut si pru-
næ eius cinere fuerint ad opertæ, usq; ad annū per-
ueniant. Ex quo discimus post sepulchra concupi-
scentiæ siue atria, transire nos ad lignum tempore
multo calens: ut simus feruentes spiritu & claro so-
nitu: atq; in altū exaltata uoce, euangelium domini
prædicemus. Ab hac mansione usq; ad tricesimam
secundā hæ continentur historiæ: quæ quia nō sunt
per mansiones singulas distributæ, à nobis quoq;
in commune dicētur. Duodecim exploratores mit-
tuntur ad terram sanctam: botrus refertur in ligno:
& CHRISTI breuiter passio demonstratur: mur-
murat populus Iudæorum gigantum impetum re-
formidat.

IN NVMEROS.

reformidans : pugnat contra Amalech & Chanā
næum nolente ideo : & uictus intelligit quæ debe-
at in terra sancta exercere sacrificia : Dathan & Abi-
ron filij Chore consurgunt contra Moysen & Aarō,
& terræ uoragine glutuntur : inter mortuos & ui-
uentes, pontifex medius thuribulo armatus ingre-
ditur : & currēs ira dei, sacerdotis uoce prohibetur :
Virga Aaron & florem profert & folium : & in æter-
nam memoriam uiuens siccitas consecratur. Vitu-
la rufa concrematur in holocausto : & cinis eius pe-
culiaris aspersio est . Quorum quidem figuras bre-
uiter annotantes , ex duodecim exploratoribus in-
cipiemus.

Exploratores.

Cap. XI.

EXploratores missi ad explorandum terrā ube-
rem, qui terruerunt populū ne crederēt pos-
se accipere terrā à domino repromissam, scri-
barum & pharisæorum prætulerunt iudiciū . Sicut
enim illi per Moysen missi sunt, ut soli fecunditatē
solicita consideratione tractarent, ita & isti per le-
gem & prophetias iussi sunt, ut scripturarum perue-
stigatione dominicum specularentur aduentum : in
quo erat terra id est caro sancta : in qua regnum dei
& ubertatē fructuū spiritualiū , & uitā æternā con-
sequi possent . Sed sicut illi desperatione terruerunt
populū ne de dei promissiōe cōsideret, ita & isti scri-
bæ & pharisæi suaserunt populo Iudæorum ne cre-
derent Christum, ad Aegyptum seculi huius redire
cupientes : repudiantes manna fidei : quærentes ol-
las peccatorum nigras , & cæpas blasphemiarum
putidas : & pepones uitiorum ac libidinum corru-
ptione marcentes . Ille autem botrus uux quærit

ISIDORI ENARRATIO,

in ligno de terra re promissionis duo aduexere uēctores. Botrus pendens è ligno, utiq; **CHRISTVS** è ligno crucis, promissus gentibus, de terra genitricis **MARIAE** secundū carnē terrenæ stirpis uisceribus effusus. Duo baiuli qui sub onere botri illius incedebant, populus est uterq;. Cuius prior Iudaicus, cæcus & auersus, ignarus pendentis gratiæ, & pressus onere suspens: cui subicitur iudicād: De quibus dicitur: Obscurentur oculi eorū ne uideant: & dorsum eorū semper incurua. Qui uero posterior ueniebat, populi gentiū gerebat figuram: qui credens & Christū ante oculos habēs, semper eū portās uidet: & quasi seruus dominū, & discipulus magistrū, sequitur: sicut ipse dominus in euangelio ait: Si quis uult post me uenire, tollat crucē suā & sequat me. Hic autē est botrus, qui effusum in salutē nostrā uinū sanguinis sui, crucis contritiōe perfudit: atq; expressum, potus suæ calicē ecclesię propinauit. Hic est botrus, quē in malogranato socia muneris gratiā, secuta est: nostra scilicet mater ecclesia: habens in se granorū numerū, id est multitudinē populorū: ruborē, sanguinis Christi signaculo coruscantē: habēs etiā intus distincta grana, sicut Apostolus ait, diuisa charismata, & dona spiritus sancti gratia distributa: quibus omnibus indignos se increduli iudicantes, terram carnis Christi fluentem lacte & melle accipere non meruerūt: quā per fidē serui eius, id est Christiani populi, consecuti sunt: de cuius doctrina cotidie dicit ecclesia: Quæ dulcia faucibus meis eloquia tua, super mel & fauū ori meo. Ficū autē quē cū botro de terra re promissionis attulerunt, imaginē legis attulisse euangelicis edocemur exēplis: sicut & botrum
constat

IN NVMEROS.

constat figuram saluatoris ostendere: quemadmodum in Cantico Canticorum ecclesia de Christo dicit; Frater meus ut botrus cypri: quia nec Christus sine lege, nec lex sine Christo esse poterit.

Homo ligna colligens. Cap. XII.

Post hæc quidam homo die sabbati ligna colligens, necatur à populo. Quid autē insinuat quod tam atrociter iussu dei fuerit idem ab omni populo trucidatus? Quod facile ab infidelibus proponitur. Intelligāt ergo quia hæc omnia in typo acciderūt illis: scripta sunt autē ad correptionē nostrā. Ille enim pristinus carnalis quod homo, qui diē sabbati violare ausus est dū ligna colligeret, propter quod est et punitus, formam significabat eius, qui hodie in Christo signatus, inuenitur agere carnale opus: id est cōtrahere ligna, fœnum, stipulā, ad escā ignis æterni conuenientem: quæ dum colligit in suā perniciem, si fuerit deprehensus, pellitur ab omnibus, et statim occiditur: dū iudicatur ab spiritualibus. Sic ergo omnia quæcunque illis Iudæis per legem acciderunt, formaliter intelligenda sunt.

Dathan et Abiron. Cap. XIII.

Sequitur iam excidium Chore, Dathan et Abiron: qui sibi contra Moysen et Aaron sacerdotem, sacrificandi licentiam vindicantes, pœnas pro suis conatibus expenderūt. Per quos itaque significantur hi, qui hæreses et schismata facere conantur, et multos secum trahendo decipiunt: contemnentes sacerdotes Christi, et se à clero eius plebisque societate segregantes, constituere audent ecclesias et aliud altare: preceque alteram illicitis uocibus faciunt: dominicæ hostiæ ueritatem per falsa sacrificia

n cia

ISIDORI ENARRATIO.

cia prophanantes. Hi qui contra dei ordinationem nituntur, ob temeritatis audaciam terræ compagibus ruptis, uiuentes profundi hiatu merguntur. Nec rantum hi qui duces errorum sunt, sed & illi qui cōsentiendo participes eorūdem effecti sunt, in igne æterni iudicij præparata ultione peribunt.

Aaron cum thuribulo. Cap. XIII.

DEinde Aaron sanctus, ruina mortis in populo transiecta, thuribulū accipiens, cu currit obuiā quassationi: stansq; in medio superstitum ac peremptorū, lætalē plagā obiectu sui, quasi quidam murus exclusit. Iste sacerdos, dominus IESVS CHRISTVS est: princeps principū sacerdotū. Iste ruinā mortis in mūdo aspiciens, occurrit à summo cœlo, uenitq; obuiā quasi gigas ad currendam uiā, stetitq; inter uiuos & mortuos, q natus et mortuus: sicq; thuribulū passionis suæ accipiens, & in odorē suauitatis prætendens, suspendit ignis æterni perniciē: & inimicā pertulit mortem.

Virga florens. Cap. XV.

Virga autē Aaron, quæ post siccitatē floruit, caro insinuatur Christi: quæ postea q̄ de lesse radice succisa est, uiuacius mortificata reuiuiscit. Itaq; uirga post ariditatē uirescēs, Christus est post mortē resurgens. Ipsum enim uirgā, ipsum florem intelligimus: ut & in uirga regnantis potentia: & in flore pulchritudo eius monstretur. Vnde & in Canticis canticorum idem dicit: Ego flos campi, & lilium conuallium. Alij uirgam hanc quæ sine humore florem protulit, MARIAM uirginem putant,

IN NVMEROS.

putāt, quæ sine coitu edidit uerbum dei: De qua scriptum est: Exiet uirga de radice Iesse, & flos de radice eius ascendet, scilicet **C H R I S T V S**, qui futuræ typum præferens passionis, candido fidei lumine & passionis sanguine purpurabat: flos uirginum, corona martyrum, gratia continentium.


Vitula rufa.

Cap. XVI.

R Estat interea vitula rufa in holocausto concremata: cui⁹ cinis expiatio populi erat: Sic enim dicit^r ad Moysen de illa & Aarō: Præcipe filijs Israël ut adducant ad te uaccā rufam ætatis integræ: in qua nulla sit macula, nec portauerit iugum: traderisq; eam Eleazaro sacerdoti: quæ educta extra castra immolabit^r in conspectu omnium: & intinget Eleazar digitum in sanguine eius, & asperget contra fores tabernaculi septies, comburetq; eā cunctis uidentibus, tam pellē & carnem eius q̃ sanguinē & fimum flammæ tradens. Lignū quoq; cedrinum & hyssopū, coccumq; bis tinctum sacerdos mittet in flammā quæ uaccā uorat: & tunc demum lotis uestibus & corpore, ingreditur in castra: cōmaculatusq; erit usq; ad uesperē. Sed & ille qui cōbusserit, lauabit uestimenta sua, & corpus immundum erit usq; ad uesperū. Colliget autē uir mundus cineres uaccæ, & effundet eos extra castra in loco purissimo, ut sint multitudini filiorū Israël in custodiam & in aquam aspersiōis: quia pro peccato uacca cōbusta est. Habebuntq; hoc filij Israël & adueng sanctum iure perpetuo. Et qui tetigerit mortuum, & propter hoc septem diebus fuerit immundus, aspergetur ex hac aqua die tertio, & die septimo mundabitur. Si die tertio aspersus non fuerit

n •

uel



ISIDORI ENARRATIO,

uel septimo, non poterit emundari.) Vitula rufa caro est saluatoris, rosea sanguine passionis: ætatis integræ, quia perfecta ætate passionē suscepit. Quod autem non est impositum super illam iugum, hoc ostendit, q̃ caro Christi non est subiugata delicto: neq̃ uicta ab ullo peccato. Quòd autem apprehensam eiecerunt filij Israël extra castra astante Eleazaro sacerdote, populum Iudæorū significat, & consensum sacerdotū in necē domini: quē eiectū extra Hierusalē, crucifixerunt. Sicut ergo qui offerunt uitulam immundi sunt, sic & qui apprehenderunt dominū peccatores habent. Et sicut is qui colligit cinerem asperisionis mūdus est, sic & omnes mūdi sunt qui passionē Christi prædicauerunt gentibus, & in toto orbe terrarū doctrinā eius asperserunt: populosq̃ dño collegerūt. Ligna aut̃ hyssopū, crucē putamus & baptismū. Per hyssopi enim fasciculū aspergebantur agni sanguine qui mundari solebant: typice figurantes lauacrū baptismatis, & alluuiōem æterni fontis. Coccū aut̃ bis tinctū, figurā sacri sanguinis significari, quo peccatores abluunt. Bis tinctū aut̃, quia per eū & corpore & corde mūdāmur. Hæc enim tria ad purgationē peccatorū sunt tradita. Primum per cedrum, fides ligni crucis. Secundo per hyssopum, martyriū. Tertio per coccum, sanguinis dominici sacramentum. Sicut enim illic die tertia purificari iubentur, ita & omnis anima purgatur ab omnibus delictorū sordibus, quæcūq̃ credit Christū dñm die tertia à mortuis suscitātū. Huius etiā asperisione homo mūdus erit in die septima: id est in regno sanctorū adueniente dño: & beatus ac lætus parte cœlestis illius regni potietur. Qui autē

IN · NVMEROS.

non fuerit aspersus, id est huius gratiæ fide munitus, peribit anima illa de regno sancto sanctorum, & de populo fidelium. Ex sanguine autem huius uitulæ ideo septies tabernaculū iubetur aspergi, quia septē sunt spiritus sancti charismata, quæ per Christi sanguinem super ecclesiæ populos distribuunt, per quæ ab omni delicto purgantur, sicut Apostolus ait: Iam abluti estis in sanguine Christi & passione eius. Quæ uero uitula cum pelle & ossibus suis cōburitur, & agnus ille paschalis pari modo concrematur, ne ossa eius confringantur, hoc ostendit, quod domini Iesu Christi corporis ossa in passione non essent confringenda, sicut euangelia testant. Morallyter autem uacca rufa cuius cinis expiatio populī est, non aliter immolari & offerri ad altare domini poterit, nisi quis terrena opera nō fecerit, iugumque delicti nō traxerit: nec uinculis peccatorum fuerit alligatus. Iam dehinc post exploratores & botrum, post excidium superborum & sacerdotale thuribulū, postque uirgam florentem & uitulæ combustæ asperionem, reuertamur ad mansiones.

SExtadecima mansio est in Remmon phares, quod Latine dicitur mali punici diuisio, quæ significat ecclesiā: quæ quasi multa grana uno cortice contegit, dū omnē turbā credentiū in fidei unitate cōcludit.

SEptimadecima mansio est in Lobna, quæ Latine transfertur in laterem. Legimus Aegyptios lateres, quos populus faciens ingemuit: ex quibus discimus in itinere istius uitæ de alio in alio trāsitu nūc nos crescere, nunc decrescere: & post ordinem ecclesiasticum sæpe ad laterem, id est carnalia opera transmigrare. :

ISIDORI ENARRATIO,

Octauadecima mansio est in Rethsa quæ in frenos uertitur: Si enim post profectum rursus ad luculenta opera descendimus, infrenandi sumus, & cursu uagi atq; præcipites, scripturæ retinaculis dirigendi.

Nonadecima mansio est in Celetha, quæ interpretatur ecclesia: scilicet ut uagi currentiū gressus, frenis ad ecclesiam retrahantur: & fores quas ante reliquerant, rursus festinent intrare.

Vicesima mansio est in monte Sepher, qui interpretatur pulchritudo, id est Christus. Et uide qd profunt frena, quia à uitijs nos retrahūt: introducūt ad uirtutum choros, & in Christo monte pulcherri-
mo habitare faciunt: de quo scriptū est: Venite ascē-
damus ad montem domini.

Vicesima prima mansio est in Arada, quæ uertitur in miraculum. Et uide qd pulcher est ordo uirtutum: Post frenos enim in ecclesiam intromittimur: post habitationem ad Christi montem ascēdimus: in quo positi, miramur in eo quod nec ocul⁹ uidit, nec auris audiuit, nec in cor hominis ascendit.

Vicesima secunda mansio est in Maceloth quæ in coetū uertitur, id est ecclesiam. In hac enim consistit multitudo credentium, iuxta quod scriptū est: Ecce q̄ bonū & q̄ iocundū, habitare fratres in unū.

Vicesima tertia mansio est in Thaath quæ interpretatur pavor: quia dum quisq; uenit ad ecclesiā, atq; ascendit ad montem pulcherrimum Christū, & stupore & miraculo, Christi magnitudinem confitetur, adiūgat deinde timorem qui custos est beatitudinis, ut altum nō sapiat: quia deus superbis resistit, humilibus autem dat gratiam.

IN NVMEROS.

Vicesimaquarta mansio est in Thare, quā nonnulli uertunt in malitiā siue pasturā: quod bene ad præpositos ecclesiæ, uel ad custodiā animæ refertur: ut sollicitus sit quisque qui habet pauorē, ne leo, id est diabolus in caulas ouium, id est in ecclesias per diuersa uitiorū foramina, introire nitatur.

Vicesimaquinta mansio est in Metcha quæ uertitur in dulcedinē. Ascēdisti enim in excelsum, admiratus es uirtutum choros, timuisti ruinam, abegisti insidiatores seu stridores, dulcis te protinus fructus laboris insequitur, ut merito dicas: Quā dulcia faucibus meis eloquia tua, super mel & fauum ori meo.

Vicesimasexta mansio est in Asmona, quæ in Latino festinationem sonat: scilicet ut postquam dulces fructus labores sumpserimus, non simus quiete contenti & otio, sed rursus ad ulteriora properantes, obliuiscamur præteritorum, & in futura nos extendamus.

Vicesimaseptima mansio est in Maseroth, quod interpretatur uincula siue disciplina: scilicet ut festino gradu pergamus ad magistros, eorumque teramus limina: & præcepta uirtutum ac mysteria scripturarum, uincula putemus esse æterna. Hæc sunt Christi uincula, de quibus in ecclesia legitur: Viri sublimes ad te transibunt & tui erunt: post te ambulabunt colligati uinculis. Et alia diaboli uincula: quibus diruptis, uicit hostes Samson: de quolibet propheta dicit: Dirupisti uincula mea, tibi inmolabo hostiam laudis.

Vicesimaoctaua mansio est Bane iacan, quæ

ISIDORI ENARRATIO,

per interpretationē transfertur in filios necessitatis seu stridoris. Qui sint isti filij necessitatis, psalmus ipse nos docet: Afferte domino filij dei: afferte dño filios arietum. Quæ est tanta necessitas, quæ nolentibus imponatur? Cum diuinis scripturis fueris eruditus, & leges earū ac testimōia: uincula quoq; scieris ueritatis, contendens cū aduersarijs ligabis eos, & uinctos duces in captiuitatē: & de hostibus quōdam atq; captiuis, dei liberos facies: ut repēte dicas cum Sion: Ego sterilis & non pariens: transmigrata & captiuata. Et istos quis enutriuit? Ego destituta & sola. Et isti ubi erant? Porro quod interpretatum est, filios stridoris, ad illū sensum refertur, q̄ timore supplicij, & eius loci ubi est fletus & stridor dentiū, deferentes diaboli uincula, Christo domino credētiū turbæ colla summittunt.

Vicesimanona mansio est in monte Gadgad, quæ interpretatur nūtiū siue accinctio, uel certe cōcisio. Non enim aliter possumus magistri discipulorum atq; credentiū eos facere filios necessitatis, nisi præceptores eorum interfecerimus crudelissimos. In occisionem eorū non parcat manus nostra, armum aut extremū auriculæ, de ore leonis extrahere. At uero de nuntio & accinctioe, hoc breuiter dici potest, q̄ filius necessitatis grādes uirtutis stimulos suggeramus, cum eis nuntiauerimus præmia futurorū, & accinctos inire bella docuerimus. Horū triū quicquid magister fecerit, in monte consistit.

Tricesima mansio est in Iothabatha quod interpretatur bonitas, quæ est Christus.

Tricesima prima mānsio est in Ebrona, quæ interpretatur trāsitus, id est mūdus, de quo Apostolus
aj:

IN NVMEROS.

ait: Præterit enim figura huius mundi. In hunc uenientes sancti dei, cupiūt ad meliora trāsire, de quibus psalmista canit: Et non dixerūt quī præteribāt, benedictio domini super uos.

TRicesima secūda mansio est in Asiongaber, qđ transfertur in ligna uiri. Possunt hæc ligna uiri saltuum & omnium arborum genera, multitudinē gentium figurare. Hucusq; solitudo Pharan decem & octo continet mansiones, quæ descriptæ in catalogo, in superiore itinere componuntur.

TRicesima tertia mansio est in deserto Sin, hæc ē Cades. Sin autē sancta interpretatur tropo per antíphrasim, sicut lucus cū minime luceat, uel bellum quod tamen sit horridum.

Mariæ mors. Ca. XVII.

IN hac mansione moritur Maria, & sepeliť. Videť in Maria prophetia mortua: in Moyse & Aaron legi & sacerdotio Iudeorū finis impositus, quod nec ipsi ad terram repromissionis transcendere ualeant, nec credentem populum de solitudine huius mundi educere, nisi solus Iesus, id est saluator uerus dei filius.

Moyſi titubatio ad petram. Ca. XVIII.

IN hac enim mansione propter aquas contradictionis Moyſes offendit dominum, & prohibetur transire Iordanem. Perturbatus em̄ murmure populi, dubitanter petrā uirga percussit, quasi illud nō posset deus facere, ut aqua de petra proflueret, quod antè iam fecerat. Quid ergo hic fides Moyſi insinuat, qđ ad aquam de petra ençiēda m, titubauerit? Hęc prophetiam fuisse de Christo recte
n s intelligi-

ISIDORI ENARRATIO,

Intelligimus. Dū enim Moyses in scripturis sanctis aliā atq; aliā pro re aliqua significāda gerat personam: nūc tamen populi Iudeorū sub lege positi personā gerebat, eumq; prophetica prēnūtiatione figurabat. Nā sicut Moyses petrā uirga percutiēs, de dei uirtute dubitauit: ita ille populus, qui sub lege per Moysen data tenebantur, Christū ligno crucis affigens, eum uirtutem dei esse non credidit. Sed sicut percussa petra manauit aquam sitientibus, sic plaga dominicæ passionis effecta est uita credentibus. Amemus enim de hac re præclarissimā & fidelissimā uocē apostolicā, cum inde loquereē dicens: Petra autē erat Christus. Hanc ergo carnalē de Christi natiuitate desperationē in ipsius Christi altitudine deus mori iubet, cū mortē carnis Moyse in monte imperat fieri. Sicut em̄ petra Chrūs, ita & mons Christus. Petra, humilis fortitudo: mons, eminens magnitudo: q̄ sicut Ap̄lus ait, Petra erat Christus, ita ipse dominus ait: Non potest ciuitas abscondi supra montem posita: se scilicet montem: fideles autē suos ī sui nominis gloria fundatos, asserēs ciuitatē. Prudentia em̄ carnis uiuit, cū tanq̄ petra percussa, Christi humilitas in cruce contēnit. Chrūs em̄ crucifixus, Iudæis scandalū, gentibus autē stultitia. Et prudentia carnis moritur, cum tanq̄ montis eminentia, Chrūs excelsus agnosciē. Ipsis enim uocatis Iudæis & Græcis, Chrūs dei uirtus & dei sapiētia est.

Mors Aaron.

Ca.

XIX.

TRicesimaquarta māsis est in monte Hor, in extremis finibus Edom, in quo ascendit Aaron iuxta præceptum domini, & mortuus ē, anno xl. egressionis ex Aegypto: eo .s. anno quo

nouus

IN NVMEROS.

nouus populus, repromissionis terram intraturus erat. Et quanq̃ in mōte sacerdotiū Eleazaro filio dereliquerit, lexq̃ eos qui eā impleuerūt perducatur ad summū, tamen ipsa sublimitas non est trans fluenta Iordanis, sed in extremis terrenorum operum finibus remansit. Et plangit eum populus triginta diebus.) Aaron plangitur, Iesus non plangit. In lege descensus ad inferos, in euāgelio ad paradīsum trāsmigratio. Audit quoq̃ Chananæus quod uenisset Israel, & in locum exploratorum ubi quondam offendisse populum nouerant, incunt prælium, & captiuum ducunt Israel: rursusq̃ in eodem loco pugnatur: ex uoto uictor uincitur, uicti superant. Per quod intelligamus, ut cum nos dei auxilio destitutos hostes inuasent, duxerintq̃ captiuos, non desperemus salutem, sed iterum armemur ad præliū: potest fieri ut uincamus ubi uicti sumus, et in eodē loco triumphemus, in quo fuimus ante captiui.

TRicesima quinta mansio est in Salmona.
Serpentium uulneratio. Ca. XX.

TRicesima sexta mansio est in Phinon. Hæ duę mansiones in ordine historiæ non inueniuntur. In his mortuo Aaron, murmurant Israelitici populi contra deum & Moysen: manna fastidiunt, à serpentibus uulnerantur. Sed quid significat quod morsus mortiferi serpentum, exaltato & respecto æneo serpente, sanabantur, nisi quod nūc in typo saluatoris, qui uerum antiquumque serpēte in patibulo triumphatum, diaboli uenena superantur: ita ut qui uere expresseque imaginem filiū dei, passionemque eius conspexerit, conseruetur.

Hoc

ISIDORI ENARRATIO,

Hoc em̄ significant & uerba ipsius domini dicentis: Sicut exaltauit Moyses serpentē in deserto, sic oportet exaltari filium hominis, ut om̄is qui credit in eū non pereat, sed habeat uitam eternam. Quod uero æneus est serpens ipse qui ligno suspēsus est: æs qp̄ pe metallis cæteris esse durabilius solet. Et apte genus serpens ligno suspensus est, ut dominus & in serpente mortuus, & in ære significaretur æternus, uidelicet ut & indicaretur mortuus per humanitatē, & tamen esset quasi æneus per diuinitatē. Pulchre autem prima mansio Salmona, interpretatur imaguncula, quia nimirum ibi imago expressa est saluatoris per serpentem æneum, qui in ligno pependit. Pulchre etiam & secūda Phunon interpretatur os, quia postea quā passionē filij dei cognoscim⁹ quod corde credimus, ore pronuntiamus, legentes illud Apostoli: Corde creditur ad iustitiam, ore autē confessio fit ad salutē.

TRicesima septima mātio est in Oboth, quæ uertitur in magos siue pythones. Vnde demonstratur, quia post imaginem dei quæ in cordis ratione monstratur, & confessionem fidei, quæ ore proferatur, consurgunt serpentes, & artes maleficæ ad bella nos prouocant: sed nos custodia circūdantes cor nostrum, obturamus aures nostras, ne audiamus uoces incantantium, & Sirenarum carmina negligamus.

TRicesima octaua mātio est in Teabarim, in finibus Moab, quæ significat acervos lapidum trāseuntium, id est, sanctos per istud seculum ad alias mansiones transire festinantes.

Seon rex Amorrhæorū. Ca. XXI.

Trite

IN NVMEROS.

TRicesimanona mansio est in Dibon gad. In hac geritur bellum contra Seon regē Amorrhæorum, & Og regē Basan. In his regibus licet res gesta agnoscatur, tamē per conditiones uirtutesq; nominum, spiritualis significatio est subiecta. Seon nanq; interpretatur tentatio oculorum: per quod figurat diabolus, qui trāsfigurat se uelut angelum lucis, & per heresim uel schisma uerisimilia mentitur, ut fallat incautos. Hunc Amorrhæi, id est, amaricantes habent regem. Nisi enim quedam simulatio ueritatis præcedat, non sunt hereses amaricantes: non schismata exacerbantium in ecclesia. Iste ergo rex occiditur in unoquoq; homine, quando quisq; damnat simulatiōem, & diligit ueritatē. Og uero rex interpretatur conclusio: Basan autē confusio. Id enim agit diabolus semper, ut cōcludat uiam ad dominum, opponendo idola sua, ne credat in Christo. Conclusio em̄ præcedit ut rex, sequit cōfusio tanq̄ plebs: quia q̄s modo conclusit ne credāt in Christū, quando apparuerit Christus, omnes cōfundentur. Mansio autem ista Dibongad, interpretatur fortiter intellecta tentatio, quia nimirum si superetur simulatio, quæ per schisma uel hæresim exacerbat ecclesiam, & conclusio quæ per sacrilegium claudit fidei uiam, nihilominus tētatio intelligitur: ac deinde intellecta fortiter superatur.

Quadragesima mānsio est de Dibongad in Almō diblathaiema, quæ uertitur in contemptū plagarū siue opprobriorum: & per hoc discimus om̄ia dulcia & illecebras uoluptatum prætereuntes in seculo cōtemnēdas, & opprobria diligēda, quæ & si falso abijciantur, beatitudinem pariunt, saluatore plenif.

ISIDORI ENARRATIO,

plenissime perdocete qui ait: Cum exprobrauerint uos homines, beati eritis.

Moyſi mors.

Ca. XXII.

Quadrageſima prima manſio ē in monte Aba-
rim, contra faciem montis Nabo, quæ uer-
titur in montem tranſeuntiū, & eſt contra
faciem montis Nabo, ubi moritur & ſepelitur Moy-
ſes, terra repromiſſionis ante cōſpecta. Nabo inter-
pretatur conſuſio, in qua finitur lex, & nō inueni-
eius memoria. Porro gratia euāgelij abſq; ullo fine
tendiť. In oēm enim terrā exiit ſonus eorū, & in fines
orbis terræ uerba illorū. Simulq; conſiderandū eſt,
q̃ habitatio tranſeuntiū in montibus ſita ſit, & ad-
huc proſectu indigeat. Poſt montes em̃ plurimos,
ad cāpeſtria Moab, & Iordanis fluēta deſcēdimus,
qui interpretatur deſcenſio. Nihil em̃ tam periculo-
ſum eſt, q̃ cupiditas gloriæ & iactantia, & animus
conſcientia uirtutū tumens.

Balaam diuinus.

Ca. XXIII.

Quadrageſima ſecunda māſio eſt in cāpeſtri-
bus Moab, ſuper Iordanem, contra Iericho,
ubi fixerunt tētoria, à domo ſolitudinis uſ-
q; ad Abel ſitim, in planitie Moab. In quadrageſima
ſecunda, quæ extrema manſio eſt, quædā quæ ſint
geſta narremus. Rediens in ea ppl's à diuino Balaā,
quē mercede conduxerat Balach, dei iuſſu benedi-
citur, & maledictio mutāť in laudes. Sed qd eſt qd
iſte Balaam dū peruenire ad ppoſitū tenderet, aſi-
na cui præſidebat, dum uidiffet angelū, loquitur.
Quæ eſt enim hæc aſina, niſi bruta gentilitas, quam
quondam Balaam, id eſt, ſeducťor idololatriæ qua-
ſi brutū aīal, & nulla ratione renitens, quo uoluit er-
rore

IN NVMEROS.

rore subtrauit? Sed ista angelū dei uidit, quem homo uidere non potuit: & uidit, & detulit, & locuta est, ut agnosceremus tēporibus posterioribus sub aduentu magni angeli dei, gentilem illam plebem, mutata duritia soliditatisq; natura, solutis de ea linguis locuturam, ita ut quæ erat subiecta perfidiæ, in uocem fidei & confessionis erumpat: licet & caro nostra animal est. Plerumq; enim caro per molestias tacta, flagello suo menti deum indicat, quem mens ipsa carni præfidens non uidebat: ita ut anxietate spiritus proficere in hoc mundo cupientis uelut iter tendētis impediatur, donec ei inuisibilem quī sibi obuiat innotescat. Vnde & bene per Petrum dicitur: Correptionem habuit suæ uesaniæ subiugale mutum, quod in hominis uoce loquens, prohibuit prophetæ insipientiam. Insanus quippe homo à subiugali muto corripitur, quādo elata mens humilitatis bonum quod tenere debeat, ab afflicta carne memoratur. Sed huius correptionis donum idcirco Balaam non obtinuit, quia ad maledicendum pergens, uocem non mentem mutauit. Consilium quippe dedit regi Balach, ut mulieres in meretricario poneret, & ante ianuas earum aras, ut uenientes filij Israel prius sacrificarent idolis, & sic ingrederentur ad mulieres. Vnde est fornicatus Israel cū filiabus Madian. Sed quid est quod iste Balaam populum dei posse decipi certa ratione collegit, dās consilium, ut ex illa parte, qua infirmari nouerat filios Israel, perniciosi ei laquei tenderentur, non dubitans eos oblata copia sceminarum, fornicationis ruina protinus collapsuros? quia cōcupiscibilis
anis

ISIDORI ENARRATIO,

animæ eorum patres sciebat esse corruptos. Ita ergo unumquench nostrum nequitie spirituales uersuta malignitate in figura Balaam pertentant, illis præcipue affectibus animæ insidiosos laqueos præstruentes, quibus nos senserunt ægrotare: ut uerbi gratia, cum uident rationabiles animæ nostræ partes uitiatas, illo nos ordine decipere moliantur.

Phinees sacerdos.

Ca. XXIII.

Sed Phinees sacerdos zelatus, ut domini furorē placaret, Zambrim & scortū Madianitiden pugnione transfigit: significans per crucem Christi non solum idololatriam, sed etiam omnem carnis affectum uel concupiscentiam perimi seculi, & tunc placari deum, dum carnis extinguitur desiderium. Post hæc numeratur rursus populus, numerantur & Leuitæ, ut interfectis primis carnalibus, nouus dei populus censeatur, qui per Iordanis baptismum transeat, & cælestis hæreditatis repromissionem percipiat.

Numerus populi.

Ca. XXV.

Porro quod sexcentena milia armatorum de Aegypto numerantur egressa, & ex ipsis non sunt amplius quam duo tantum terram repromissionis ingressi, hæc figura demonstrat multos per baptismum ad fidem transire, sed ad patriam cælestem ualde paucissimos peruenire, secundum figuram illam in euangelio, in qua multi uocati, pauci autem inueniuntur electi. Quod uero duo tantum ingrediuntur, aut propter eos ex utroque populo regni cælestis promissionem adipiscuntur: aut propter illos, qui per duas uias actionis & contemplationis, ad æternam beatitudinem prædestinantur.

Quin

IN NVMEROS.

Quintę filię Salphat. Ca. XXVI.

Interpellant dehinc quintę filię Salphat: & iudicio dei hæreditatem accipiunt inter fratres suos, nec legis plebs ab euangelij possessione excluditur.

Genera oblationum. Ca. XXVII.

Deinde Iesus Moyfi in monte succedit, & discit quæ spiritualiter debeant offerri in ecclesia. Legi enim succedit euangelium: ibique lex facienda præcepta admonet, & gratia cõplet. Primum quidē quid offerri debeat per singulos dies, dehinc quid in sabbato propter spem quietis æternæ: quid in calendis pro innouatione uitę, quid in pascha quando consepelimur cum Christo per baptismum, quasi à mortuis transeuntes ad uitę nouitatem: quid in pētecoste propter gratiam spūs sancti, & indulgentiam remissionis peccatorū: quid in neomenia mensis septimi: quid in ieiunio eiusdem mensis decimę diei: quid in scenopegia, quando figuntur tabernacula quintodecimo die supradicti mensis. Mors Balaam. Ca. XXVIII.

Dehinc textitur bellum contra Madianitas, & mors diuini Balaam: in cuius nece error perfidię ligno crucis infigitur: fitq; dehinc de Amalech præda diuisio, & oblatio ex ea animalium in tabernaculo dei.

Filij Ruben & Gad. Ca. XXIX.

Post hæc filij Ruben & Gad, & dimidia tribus Manasse iumentā plurima habentes, contra Iordanē possessionem accipiunt, & in re promissionis terra hæreditatē habere nolunt: figurantes quia qui post multa mundi implicamēta occupantur

ISIDORI ENARRATIO,

pantur, habitationē cœlestis patrię nequaquā deside-
rant. De idolo destruendo. Ca. XXX.

DOcetur dehinc pp̃s ut in terra sancta idola
destruat, & nullus de prioribus habitatori-
bus seruetur: ad significandū, ut dū in terrā
sanctæ repromissionis per fidē ingredimur, simul
cū idololatria etiā omnia uicia extinguiamus.

Enarrationis Isidori in Numeros finis.

C A P I T V L O R V M D E V T E ronomię elenchus.

Quid significet, q̃ undecim dieb⁹ Deuterono-
miū à Moyse scribit̃. I

De XL. annis labariorse peractis à filijs Isra-
el, & uestimentis eorū non attritis. II

De non plantando ligno iuxta altare dei. III

De auferendis præputijs ligni pomiferi. IIII

De non operando in primogenito bouis, & non tō-
dendis primogenitis ouium. V

De non arando in boue simul & asino. VI

De non alligando os bouis triturantis. VII

De non coquendo hœdo in lacte matris suæ. VIII

De non induēda ueste ex lana linoq̃ cōtexta. IX

De non accipienda loco pignoris superiore & infe-
riore mola. X

De non abominando Aegyptio. XI

De non habendis in sacculo diuersis pōderibus. XII

De triū testimonio uel duorū ualituro. XIII

De uxore fratris accipienda, eiusq̃ semine susci-
tando. XIII

De formidoloso ac puido, q̃ non egrediatur ad
bellum. XV

De interemptiōe septē gentiū quas dominus tradi-
dit

ELENCHVS CAPITVM.

dit Israeli.

XVI

Quod dñs cum Abrahā de futuris loqueretur, nō se
prē, sed decē legi gentes dinumerasse.

XVII

De muliere decora capta in bello, & eradendis capil
lis eius.

XVIII

Quid significet securis ligna cædens, manubriū q̃
effugiens.

XIX

De pollutione somnī nocturni.

XX

De paxillo in baltheo egredientis ad requisita na
turæ.

XXI

De XL. flagellis delinquētibus adhibendis.

XXII

ISIDORI HISPALENSIS EPISCOPI

in Deuteronomium Enarratio.

Quid significet q̃ xi. diebus Deuteronomium
à Moyse scribitur.

Ca. I.

LIBER Deuteronomij, repetitio est præ
cedentiū quatuor librorū legis. Nā dū illi
in se proprias contineāt causas, iste tñ re
plicat oīm. Habet autē & ipse proprie in
nūerabilia sacramēta, e quibus pauca pro
exercitio lectoris studui memorāda. Deuteronomi
um autē scda legislatio dicit, qd significat euāgeliū.
In cuius principio notandū est, qd indicet q̃ xi. die
bus idē Deuteronomiū à Moyse scribit, nisi ad signi
ficandū Iudaicæ plebis lapsum in euangelio, p trās
gressionē decalogi mandatorū?

De xl. annis laboriose peractis à filiis Israel, &
uestimentis eorū non attritis.

Ca. II.

Quid autē significauerūt XL. anni, quibus labo
riose peractis, filij Israel ad repromissiōis ter
rā trāfierūt? Per hos quippe XL. annos, totū
seculi tps significat, in q̃ uiuit ecclesia sub labo
ribus

o z



ISIDORI ENARRATIO,

ribus & periculosis tentationibus, sperando quod
nō uidet per patientiā: quousq; ad promissam eter-
næ felicitatis perueniat patriā. Ideo & dñs quadra-
gīta diebus tētatus est in eremo. Corpus em̄, quod
est ecclesia, necesse est ut tentationes laboresq; pa-
tatur in hoc seculo, quoadusq; ueniat illud tempus.
ubi post tentationes suscipiat consolationes. Porro
quod uestis Israël per tot annos in eremo nulla ue-
tustate corrupta est, & morticina pellis calceamen-
torum tam diu sine labore durauit, potest signare
futuram corruptibilitatem corporum, ubi ea quæ
corruptibilia sunt, sine corruptione permanebūt.

De non plantando ligno iuxta altare dei,

Caput III.

Non plantabis omne lignū iuxta altare dei,
ne facies nemus.) Interdicitur quippe ne
nemus complāretur in templo. Nemus, frō-
dentes arbores & infructuosæ sunt, sola delectati-
one uisus plantatę. Tales sunt & gentiles, qui ratio-
nem suam uerborum decore componunt, ut non
conuertantur à uitijs, sed delectentur: atq; istiūmo
di subiectione persuadeāt. Nos autem secundum
præceptum dei iuxta altare nemus nō plantamus;
sī circa dominicā fidē nihil in uerbis infructuosum,
nihil audientiæ secularis illecebrosum cōponimus,
sed sola puritate ueritatis, scientiā prædicationis te-
nemus. Hoc nemus in prædicatione sapientiæ plā-
tare deuitabat Apostolus, cū dicebat: Et loquimur
non in doctis humanæ sapientiæ uerbis, sed in do-
ctrina spiritus & uirtute.

De auferendis præputijs ligni pomiferi.

Caput IIII,

Quint

IN DEUTERONOMIVM.

Q Vando ingressi fueritis in terram, & plantaveritis in ea ligna pomifera, auferetis præputia eorum: pomorumque germina immunda erunt uobis, nec edetis ex eis.) Ligna quippe pomifera, sunt opera uirtutibus foecunda. Præputia itaque lignorum auferimus, cum de ipsa inchoationis infirmitate suspecti, primordia operum nostrorum non approbamus. Poma autem quæ germinant, immunda existimamus, nostrisque cibis aptamus: quia cum primordia boni laudantur operis, dignum est ut adhuc animum non pascat operantis: ne dum accepta laus suauiter carpitur, fructus operis intempestiue comedatur.

De non operando in primogenito bouis, & non tondendis primogenitis ouium. Ca. V.

N On opaberis in primogenito bouis, & non tondebis primogenita ouium.) In primogenito quippe bouis operari, est bonæ conversationis primordia in exercitio publicæ actionis ostendere. Ouium quoque primogenita tondere, est ab occultationis suæ tegmine, humanis oculis inchoantia bona nostra nudare. In primogenito ergo bouis operari prohibemur: atque à primogenitis ouium detondendis cōpescimur: quia & si quid robustum incipimus exercere, hoc in aperto citius non debemus ostendere. Sed cum uita nostra simplex quod innocuumque inchoat, dignum est ut secreti sui uelamina non relinquat: nec hoc humanis oculis quasi subducto uellere ostēdat. Ad sola ergo diuina sacrificia, boni primogenita ouiumque proficiant: ut quicquid forte innocuum incipimus, hoc ad honorē intimi iudicis in arā cordis immolemus, & ab illo pro-

ISIDORI ENARRATIO,

culdubio tanto libentius accipit, q̄to & ab hoībus occultatū, nullo laudis appetitu maculat. Sæpe aut nouæ conuersationis primordio, adhuc carnalis ē uita cōmixta: & idcirco innotescere citi⁹ nō debēt: ne cū laudant bona quæ placēt, deceptus laude sua animus, deprehendere in eis nequeat mala q̄ latēt.

De non arando in boue & asino simul. Ca. VI.

Non arabis simul in boue & asino. In bouis noīe populus ex circūcisione, positus sub iugo legis, accipit: in asino aut populus gentium, pertinens ad euangeliū. In boue quippe simul & asino arat, qui sic recipit euāgeliū, ut iudaicæ sup̄stitionū, quę in umbrā & imagine præcesserāt, ceremonias relinquat. Item nonnūq̄ in boue bene operātium uita: in asino stultorū uetordia figurat. Quid est ergo, Non arabis simul in boue & asino? Ac si diceret, Fatuū sapienti in prædicatione non socias, ne per eū qui rē implere non ualet, & illi qui p̄ualet obsistas. Bouem quippe & asinū si necesse sit, unusquisq; sine detrimento operis iungit: sapientē uero & stultū, non ut unus præcipiat, & alter obtēperet: sed ut pariter & equali potestate annuntiēt uerbum dei, non sine scandalo quisq; comites facit.

De non alligando os bouis triturantis.

Caput

VII.

Non alligabis os bouis triturāti. Dictum est, q̄ in bouis noīe uita unuscuiusq; operātis exprimitur. Dicit quodā in loco apostolus Paulus, reprehendens & dolens, q̄ nemo illi communicaueit in ratiōe dati & accepti, nisi q̄ in alio loco apte exposuit dicēs: Si nos uobis spūalia seminauimus, magnū est ut carnalia uestra metamus:

hac

IN DEUTERONOMIVM.

hoc significat: Non alligabis os boui trituranti. Vnde & idē Apostolus alio loco dicit: Dignus est operarius mercede sua. Vult ergo scriptura doctoribus præstari carnalia, à quibus spiritualia consequuntur, quia prædicatores occupati in doctrina, necessaria sibi providere non possunt.

De non coquendo hœdo in lacte matris
suæ. Cap. VIII.

Non coques hœdū in lacte matris suæ.) Hœdus, hic sub peccatoris figura introducitur. Proinde peccans non est coquendus in lacte matris: id est, nō est purgandus mediocribus tenerimisq; ecclesiæ disciplinis: sed austerioribus præceptis eius sunt excoquenda peccata, cuius magna sunt crimina: ut qui per lasciviæ blādimenta se perdidit, fortiori disciplina se redimat.

De non induenda ueste ex lana linoq;
contexta. Cap. IX.

Non indues uestē ex lana linoq; contextā.) Per lanā q̄ppe simplicitas: per linū uero subtilitas designatur. Et nimirū uestis quæ ex lana linoq; conficitur, linū interius celat: in superficie lanā demonstrat. Vestē ergo ex lana linoq; contextā induit, qui sub locutione innocētis, intus subtilitatē celat malitiæ. Hoc secundū moralē sensum: Cæterū iuxta alterā allegoriā, lineis uestibus misceri lanam uel purpurā, & lino stima ueste indui, est inordinate uiuere, & diuersi generis professiōes uelle miscere: ut uel sanctimonialis habeat ornamenta nuptiarū: aut ea quæ se non continens nupsit, speciē uirginis gerat: omnimodo hoc peccatum est: & si quid inconvēnienter ex diuerso genere uel religione in uita

ISIDORI ENARRATIO,

cuiusq; contextitur. Verū illud tunc figurabat in vestibus, quod nunc declarat in moribus.

De non accipienda loco pignoris superiore & inferiore mola. Ca. X.

Non accipies loco pignoris superiorem molam aut inferiorem.) Accipere namq; aliquādo dicimus auferre: unde & aues illę, quę rapiendis sunt auibus auide, accipitres uocant. Vnde & Paul⁹ apł's dicit: Sustinetis em̄ si q̄s deuorat, si q̄s accipit: ac si diceret, si quis rapit. Pignus v̄o debitoris, est confessio p̄c̄toris. A debitore em̄ pignus accipitur, cū à peccatore iam peccati confessio tenetur. Superior aut̄ & inferior mola, est spes & timor. Spes quippe ad alta subuehit, timor aut̄ cor inferius premit. Sed mola superior & inferior ita sibi necessario iungitur, ut una sine altera inutiliter habeatur. In p̄c̄toris itaq; p̄ctore, incessanter debet spes & formido coniungi: quia incassum misericordiā sperat, si non etiā iustitiā pertimescat. Incassum iustitiā metuit, si non etiā in misericordiā confidit. Loco igit̄ pignoris, mola superior aut inferior tolli, prohibetur: quia qui prędicat peccatori, tāta dispensatione cōponere prędicationē debet, ut nec derelicta spe timorē subtrahat: nec subtracta spe, in solo eū timore derelinquat. Tollit enim superiorē, si flētī p̄c̄t̄m dicat: nō habebis ueniā de cōmissis: tollit inferiorē, si peccantē deceptione palpet ac dicat: Age mala in q̄tū uis absq; metu: nā deus pius ē, & ad indulgēdū parat⁹. Sed utiliter tūc mola utraq; habet̄, si & spes sit cum emendāte formidine: & formido fuerit cum spe.

De non abominando Aegyptio. Ca. XI.

N⁹

Non abominaberis Aegyptium: quia fuisti incola in terra eius.) Quamuis enim mūdo renuntiantes, Aegyptiā terrā, id est pristinā seculi conuersationē uel cōcupiscentiā declinemus, tamen dū præsēntis seculi necessitatibus subdimur, quasi Aegyptiā nationē nequaquā extinguiamus, licet ab ipsa, quadā discretione separemur, non de superfluis cogitantes: sed simus secundū Apostolum, uictu quotidiano indumentoq; contēti: Hoc enim figuraliter mādabatur in lege: Non abominaberis Aegyptium.

De non habendis in sacculo diuersis ponderibus. Cap. XII.

Non habebis in sacculo diuersa pondera, id est maius & min⁹: nec erit in domo tua modius maior & minor. Pondus habebis iustū & uerū: & modius æqualis & uerus erit tibi, ut multo uiuas tempore super terrā.) Hoc & idē legislator etiā in Leuitico interdicit: Salomone quoq; parē super hoc sententiam proferente: Pondus magnū & pusillū, & mensuræ duplices, immunda sunt utraq; apud deū. Et qui facit ea, in adinuentionibus suis cōpedietur. Proinde non solum illo corporali, sed etiā spiritali modo studendū est nobis, ut nec diuersa pondera in cordibus nostris, nec in domo conscientiae nostrae mensuras duplices habeamus: id est ne ipsi ea quæ districtiōnis regulā molliunt, remissiore indulgentia præsumentes, eos quibus uerbū domini prædicamus, districtioribus præceptis & grauioribus quā ipsi perferre possumus ponderibus, obruamus. Quod cum facimus, quid nisi diuerso pondere atq; mensura, præceptorum domini mer-

ISIDORI ENARRATIO,

cedem frugemq̃, uel appendimus uel metimur? Si enim aliter ea nobis, aliter nostris fratribus dispensemus, recte increpamur à domino, eo q̃ staterā diuersam aut mensuras duplices habeamus, secundū illam sententiam Salomonis qua dicitur: Abominatio est domino pondus duplex: & statera dolosa non est bonum in conspectu eius.

De trium testimonio uel duorum
ualituro. Cap. XIII.

Non stabit aduersus alterum unus testis: sed in ore duorū aut triū testiū stabit omne uerbum.) Licet historialiter hæc sit diuina seruanda sententia, tamen & cum cōtra quoslibet impios uel hæreticos agimus, necesse nobis est & scripturas sanctas in testimonium uocare. Sensus quippe nostri & attestatio, sine his testibus non habent fidem. Vnde magis conuenit ad probationē, ut affirmem uerbū intellectus mei: adhibeo etiam duos testes nouum & uetus testamentum: adhibeo etiā & tres: Euangelium, Prophetā, Apostolū: sicq̃ stabit omne uerbum.

De uxore fratris accipienda, eiusq̃ semine
fiscitando. Cap. XIII.

Illud uero q̃ uxorē fratris ad hoc frater iussus est ducere, ut non sibi sed illi sobolē fuscitaret, eiusq̃ uocaret nomine quod inde eidē nasceret, quid aliud in figura præmōstrat, nisi quia quisq̃ euāgelij prædicator ita debet in ecclesia laborare, ut defuncto fratri. i. Christo, fuscitet semen: qui pro nobis mortuus est: & q̃d fuscitatū fuerit, eius nomē accipiat? Deniq̃ hoc implēs Apostolus, nō carnaliter in præmissa significatiōe, sed spiritualiter in cōpleta ueritate.

IN DEUTERONOMIVM.

ueritate, in Christo Iesu p̄ euangeliū se cōmemorat genuisse. Succēset eīm eis, & eos increpans corrigit, uolētes esse se Pauli. Nunqd Paulus inqt pro uobis crucifixus est, aut in nomine Pauli baptizati estis? Tanq̄ diceret: Defuncto fratri uos genui: Ch̄riani uocamini, nō Pauliani. At uero qui electus ab ecclesia, ministeriū euāgelizādi renuerit, ab ipsa ecclesia merito digneq; cōtemnit: Hoc est enim, q̄ in eius facie iubet expuere, nō sanē sine signo huius opprobrii, ut calceamēto pedis unius exuat, ne sit in eorū sorte quibus ipse Apost. ait: Et calceati pedes in preparatione euāgelij pacis: & de qbus cōmemorat p̄ prophetā: Q̄ speciosi pedes eorū q̄ annuntiāt pacē, q̄ annuntiāt bona. Qui eīm sic euangelicā fidē tenet, ut & sibi possit & ecclesiæ prodesse & nō renuit, bene intelligit utroq; pede calceatus. Qui autē sibi putat q̄ credidit satis esse consultum, curam uero lucratorum aliorum refugit, quasi unius pedis calceamentum cum dedecore amittit.

De formidoloso ac pauído, q̄ non egrediatur ad bellū. Cap. XV.

Homo formidolosus & corde pauído non egrediatur ad bellū: uadat & reuertat̄ in domū suā, ne pauere faciat corda fratrum suorum, sicut & ipse timore p̄territus est.) Quibus uerbis edocet, nō posse quenq; professionē cōtēplationis, uel spūalis militiæ arripe exercitiū, q̄ adhuc nudari terrenis opib; p̄timeſcit, ne rursus ad infirmitatē mētis reuertat̄, suoq; exēplo alios ab euāgelica p̄fectiōe reuocet: & infideli terrore infirmet. Iubent itaq; tales, ut discedētes ē pugna, reuertāt̄ in domū: q̄a nō possit duplici corde bella dñi p̄liari. Vir eīm duplex aīo
incon.

ISIDORI ENARRATIO,

inconstans est in omnibus uñs suis. Tales quippe oportet, ut ne initium quidē renuntiationis arripiant: quibus melius est ut in actiua uita consistant, q̄ tepide contemplationē exequentes, maiori discrimini seip̄sos inuoluant. Melius est enim non uouere, q̄ uouere & non reddere. Similiter & ille à tali militia prohibetur, qui uxore duxerit: qui plantauerit uineā uelut propaginē filiorū. Non enim potest seruire diuinæ militiæ seruus uxoris: nec potest assidue studiū contemplationis, qui adhuc in delectatione defigitur carnis. Nemo inquit Apostolus militans deo, implicat se negotiis secularibus: ut ei placeat cui se probauit.

De interpretatione septem gentiū, quas dominus tradidit Israël. Cap. XVI.

Cum introduxerit te dñs deus tuus in terram quā possessurus ingredieris, & deleuerit gentes multas corā te, Cethæū, & Gergesum, & Amorræū, & Chananæū, & Pherezæū, & Euxū, & Iebusæū, septem gentes multo maioris numeri q̄ tu es & robustiores, tradideritq̄ eos dominus tibi, percuties eos usq̄ ad internicionem.) Septē istæ gētes, septē sunt principalia uitia, quæ per gratiam dei unusquisq̄ spiritualis miles exuperans, exterminare penitus admonetur. Quod uero maioris numeri esse dicuntur, hæc ratio est: quia plura sunt uitia q̄ uirtutes: Et ideo in catalogo quidē dinumerantur septem nationes: in expugnatione uero earū, sine numeri ascriptione ponunt. Ita enim dicitur, Et deleuerit gētes corā te. Numerosior est enim q̄ Israël carnalium passionū populus, qui de hoc septenario fomite ac radice procedit uitiorum, De gastrimargia

nan

IN DEUTERONOMIVM.

Namq; nascuntur comessationes: ebrietates. De for-
 nicatione, turpiloquia: scurrilitas: ludicra atq; stulti-
 loquia. De philargyria, mendacium: fraudatio: fur-
 ta: periuria: turpis lucri appetitus: falsa testimonia:
 uolentia: inhumanitas ac rapacitas. De ira, homici-
 dia: clamor & indignatio. De tristitia, rancor: pusil-
 lanimitas: amaritudo: desperatio. De acedia, otiosi-
 tas: somnolentia: importunitas: inquietudo: perua-
 gatio: instabilitas mentis & corporis: uerbositas &
 curiositas. De cenodoxia, contentiones: hæreses: ia-
 ctantia ac præsumptio nouitatū. De superbia, con-
 temptus: inuidia: inobediētia: blasphemia: murmu-
 ratio: detractio: aliaq; q̄ plurima similia. Quæ cū sint
 multo maioris numeri q̄ uirtutes, de uictis tamen
 illis septē principalibus uitijs, ex quorū natura ista
 procedunt, omnes protinus conquiescunt: ac perpe-
 tua pariter cum his internicione delentur. Quæ autē
 hæ pestes etiā robustiores sunt, manifestē naturæ
 ipsius impugnatiōe sentimus. Fortius enim militat
 in membris nostris oblectatio carnaliū passionū, q̄
 studia uirtutum: quæ non nisi summa contritione
 cordis & corporis adquiruntur. Quòd uero istarū
 perniciosarū gentium regiones salubriter possidere
 præcipimur, ita intelligitur: Habet enim unūquodq;
 uitiū in corde nostro propriā stationē, sed si cum ab
 Israël's populo, id est uirtutibus contra se dimican-
 tibus fuerint uitia superata, locū quē sibi in corde
 nostro concupiscentiæ uel fornicationis spiritus re-
 tentabat, deinceps castitas obtinebit. Quē furor ce-
 perat, patiētia uindicabit, Quē tristitia mortē ope-
 rans occupauerat, salutaris & plena gaudio lætitiā
 possidebit. Quem acedia uastabat, incipit excolere
 fortitudo:

ISIDORI ENARRATIO,

fortitudo. Quem superbia conculcabat, humilitas honestabit. Et ita singulis uitijs expulsis, eorum loca id est affectus contrarios possidebunt filij Israël, id est animæ uidentes deum.

Quod dominus cum Abraham de futuris loqueretur, non VII, sed X. legitur gentes dinumerasse. Cap. XVII.

Illud uero quod cum Abraham de futuris dñs loqueretur, non septē gentes legitur dinumerasse sed decē, quæ terra semini eius danda promittitur, qui numerus adiecta idololatria gentium, blasphemia Iudæorū, uel errore hæreticorū euidentissime adimpletur: quibus ante notitiā dei & gratiam baptismi, uel impietate gentiliū, uel blasphemia Iudæorum, uel errore hæreticorū, multitudo subiecta est, donec intellectuāli Aegypto commoremur. Si autē abrenuntians quis, & egressus exinde per dei gratiā ad eremū peruenerit spiritualē, de impugnatione triū gentiū liberatus, contra septē tantū quæ per Moysen dinumerantur, bella suscipiet.

De muliere decora capta in bello, & erandendis capillis eius. Cap. XVIII.

Siquis exieris ad bellū contra inimicos tuos, & uideris mulierē decora specie, & concupieris eam, rades omnē pilum capitis eius, & ungulas eius, & indues eam uestimentis lugubribus, & sedebit in domo lugens patrem suū & matrē suā, & post triginta dies erit tibi uxor.) Dicant Iudæi quomodo apud eos ista seruent: quid causę, quid rationis est decaluari mulierē, & ungulas eiusdē abscidi? Verbi causa, ponamus q̃ ita inuenerit eam is qui dicis inuenisse, ut neq; capillos neq; ungulas habeat.

Quæ

IN DEUTERONOMIVM.

Quid habuit quod secundum legem demere uideretur? Nos uero quibus militia spiritualis est, & arma non carnalia sed potētia deo, si decoram mulierem, id est animā quæ à deo pulchra creata est, ingentili conuersatione inuenerimus, & sociare uoluerimus eam corpori Christi, deposito idololatriæ cultu, induitur lugubribus poenitentiae indumentis: deploratq; patrē & matrē, hoc est omnem memoriam mundi, eiusq; carnales illecebras: deinde uerbi dei nouacula & doctrina, omne peccatū infidelitatis eius quod mortuū & inane est abraditur: Hoc enim sunt capilli capitis & ungulæ mulieris: atq; ita demum salutaris lauacri unda purificata, coniungitur sanctis dei: scilicet cum iam nihil in capite mortuū, nihil in manibus ex illis, q̄ per infidelitatē mortis dicuntur, habuerit: ut neq; sensibus neq; actibus immundū aliquid aut mortuū gerat. Q. uero post triginta dies iubet eam duci uxore: ternario namq; ac denario numero, fides opusq; significatur. Per fidem ergo trinitatis atq; opus legis, recte sociat quę cunq; anima uero Israëlita: corpori scilicet Christi: adhærens illi sine macula synceritate fidei, & actuū puritate. Alij putauerunt hanc mulierem decoram specie, rationabilem aliquam disciplinam significare: quæ sapienter dicta inuenitur apud gentiles. Hanc igitur à nobis repertam, oportet de ea primum auferre & refecare omnem superstitionis eius immunditiam: & sic eam in studio ueritatis assumere. Nihil enim mundum habent disciplinæ gentilium: quia nulla apud infideles sapientia est, cui immunditia aliqua uel superstitio, non sit admixta,

Quid

ISIDORI ENARRATIO,

Quid significet securis ligna cædens, manu-
briumq; effugiens. Cap. XIX.

Illud autē quid significet, q̄ dominus per Moy-
sen præcipit dicens, Si quis abierit cū amico
suo simpliciter in syluam ad ligna cædenda, &
lignū securis fugerit manum, ferrumq; lapsū de
manubrio, amicū eius percusserit & occiderit, hic
ad unā suprà dictarū urbē fugiet & uiuet: ne forte
proximus eius cuius effusus est sanguis, doloris stu-
mulo persequatur: & apprehēdat eum, & percusse-
rit animā eius? Ad syluam quippe cū amico imus,
quoties ad incidenda subditorū delicta conuerti-
mur. Et simpliciter ligna succidimus, cum delinquē-
tium uitia pia intentiōe refecamus. Sed securis ma-
num fugit, cum sese increpatio plusq̄ necesse est, in
asperitatē pertrahit. Ferrumq; de manubrio profi-
lit, cum de correptiōe sermo durior excedit. Et ami-
cum percutit & occidit, qui auditorē suum prolata
contumelia ab spiritus dilectione interficit. Corre-
pti namq; mens repente ad odiū prorumpit, si hanc
immoderata increpatio plusq̄ debuit, addicit. Sed
is qui incaute ligna percutit, & proximū extinguit,
ad tres necesse est urbes fugiat, ut una earū defen-
sus uiuat: quia si ad poenitentię lamenta conuersus,
in unitate sacramēti sub spe, fide & charitate absco-
ditur: reus perpetrati homicidiū nō tenetur. Quē ex-
tincti proximus cum inuenerit nō occidit, quia cū
districtus iudex uenerit, qui se nobis per naturæ cō-
sortium iunxit, ab eo proculdubio culpæ reatū non
expetit, quem sub eius uenia, spes, fides, & charitas
abscondit.

De polluitone somni nocturni. Cap. XX.

S Ifuerit inter uos homo q nocturno pollutus sit somnio, egredietur extra castra, & nō reuertetur priusq̃ ad uesperā lauetur aqua : & post solis occasum regredietur in castra.) Nocturnum quippe est somniū tēatio occulta, p quā tenebrosa cogitatione turpe aliquid corde concipitur : quod tamen corporis opere nō expletur. Sed somnio nocturno pollutus egredi extra castra præcipitur : quia uidelicet dignū est, ut qui immūda cogitatione polluitur, indignū se cunctorū fidelīū societatibus arbitretur : culpę suæ meritū ante oculos ponat, & ex bonis se existimatione despiciat. Pollutū ergo extra castra exire, est turpi impugnatione laborantē sese ex cōtinentiū cōparatione despiciere. Qui ad uesperum aqua lauatur : cū defectū suū conspiciēs, ad poenitentiae lamenta conuertit, ut fletibus diluat omne quod animū occulta inquinatiōe accusat. Sed post occasum solis ad castra redeat : quia deferuescente tentationis ardore, necesse est ut iterū fidutiam erga societatis bonū sumat. Post aquā quippe occūbente sole ad castra reuertitur, qui post lamēta poenitentiae, frigescente flamma cogitationis illicitæ, ad fidelium merita præsumenda reparatur : ut iam se a cæteris longe esse non æstimet, qui mundū se per obitū intimi ardoris gaudet.

De paxillo in balthео egredientis ad requisita naturæ. Cap. XXI.

I Vbetur præterea Israēlitico populo p Moysen, ut cum egreditur ad requisita naturę, mittat paxillū in balthео, & fossā humo abscondat quæ egesta fuerint. Naturæ enim corruptibilis pondere grauatae mentes nostræ, quædā cogitationū super-

p flua

ISIDORI ENARRATIO,

flua, quasi uentris grauamina erumpunt: sed portare sub balthæo paxillum debemus, ut uidelicet ad reprehendēdos nosmetipsos semper accincti, acutum circa nos stimulū compūctionis habeamus, q̄ incessanter terrā mētis nostrę pœnitentiæ dolore cōfodiat, & hoc q̄d à nobis fœtidum erūpit, abscondat.

De quadraginta flagellis delinquentibus
adhibendis. Cap. XXII.

QUOD autē pro mensura peccati, quadraginta flagellis delinquentes argui iussit, iam prædictum est q̄ per quadragenariū numerū figura significetur huius temporis, in quo ecclesia per quatuor mundi partes diffusa, sub decalogo legis uiuit. Quadragenario ergo numero delinquentes cædimur, si in hoc tempore, pœnitentiæ uerberibus flagellamur. Debet ergo quisque peccator temporalibus flagellis atteri, quatenus in iudicio purgatus ualeat inueniri: Beatus enim homo qui corripitur à domino. Nulla enim in æternū animaduersio affligere poterit, quos hic pœnitentiæ disciplina percussit. Si enim hic pro peccatis cædimur, illic sine peccato inuenimur.

Enarrationis Isidori in Deuteronomiū, finis.

CAPITVLORVM LIBRI IESV NAVE, ELENCHVS.

D	E morte Moyfi, & principatu Iesu Naue.	I
De II. exploratorib. & meretrice Raab.		II
De trāsitu arcæ, & de diuisiōe Iordanis.		III
De duab⁹ semit sribub⁹, armatis p̄cedētib. Israēl.		III
De XII. lapidibus.		V
De circuncisione secunda.		VI
De excidio Iericho, & saluatione Raab.		VII
		De

ELENCHVS CAPITVM.

De furto Acham.	VI ^a
De constructione altaris.	IX
De maledictionibus & benedictionibus.	X
De Gabaonitis.	XI
De prælio in Gabaon.	XII
De extinctis gentibus, & terræ diuisione	XIII
De diuisione in duabus. semis tribubus, & nouem semis tribubus.	XIII
Q. Leuitæ non acceperunt hæreditatē terræ.	XV
Q. habitacula Leuitarum per omnes tribus decer nuntur.	XVI
Quòd quadragintaduas urbes Leuitæ in possessio nem accipiunt.	XVII
De Chananæo populo non extincto.	XVIII.

ISIDORI HISPALENSIS EPISCOPI

in Librum Iesu filij Naue, Enarratio.

De morte Moyfi, & principatu Iesu
Naue. Cap. I.



OST MORTEM MOYSI LOQVI
tur dñs ad Iesum Naue, dicens:

Moyfes seruus meus mortuus est,
surge & transi Iordanē tu & om̃is
populus in terram quam ego da
bo filijs Israēl.) Defunctus est er
go Moyfes, defuncta est lex, & legalia præcepta iā

cessant: & obtinet IESVS, id est saluator CHRISTVS
filius dei, principatum. Introducit populum in ter
ram, de qua dicit dominus: Beati mites, quoniam
ipsi possidebunt terram.

p e

De



ISIDORI ENARRATIO,

De duobus exploratoribus, & meretrice
Raab. Cap. II.

Iste Iesus mittit duos exploratores ad Iericho urbem, qui suscipiuntur à Raab meretrice. Iesus ille dux populi, in semetipso dominum Christum & uocabulo ostendit & facto. Iericho autem ciuitas, mundus est, ad quem dominus Christus ad perscrutandos mores hominum, duo testamenta direxit. Nam in eo ut credentium fidem aut rebellium peruicaciam plenius comprobaret, ante aduentum iudicii sui, quasi exploratores duos, legem & euangelium destinauit. Raab uero typum tenet ecclesie, quæ de extraneis atque alienis gentibus congregata est, quæ antea uiuens in desiderijs carnis, fornicabatur in idolis. De talibus ait dominus: quæ præcedent uos meretrices & publicani in regno coelorum. Hæc igitur testamenta domini sola suscipit, & eadem fideliter conseruat. Amicis omnino non tradidit, ipsa potius periclitari optans: dum modo illæsa ac salua seruaret. Hæc casurum mundum, sicut illa ciuitatem firmiter credidit. Hæc pro se ac suorum omnium salute pactum cum testamentis domini fecit. Hæc in domo sua coecum, id est signum sanguinis posuit. Extra hanc si quis inuentus fuerit, ruinam seculi atque incendium mundi, nulla ratione uitabit.

De transitu arcæ, & de diuisione Iordanis. Ca. III.

Populus cum arca testamenti Iordanem transiuit. Sed quid sibi uelit quod in Iordane eadem arca testamenti transeunte, per sacerdotes & Leuitas deducitur turba: sicque stante aqua fluminis in cumulum, dei populus iter incedit innoxium. Hæc omnia implentur in ecclesie populis mystica operatione. Dum

¶ anim

IN IESVM NAVE.

enim quis ad baptismi uenerit fontē, & consistente sacerdotali & Leuitico ordine initiatus fuerit mysticis sacramentis, tunc sacerdotū ministerijs per baptismū, quasi per Iordanis fluentia ingredit, & terrā cœlestis promissionis adipiscit. Quæ uero pars aquarum fluminis retrò resiliuit perseverans in dulcedine, pars uero in amaro cōfluxit gurgite maris, hæc figura baptizatorū uarietatē designat: quia omnes qui baptizantur, partim quidā ex ipsis acceptā gratiæ cœlestis dulcedinē custodiunt: partim uero in peccatorū amaritudinē cōuertunt. Quod uero sacerdotalis ordo & Leuiticus iter ostendit populo dei, magisteriū sacerdotale monstrať. Ipsi enim docent populū exire de Aegypto. i. de erroribus mundi, & trāsire per eremū uastā. i. per seculi tētatiōes. Quod & sacerdotalis & Leuitic⁹ ordo assistit arcæ testamēti in q̄ lex portať, sine dubio ut ipsi illuminēt populū.

De duabus semis tribubus, armatis præcedentibus Israël. Cap. III.

INterea duæ semis tribus quæ trans Iordanem à Moysse acceperunt terrā, relictis mulieribus & infantibus, cum fratribus transeuntes, præbebant illis pugnādi auxiliū, usq; quo & ipsi consequerētur hæreditatē. Isti qui per Moysen accipiunt hæreditatem trans Iordanē, & cum fratribus suis armati ac præcincti incedunt, illi hoc loco intelliguntur, qui primū per Moysen hæreditate legis potiti sunt: Unde & primogeniti sunt omnes. Ruben quippe primogenitus ex Iacob & Lia: Gad primogenitus est eiusdē de Zelpha: Manasses primogenit⁹ est Ioseph de Aegyp̄tia, filia sacerdotis Putifar̄is. In his ergo primogenitis, figuraliter illi ex priori populo designā-

p s tur,

ISIDORI ENARRATIO.

tur, qui per legē placuerunt deo: quiq; non requiescunt, sed expediti ad auxiliū fratrum suorum cōsurgūt. Laborantibus enim nobis in agone uitæ huius, atq; habentibus certamen aduersus contrarias potestates, ueniunt in auxiliū nobis illi, qui ante aduentum Christi per legē iustificati sunt. Videm⁹ enim Esaiā, Hieremiā, accinctos expeditosq; ad auxiliū nostrū, de uoluminū suorum iaculis, cordis nostri hostes acerrimos uulnerantes. Accingitur & Daniel ad auxiliū nostrū, cum nos de Christi regno & Antichristi futuri fraude, instruit ac præmōet. Adest & Ezechiel, sacramenta nobis cœlestia in quadriformibus rotarum circulis signans. Docet & Osee bisseuas agminis turmas: & præcedunt nos succinctis lumbis in ueritate, quia prædicant ad auxiliū nostrū. Isti ergo uiri fortes pugnant nobiscum, quousq; cœlestis re-promissionis patriam consequamur.

De duodecim lapidibus. Cap. V.

TRanseuntes itaq; filij Israël Iordanē, sustulerūt de medio fluminis duodecim lapides, q̄s pro testimonio posuerunt in loco secūdx circūcisionis: ad significādū nobis, ut de lauacro cōsurgimus, apostolicæ uitæ exempla firmissima gestare debeamus, quorum semper testimonium ad imitamenta uirtutum constituamus.

De circuncisione secunda. Cap. VI.

Post Iordanis autē transitū, uenit Iesus in Galgalā, ibiq; iubetur facere sibi cultros lapideos, & circuncidere secundo filios Israël. Percūctent inde Iudæi, quomodo potest quis secundo circūcidi circuncisione carnali. Semel enim circuncisus, ultra non habet quod secundo possit auferri. A nobis autē

IN IESVM NAVE.

autem quibus lex spiritualis est, conuenienter ista soluuntur. Dicimus enim circuncisionē primā fuisse per legē in Aegypto, sed si à lege trāseat quis per baptismā Iordanis ad euangelium, tunc accipit secundam circuncisionem spiritualē per petram, qui est Christus; sicq; tali circuncisione purgatus, caret Aegypti opprobrio: id est illecebra corporaliū uitiōrū. Nomen autē loci Galgala, quod interpretatur reuelatio, ostendit, dū in præputio infidelitatis ambulauerit quisq; per huius uite desertū, oculos ei esse cæcatos. Videamus & consequētia. Post euangelij circuncisionē, statim in loco reuelatiōis pascha celebratur: immolaturq; agnus ille pro mundi salute occisus: ac deficiente manna typicæ legis, primū comedit populus panē corporis Christi: quē incorrupta repromissionis terra, id est mater dñi uirgo Maria protulit: cuius granū in terra cadēs, fructum plurimū attulit. Et uide ordinē: Postq̄ enim sub Iesu Christo duce positi, per lauacri fluentia trāsimus, ac per fidē spirituali circūcisione signamur, tūc his gradibus perueniētes celebramus pascha. i. immolatū Christū pro mundi salute credimus, ac deinde credētes, statim pane illo dñici corporis pascimur. Occurrit deinde nobis princeps militiæ uirtutū cœlestiū Christus, tenēs gladiū euangelij ad refecādam nostræ carnis pollutionē. Percūctatio autē Iosue discretis ad angelū, Noster es an aduersariorū? discretionē sanctorū insinuat, qui inter bonū & malū per discretionē dijudicāt, ne eos aduersarius per speciem boni fallat. Vnde & Hieremiæ dicit: Si separaueris pretiosum à uili, quasi os meum eris.

De excidio Iericho & saluatiōe Raab. Ca. VII.

ISIDORI ENARRATIO,

Circundatur post hæc Iericho expugnaturq; aduersus quam gladius non educitur, aries non dirigitur, nec tela uibrantur: tubæ solūmodo sacerdotales septē diebus continuis adhibentur: sicq; circumacta arca, muri Iericho subruūtur. Iericho autē per interpretationē luna dicitur. Luna uero mundi huius speciē tenet: quia sicut luna inēstruis cōpletionibus deficit, ita hic mundus ad cōpletionē tēporis currēs, q̄tidianis defectibus cadit. In arca uero, ecclesia figuratur. In tubis autē æreis, prædicatores fortes accipiuntur. Hanc ergo urbem Iericho diebus septē ferētes arcā Israēlitæ, æneis tubis clangentibus circumeunt, & muri eius per arcæ præsentia atq; æreasq; tubasq; sonitū cadunt: quia in hoc tēpore quod septē diēs uicissitudine uoluitur, dū fertur arca, id est, dū orbē terrarū circūiens mouetur ecclesia ad prædicantiū uoces, quasi ad tubarum sonitū, muri Iericho, id est elati mūdi superbia ac infidelitatis obstacula corruunt: donec in fine tēporum mors nouissima inimica destruatur: & ex impiorum perditione, unica domus Raab, tanquā unica ecclesia liberetur: munda à turpitudine fornicationis per fenestram confessionis in sanguine remissionis. Ista enim meretrix in Iericho tanq̄ in hoc mortali seculo moratur: quæ ut saluari possit, per fenestram domus sue tanq̄ per os corporis sui coccū mittit, qui est sanguinis CHRISTI signū pro remissione peccatorum confiteri ad salutem. Qui inuenti sunt in domo illius, saluati sunt ab interitu urbis: Et quicunq; intra ecclesiam reperiuntur, ipsi tantum saluantur. Extra hanc autem domum, id est ecclesiam, nemo saluatur.

De furto

IN IESVM NAVE.

De furto Acham.

Ca.

VIII.

Fratratur interea de anathemate urbis Achā, & pallium & regulam auream: pro quo irascente deo perierunt quidam manu hostili ex populo. Iericho itaq; ut dictum est, mundi gerit figurā. De anathemate ergo eius fraudās in tabernaculo suo abscondit, qui seculares mores in secretis ecclesiæ inserit: qui sub cultu dei manens, solēnitates seculi uel spectacula diligit: qui sortilegos, aruspices, & augures inquirīt: uel qui cæteros ritus persuadet, qui prius in Iericho. i. in hoc seculo habebant. Ille ergo quia post fidei indumētum, conuersationis secularis cultum inducit, quasi pallium de anathemate tollit. Sed ille de anathemate Iericho fraudat, qui in ecclesia hæreticorū infert dogmata, uel superstitiosa secularium literarū studia. Hęc enim regula aurea, luculento sermoni aptata est. Hęc fraudati sunt Arrius, Marcion, et Basilides: furati sunt enī isti regulas aureas de Iericho, & philosophorū sectā nō rectā in ecclesia conati sunt introducere, & maculare omnem ecclesiam dñi, ita ut alij perderent multi per eos: ideo q̃ abiecti pro anathemate quasi aceruo lapidū, ita multitudine peccatorū suorū oppressi atq; extincti sunt, quorū author ac perēptor Acham ex Hai, hoc est diabolus, qui per illorū impietate fidelium quosdam euicerat, rursus superat⁹ euincitur, atq; a populo dei suspensus, ligni crucis uirtute necatur.

De constructione altaris.

Ca.

IX.

Superatis igitur hostibus, edificauit Iesus altare deo excelso ex lapidibus integris, in quibus non erat iniectū ferrū, sicut præceperat Moy-

ISIDORI ENARRATIO,

ses, & immolauit sacrificiū, & scripsit in lapidibus Deuteronomium legis Moyſi. Videamus itaq; qui ſint iſti lapides, ex quibus ædificatur altare. Omnes igitur qui in Chriſtū Ieſum credunt, lapides uiui dicuntur, de quibus Apłs ait: Vos eſtis lapides uiui edificati, domus ſpūales. His nō eſt iniectū ferrū, quia incorrupti & immaculati carne & ſpū ſunt, & iacula maligni ignita non receperunt. Hi unū altare faciunt, unitate fidei uel cōcordia charitatis. In his quoq; Deuteronomium, id eſt, ſecundam legē euangelij, IESVS dominus noſter ſcribit. Audiamus itaq; cum dicentem: Dictum eſt antiquis, Non mœchaberis: Ego autē dico uobis, Si quis uiderit mulierem ad cōcupiſcēdum eam, iam mœchatus eſt eam in corde ſuo. Hanc igitur Ieſus legē notam in cordibus credētium, hanc ſcribit in eorum mentibus, qui altaris conſtructione digni ſunt.

De maledictionibus & benedictionib. Ca. X.

Poſt hæc omnis populus & maiores nati, ducesq; ac iudices præcedebant hinc & inde arcā, ſteterūtq; ſicut præceperat Moyſes in Deuteronomio, ſex tribus in monte Garizim, ut bñdicerēt populum, & ipſæ tribus quę nobiliores ſunt, id eſt Symeon, Leui, Iudas, Iſaſchar, Ioseph, & Benjamin: aliæ uero ſex ignobiliores ſteterunt eregione in mōte Gebal ut maledicerēt: inter quos & Ruben, qui maculauerat thorū parētis, & Zabulon ultimus filius Liæ & ancillarum filij: & hæc quidē ueteris hiftoriæ referūt geſta. Sed inſpiciēdū qđ in narrationē myſticæ intelligētis referat. Qui ſunt ergo iſti qui incedūt iuxta montē Garizim, & qui ſūt qui incedūt iuxta montē Gebal? Illi itaq; qui in hoc

lobo

IN IESVM NAVE.

loco iuxta montē Garizim incedūt, electos ad bñdictionē eos figuraliter indicant, qui nō metu pænæ, sed cœlestis promissionis amore succēssi ueniūt ad salutē. Illi uero dimidiq̃ qui iuxta montē Gebal incedunt, in quo maledictiones prolatæ sunt, illos indicant, qui non amore bñdictionum uel promissionum, sed futurorum suppliciorum timore complent quæ in lege scripta sunt, ut perueniāt ad salutē. Omnes autē circa arcā incedunt, qui de ecclesiæ sinu non discedūt. Sed nobiliores esse illos qui boni ipsius desiderio, æternæ bñdictionis amore qđ bonum est agūt, q̃ illos qui pro mali metu bonum sectantur. Solus ergo **I E S V S** potest ex omnibus populis huius mūdi mētes aīosq̃ condiscere, & alios quidem statuere in mōte Gebal ad maledictionē, non ut maledictiones accipiant, sed ut intuēdas p̃scriptas maledictiones & pœnas p̃ctōribus constitutas, incurrere caueāt, ac semetipsos timoris supplicio corrigant.

De Gabaonitis.

Ca. XI.

INterea Gabaonitę perditionis metu p̃territi, cū fraude & calliditate uenerunt ad Iesum, pānis calceamentisq̃ ueteribus induci, deprecātes ut saluarent, statimq̃ ab Iesu salutem suscipiunt. Quorum tamen dolum ut agnouit, ligni cæsores, uel aquæ gestatores eos constituit. In quorum figura illi ostenduntur, qui de mundo ad ecclesiam uenientes, habent fidem in deo, & inclinant caput suum sacerdotibus, sanctis quoque ministrāt & seruiunt, & aliquid utilitatis impēdunt, ad ornatum etiam ecclesiæ uel ministerium p̃opti sunt. In moribus uero suis & conuersatione pristina detinentur.

indu-

ISIDORI ENARRATIO,

induentes ueterem hominem cum actibus suis, & inuoluti uetustis uitijs, sicut & isti pannis & calcea mētis ueteribus obtekti, & præter hoc quod quidā in deum credunt, & erga seruos dei uel ecclesie cultibus uidentur esse deuoluti, nihil habent emendationis uel innouationis in moribus. Tales igitur tantūmodo quasi quoddam salutis signum intra ecclesiam temporaliter perferunt: inter Israelitas autē, id est, inter sanctos dei, regnum æternum uel libertatem minime consequuntur.

De prælio in Gabaon.

Ca. XII.

QUOD autem in Gabaon pugnan-
te Iesu Naue stetit perhibetur sol & luna, donec Israelis inimici delerentur, dicente scriptura: Stetit inquit, sol super Gabaon, & luna super uallē Elam: & adiecit scriptura & dicit: ga nunq̃ sic audiuit deus hominē. IESVS ergo noster solē stare facit, non tunc solum, sed multo magis modo in aduētū suo, dum nos bellum gerimus aduersus uitiorū gentes, & colluctamur aduersus principes & potestates & rectores harū tenebrarū, aduersus spūalia nequitie in cœlestibus, sol nobis iustitie indefinēter assistit, nec deserit nos unq̃, nec festinat occumbere: quia ipse dixit: Ecce ego uobiscū sum omnibus diebus usq̃ ad cōsumptionē seculi. Quinq̃ autē reges, qnq̃ sensus corporeos indicant, qui Gabaonitas. i. carnalēs homines expugnant. Hi ad speluncā confugiūt, cum se terrenis actibus in corpore positi mergunt. Qui tamen pugnan-
te Iesu. i. prædicatione euangelica superāt: atq̃ ingrediente uerbo dei in nobis, id est, intra speluncā corporis nostri, omēs pariter interficiuntur.

IN IESVM NAVE.

De extinctis gentibus, & terræ diuisione.

Caput XIII.

EXtinctis deinde uel eiectis gētibus, Iosue sorte diuisit populis terram repromissionis. Eiecit ergo & Chriſtus à facie fideiū ſuorū quodāmodo gentes, gētiliū errore malignos ſpūs, & ſorte diuiſit terram in nobis, omnia operans in nobis unus atq; idē ſpūs, ac diuidens dona propria uni cuiq; prout uult.

De diuiſione in duabus ſemis tribubus, & nouem ſemis tribubus. Ca. XIII.

REfertur autē in his diuinis eloquijs prima & ſecunda hereditatis facta diuiſio: prima quidem per Moysen: ſecunda uero quæ fortior eſt, per Ieſum. Sed Moysen trans Iordanem duabus tantum tribubus, Ruben ſcilicet & Gad, & dimidię tribui Manaſſe, poſſeſſionē decreuit: cæteræ uero omnes, per Ieſum ſuſcipiunt. Per quod indicatur, q̃ plures per fidem Ieſu Chriſti promiſſa cœleſtia eſſent percepturi, q̃ qui per legem adepti ſunt. Nam duæ illæ ſemis tribus, proculdubio priorem populum adumbrabant. Sed ideo duæ ſemis dicunt, quia hi q̃ in lege agebantur, contigerunt quidem agnitionem trinitatis, ſed perfectā ſcientiā non habuerunt: ſicut & Eccleſiaſticus liber loquit̃ dicens: Qui non perfecit primos ſcire ſapientiā, & infirmior nō inueſtigauit illam. Hic autē nouę ſemis tribus, quæ per Ieſum repromiſſionem terræ ſanctæ ſuſcipiūt, ut prædictum eſt, figuram noui populi tenuerunt, quia à domino noſtro per fidem & gratiam, æternæ repromiſſionis hæreditatem, poſt lauacrū, quaſi poſt Iordanis tranſitum ſuſceperunt: ſed proinde

ISIDORI ENARRATIO,

de & ipsæ nouē semis tribus dicuntur, quæ sub Iesu hæreditate potiuntur, & non integre decē, qui numerus cōsummatus dicitur & perfectus, quia nec in ipso aduentu dñi uel incarnatione eius, cuncta nobis per semetipm pfecte annuntiata sunt. Vnde & ipse dicit discipulis: Multa q̄ uobis loqr habeo adhuc, sed nō potestis illa mō audire. Veniet autē spūs ueritatis, q̄ a p̄re p̄cedit, ille de meo accipiet, & annūtiabit uobis oīa. Perfectio itaq; ad summā cūctorū bonorū in spūsancto cōsistit: alioqui nihil in eo perfectum putabit, cui spūsanctus deest.

Quod Leuitæ non acceperūt hæreditatem terræ. Ca. XII.

Quod uero Leuitæ non acceperunt hæreditatem terræ, utiq; quia Iesus dñs noster, ipse est hæreditas eorū, sicut scriptū est: Ego hereditas eorū, & possessio nō dabit illis ī Israhel, ego em̄ sum possessio eorū.) Clericorū em̄ hereditatē & possessionē, ob hoc se dici uoluit deus, quia ministri altaris ipsius effecti sunt & sors. Propter quod & clerus sors interpretat. Ergo deū hereditatē merito deum possidet, q̄ ut absq; ullo impedimēto deseruire deo ualeat, pauper spū esse cōtēdit, ut cōgrue illud psalmistæ dicere possit: Dñs pars hereditatis meæ, & calicis mei.

Quod habitacula Leuitarū per oēs tribus decernunt. Ca. XIII.

Quod & habitacula Leuitis ab Iesu per oēs tribus decernunt, significat, ut hi q̄ in ecclesia dei sciētiae operā dātes, doctrinē grām administrant, rursus ab oībus, q̄b⁹ dispēsant diuina, terrena subsidia quæ nō habēt, recipiāt: ut impleat illud qd̄ Apłs præcipit dicens: Si nos uobis spūalia

femi

IN IESVM NAVE.

seminauimus, magnum est ut carnalia uestra metamus? Et merito isti in cunctis tribubus diuisi dicuntur, qui in dispensatione cunctorum uiuunt.

Quod quadragintaduas urbes Leuitæ in possessionem accipiunt. Ca. XIII.

QUOD aut quadragintaduas urbes accipiunt, in dubitater ipsa prædicatio, scilicet signat. Ipsi enim possident doctrinam quæ constat legis decalogi, & quadrifido euangelij numero, quasi quater decem urbes habentes, quibus etiam duæ adijciuntur: quia nimirum cuncta quæ prædicant, morali ac mystico sensu annuntiant.

De Chananæo populo non extincto. Ca. XV.

ILLUD aut quod cum Israëllico populo percepta re promissionis terra partiret, Effraim tamen tribui, Chananæus omnis gentilis populus non occisus, sed factus tributarius dicitur, sicut scriptum est in Iudicium libro: Habitauit Chananæus in medio Effraim tributarius. Quid enim tributarius, quid enim Chananæus gentilis uidelicet populus, nisi uitiū signat? Sæpe enim in magnis uirtutibus terræ re promissionis ingredi mur, quia spe intima de eternitate roboramur. Sed dum intereptis sublimibus uitijs, quædam tamen parua retinemus, quasi Chananæum uiuere in terra nostra concedimus, qui tamen tributarius efficitur, quia hoc ipsum uitiū quod subigere non possumus, ad usum nostræ humilitatis humiliter retorquimus, ut eo de se metum & in suis uilia sentiat, quod suis uiribus etiam parua quæ appetit, non expugnat. Unde bene rursum scriptum est: Hæ sunt gentes quas dominus dereliquit, ut erudiret in eis Israël. Ad hoc nanque quædam minima uicia nostra retinent, ut se nostra intetio sollicita in certamine spiritus exerceat, & eo de uictoria non supbiat, quod uiuere in se hostes conspiciat, a quibus

ISIDORI ENARRATIO,

à quibus adhuc uinci formidat. Israel ergo referuat
tis gentibus eruditur, quando in quibusdam mini-
mis uitijs elatio uirtutis nostræ comprimitur, & in
paruis sibi resistentibus discit, q̃ ex se maiora non
subijcit.

Enarrationis Isidori in Iesum Naue finis.

CAPITVLORVM libri Iudicũ elenchus.

D E seruitute populi & liberatione.	I
De Debbora & Iahel.	II
De oraculo angeli ad Gedeon, & sacrificio eius.	III
De mysterio uelleris & areæ.	III
De prælio Gedeon cum trecentis.	V
De Abimelech.	VI
De Iepte & filia eius.	VII
De Samson & actibus eius.	VIII
De Ruth Moabitide.	IX

ISIDORI HISPANA- LENSIS EPISCOPI IN LIBRVM Iudicum Enarratio.

De seruitute populi, & liberatione.

Caput I.



ISTORIA IUDICVM NON
parua myſteriorum indicat ſacra-
menta: primum q̃ poſt Ioſue ſuc-
cedunt iudices, ſicut & poſt Chri-
ſtum ſucceſſerunt apoſtoli, & ec-
cleſiarum rectores ad gubernan-

illos fideles, quos ipse ad spem æternæ re promissio-
 nis pducit. Per oīa aut in hoc volumine delicta Iu-
 daici populi & seruitutes, clamor quoq; eorū & mi-
 serationes dei describunt. Nam & multis annis pro
 suis offensis, multorū regū imperiis seruiērāt, & ite-
 rū cōuersi liberati sunt. Sed qd est q̄ sæpe peccātes,
 in manu hostili tradunt, nisi q̄ nostra p̄ctā qñ de-
 linquimus, vires hostibus prēbēt: & qñ nos facim⁹
 malū in cōspectu dñi, tūc confortant aduersarij no-
 stri. i. dæmones, spūaliū nequitiaꝝ uirtutes? Sed ite-
 rū qñ conuertimur, suscitāt deus saluatores & iudi-
 ces, hoc ē, principes seculi & doctores, quos ad sub-
 fidiū mittit eorū, q̄ ad se toto corde clamauerint: si-
 cut misit Gothoniē, qui expugnauit Chusan Rasa-
 thaim regē Mesopotamiæ: sicut misit Aoth, q̄ occi-
 dit Eglon regē Moab: sicut misit Iahel & Debborā,
 quę interfecerūt Sisarā: quorū historia pro suis my-
 sterijs breuiter memoranda est.

De Debbora & Iahel.

Cap. II.

Debborā enim prophetissā uxor Laphidoth,
 iudicabat ppl'm in illo tpe, et sedebat sub pal-
 ma inter Rama & Bethel in monte Effraim:
 ascēdebātq; ad eā filij Israel in oē iudiciū. Debbora q̄
 interpretať apis siue loquelaj, in prophetiæ forma
 accipiēda ē, de qua scribit: Quā dulcia faucibus me-
 is eloquia tua. Consideremus ubi locus prophetis-
 sę esse describit: sub palma inqt. Sub palma sedere
 habet pphetissā, q̄ q̄s suis institutiōibus erudit, ad
 palmā supernæ uocationis adducit. Inter medium
 aut Rama, & inter mediū Bethel sedere dicit pphe-
 tissa. Rama interpretať excelsa: Bethel autē domus
 dei: utiq; quia nos intra domū dei positos, non quę
 q̄ in

ISIDORI ENARRATIO,

in terra sunt querēdo, sed quæ in cœlis sunt. Hęc mi
 fir & uocauit ad se Barach. Barach interpretat̃ coru
 scatio. Coruscatio ē que habet quidē lucē, sed nō p
 manentē. Ad modicū em̃ t̃pis resplendet & desinit.
 Hic ergo Barach formā gerit prioris populi, qui pri
 mo oīm per prophetiā uocatus & inuitatus ad au
 diēda eloqa dei, refulsit quidē in legis splendore, &
 breui t̃pe coruscavit, sed nō diu pmāsit. Cū ergo di
 xisset Debbora ad Barach. i. p̃phetia ad priorē po
 pulum, Tibi p̃cepit dñs deus Israel: & tu ascēde in
 mōte Thabor, & accipe decē milia uiroꝝ. Rñdit Ba
 rach ex p̃sona prioris populi ad prophetissam: Nō
 ascēdā nisi & tu ascēderis mecū. Dicit ad eū Debb
 ra: Ibo tecū: sed nō erit primatus tuus in uia qua in
 cedis, sed in manu mulieris tradet dñs Sisarā: euidē
 ter oñdens, q̃a nō ē apud illū populū primatus, nec
 p̃manet ap̃d eū uictoriæ palma, sed apud Iahel mu
 lierē. i. ecclesiā. Nā Iahel mulier ista alienigena, in cu
 ius manu uictoria facta ē, figurā tenet ecclesiæ ex
 gētibus cōgregate. Iahel em̃ interpretat̃ ascēsiō, q̃a
 p̃ ecclesiā ascēdit ad cœlū. Ista palo Sisarā hostē in
 terfecit. i. ligni crucis acumine & uirtute, diabolū in
 teremit, q̃d Barach. i. prior popul⁹ p̃ legis p̃cepta
 facere nō potuit. Sola em̃ p̃ lignū in q̃ spūalibus sa
 cramētis credētiū salus ē, fidei hostē affligit: quē de
 inde mortuū pellibus obtegit. i. inclusū in carnaliū
 cordibus, derelinquit. Nō em̃ latent mortifera ip̃si
 us nisi in corruptibilitate uitæ uiuētib. & p̃ctā mor
 talia perpetrātibus: qui dū prauē uiuētes segreган
 tur à corpore Christi, efficiuntur membra diaboli.

De oraculo angeli ad Gedeon, & sacrifi
 cio eius. Ca. III.

Tr̃ di

TRaditur deinde populus Israel in manu Madian, pro cuius liberatione loquitur angelus domini ad Gedeon: cuius gesta quod mystice significet demonstrandum est. Gedeon namque cum sub arbore quercu, tritici messem uirga caderet, et a paleis frumenta excuteret, angelum uidit: accipiens ab eo oraculum, ut a potestate hostium in libertatem populum dei reduceret. Iste Gedeon nimis figuram gestabat Christi, qui sub umbra sacrae crucis predestinato incarnationis futurae mysterio constitutus, rectitudine iudicii quasi per uirgam electionis, sanctos a uitiosis paleis sequestrabat. Hic ergo Gedeon cum audisset ab angelo, quod deficientibus populorum milibus, in uno uiro dominus plebem suam ab hostibus liberaret, protinus hoedum coxit, cuius carnes secundum preceptum angeli simul cum azyma super petram posuit, et ius carniū desuper effudit: quod dum angelus uirga cacumine contigit, statim de petra ignis erupit, atque sacrificium quod offerebat absumptum est. Quo indicio uideatur declarari, quod petra illa typum habuerit corporis Christi, Paulo attestante, Petra autem erat Christus. Iam tunc igitur in mysterio declaratum est, quia dominus Iesus in carne sua, totius mundi peccata crucifixus aboleret: nec solum delicta factorum, sed etiam cupiditates purgaret animarum. Caro enim hoedi ad culpam facti refertur, ius ad illecebras cupiditatum, sicut scriptum est: Quia concupiuit populus cupiditatem pessimam, et dixerunt: Quis nos cibabit carne? Quod igitur extendit angelus uirgam, et tetigit petram, de qua ignis exiit, ostendit quod caro domini spiritu repleta diuino, peccata omnia humanæ conditionis exureret. Unde dominus ait: Ignem ueni mittere in terram. Aduertit igitur uir doctus et presagus futurorum superna mysteria: et ideo

ISIDORI ENARRATIO,

secundum oracula occidit uitulum à patre suo idō
lis deputatum, & ipse septennē alium uitulum im-
molauit deo: quo facto manifestissime reuelauit,
post aduentū domini omnia gentilitatis abolenda
esse sacrificia, solumq; sacrificiū deo dominicæ pas-
sioni spro redemptione nostra & religione populi
deferendū. Eteñ uitulus ille erat in typo Christi, in
quē septiformis spūalium plenitudo uirtutū, sicut
Isaias dixit, inhabitabat.

De mysterio uelleris & areæ. Ca. IIII.

PReuidit ergo mysteriū uictorię Gedeon, & tñ
licet fortis & fidus, pleniora adhuc de dño fu-
turæ uictoriæ documēta querebat, ut una nō
cte lanæ uellus in area poneret, & esset super illud
tñ ros, & super omnem terrā siccitas: & rursus si-
militer poneret uellus, & super totā terrā ros plue-
ret, & siccitas esset in uellere. Querit fortasse aliq; utrū
quasi incredulus esse uideat, qui frequentibus
iā fuerat indicijs informatus: Absit. Nō em̄ ille am-
bigu⁹ erat, sed nimis futura mysteria preuidebat,
quæ etiā prouidus diligētissime explorabat, ut am-
plius crederet mysteria, dum intellexisset oraculū.
Quid ergo uellus cōplutum & area sicca, & postea
cōpluta area sicco uellere, nisi q; primo una gēs He-
bræorū habuit gratiæ mysteriū, totus orbis nūc ha-
bet: illa uacua ē? Area em̄ illa totū orbē terrarū signi-
ficat: qñ totus orbis infructuoso cultu gentilis sup-
stitutionis laborabat. In uellere cōpluto, significatæ
sunt oues quę saluæ factę sunt domus Israel. Postea
oues illæ fontē aquæ uiuæ negauerūt: ros fidei exa-
ruit in pectorib⁹ Iudæorū, gratiāq; suā imber ille di-
uinus in corda gentiū deriuauit. Inde ē, q; nūc fidei
ros

fore totus orbis humescit. Iudæi uero prophetas & omnia charismata amiserunt. Nec miræ si perfidiæ subeāt siccitatē, quos dñs prophetici imbris uberitate priuauit dicens: Mandabo nubibus desuper, ne pluant super eam pluuiam. Idcirco aut illam gentē uelleris nomine significauit, quia in obauditu eandem pluuiam detinebat, quam nolebat sibi præpositæ prædicari. i. in circūcisis gentibus reuelari.

De prælio Gedeon cum trecentis. Ca. V.

Post hanc diligentissimam mysterij explorati onē, contra Madianitas Gedeon dimicare cū tenderet, & exercitus multitudine ad bella præcederet, diuina illi admonitione præceptū est, ut ad fluuium ueniēs, oēs quos flexis genibus aquas haurire cōspiceret, à bellorū cōflictu remoueret. Actūq; est, ut trecenti uiri tantummodo, qui stantes manibus aquas hauserant, remanerent. Cum his Gedeon ad prælium pergit, eosq; non armis, sed tubis lā padibusq; & lagenis armauit. Nam sicut illic scriptum est: Accensas lāpades miserunt intra lagunculas, & tubas in dextera, lagenas aut in sinistra tenuerunt, & ad hostes suos cominus uenientes, ceciderunt tubis, confregerunt lagunculas, lampades apparuerunt, & hinc tubarum sonitu, illinc lampadarū coruscatione territi hostes, in fugam conuersi sunt. Quid est hoc quod tale bellū per prophetā ad mediū deducitur? Indagari nobis propheta studuit, q; in aduentu redemptoris nostri cōtra diabolū illa sub Gedeon duce pugna, uictoriā designauit. Talia illic nimirū acta sunt, quæ quanto magis usum pugnandi transeūt, tanto amplius à prophetandi mysterio non recedunt. Quis enim unquam

ISIDORI ENARRATIO,

cum lagenis, cum lampadibus ad prælium uenit: quis contra arma ueniens, arma deseruit? Ridicula aut nobis prophetata fuerant, si terribilia hostibus non fuissent. Sed uictoria ista attestâte didicimus, ne parua quæ facta sunt perpêdamus. Gedeon ita quæ ad prælium ueniens, redemptoris nostri signat aduentum, de quo scriptum est: Tollite portas principes uestras, usque potens in prælio. Hunc redemptorem nostrum non solum opere, sed etiam nomine prophetauit. Gedeon namque interpretatur circūiens in utero. Dominus enim noster pro maiestatis potentia, omnia circūflectit, & tamē per dispensationis gratiā intra uterū fuit pro infirmitatis substantia, & extra mundū per potētiā maiestatis. Madian uero interpretať de iudicio. Ut em̄ hostes eius repel- lēdi destruēdiq̄ essent, nō de uitio repellētis, sed de iudicio iuste iudicātis fuit. Et idcirco de iudicio uocantur, quia alieni à gratia redemptoris, iustæ damnationis meritum etiam in uocabulum nominis trahunt. Contra hos Gedeon cum trecentis pergit ad prælium. Solet intricenario numero, plenitudo perfectionis intelligi. Quid ergo per prædictum tricenarium numerum designatur, nisi perfecta cognitio trinitatis? Cum his quippe dominus noster aduersarios fidei destruet, cū his ad prædicationis bel- la descēdet, qui possunt diuina cognoscere, qui sci- unt de trinitate, quæ deus est, perfecte sentire. No- tādum uero est, quia iste trecētorū numerus in T li- tera continetur, quæ crucis speciē tenet. Cui si super transuersam lineā id quod in cruce eminet adderet, nō iā crucis species, sed ipsa crux eēt. Quia ergo iste tre- centorū numerus in T litera continet, & per T literā
sicut

sicut diximus, species crucis ostendit, non immerito in his trecentis Gedeonē sequētibz illi designati sunt, quibus dictū est: Si quis uult post me uenire abneget semetipsum, & tollat crucem suam, & sequatur me. Qui sequentes dominum tanto uerius crucem tollunt, quanto acius sese edomant, & erga proximos suos charitatis cōpassione cruciant. Vnde & per Ezechielē prophetā dicit: Signa T sup frontes uiroz gementium & dolētium. Vt certe in his trecentis, qui in T litera continentur, hoc exprimitur, qd ferrum hostium crucis ligno superet. Ducti ita qd sunt ad fluuium ut aquas biberent, & quicunq; aquas flexis genibus hauserūt, à bellica interdictione remoti sunt. Aquæ nanq; doctrina sapientiæ. Stāti autē genu, recta operatio designat. Qui ergo dum aquas bibunt, genua flexisse perhibentur, & ab illorum certamine prohibiti recesserunt, hi sunt, qui doctrinam cum operibus rectis non hauriunt. Qui uero doctrinæ fluēta ita hauriunt, ut nequaquam in prauis operibus carnaliter inflectant, hi Christo duce cōtra hostes fidei ad prēliū pergūt. Vadūt ergo cū tubis, cū lāpadibus, cū lagenis: atq; iste ut diximus, fuit ordo prēliadi. Cecinerūt tubis, intra lagenas autem sunt missę lāpades, contractis uero lagenis, lampades ostensę sunt: quarū coruscante luce, hostes territi in fugam uertuntur. Designat itaq; in tubis clamor prædicantiū, in lāpadibus claritas miraculorū, in lagenis fragilitas corporū. Tales quippe secū dux noster ad prædicationis prēliū duxit, qui despecta salute corporū, hostes suos moriendo prosterneret, eorūq; gladios nō armis sed patientia superaret. Armati enim uenerunt. sub duce

ISIDORI ENARRATIO,

suo ad prælium martyres nostri, sed tubis, sed lagenis, sed lampadibus. Qui sonuerunt tubis dū prædicāt: cōfregerūt lagenas, dū soluēda in passione sua corpora hostibus, gladijs opponūt: resplenduerūt lāpadibus, dū post solutionē corporis miraculis coruscarunt. Moxq̃ hostes in fugā uersi sunt: quia dū mortuorum martyrum corpora miraculis coruscare conspiciunt, luce ueritatis fracti, quod impugnaverunt, crediderunt. Cecinerunt ergo tubis, ut lagenæ frangerentur. Lagenæ fractæ sunt, ut lampades apparerent. Apparuerunt lampades, ut hostes in fugam uerterent, id est, prædicauerunt martyres, donec eorum corpora in morte soluerentur. Corpora eorum in morte soluta sunt, ut miraculis coruscarent. Coruscauerunt miraculis, ut hostes suos ex diuina luce prosternerent. Et notandum, q̃ steterunt hostes ante lagenas, fugerunt ante lampades, quia nimirum persecutores sanctę fidei, prædicatoribus adhuc in corpore positis restiterunt: post solutionem uero corporum apparentibus miraculis, in fugam uersi sunt: quia pauore conterriti, à persecutione fidelium cessauerunt. Intuendum est etiam id quod illic scriptum est, quia in dextera tubas, lagenas autem in sinistra tenuerunt. Pro dextero enim habere dicimus, quicquid pro magno pensamus. Pro sinistro uero, quod pro nihilo ducimus. Bene ergo illic scriptum est, quod in dextera tubas, & in sinistra lagenas tenuerunt: quia CHRISTI martyres pro magno habent prædicationis gratiam: corporum uero utilitatem pro infimo. Quisquis enim plus facit utilitatem corporis, quàm gratiam prædicationis, in sinistra

tubā,

tubā, atq; in dextra lagenā tenet. Si enim priori loco gratia prædicationis attēditur, & posteriori utilitas corporis, certū est quia à dextris tube & à sinistris lagenę tenentur.

De Abimelech.

Ca. VI.

MOritur Gedeon, & reliquit septuaginta filios, & unum nomine Abimelech natū ex cōcubina: qui conduxit sibi uiros uagos, & abierunt post illum, & intrauit in domum patris sui, & occidit fratres suos septuaginta uiros super lapidē unum, & remansit ioathan iunior, quoniā abscondus erat, &c.) Hoc factum si nihil propheti- cum indicaret, quid opus erat ut magnopere scribe retur, utrum Gedeon septuaginta filios & multas uxores habuisset: sed & concubinā, de qua unū & malum filiū suscepisset, & quod cum turpe factum fit, tūc etiā turpius esset, si hoc posteris ad exemplū in diuinis libris scriptum uideretur, nisi magnæ alicuius rei imaginē earū rerū gesta per typos & figuras ostenderent? Gedeon igitur, ut superius dictum est, typum dñi portendebat. Plurimæ uxores eius, multæ sunt nationes, quæ per fidem Christo adhæserunt. Septuaginta uero filij eius, septuaginta linguæ sunt in hoc mundo diffusæ, in quibus per fidē filios sibi dñs generaturus erat. Cōcubinam hoc in loco synagogā uocat, quæ nouissimis temporibus Antichristo est creditura: De qua Iohānes in Apocalypsi ait: Qui dicunt se Iudæos esse & non sunt, sed sunt synagoga satanæ. De qua ultimis temporibus nequissimus filius, id est Antichristus est generandus: eritq; filius ancillæ, id est synagogæ, illius peccatricis: quia qui peccatum inquit facit, seruus est.

ISIDORI ENARRATIO,

Hic inquā congregatis sibi impijs sicut Abimelech fecit, regnum improbe usurpabit: interfectisq; nobilibus filijs, id est his qui ex diuersis nationibus & linguis in Christo credentes, à deo sunt generati, inducturus est persecutionē, ut omnes sanctos interficiat. Sed super septuaginta inquit, fuit iunior fili⁹ ex nobili matrimonio, qui se abscondērat. Hic inquit ascendit in uerticē montis Garizim, & clamauit uoce magna ad populū sycomoreū, ponens eis parabolā. Hic ergo iunior filius qui fugit ut gladiū inimici euaderet, figura est residui populi Israël, prædicāte Helia extremis tēporibus credituri: & Antichristi gladium euasuri. Ascendit inquit iste in uerticem montis Garizim. Sed cur montem ascendit? Quia nec prophetare, nec persecutionē Antichristi quisq; euadere potest, nisi prius in montem benedictiōis, id est in sublimitatem fidei ac uirtutum ascenderit. Hic est enim mons Garizim, qui à Moyse in benedictionem deputatur. Itaq; cum ascendit, eleuata uoce clamauit & dixit: Audite me uiri Sichem: Ierūt ligna ut ungerēt super se regem: dixeruntq; oliuæ, impera nobis. Quæ respondit: Nunquid possum amittere pinguedinem meam, qua dī utuntur & homines, & uenire ut inter ligna promouear? Dixeruntq; ligna ad arborem ficum: Super nos ueni regnum accipere. Quæ respondit ei: Nunquid possum deferere dulcedinem meam fructusq; suauissimos, & ire ut inter cætera ligna promouear? Locuta sunt quoq; ligna ad uitē: Veni & impera nobis. Quæ respondit: Nunquid possum deferere uinum meum quod lætificat deum & homines, & inter cætera ligna promoueri? Cum ergo repudia-

ta

ta fuissent ligna syluæ ab oliua & ficu & uite, uenerunt ad ramnum, ut eum sibi facerent regem. Sed prius uideamus, cur oliua, & ficus, & uitis, super ligna regnare noluerunt. Ligna quippe syluæ homines esse uagos & uanos, æterno incendio præparatos intelligim⁹. Hic ergo merito noluit nec olea nec ficus regnare nec uitis: quia nō merebant. Olea em̄ gratiā spiritus sancti & unctiōē pacis significat: Ficus autē sacræ legis imaginē habet. Et sicut in euāgelio scriptum est, Quidā pater familiās plantauit uineam, & in uinea sua plantauit ficum. Quis pater familiās nisi deus, qui familiæ suæ. i. omniū credentiū pater est? Plantauit ergo uineā id est populum: quia uineā ex Aegypto transtulit, & utiq; populū non uineā ex Aegypto trāstulerat. In hac uinea plātauit ficū, hoc est in populo suo posuit legē. Quæ lex primitiuū populū uelut ficus grossos, aridos & inutiles, deiecit in terrā, & postea alios fructus generauit, id est populū Christianū, quē ad debitā euangelicę disciplinę maturitatē, & suauissimā pinguedinē Christi, cū gloria & honore perduxit. Sed uitis inqt noluit regnare in eis. Vitē autē saluatoris typū habere manifestū est, sicut ipse in euangelio ait: Ego sum uitis uera. Igitur quia iam in reprobū sensum, sicut Apost. dixit, futurus est populus ille q Antichristo ē seruitur⁹, quē ligna syluæ appellat: & necesse est ut credat mendacio. i. Antichristo, q ueritati. i. Christo noluit credere: ideo & à regno uitis. i. Christi, & ab olea. i. spū sancti grā, & à ficu. i. diuinę legis dulcedine, reprobāt. Venit ad rānū. Rānus em̄ genus rubi ē, quā uulgo sentē urfinā appellāt, asper nimis & spinosum, p qd merito typus Antichristi significat: q
omni

ISIDORI ENARRATIO.

omni asperitate & feritate, humanum genus est uastaturus. Sed exiet inquit ignis de ramno, id est iniquitas de Antichristo, & omnes qui in eo cōfidunt, cum ipso pariter deuorabit. Videtur ergo Gedeon Christi imaginē habuisse. Septuaginta uero filij, septuaginta uidelicet nationes credētes per seculi generationes, filij dei esse meruerunt. Abimelech uero filius ancillæ, typū Antichristi portasse: qui cōgregatis perditis nationibus, regnū sibi improbe usurpabit: omnesq; sanctos uitæ persecutione, omniq; crudelitate trucidabit. Ioathan uero iunior sanctorum fuit. Sicut em̄ Ioathan per fugā recessit & reliqui interfecti sunt, sic nemo euadere poterit persecutionē Antichristi, nisi qui fuga recesserit, & in montē benedictionis ascenderit. Hic est mōs quē sancti circundabūt: quē & sanctus Moyses in benedictionibus sicut iam suprà dictum est in Deuteronomio, posuit.

De Iepte & filia eius. Cap. VII.

ADiecerunt deinde filij Israël deseruire Baalim, & dijs alienis: tradunturq; in manus filiorum Ammon. Tunc Iepte Galaadites, fugiens à facie fratrum suorum, cōstituitur in principem ob pugnā filiorum Ammon. Qui rediens post triumphū, immolauit filiā quæ sibi uictori prima occurrerat: sic enim uotū sponderat, ut quicquid sibi primum reuertēti occurreret, domino immolaret. Quis ergo in Iepte prænuntiabatur, nisi dominus IESVS CHRISTVS & saluator noster, qui à facie fratrum suorum, id est ludæorum abscedens, in gentibus principatum accepit: qui omnia humanæ salutis sacramenta tanq̄ iuratus expleuit: & quasi filiam, ita carnem

carne[m] propriã pro salu te Israëlis domino obtulit
iurasse enim patri, ac uouisse unigenitum legimus
in psalmo dicente: Sicut iurauit domino, uotũ uo-
uit deo Iacob: scilicet ut sacramentũ religiõis in car-
nis suæ passione pro salute generis humani exple-
ret. Hæc ergo secundũ historiã gestorũ ita per Chri-
stum acta sunt, ut uideantur pro religione qua iu-
rauerat esse completa. Post mortẽ Iepte traditur Is-
raël in manus allophylorum: nasciturq; Samson
qui liberat Israel.

De Samson & actibus eius. Cap. VIII.

SAmson autem quondã domini Nazaræus, ha-
bet quiddã in typũ Christi gestũ: primũ quod
ab angelo natiuitas eius annũtiatur: deinceps
quoniam Nazaræus dicitur, & ipse liberat Israël de
hostibus: postremo q; templũ idolorũ subuertit: &
perierunt multa milia hominũ qui illũ illuserant.
Natiuitas ista Samson quæ per angelũ annũtiatur,
similitudinẽ habet primũ prophetarũ, qui natiuita-
tem domini secundũ carnẽ annuntiauerunt: dein-
ceps etiã angeli qui ad MARIAM loquitur dicens:
MARIA inuenisti gratiã ante conspectũ domini, &
accepisti in utero & paries filium, & uocabitur no-
men eius Emmanuel: Hic enim saluũ faciet populũ
suũ à peccatis eorũ. Samson autẽ interpretatur sol.
Sed quia & redemptor noster sol appellatur, audi
ipsum dominũ IESVM per prophetam eo nomine
uocitari: Orietur uobis sol iustitiæ, & sanitas in pen-
nis eius. Vere enim hic sol iustitiæ est, qui omnium
credentiũ mentes coelesti lumine clarificat. Hic ue-
re Nazaræus & sanctus dñi: cuius in similitudinem
ille Nazaræus est nuncupatus. Iste ergo cum ten-
deret

ISIDORI ENARRATIO.

deret ad mysteriū nuptiarū, leo rugiens occurrerat ei. Sed quis primum erat in Sāson obuūm leonem necās, cū petēdæ uxoris causa ad alienigenas rēderet, nisi Christus, qui ecclesiā uocaturus ex gētibus dicit: Gaudete quia ego uici mundū? Quid sibi uult ex ore eius leonis occisi fauus extractus, nisi quia ut cōspicimus leges ipsas regni terreni quæ aduersus Christū ante fremuerāt, nūc iā perēpta feritate, dulcedini euāgelicæ prædicationis monimēta præbēt? Itē quid in semetipso expressit, q̄ paucos quidē dū uiueret interemit, destructo autē tēplo hostes innumeros cū moreret occidit? Quia nimirum dñs ab elatiōe infidelitatis paucos cū uiueret, plures uero cū templū sui corporis soluereť extinxit, atq̄ elatos ex gentibus quos uiuendo sustinuit, simul omnes moriēdo prostrauit. Iam uero reliqua eius, q̄ ei mulier subdola caput raserit, & allophylis illudendum tradiderit, q̄ captiuatus est, q̄ cæcatus est, q̄ ad molam deputatus est: in his enim non Christus, sed illi figurātur, qui solo tantū in ecclesia Christi nomine gloriantur, & malis actibus iugiter implicant. Vir enim in nobis sensus rationabilis intelligitur: caro autē quasi in typo mulieris accipit. Si enim mulieri id est carni nostræ, blandiente libidine uel reliquis malis operibus consenserimus, gratia spiritus quæ Nazarej crine significatur nudari, expoliamur atq̄ decipimur. Ita enim superbis & peccatoribus uiolata Christi gratia, sicut Samson, incisa coma diabolus illudit. Sed qd est q̄ Sāson ille ab allophylis captus, postq̄ oculos perdidit, ad molā deputatus est? Quia nimis maligni spiritus, postq̄ tentationū stimulis acie cōtēplationis effodiūt, foris hominem in circumitum

cumitū molarū mittunt. Q. si aliquñ idē homo agen-
do poenitentiā redeat, illi uelut coma reduciē: id est
gratiareflorescente reparatur ad uirtutē: deinde cu-
piditatis ac luxurię subuerfis columnis, uictores ho-
stes deſcit, & reparato certamine, in finē fortissime
de dæmonibus triumphabit.

De Ruth Moabitide.

Cap. IX.

VIdeamus nunc & Ruth: Habet enim ista ty-
pū ecclesię: primū q̄ alienigena est ex popu-
lo gentili: quæ relicta patria & omnibus q̄
illius erāt, uadit in terrā Israēl, & cū prohiberet illā
socrus sua pergere secū, perseverabat dicēs: Quo-
cūq; prexeris pergā: Populus tuus, populus meus:
& deus tuus, deus meus: quę te morientē terra susce-
perit, in ea moriar.) Quæ uox sine dubio typū in il-
la fuisse ecclesię manifestat. Sicut em̄ ecclesia ex gē-
tibus ad dñm cōuocata, relicta patria sua quæ est
idololatria, & omiſſa uniuersa cōuersatiōe terrena,
profiteſt dominū suū esse in quē sancti crediderunt:
& illuc se iturū, ubi caro Christi post passionē ascen-
dit, & ob eius nomē in hoc seculo pati usq; ad mor-
tē: & cū sanctorū populo, patriarchis scilicet ac pro-
phetis cōsociandū. De quorū societate, q̄ sanctis de
ſtirpe Abrahę eminētibus consociaret, Moyses in
cātico ostēdit dicēs: Letamini gētes cū populo eius:
.i. hi q̄ ex gētib⁹ estis credituri, cū illis q̄ primi electi
sunt æterna lætitia exultate. Ingressa autē Ruth cū
socru sua in terrā Israēl, ob merita obsequiorū suorū
prouidet, ut homini coniungeret ex Abrahę stirpe
ueniēti: & primū quidē hūc quē ipsa propinquū ma-
gis esse credebat, qui negat se posse illi nubere: & re-
cedente illo, per testimonium decem maiorum;

Booz

ISIDORI ENARRATIO,

Booz illi coniungitur, & ab ipsis senioribus benedic-
 citur. Sed quod prius ille cognatus profitetur se cum ea-
 dem nubere non posse, hoc loco Iohannis Baptiste
 figuram ostendi aestimamus: qui cum ipse à populo
 Israel Christus putaretur, & interrogaretur quis es-
 set, non negavit sed confessus est, dicens Christum
 se non esse: & perseverantibus his qui missi erant,
 & inquirentibus quis esset, respondit: Ego sum vox
 clamantis in deserto. Nouissime confitetur de domino
 ipse dicens: Qui habet sponsam sponsus est. Se autem
 amicū sponsi manifestat cum dicit: Amicus autem
 sponsi qui stat & audit eum, lætatur propter vo-
 cem sponsi. Hunc ergo aestimabant: quia **CHRIS-
 TVM** in die uisitationis suæ uenisse non intelli-
 gebant esse ecclesie sponsum, qui propheticis esset
 uocibus ante promissus. Sed sicut ille propinquus
 negavit, & postea Ruth coniungitur Booz, ita &
CHRISTVS qui uere sponsus ecclesie est, quem
 omnium prophetarum oracula cecinerant, dignatus
 est ecclesiam assumere ex omnibus gentibus, per to-
 tum orbem terrarum deo patri innumeros populos of-
 ferre. Quod uero excalceat se cognatus ille, ueterum con-
 suetudo erat, ut si sponsa sponsum repudiare uellet,
 discalcearetur ille: & hoc esset signum repudij. Proin-
 de excalceari iubetur, ne ad ecclesiam quasi sponsus,
 calceatus accederet. Hæc enim Christo seruabatur:
 qui uerus sponsus erat. Decem autem maiorum natu be-
 nedictio, hoc ostendit, in nomine **IESV** omnes esse
 gentes saluandas ac benedicendas. I enim apud Græ-
 cos significat decem: quæ prima litera nomen do-
 mini **IESV** summa præscribit. Quæ res ut diximus,
 omnes gentes saluandas per ipsum ac benedicendas
 esse

IN LIBRVM REGVM I.

esse demonstrat. Ne dubitet ergo quisq̃ hæc ut dicta sunt credere: & cum uideat uniuersa & ab initio figuris antecedētibz præcucurrisse, & per aduentū domini manifestata & adimpleta sic esse: & quæ su persunt hoc modo perficienda in ueritate, consonā tibz omnibz & uocibz & figuris sanctarū scripturarum: quæ adimpleuit is qui pollicitus est per filium suū dominum IESVM CHRISTVM regem & saluatorem nostrū: cum quo est illi honor & gloria in secula seculorum, Amen.

Enarrationis Isidori in librū Iudiciū, finis.

CAPITVLORVM PRIMI LIBRI REGVM, ELENCHVS.

D E Natiuitate Samuelis.	I
De propheta ad Heli destinato.	II
De arcæ captiuitate.	III
De sacrificio Samuelis, & lapide adiutorij.	IIII
De unctione Saul regis.	V
De ieiunio indicto à Saule.	VI
De Agag rege seruato.	VII
De arreptione Saul ab spiritu nequam.	VIII
De Dauid & unctione eius.	IX
De certamine Dauid & Goliæ.	X
Vbi Saul Dauid pro centum præputijs Philistinorū, filiæ promittit concubitus.	XI
Vbi canēs Dauid, spiritum repellebat immundum Saul.	XII
Vbi misit Saul ad domū Dauid custodes ut interficeretur.	XIII
Vbi missi ad Dauid capiendum, prophetare cœperunt.	XIIII

ISIDORI ENARRATIO,

Vbi Dauid ad Abimelech sacerdotem uenit,	XV
Vbi Dauid ad regem Achis fugit.	XVI
Vbi in spelūca Dauid Saulis chlamydem præcidit.	
Vbi Dauid dormientis Saul hastā tulit.	XVII(XVII)
Vbi Amalechitæ à Dauid superantur.	XIX
Vbi pythonissam cōsultuit Saul.	XX
Vbi occiditur Saul.	XXI

ISIDORI HISPALENSIS EPISCOPI in librū Regum I. præfatio.

POST LIBROS IUDICVM sequitur Regum: & aspice tempora. Primū Iudicium & postea Regum: sicut erit primo iudicium & postea regnum. In quibus quippe temporibus, multis & uarijs modis sacramenta Christi & ecclesiæ reuelantur: Nā ab ipso exordio regum, sacerdotium commutatum in Samuele reprobato Heli, & cōmutatū regnum in Dauid reprobato Saule, exclamat pronūtiari nouum sacerdotium: nouumq; regnum reprobato ueteri, qđ umbra erat futurorū. in domino IESU CHRISTO. Nonne ipse Dauid cū panes propositionis māducauit, quos non licebat māducare nisi solis sacerdotibus, in una psona utrunq; futurū, id est in uno Iesu Christo, regnum & sacerdotium figurabat?

ISIDORI HISPALENSIS EPISCOPI in I. librū Regum, Euarratio.

De natiuitate Samuelis. Cap. I.

ITaq; ipsa Samuelis sacerdotis successio, nouū ut prædictum est, & sempiternum sacerdotiū præfigurabat, qui est Christus Iesus, Heli sacerdotio

dotio reprobato: id est Iudaico sacerdotio abiecto. Mater quoque ista Samuelis Anna quæ prius fuit sterilis & posteriori fecunditate lætata est, cuius etiã nomē, id est Anna, gratia eius interpretat ipsam religionem Christianam, ipsam postremo dei gratiã significat, qua nobis Christus oritur: ipsam quoque ecclesiam quæ olim sterilis, nũc fecunda in dei laude letatur: quæ nihil aliud in cantico suo prophetare uidet, nisi mutationem ueteris testamēti uel sacerdotij, in nouũ testamentũ uel sacerdotiũ qui ē Christus: nisi forte quis dicat nihil Annã prophetasse, sed tantũm deũ propter filiũ impetratũ exultati predicatione laudasse. Quid ergo sibi uult qd ait?

Arc⁹ fortiũ fecit infirmũ, & infirmi p̄cincti sunt uirtute. Pleni panibus minorati sunt, & esurientes transierunt terram: quia sterilis peperit septem: & fœtosa in filijs infirmata est.) Nũquid septem ipsa pepererat, quauis & sterilis fuerit? Vnicum habebat, quando ista dicebat. Sed nec postea septem peperit siue sex: ex quibus septimus esset Samuel, sed tres mares & duas fœminas. Dein in illo populo cũ nemo adhuc regnaret, quod in extremo posuit, Dabit uirtutẽ regibus nostris, & exaltabit cornu Christi sui, unde dicebat: si nō prophetabat? Dicit ergo hæc ecclesia Christi, ciuitas regis magni, gratia plena, prole fecunda: dicit quod tanto ante de se prophetatum, per os huius piæ matris agnoscit: Cōfirmatum est cor meum in domino: et exaltatũ est cornu meũ in deo salutaris meo. Etc.) Interea Samuel erat ministrans in templo dei, accinctus Ephod. Porro filii Heli diuina sacrificia temerãtes peccabãt corã dño et deridebant p̄ eos multi sacrificiũ dei.

ISIDORI ENARRATIO,

Vnde & Heli sacerdos pro eorū iniquitate damnatus est, q̄ eos peccantes minus seuera animaduersione flectebat. Miserū me & quidē coërcuit, & quidem corripuit: sed lenitate & mansuetudine patris, non seueritate & auctoritate pontificis. Qua sententia discant sacerdotes, quomodo ipsi propter peccata filiorū, id est propter scelera populi puniant. Quibus etiam quī sancti sint, culpa tamē subditorum rei, si non coërcēant, reputantur.

De propheta ad Heli destinato.

Ca. II.

Venit autē quidā propheta dei ad Heli sacerdotem & dixit ei: Hæc dicit dominus: Nunc quid nō aperte reuelatus sum domui patris tui cum esset in Aegypto in domo Pharaōis, & elegi eū ex omnibus tribubus Israël mihi in sacerdotē, ut ascenderet ad altare meū, & adoleret mihi incensum, & portaret ephot corā me, & dedi domui patris tui omnia de sacrificiis filiorū Israël? Quare ergo calce abiecisti uictimā meā, & munera mea q̄ præcepi ut offerrent in tēplo, & magis honorasti filios tuos q̄ me, ut comederetis primitias omnis sacrificiī Israël populi mei? Propterea ait dominus deus Israël: Loquens locutus sum, ut domus tua & domus patris tui ministraret in cōspectu meo in sempiternum: Nunc autē dicit dominus: Absit hoc à me: sed quicumq; glorificauerit me, glorificabo eū. Qui autē contēnunt me, erunt ignobiles. Ecce dies ueniūt, & præcidā brachiū tuū, & brachiū domus patris tui, ut nō sis senex in domo tua, & uidebis Christū æmulum tuū in tēplo, in uniuersis prosperis Israël.) Quæ prophetia de mutatione sacerdotis nō est in Samuele completa, sed in Christo Iesu extitit adumbrata.

Nam

IN LIB. REGVM I.

Nam post Samuelē prophetā sacerdotes fuerūt de genere Aaron, sicut Sadoch & Abiathar regnante David; & alij deinceps, anteq̃ tempus ueniret quo ista de sacerdotio mutando, propter Christū effici oportebat. Nam cū diceret: Loquens locutus sum, ut domus tua, & domus patris tui ministraret in cōspectu meo usq; in sempiternū, nunc autē dicit dñs, Absit hoc à me: sed quicumq; glorificauerit me glorificabo eum: qui autē contemnunt me erunt ignobiles, ecce isti sunt dies qui pregnatiati sunt, iā enim uenerunt. Nullus enim sacerdos est secundū ordinē Aarō. Nam & illud quod ibi sequitur, Suscitabo mihi sacerdotē fidelē, de Christi Iesu noui testamenti sacerdote dicit. Q. uero adiungitur, Et erit qui remāserit in domo tua, ueniat & oret pro eo, nō proprie de domo dicit huius Heli, sed illius Aaron de q̃ usq; ad aduentū Christi homines remanserunt. De quo genere etiā hucusq; non desunt qui ueniant & conuertantur. De quibus ali⁹ propheta dixit: Reliquiæ saluæ fient. Vnde & Apostolus: Sic ergo inquit & in hoc tēpore, reliquiæ secundū electionē gratiæ saluæ fiunt. De talibus enim residuis bene intelligitur esse quod dictū est: Qui remanserit in domo, ueniat & oretur pro eo: profecto qui credit in Christo, sicut temporibus apostolorū ex ipsa gente plurimi uenerunt & crediderunt. Neq; nunc desunt qui licet rarissime, tamen credant: ut impleatur in his quod hic hō dei locutus est. Q. uero continuo secutus adiūxit, Et offerat nummum argenteum & tortam panis.) quid per nummum argenteū nisi oris confessio designatur, quæ fit credentibus ad salutem? Argentum enim pro eloquio poni solet, psalmista

ISIDORI ENARRATIO;

testāte ubi canitur: Eloquīa domini eloquia casta,
 argentum igne examinatū. Quid ergo dicit iste q
 uenit, Dimitte me obsecro ad unam partē sacer
 dotalem, ut comedam buccellam panis?) sacerdo
 talem partem corpus Christi id ē ecclesiā, dicit: cu
 ius plebis ille sacerdos est mediator dei & hominū
 homo Christus Iesus: cui plebi dicit apostolus Pe
 trus: Plebs sancta: regale sacerdotium. In hac parte
 sacerdotali postulat comedere buccellā panis: cui⁹
 uerbum ipsum sacrificium Christianorum elegan
 ter expressit, de quo dicit sacerdos: Ipse panis quem
 ego dabo caro mea ē, pro mūdi uita. Ipsum ē qppe
 sacrificiū, nō secundū ordinē Aaron, sed secundum
 ordinem Melchisedech.

DE arcæ captiuitate. Ca. II.

Igitur postq̃ hæc in figura mutationis ueteris
 testamenti à propheta illo pronuntiata sunt ad
 Heli offenso domino, instruxerunt aciem Philī
 stæi contra Israël. Tollunt autē Israëlītæ arcā ad tuiti
 onem suam: captāq; est ab hostibus arca. Ipsi quoq;
 non solum uicti sunt & in fugam uersi, imō etiā ma
 gna strages facta est occisorū: Nonnihil tamē futu
 rorum significat res gesta hæc. Prophetice em̃ arca
 illa ab alienigenis capta, indicabat testamentū dei
 transiturum ad gentes: quando enim nūtiatum est
 Heli sacerdoti, captam fuisse arcam domini, cecidit
 de sella & mortuus est. Transeunte arca domini ad
 gentes, perijt atq; interijt sacerdotiū Iudæorū. Duo
 q; filij Heli corruerunt, quorū unius uxor uiduata,
 & mox in partu mortua est, propter eandem per
 turbationem. Quo euidenti signo præfiguratū est,
 post extinctum sacerdotium Iudeorum, carnalem
 intē:

interiſſe ſynagogā illi carnaliter inherentem. Proſtratoꝝ; Heli de ſella, pontifices Iudæorꝝ ſedem habere uacuaꝝ; & gloriā ſacerdotiꝝ regniꝝ extinctam. Sed qd eſt quòd dum poſuiſſent Philiſtīm arcam domini in templo Dagotis dei ſui, intrauerunt templum & inuenerūt deum ſuum proſtratum, atque conſractum caput eius: duasꝝ; manus eius abſciſas? Statim enim ut teſtamētum dei peruenit ingētibꝝ, conſeſtim idola quæ deceptum poſſidebant orbem, deſtructa ſunt: omniſꝝ; error ſimulachrorū corruit, præſentiam dei ferre non ſuſtinens: Nam in manibus Dagō ꝑciſis, opus idololatriæ amputat: & in caput eius, ſuperbia diaboli ſignificabatur: à quo initiū peccati fuit. Quòd uero in limine, ut certum ſcilicet præſinitumꝝ; ſui idololatria finē agnoſceret: Limen enim finem itineris ſignificat. Etiam illud ad magnam pertinet ſignificationem, ipſa ruina Dagon dei ſui atque fractura, quòd dorſum illius ſolum inuenerunt, fractis eius omnibus membris: Dorſum enim fugam ſignificat. Quicunꝝ; em̃ fugiunt, perſequentibus dorſum dant: Vnde & ſcriptum ē de hoſtibus: Quoniam pones eos dorſum. Vbi ſunt enim idola? Perierunt: & ſi aliqua remanētia ab aliquibus abſconduntur, fugerunt. Quòd autem percuffi ſunt in poſteriora hi qui arcam dei captiuauerunt, hac pœna ſignum uidetur, quia ſi qui ſuſceperint teſtamentum dei & poſteriora uitæ dilexerint, ex ipſis iuſtiſſime cruciabuntur: quæ ſicut Apoſtous ait, exiſtimari debēt ſicuti ſtercora. Qui enim ſic aſſumunt diuinum teſtamētum, ut in poſteriora reſpicientes ueteri ſe uanitati non exuāt, ſi miles ſunt hoſtibꝝ illis, q arcā teſtamēti captiuam,

ISIDORI ENARRATIO,

iuxta idola sua posuerunt. Et illa quidem uetera etiam nolentibus cadunt : quia omnis caro fœnum, & claritas hominis ut flos fœni. Aruit fœnum & flos decedit: arca autem domini manet in æternum : secretum scilicet testamētum, regnum coelorum: ubi est æternū dei uerbū. Vaccæ autē illæ allophylorū arcam dei gestantes, fugā sanctoꝝ renuntiantium seculo designauerunt : qui nullū delicti iugū traxerunt. Nam sicut ille pignorū affectibus à recto itinere minime digressæ sunt, ita sancti mundo renuntiantes, parentelæ obtentu non debent à bono præpediri proposito, sicut & Moyses ait: Qui dicunt patri suo & matri, nescio uos : & fratrib⁹, ignoro illos: & nescierunt filios suos. Hi custodierūt testamentū dei: hi præcepta eius seruauerūt: Iudicia tua Iacob, & legem tuam Israël. Ille enim scire se deum familiarius appetit, qui præ amore pietatis eius, nescire desiderat quodcunq; carnaliter sciuit.

De sacrificio Samuelis & lapide adiutorij. Cap. III.

SAmuel autem post mortē Heli regebat Israël. Congregato autē omni populo exclamauit ad dominū pro Israël : & exaudiuit eum cum offerret holocaustum. Accedentibus itaq; alienigenis ad pugnā contra populū dei, in tonuit dominus super eos & confusi sunt : & offenderunt corā Israël usq; quo superati sunt. Tunc assumpsit Samuel lapidem unum, & posuit eum inter Masphat & inter Sicelech, quod Septuaginta trāstulerūt Masphat nouam & ueterem: & uocauit nomen euis, lapis adiutorij, & dixit : Usque ad hunc locum auxiliatus est nobis deus. Masphat interpretatur intentio. La-

pis ille adiutorij, medietas est saluatoris, p quā trās-
eundum est à Masphat uetere ad nouam. i. ab inten-
tione quę expectatur in carnali regno, quo erat
beatitudo falsa carnalis, ad intentionē quę per no-
uum testamētum expectatur in regno cœlorum,
ubi est beatitudo uerissima spūalis. Qua qm̄ nihil ē
melius, hucusq; auxiliatus est deus. Ist e Samuel in-
uocauit nomen dñi, & exaudiuit eū deus, & in tpe
messis pluuiam impetrauit. Pluuia enim in sanctis
scripturis sunt euangelij uerba, sicut & Moyses di-
cit: Expectetur sicut pluuia eloquiū meū, & descen-
dāt sicut ros uerba mea. Hanc igitur pluuiam dedit
mō Christus in tpe messis. i. qm̄ gentes colligi opor-
tebat: ut sicut frumentū in horreis, sic intra ecclesie
finū gentes cōgregarētur. Iudicabat aut̄ Israel omi-
bus diebus uitæ suæ: fuerūt q; usq; ad eū iudices &
principes super Israel. Porro filij Samuel declinaue-
runt post auaritiam, & accipiebant munera, & tā
iniqui iudices extiterūt, ut populus nequaquā eos fe-
rens, regem sibi in similitudinem cæterarum genti-
um postularent.

De unctiōe Saul regis. Ca. V.

Quibus dedit deus Saul regem: ungitur q; iu-
bēte domino prior à propheta in regnū, qui
& ipse quidē in id quod unctus ē, imagi-
nē Christi portauit. Vnde & beatus Dauid, qui &
ipse christus nuncupatus uis, ait ad eū qui se finxe-
rat Saul occidisse: Quomodo non timuisti mittere
manū tuā in Christū domini? Hinc est q; ab hume-
ro sursum Saul supereminebat omnibus, q; caput
nostrum sursum est super nos, quod est Christus.
In id aut̄ quod reprobatus postea & reiectus est,

ISIDORI ENARRATIO,

ſuccedente in regno Dauid, populi ut prædictum eſt Iſraël perſonam geſtauit: qui regnum quod adeptus fuerat, amiſſurus erat à Chriſto domino noſtro per nouū teſtamentum non carnaliter ſed ſpiri-
tualiter regnatura.

De ieunio indicto à Saule. Cap. VI.

Iſte Saul dū pergeret dimicaturus aduerſus Philistiim, indixit cuncto exercitui ieuniū, quouſq̃ reuerteretur à prælio. Sed Ionathas filius eius uidens ſuper faciē agri mel, extendit ſummitatē uirgæ & intinxit in fauū mellis & guſtauit: & illuminati ſunt oculi ei⁹. Nō utiq̃ ad uidendū illuminati, quia antea uidebat: ſed ad diſcernēdum quia uetita tetigerat: tunc enim caſus ille ſicut & Adā, fecit illū attentū, reddiditq̃ cōfuſum: quo facto admonetur ut omnes illecebras uoluptatum in ſeculo debeant contere hi, qui deo nituntur militare: Non enim poteſt contra allophylos ſpirituales, id eſt aduerſus principem tenebræ uiribus animisq̃ concurrere, qui adhuc huius mundi negligit dulcedinem declinare. Melle enim diſtillant labia mulieris meretricis, quod eſt uoluptatis delectatio carnalis: de q̃ putat iuxta myſticos intellectus guſtaſſe Ionathā: & ſorte deprehēſum, uix ꝑcibus populi liberatū.

De Agag rege ſeruato. Cap. VII.

Inſit iterū Saul præliū aduerſus Amalech: interfectisq̃ cunctis hoſtibus, pepercit Agag regi: nec uoluit diſperdere omnia ſecundū præcepta dñi. Irasciturq̃ ei dominus. Veniēs autē Samuel ſumpſit gladiū, & in fruſta cōcidit Agag. Quādo legūt qdā in ſcripturis, q̃ ſancti nulli hoſtiū parcūt, efficiūtur crudeles & humanū ſanguinē ſitiētes: dicūt: & iuſti
ita

IN LIB. REGVM I.

ita percusserunt hostes, ut nō derelinquereēt ex his q̄
saluus fieret: et nō intelligunt in his uerbis obūbra-
ri mysteria: et hoc nobis magis indicari, ut pugnan-
tes aduersus uitia, nullū penit⁹ ex his relinquere de-
beam⁹, sed oīa interimere: Nā si peccerimus, repu-
tat⁹ nobis in culpa: sicut reputatū est Saul q̄ uiuere
seruauerat regē Amalech. Quomō em̄ q̄sq; iustus
manebit, si adhuc aliqd p̄cti in semetipso seruauit si-
cut Saul? At uero sancti in figura Samuelis ita s̄cui-
unt sup hostes suos. i. sup uitia p̄ctōrum, ut non per-
mittant relinqui aliquod peccatū impunitum.

De arreptione Saul ab spū nequā. Ca. VIII.

Igit recedente à Saul dño propter inobedientiā,
arreptus est maligno spū à dño: irrueratq; spūs
dñi malus in eū. Si domini, cur malus? Si malus,
cur domini? Sed duobus uerbis cōprehensa est hec
snia: & in deo ptās iusta, & in diabolo uoluntas iniu-
sta. Nā idē spūs malus, p̄ neq̄ssimā uoluntatē: & idē
spūs dñi, p̄ acceptā iustissimā ptātem. Inde ergo spi-
ritus dñi appellatus ē diabolus propter ministeriū:
q̄a oībus etiā spiritib⁹ malis bñ utit⁹ deus: uel ad da-
mnationē q̄rundā, uel ad emūdationē, uel ad repro-
bationē. Et quis malignitas à deo nō sit, ptās tamē
nisi à deo nō ē. Sic & alibi dictū ē etiā: Sopor dñi oc-
cupauerat milites eiusdē Saul, cū David hastam &
scyphū abstulisset à capite dormiētis. Nō q̄a sopor
tūc dñi fuit ut ipse dormiret, sed q̄a ille sopor q̄ tūc
hoīes apprehēderat, nutu dei erat ifusus, ne David
serui ei⁹ in eo loco presentia sentireēt. Dicit⁹ ergo spūs
dei malus: hoc est minister dei ad faciēdū in Saul, q̄
eū pati iudex oīpotētissim⁹ iudicabat. Qm̄ spūs ille
uolūtate qua mal⁹ erat, nō erat dei: creatura uero



ISIDORI ENARRATIO,

qua conditus erat, & potestate quā non sua, sed domini omnium æquitate acceperat, dei erat.

De Dauid & unctione eius. Ca. IX.

ITaq; Saule propter inobedientiam reprobato, mittit dñs Samuelem ad Isai, & sumpto cornu olei, unxit in regem Dauid. Sed uideamus unde Dauid prophetice Christum signauerit. Dauid em̃ interpretatur manu fortis, siue desiderabilis. Et qd fortius leone illo de tribu Iuda, qui uicit mundū? & quid desiderabilius illo de quo dicit: Veniet desideratus cunctis gētibus? Vngitur iste Dauid in regē, futurū denuntians per unctionē illam Christum. Christus à chrismate appellat̃. Dauid ab officio pastoralis pecor̃, ad omnium Iudæor̃ regnum transfertur. Noster aut̃ Dauid ipse Iesus ab ouibus Iudæicę plebis ablat̃, in regnū gentium translatus est. In Iudæa enim non est mō Christus: ablat̃ ē inde: nunc uero gentium greges pascit. Erat aut̃ Dauid in canticis musicis eruditus: diuersorum enim sonorum rationabilis moderatusq; concētus, cōcordi uarietate compactus, ordinatę ecclesię insinuat unitatē, quę uarijs modis quotidie resonat, & suauitate mystica modulatur. Iste adhuc puer in cithara suauiter, imō fortiter canens, malignū spiritū, q̃ operabatur in Saule, cōpescuit. Non q̃ citharę illi tanta uirtus erat, sed figura crucis Christi, quę de ligno & extēsiōe neruor̃ mystice gerebat: ipsa q̃q; passio quę cantabatur, iā tunc spūm dæmonis operimebat. Leonem quoq; & ursum Dauid idē necauit. Ursū uidelicet diabolu: leonē, Antichristū: alterū nunc hominibus latenter insidiantem: alterū postmodū manifestissime sæuientem.

IN LIB. REGVM I.

De certamine Dauid & Goliæ. Ca. X.

Iste Dauid gigantem in prælio superauit, cū aduersum populum dei alienigenæ dimicarent. Prouocauit superbia humilitatem. Prouocauit diabolus Christū. Accepit arma bellica sanctus Dauid, ut aduersus Goliath procedat. Nec arma pæta tem, & paruam staturam corporis portare ualuit, abiecit onerantia, & accepit quinque lapides de flumine, & posuit in uase pastorali. His armatus, processit & uicit. Hoc quidem ille Dauid, sed mysteria perscrutemur. In Dauid Christus intelligitur, qui tempus reuelationis noui testamenti insinuandæ & cōmendandæ gratiæ præuidens, arma posuit, quinque lapides tulit. Deposuit ergo sacramēta legis, quæ non sunt imposita gentibus: deposuit quæ non obseruamus, quia in ueteri lege & legimus & non obseruamus. Sed tamen aliquam significationē præmissam & depositā intelligimus. Denique arma hæc deposuit tanquā onera sacramētorū ueteris legis, & si ipsam legē accepit. Quinque enim lapides, quinque libros Moyse significant. Tulit ergo illos quinque lapides de flumine. i. de seculo. Labitur enim mortale seculū, & præterfluit quicquid uenit in mundo. Erant enim in flumine tanquā in populo illo primo: lapides erant illic inutiles & uacabāt, nihil proderant. Trāsierūt supra fluuios. Sed quid fecit Dauid, ut lex ipsa utilis esset? Accepit gratiā, qua legē implere posset. Lex enim sine gratia impleri non potest. Plenitudo ergo legis charitas, quia gratia facit impleri legē. Significatur autē gratia lacte. Hoc enim est in carne gratuita, ubi mater non querit accipere, sed satagit dare. Hoc mater gratis dat, & contristatur si deest q
acci.

ISIDORI ENARRATIO,

accipiat. Quomodo ergo ostendit Dauid legem sine gratia operari non posse, nisi cum illos lapides quinque quibus significabat lex in libris quinque coniungere uolens gratiæ, posuit in uase pastoralis quo lac mulgere consueuerat? His armatus processit aduersus Goliath superbum: iactantem de se & præsumentem. Tulit unum lapidem ac iecit: diabolum in fronte percussit: & cecidit ex eo loco corporis, ubi signum Christi non habuit. Hoc quoque licet attendas: quinque lapides posuit: unum misit: quinque libri lecti sunt, sed unitas uicit. Plenitudo enim legis charitas, ut ait Apostolus: Sufferentes inuicem in dilectione: studentes seruare unitatem spiritus in uinculo pacis. Deinde illo percusso atque deiecto, gladium eius abstulit, & inde caput eius abscidit. Et hoc fecit nosse Dauid: deiecit diabolum de suis, quando credebant magni eius quos ille in manu habebat, & de quibus cæteras animas trucidabat, conuertunt linguas suas contra diabolum, & sic Goliath de gladio suo caput inciditur.

Vbi Saul Dauid pro centum præputiis Philistinorum, filiæ promittit concubitum. Cap. XI.

INterea uictoria Dauid animam Saul regis offendit: indignantis quod sibi in mille, & Dauid in decem milia conclamantium publice gratulationis orationem intonarent. Hinc inuidia Saul & semen odiorum aduersum Dauid: quem dissimulator callidus ut sine infidijs suis possit offerre discrimini, statuit eum Michol filiæ suæ nuptijs alligari, si ceterum sibi allophy lorum præputia uictor offerret: pro quibus centum ducenta dedit ille. Et unde creditus est regio perire uoto, inde auctus est glorificari trophæo. Ita & Iu-
dæi

IN LIB. REGVM I.

dæi dum contra uoluntatem dei, Christum interficere nituntur, per id salutem gentium egerunt, per quod crediderūt extinguere. Quòd uero Dauid alienigenarum præputia attulit, & sic denuo filiæ Saul nuptiis hæsit, significabat, q̃ Christus nō prius synagogam connubio suo sponderet, nisi antea gloriosus in gentibus fieret. Prius enim in nationibus resecauit carnis pollutionem, & postea copulatus est synagogæ. Postq̃ enim sicut scriptum est, introiret plenitudo gentiū, tunc omnis Israël saluus fiet. Dupla autē, id est ducēta præputia attulit: siue pro ludæis & gētibus adq̃sitis: siue quia maior est numerus adq̃sitiōis populi gentiū, q̃ credentiū Iudeorū.

Vbi canens Dauid, spiritum repellebat immundum Saul. Cap. XII.

DVxit deinde odium Saul aduersus Dauid instantū, ut rex ob medelam sui spiritus, Dauid de more psallente, eum iaculo conaretur configere. Sed quid est q̃ dum Saulē spiritus aduersus inuaderet, apprehensa Dauid cithara, eius uesaniā mitigabat? Per Saulē enim Iudæorū elatio: per Dauid autē humilitas CHRISTI significabatur. Cum ergo Saul spiritu immūdo arripitur, Dauid canēte, eius uesaniā tēperatur: quia cū sensus Iudæorū per blasphemiam in furorē uertitur, dignū est ut ad salutē eorum mentes, quasi ad dulcedinem citharæ, euangelicæ locutionis tranquillitate reuocentur.

Vbi misit Saul ad domū Dauid custodes ut interficeretur. Cap. XIII.

Saul custodes misit ad Dauid ut custodirēt eū et interficerēt. Abscessit autē Dauid nocte & fugit, atq̃ saluat⁹ ē. Cūq̃ uenisset nūtijs Saul, iuenerūt statuat

ISIDORI ENARRATIO,

statuam in lectum David positā, & pellem pilosam caprarū ad caput eius. Audiamus ergo quid hoc significet, & miserit Saul ad custodiendam domum David, ut eum interficeret. Hoc nō ad crucē dñi, sed tūc ad passionē eius pertinet. Crucifixus ē m̄ Chrīs & mortuus & sepultus est. Erat ergo illa sepultura tanq̄ domus, ad quā custodiendā misit regnū Iudeorū, qñ custodes adhibiti sunt sepulchro Christi. Quō ergo custodita ē domus, si David figurabat Chrīm, ut Chrūs interficeret, dū nō in sepultura Chrūs, sed in cruce sit interfectus? Referē ergo hoc ad corpus Christi, quia interficere Christū, erat tollere nomē Christi. Neq̄ enim crederetur in Christum, si mēda cium p̄gnaleret custodū. Qui corrupti sunt ut dicerent, quia dormiētibus nobis uenerūt discipuli eius & abstulerūt eum. Hoc est itaq̄ uelle Christū interficere, nomen resurrectionis extinguere, ut mendacium euangelio præferretur. Sed sicut illud nō ualuit Saul ut interficeret David, sic nec hoc potuit regnū Iudeorū efficere, ut memoriam Christi deleret, isti autē qui de Saul uirtute, i. de regno Iudeorum in Christo præsumere uoluerūt, offendūt in lapidem offensionis tanquam in statuam, & hōdus eis uisus erat agnus: quia in quē peccatum non inuenerunt, quasi peccatōtem persecuti sunt.

Vbi missi ad David capiendum, propheta-
re cœperunt. Ca. XIII.

Igitur David regiæ manus ictum euitans, eius persecutiones declinans fugit, uenitq̄ ad Samuelem. Et misit Saul nuntios, qui apprehenderēt David. Samuel autem erat inter prophetas, & ceterū prophetarū qui in illo tpe pphetabant. Nuntij autē qui

qui missi sunt, accepto eiusdem spū pphetazuerūt. Missisq; alijs hoc contigit: & tertijs nihilominus. Postea uero cum & ipse Saul uenisset, factus est super eum spiritus domini: & ambulabat ingrediens & prophetabat. Queritur aut̃ quomodo & illi, cum missi essent ad tenendum hominē & ad necem ducendum, tales spiritu effici meruerūt. Et Saul ipse q̃ miserat ueniens, & ipse sanguinem innocētē quę rēs effūdere, accipere meruit spiritū illū et prophettare. Quantū em̃ ad literam pertinet, nō est mirū hominem reprobū ad immēotum transitorie prophetasse: dum etiam multi similes prophetiæ donū leguntur habuisse: sicut ille Balaam reprobus, quem non tacet scriptura iudicio diuino esse damnatum: sed tamen prophetiam habebat. Nec illa uerba parū attestantur huic sententiæ quæ in Euangelio scripta sunt: multos dicturos in illa die: Domine doce, nonne in nomine tuo prophetauimus, & in nomine tuo uirtutes fecimus? Quibus tamen dicturus ē: Non noui uos: discedite à me oparī iniquitatis. Mystice autē exemplum huius Saul nuntiorumq; eius in hac sentētia, figurat nōnullos hæreticos, qui aliquid boni de muneribus sancti spiritus habēt, sicut testamenta legis & euangelij, sicut baptisimi sacramentum, qui cū ad ecclesiā catholicam ueniūt, nō est in eis ullo modo uiolandum, aut quasi nō habeant tradendū: sed tamen eos non ideo debere salutem confiteri, quia nō improbamus qđ illos accepisse credimus, sed oportet eos cognoscere unitatē & societatē in uinculo charitatis: sine qua omnino quicquid habere poterint, quis sit sanctū atq; uenerandum, ipsi tamen nihil sunt: tanto indigniores ef-

fecti

ISIDORI ENARRATIO,

fecti premio uitæ æternæ, quāto illis donis nō bene
 ufi sunt quæ in hac uita quæ trāsitória est, accepe-
 runt. Item exemplū atq; imago huius Saul nuntio-
 rumq; eius in hoc loco, Iudæorū non incongrue ge-
 runt personam: qui dū aduersari cupiūt Christo, ha-
 bēt in ore sacramēta legis & prophetarū: ad testimo-
 niū Christi, & cū ecclesia quasi cū prophetis de scri-
 pturis disputāt: sicut illi cū prophetis uaticinabānt.

Vbi Dauid ad Abimelech sacerdotem
 uenit. Cap. XV.

Surrexit itaq; Dauid iterū, & fugit in die illa à fa-
 cie Saul: uenitq; ad sacerdotē Abimelech : à q̃
 & gladiū Goliæ tulit, & panes propositiōis ac-
 cepit. Quæ res sacerdoti mortem attulit: & animad-
 uersionē religiosę intulit ciuitati. Hæc itaq; gestorū
 fides ē: sed quantū ad sacramētū prophetiæ p̃tinet,
 in domino nostro Iesu Christo impletū est. Qui po-
 situs in carne dum insectationem declinaret Iudeo-
 rū, ad apostolos transijt: cū quibus & desideratū si-
 bi cibum sumpsit: desiderio em̃ desiderauit pascha
 manducare. Ex quibus Goliæ, i. diaboli arma sustu-
 lit: fortis enim spolia ipse diripuit. Is ergo à q̃bus re-
 ceptus est Chrūs, tribulationē induxit diabolus &
 mortē. Omnes enim, ut ait Apostolus, q̃ in Christo
 uolunt pie uiuere persecutiōē patiunt: & dominus
 ait: Si me persecuti sunt, & uos p̃sequētur. In Doe-
 ch aut̃ Idumęo Iudæ proditoris persona consistit: per
 quē ista operatus est Zabulus, ut eius persecutione
 facta in Christo, postea persecutionē ecclesia pate-
 ret: & occiderent quamplurimi discipuli Christi &
 sacerdotes: & pro nomine eius persecutiones gra-
 uissimas perferrent.

Vbi

IN LIB. REGVM I.

Vbi Dauid ad regem Achis fugit.

Caput XVI.

INTEREA Dauid cum fugeret Saul, latere uoluit apud regē quēdā Geth nomine Achis. Sed cū gloria eius sibi fuisset cōmemorata, ne per liuorē idem rex ad quem confugerat, aliquid in eum machinaretur, finxit insaniam: & quasi furore correptus mutauit os suum: defluebantq; saliuę in barbam eius; collabebatq; in manibus eorū, & procedebat ad ostia portæ, & dixit Achis rex: Quid mihi huc adduxistis istū? Nunquid deerant furiosi? Et sic dimisit eū. Achis interpretat qmō est? per quod designatur ignorantia: & uerbū mirantis & nō cognoscentis quod in gēte Iudæorū impletū est. Qui dum uiderent Chrūm, non agnouerūt: coram quib⁹ mutauit os suū & abijt: Erant enim ibi præcepta legis carnalia: erat sacrificiū secundum ordinē Aaron. Postea ipse de corpore & sanguine suo instituit sacrificiū secundum ordinem Melchisedech. Mutauit ergo os suum in sacerdotio: mutauit in præceptis dans aliud testamentum euacuata carnali opatiōe: atq; inde collapsus est in manibus eorū, quando eū comprehendētes crucifixerunt: & procedebat ad ostia portæ, id est humiliabat se. Hoc est enim procedere usq; ad ostiū fidei nostræ. Ostium enim portæ, initium est fidei, Inde incipit ecclesia, & puenit usq; ad speciem: Vt cum credit ea quæ nō uidet, mereatur perfrui cum eum facie ad faciem uidere cōperit. Quod uero in illo quasi furore, saliuę decurrebāt super barbam eius, Apostolus hæc aperiens dicit: Iudæi signa petunt: & Græci sapientiam quærunt. Nos autem prædicamus Chrūm crucifixū, Iudæis
f • quidem

ISIDORI ENARRATIO,

quidē scandalū, gentibus autē stultitiā. Ipsi uero uocatis Iudæis et Græcis, **C H R I S T V M** dei uirtutem et dei sapientiam: quia quod stultū est dei, sapientius est hominibus: & quod infirmū ē dei, fortius est hominibus. Saluæ enim significāt stultitiā & infirmitatē: sed qđ stultū est dei, fortius est hominib⁹. Nō tāq̃ saluæ offendāt: sed attēde qđ sup̃ barbā decurrūt. Quomō enim in saluis infirmitas, sic in barba uirtus ostēdit. Texit ergo uirtutē suā corpore infirmitatis sue: & qđ forinsecus infirmabāt, tanq̃ salua apparebat, intus autē diuina uirtus, tanq̃ barba tege

Vbi in spelunca Dauid, Saulis chlamy (bat.
dem præcidit. Cap. XVII.

DEhinc in eremo Engaddi, cum persequendū Dauid Saul appeteret, ingressus est Dauid in spelūcam, & ibi latebat. Sed rex improuisis exceptus insidiis, quod innocuo moliebat incidērat. Scriptum quippe est: Qui fodit foueā proximo suo, ipse incidit in eam. Dauid autē bona pro malis retribuens, inimicum non occidit, sed pro testimonio facti oram regiæ chlamydis abstulit: cum facilius esset exceptum insidiis aduersarium, p̃dere magis q̃ fallere. Quid ergo est qđ iste fugiens à facie Saul, in spelunca latuit, nisi ut occultaretur & non inueniretur? Quid est quòd contegit spelunca, nisi contegit terra? Qui enim fugit in speluncam, terra regitur ne uideatur. Portabat autem **I E S V S** carnē quam acceperat de terra: & in eā se occultabat, ne à Iudæis inueniretur deus. Si enim cognouissent, nunq̃ dominū gloriæ crucifixissent. Quare ergo dominū gloriæ nō inuenerunt? quia spelunca se texit, id est carnis infirmitatē oculis obijciebat: & ma
iestatem

iestatem diuinitatis, in corporis tegmine tanq̃ speluncæ abdito, contegebat. Illi ergo non cognoscentes deū, persecuti sunt hominē: nec mori potuit nisi in homine; nec crucifigi potuit nisi in homine: quia nec teneri potuit nisi in homine. Opposuit ergo male querentibus terrā: seruauit bene querentibus uitam. Fugit ergo secundum carnem in speluncā à facie Saul, quia passus est: usq; adeo se occultans Iudeis, ut moreret̃. Sed quare usq; ad mortem noluit eē patiens, ut fugeret, à facie Saul in speluncam? Etenim spelūca inferior pars terre pōt accipi: & certe quod manifestum est & notum omnibus, corpus eius in monumento positum est, quod erat excisum in petra. Hoc ergo monumentū spelūca erat. Illuc fugit noster David à facie Saul: Tam diu enim persecuti sunt illum Iudei, quoadusq; poneretur in speluncā. Sed quid est q̃ Saul persecutor, ad purgandum uē trem, speluncam ingredit̃, nisi q̃ Iudæi Chrūm concepta mētis malitia quasi odorē fœtidū emiserunt, & cogitauerūt apud se: noxiaq; factis exterioribus dum Christum perimunt, ostenderūt? Sed tñ David Saulem occidere noluit. Et cū cum in abdito occultatus antro haberet in potestatem, seruare potius q̃ occidere maluit. Ita & Christus, dū esset in spelunca carnis, persecutorem populū in potestate habuit et non occidit. Scriptū enim erat de eis p̃ prophetam: Ne occideris eos. Tantū deniq; David summitatem chlamydis eius silenter abscidit: ut ostēderet p̃ prophetiā Chrūm Iudæos nō occidisse, sed eis tantū regni gloriā abstulisse: & sic eos persecutione sua uacuos sede uel imperio reliquisse. Chlamydis enī abcisio, regni ē ademptio. Hoc etiā alio loco idē Saul

ISIDORI ENARRATIO,

cū per in obedientiā peccasset, ostendit. Nam cū ueniā precaretur, rogaretq; Samuelē ut reuerteretur cum illo ad placandū deum, & noluiſſet, ſed cōuertens faciem ſuā abiret, tenuit Saul pinnulam uestimenti eius & dirupit eam: & dixit ad eum Samuel: Dirupit dominus regnum Iſraēl de manu tua hodie, & dabit illud proximo tuo: & diuidetur in duos populos. Ergo Iſraēl pſona figuram tenebat populi: quī populus amiſſurus erat regnū, dum perſequitur Chriſtum.

Vbi Dauid dormientis Saul haſtā tulit. XVIII.

QUod conſequēter iteꝝ demonſtratū eſt, quādo idē Dauid fugiens à facie Saul, ingreſſus in caſtra regis, cum dormiētē offendiſſet, non percuffit, nō occidit, ſed ſolū lāceam quæ erat ad caput eius, & lenticulam ſuſtulit, dormientibus q; cūctis egreſſus ē caſtris, tranſiuit in cacumē mōtis.) Quid ergo eſt hoc? Perſequebātur Chrīm Iudei: ſed perſequendo dormiebāt, quia nō uigilabāt corde. Duritia enim cordis, obdormitio ē. Dormiunt in uitam ueterem: non uigilant in nouam. Venit Chriſtus: nō eos occidit, ſed tulit ab eis ſcyphū aquæ, id eſt gratiam legis. Tulit & ſceptrum regale: regni ſcilicet prātem quam pro magno habebant, & unde ſe protegebant temporaliter, & quā aduerſus deum per incredulitatē gerebāt. Deinde Dauid noſter de caſtris eorū egreſſus, tranſcendit in altitudinē montis cælorum.

Vbi Amalechitę ſuperant à Dauid. Ca. XIX.

INterea Dauid fugiens, dū pergeret cū Achis rege Philiſtinorū in præliū aduerſus Iſraēl, ſurgentes Amalechitæ irruerūt in Sicelech: & ſuccēde-

teſc

les eam, captiuauerūt omnia quę erāt David & puerorū eius. Reuersus ergo David à persecūdis Amalechitis, inuenit Aegyptiū puerum lassescētē: quē Amalechitæ ægrotū in itinere reliquerant. Hūc autē David inuentū, cibo refecit; ducēq; sui itineris fecit: sicq; Amalechitas persequitur: epulantesq; repperit, & funditus extinguit.) Quid est em̄ quod Aegyptius Amalechitæ puer in itinere lassat, nisi q̄ amator præsentis seculi, peccati sui nigredine optus, sæpe ab eodem seculo infirmus despectusq; relinquitur: ut cū eo nequaquā currere ualeat, sed fractus aduersitate, torpescat? Sed hunc David inuenit: quia redemptor noster ueraciter manu fortis, nōnunq̄ quos despectos à mūdi gloria repperit, in suo amore conuertit. Cibo pascit, quia uerbi scientia reficit: ducē itineris eligit, quia suum etiā prædicatorē facit: & quia Amalechitā sequi nō ualuit, dux David efficitur: quia is quē indignū mūdus deseruit, nō solum cōuersus in suam mentē deū recipit, sed prædicando hunc etiā usq; ad aliena corda perducit, qui uidelicet duce David, Amalechitā cōuiuantē inuenit & extinguit: q̄a ipse Christus prædicatib⁹ mūdi lētitiā destruit, q̄s mūdus comites habere despexit.

Vbi pythonissam cōsuluīt Saul. Ca. XX.

Post mortem autem Samuelis, cōgregati sunt Philistiīm contra Israël. Cōsuluītq; Saul dominum, & non respondit ei. Quæsiuit autē Saul pythonissam, quę suscitaret illi Samuelē. Statimq; suscitatus, ait ad eā: Quare inquietasti me ut suscitarer? Etc.) Queritur secundū historiā utrum pythonissa ipsum prophetā de inferno euocauerit, an aliquā imaginariā illusionem fallacia dæmonū factā.

ISIDORI ENARRATIO,

De qua quæstione beatæ memoriæ Augustinus episcopus, Simpliciano Mediolanensi episcopo scripsit: Inquiris inquam, utræ potuerit malignus spūs excitare animam iusti: & tanq̃ de abditis mortuorū repagulis euocare, ita ut uideret & loqueret cū Saul? Nonne magis mirandū sit, q̃ sathanas ipsum dominū assumpsit, & constituit super pinnā tēplis? Quolibet enim mō fecerit quod factū est, ita ut Samuel excitaret, similiter latet: nisi forte quis dixerit faciliorem diabolo fuisse licentiam ad dominū uiuum unde uoluit assumendum, & ubi uoluit constituendū: q̃ ad Samuelis defuncti spūm ē suis sedibus excitandū. Quod si illud in euangelio nō ideo cōturbat, quia dominus uoluit atq; p̃misit nulla diminutione suæ potestatis & diuinitatis id fieri, sicut ab ipsis Iudæis peruersis atq; immundis, & facta diaboli facientibus, & teneri se, & uinciri, & illudi, & crucifigi atq; interfici passus est: ita non est absurdum credere ex aliqua dispensatione diuinæ uoluntatis permissum fuisse, ut nō inuitus, nec domināte magica potentia, sed uolens atq; obtempans occultæ dispensatiōi dei, quæ pythoniā illam & Saulem latebat, spūs prophetæ sancti se ostēderet aspectibus regis diuina eū sentētia percussurus: quanq̃ in hoc facto pōt esse alius facilior intellectus, ut non uere spūm Samuelis excitatū à rege sua credamus, sed aliquod phantasma & imaginariā illusionē diaboli machinatiōibus factam: q̃d propterea scriptura nomine Samuelis appellat, q̃a solēt imagines earum rerū nominibus appellari, quarum imagines sunt: sicut omnia quæ pinguntur atq; fingunt, earū rerum quarū imagines sunt, nominibus appellant: propriū

propriūq; nomen incunctanter adhibetur & dicitur:
 Ille Cicero est, ille Salustius: hoc flumen Simois, illa
 Roma: cū aliud nihil sunt quā pictę imagines: un-
 de Cherubin cum sint cōlestes uirtutes, ficta tamē
 ex metallo quod imperauit deus super arcam fieri
 testamenti, magnę rei significandę gratia non ali-
 ud q̄ cherubin illa quoq; signēmēta uocitabant. Item
 dum quisq; uidet somniū, nō dicit, uidi imaginē Au-
 gustini, sed Augustinum: cū eo tēpore quo aliquid
 tale alijs uidit, ignoraret hoc Augustinus: usq; adeo
 manifestum est nō ipōs homines, sed imagines eo-
 rū uideri. Et Pharaō spicas se dixit uidisse in somnis
 & boues, non spicarū aut bouū imagines. Si igitur
 liquido constat, nominibus earū rerū quarū imagi-
 nes sunt, easdē imagines appellari, non est mirum
 qđ scriptura dicit Samuelē uisum: etiā si forte ima-
 go Samuelis apparuit: ficta machinamento eius q̄
 transfigurat se in angelum lucis, & ministros suos
 subornat uelut ministros iustitię. Iā uero illud inq̄r,
 mouet quomōdō a maligno spū Sauli uera prędicta
 sint: potest & illud mirū uideri, quomōdō dæmones a-
 gnouerunt Chrūm, quē Iudæi nō cognoscebāt. Cū
 enim uult deus aliquos infirmos spūs, aliqua uera
 cognoscere tēporalia duntaxat ad istā mortalitatē
 ptinētia, facile est & non incongruū, ut omnipotēs
 & iustus ad eorū poenā q̄bus ista prędicant, ut ma-
 lum quod eis imminet, anteq̄ ueniat pręnoscedo
 patiantur, occulto apparatu mysteriorū suorū, etiā
 spiritibus talibus aliquid diuinationis impertiat: &
 qđ audiūt ab angelis, pręnūtiēt hominibus: tm̄ autē
 audiunt, quantū omniū dñs atq; moderator, uel iu-
 bet uel finit: unde etiam spūs pythōis in actibus

ISIDORI ENARRATIO,

apostolorū attestatur Paulo apostolo, & euangeli-
sta esse conat. Miscent tātum isti fallacia: & uerū qđ
nosse potuerunt, non docendi magis q̃ decipiendi
fine pronūtiant. Et forte hoc est, quod cū illa Samu-
elis imago Saulem prædicaret moriturum, dixit
etiam secum esse futurū: quod utiq; falsum est. Ma-
gno quippe interuallo post mortē separari bonos
à malis in Euāgelio legimus: cum inter superbum
illum diuitem, qui iam apud inferos tormenta pa-
tiebatur, & illum qui ad eius ianuā iacuerat ulcero
sus, & nunc iam in requiē cōstitutus, magnū chaos
interiectū eē testat. Aut si propterea Samuel dixit,
mecū eris, ut nō ad equalitatē felicitatis, sed ad parē
cōditionē mortis referat, qđ uterq; hō fuerit, & uter
q; mori potuerit: iamq; mortuus mortē uiuo præ-
nuntiabat. Secundū utrūq; igitur intellectū habere
exitū hanc lectionem qui non sit cōtra fidē, nisi for-
te profundiori inquisitione inueniatur: ad ligdū uel
posse uel non posse animā hūanā cū ex hac uita mi-
grauerit, magicis carminibus euocari, & uiuorū ap-
parere cōspectibus: etiā corporis lineamēta gestan-
tē: ut non solū uideri ualeat, sed agnosci. Et si potest
utrū etiā iusti anima nō quidē cogatur magicis sa-
cris, sed dignetur ostēdi, occultatioribus mysterijs
summę legis obtēperans: ut si fieri nō posse clarue-
rit, ut nō uterq; sensus in hui⁹ scripturæ tractationē
admittat, sed illo excluso, imaginaria similitudo Sa-
muelis, diabolico ritu facta intelligatur. Sed q̃niā
siue illud fieri possit siue non possit, tamen fallacia
sathanæ atq; imaginum simulandarū, callida opera-
tione decipiēdis sensibus humanis multiformis in-
ugilat: pedetentim quidem: ne inquisitionibus dili-
genti

IN LIBRVM REGVM I.

gentioribus præscribamus, sed potius æstimemus tale aliquid facturā maligno spū pythoniſſæ illius ministerio: quādiu nobis aliquid amplius excogitare atq; explicare nō datur. Hæc sunt quę tūc de pythoniſſa & Samuele, scripsit beatus Augustinus episcopus.

Vbi occiditur Saul. Ca. XXI.

Igitur exorto prælio, percusserunt Philistæi Israël plaga pessima: corruerūtq; in prælio Saul & Ionathā: quos deniq; pius propheta figuraliter deflet. Qui cum potentes essent & semper hostibus prævalerent, sauciati, ilico in medio prælio corruerunt. Quomodo inquit ceciderunt potentes in medio pugnæ? Hoc etiā modo pium Christianorū genus deflet eos qui pugnantes cum dæmonibus labuntur in seculo quod est lubricum: Gelboe enim montes, interpretantur lubrici montes.

Enarrationis Isidori in primum
librum Regum finis.

CAPITVLORVM II. LIBRI REGVM, ELENCHVS.

Vbi admonetur David, ne templū dñi constituat.	I
De p̄ctō David & Bethſabee.	II
De Absalom.	III
Vbi David aquā sibi dari iubet de cisterna in Bethlehem.	IIII
De psalmo.	V
De catalogo uirorum fortium.	VI

ISIDORI

ISIDORI ENARRATIO,

berauit. Amemus istū Dauid: quia tam graue in se uulnus iniquitatis pñæ & humilitatis cōfessiōe sanauit. Sed fortasse quis dicat: Si Dauid imaginem Christi gerebat, qmō multos uxores & cōcubinas habuisse describitur, cū has res Chrūs horrescat & damnet? Hoc enim per figurā fiebat. Multę em̄ uxores Dauid, multarū gentiū & nationū imaginē indicabant, quę per fidē, Christi consortio iūgerent. Cōcubine uero significāt hereticorū ecclesias, quę sub Christi noīs titulo manere gloriāt. Sed q̄a propter carnalia lucra sectantur Christū, non coniuges sed cōcubine uocātur. Deniq; nūc reges, si plures habeant uxores uel cōcubinas, crimē est: quia iā transierūt figuræ pro quibus uxorū uel cōcubinarū uenia concedebat. At nunc quia figuræ trāsierunt, uenia nulla datur.

De Absolom. Cap. III.

Illud uero qd significet q̄ parricida filius Absolom patrē insequēs, priō pater ei⁹ declinās fugit ante faciē eius securus de uictoria: q̄a sciebat impiū perire. Quē etiā fleuit magno luctu: & deplorauit exitū parricidæ. Scribit em̄ sic fugisse Dauid à facie bellantis aduersum se filii: & quoniā scriptū est de populo Iudeorū: Filios enutriui et exaltaui: ipsi autē spreuerūt me. Fili⁹ uero ei⁹ impius, significat tropice eūdē populū Iudaicū q̄ eū tradidit. Absolō autē sicut qdā intelligūt, interpretat̄ patris pax. Quod mirū uidet̄ in historia, quēadmodum patris pax possit intelligi, q̄ patrē bello ē psecut⁹. Sed qui diligenter allegoriā intendūt, inspiciūt Absolō eē Ierusalē: quæ etiā & ipsa pax interpretat̄, à cuius facie Chrūs fugit, qñ eā patiēdo deserēs, in gētibus p fidē secessit

secessit. Alij Absolom Iudā traditorē accipiunt: quē tāta & tā mirāda patientia Chrūs pertulit tanq̃ bonū, cum eius cogitatiōes nō ignoraret: & cum quo habuit cōiuiuiū, in q̃ corporis & sanguinis sui futurū discipulis mysteriū, cōmendauit & tradidit. Q. de niq̃ in ipsa traditiōe osculū accepit, bñ intelligit pacem Chrūm exhibuisse traditori suo: quā ille tāsceleratę cogitatiōis interno bello uastaret. Et ideo Absolom patris pax dicitur: quia pater habuit pacē quam ille non habuit.

Vbi David aquam sibi dari iubet de cisterna in Bethlehē. Ca. IIII.

Item ipse David in prælio Philistinorū cū sitiens conuersaretur in bello & aquā quæreretur: Quis mihi inquit, potū dabit de lacu qui est in Bethlehem? Et ad portas erat iter lacus: & David interfusus hostibus: & media hostilia iunxerat castrorū septa. Præcesserunt itaq̃ tres uiri multitudinē aduersariorū, & aquam de lacu qui erat in Bethlehē obtulerunt regi bibendā: sed rex noluit bibere, sed profudit eam dño, dixitq̃: Nō cōtingat mihi hoc facere, ut sanguinem uirorum qui abierunt ex animis bibam. Vicit ergo naturā ut sitiens non biberet: & exēplū de se præbuit, quo omnis exercitus tolerare sitim disceret. Quod si altius uelis expectare & introspicere mysteriū, sitiebat David non aquam quæ ē in Bethlehem, sed oriundum in eadem Bethlehem ex uirgine CHRISTVM in spiritu præuidebat. Volebat ergo bibere nō aquam fluminis, sed lauacrum ex latere CHRISTI fluentem: hoc est non aquarum sitiebat elemētum, sed sanguinē CHRISTI: unde & non bibit oblatā aquā, sed dño fudit: signifi

ISIDORI ENARRATIO,

significans scire se Christi sacrificiū non natura fluentē: sed illud sacrificiū in quo est remissio peccatorū. Illū scire se fontē æternū: non qui periculis quere re alienis, sed pericula aliena deleteret.

De psalmo Cap. V.

Querit autē, cur septimusdecimus psalmus in libris Regū reperiat cōscriptus. Nec immerito psalmus iste in Regnorum libris solus inuenit: quia regnū illud significat, ubi aduersariū nō habebimus. Titulus enim eius est: In die qua eripuit eum dominus de manu omnium inimicorum suorum, & de manu Saul regis. Quis enim figuratur in Dauid, nisi ille qui uenit secundum carnem ex semine Dauid: qui utique in corpore suo quod est ecclesia, adhuc patit inimicos? Vnde & illi persecutori quē uoce mactauit, & in suū corpus traiciēs quodāmodo manducauit, insonuit de cœlo: Saule Saule, quid me persequeris? Quando enim eruetur hoc corpus eius de manu omnium inimicorum eius, nisi cum & illa nouissima inimica destruet mors, ut pueniatur ad regnum dei?

De catalogo uiroꝝ fortiū. Cap. VI.

De hinc textitur catalogus uiroꝝ fortiū in figura sanctorū. Qui licet quis uirtutū sublimitate proficiant, tamen usque ad excellentiā diuinæ trinitatis nequaquā attingūt. Inde est quod ibi scriptum est: Usque ad tres non peruenit. Quis enim æquabitur domino: aut quis similis erit deo inter filios dei?

Enarrationis Isidori in librum

II, Regum, finis.

Capi-

CAPITVLORVM ELENCHVS.

De Salomone.	I
De templi ædificatione.	II
De sapientia Solomonis.	III
De iudicio eius.	IIII
De regina Austri.	V
De cæteris opibus eius.	VI
De diuisione decem tribuū.	VII
De Helia & uirtutibus eius.	VIII

De Salomone. Cap. I.

Succedit deinde Salomō in quo quidē nōnulla imago rei futuræ facta est, in eo q̄ templū ædificauit, & pacē habuit secundū nomē suū. Salomō qppe interpretat̄ pacificus. At per hoc tale uocabulū illi uerissime congruit, per quē mediatorē ex inimicis accepta remissiōe p̄ctōr̄, reconciliamur deo. Eten̄ cū inimici essemus, recōciliati sumus deo per mortē filij eius. Idē ipse est ille pacificus, qui fecit utraq; unum: & mediū parietē maceris soluens, inimicitias in carne sua legēq; mandatorū decretis euacuās, ut duos cōderet in se in unū nouū hoīem, faciēs pacē: & ueniens euangelizauit pacē his qui longe, & his qui prope. Ipse in euāgelio dicit: Pacē meā do uobis: pacē relinquo uobis. His & multis alijs testimonijs, dominus Iesus Chr̄s pacificus esse mōstratur.

De templi ædificatione. Cap. II.

Nam id q̄ ædificauit templū excellētissimū dño, & ibi Chr̄m significat: q̄a ædificauit domū deo in cœlestibus: nō de lignis & lapidibus, sed de hoībus sanctis, hoc ē fidelibus qbus dicit Apostol⁹: Templū dei sanctū ē qd̄ estis uos. Quæ uero eadē domus de dolatis lapidibus atq; p̄fectis
 c ædifica

ISIDORI ENARRATIO

ædificata est, & malleus & securis, & oē ferramentū
 nō est auditū in tēplo dei cū edificaret. Quid em̄ do-
 mus illa ut prædictū ē, nisi sanctā ecclesiam quā in
 coelestibus dñs inhabitat, figurabat? Ad cuius ædifi-
 cationē, electorū animæ quasi qdā expoliti lapides
 deferuntur. Quæ cū ædificat in coelis, nullus illic di-
 sciplinæ malleus resonat: quia dolati atq; pfecti il-
 luc lapides ducimur, ut locis iuxta meritū cōgruis
 disponamur. Ideo enim foris hic tūdimur, ut illic si-
 ne reprehensione inueniamur. Altitudo autē templi
 huius dñici ad fidē refert: longitudo ad spē: latitudo
 ad charitatē. His enim tribus uirtutib⁹ quasi linea-
 mentis sanctę ecclesię coelestis structura cōsurgit.
 Porro q̄ parietes templi interius ligno tegunt, hoc
 ob mysteriū dñicę crucis imaginatū est: sub cuius
 tutela protegentur oēs sancti, qui in diruptæ pacis
 perseverantia, tanq̄ lapides uiui in structura eccle-
 się unitate fidei solidant. Et bene interius uestitur li-
 gno templū: q̄a corde creditur ad iustitiā. Quòd ue-
 ro tēpore dedicationis gloria domini impleuit do-
 mū, gloria domini intelligitur **C H R I S T V S**, cui⁹ fi-
 de repletus est uniuersus mūdus. De qua gloria cū
 pro adorato uitulo, dominū deprecaret Moyses ut
 parceret populo peccatori, rñdit dominus: Propiti-
 us ero illis: Veruntamē uiuō ego & uiuit nomē me-
 um, quia implebit gloria mea oīs terra. Vnde & an-
 geli clamabāt pastoribus: Gloria in excelsis deo: &
 in terra pax hoībus bonæ uoluntatis. Quòd autē ne-
 bula impleuit domū dei, & non poterāt sacerdotes
 ministrare propter nebulā, hæc sentētia sup̄bos lu-
 deorū pontifices ac doctores insinuat: qui dū natiui-
 tatis Christi sacramēta inuestigare despiciunt, de-
 bitum fidei suę ministerium per erroris nebulā per-
 diderūt

diderunt. Ita enim eorū mentes infidelitatis caligo repleuit, ut exigentibus proprijs meritis, nō agnoscāt cultū credulitatis. Quōd uero idē Salomō in eodem templo duodecī boues æreos fecit, q̄s in æreo labro constituit, qui facie quidē per diuersas partes attendunt, sed in uno loco per posteriora colliguntur: Quid enim aliud per duodecī boues q̄ xii. apostolos credimus designari? Qui facie quidem per diuersa respiciūt, sed ita in labro sunt positi, ut ex posterioribus adueniunt: qui in hac p̄senti uita ad p̄dicatiōis officiū in diuersis mūdi partib⁹ sunt diuisi: in illa uero uita quę huic uite posterior ē, quia post hanc uidetur, æterna glorię unitate cōueniūt. Per diuersum ergo mundū p̄dicando respiciūt: sed in unū conueniendo cōsistunt. Ideo aut̄ ærei, q̄a clamor p̄dicationis eorū in toto mūdo sonuit, sicut scriptum est: In omnem terrā exiuit sonus eorū. Labrum aut̄, orbem terrę intelligimus, cuius ambitū lustrauerunt apostoli, docentes ut gētes baptizarentur in nomine patris, & fili, & spūs sancti.

De sapientia Salomonis. Cap. III.

LOCVTVS est autem Salomō tria milia parabolas: & fuerūt carmina ei⁹ quinque milia.) Quid enim p̄ tria milia parabolas, nisi plenitudo fidei in lege, & in euangelijs à Christo tradita designat? Quę dū tota multipliciter per allegoriarū sensus sub mysterio trinitatis differitur, quasi tria milia parabole nuncupantur. Carmina autem eius quinque milia in quinque sensibus corporis intelliguntur. Quos qui in diuersis uirtutibus bene regit, beatus est: & per eos quasi quinque milia carmina domino canit. Disputauit autē Salomō a cedro usq̄ ad hyssopum.) Cedri nomine celsitudo

ISIDORI ENARRATIO,

studogloriæ inelectis accipit, sicut et propheta testat̃ dicens: Iustus ut palma florebit: & sicut cedrus quæ ē in Libano multiplicabitur. Hyssopus aut̃ herba ē humilis, saxo hærens: qua signat̃ hūilitas Christi. Redēptor q̃ppe noster, à cedro usq; ad hyssopū disputauit: q̃a ab alta excellentia cœlestis gloriæ, usq; ad carnis humilitatē descendēdo puenit. Siq̃dē & cedri noiē prauorū sup̃ba elatio designatur, sicut per Dauid dicitur: Vox dñi cōfringentis cedros. A cedro itaq; Chr̃s usq; ad hyssopū disputat, q̃a ipse prauorū corda & humiliū iudicat. Super ligna autē disputauit, dū in cruce pepēdit. Tunc enī in cedros, seculi arrogantia inclinauit, qñ eā usq; ad hyssopi humilitatē i. usq; ad crucis stultitiā ac contemptibilem fidem deduxit.

De iudicio eius. Cap. III.

LEgitur q̃q; idē sapientissim⁹ primū habuisse iudiciū inter duas mulieres de pietate certantes. Quarū in una dilectio ardebat: i altera simulatio subripiebat. In illo ergo iudicio Salomonis Christi figura fuit, ubi mulier illa im̃p̃ba, plebs. sc. synagogæ uel hæreticorū, uerę matris hoc est ecclesię filiū appetebat: quē nō ut seruaret, sed reuera ut interimeret cupiebat. Sed sicut gladio Salomonis dirimente propriæ matris gemitus, iste uerus repp̃tus est partus, ita spū I E S V C H R I S T I docēte, plerunq; hi qui à matre seducti & capti sunt errore hæreticorū, nōnunq̃ merētur pro semetipsis gementē recognoscere ecclesiā matrē. Vñ satis cōuenienter apparet hanc mulierē hæreticorū uel synagogæ figurasse impietatē: qua & suos neq̃ter nutriēdo int̃rimūt, & alienos q̃adusq; pdant, illiciēdo persuadēt

DE REGINA Austri. Cap. V.

Regina

Regina aut Austri quæ ab interuallis ultimis excitata ueniens, Salomonis audire sapientiã concupiuit, iã tũc per illam uentura de gẽtibus regina desiderans Chrĩm, figurabatur. Quæ iuxta prophetiũ os circũamicta uarietate, in uelitu deaurato, & populi sui & patriæ domus oblita, cur rebat: barbara gente nõ animo: quæ in aperto peregrina: sed i occulto, sanctorũ fieri ciuis optabat. Vñ non solũ cœlesti præmio resurrectiõis beata, sed etiam ptate apostolica de Iudæis adulteris iudicãdis, in ipsius ore iudicis digna censet: quia Christũ in Salomone mirata, ueræ reginæ cœlestis affectũ in imagine mystica ecclesiæ prouidentis impleuerat.

DE cæteris operibus eius. Cap. VI.

Iam potro de ceteris operibus Salomonis quid dicam? quẽ uehemẽter arguit sancta scriptura atq; cõdemnat: nihilq; de pnia eius, uel in eũ indulgẽtia dei, omnino cõmemorat. Nec prorsus occurrit quid saltẽ in allegoria boni significet hæc ei? fluenda submersio: nisi forte qd dicat mulieres alienigenas quær amore exarserat, significare ecclesias electas de gentibus. Posset hoc fortasse nõ absurde intelligi, si ille propter Salomonẽ desererẽt deos suos, & colerent deũ eius. Cũ uero propter illas offẽdit deũ suũ, & coluit deos earũ, nõ est quid inde boni cõiectari possit: nec tñ nihil arbitror significare, sed malum: sicut de uxore filiabusq; Loth dixim⁹. Apparet enim in persona huius Salomonis, mira excellẽtia & mira subuersio. Quod igitur in illo diuersis tẽporibus extitit prius bonũ & posterius malũ, hoc in ecclesia in isto adhuc seculo simul & uno tẽpore, oñditur. Nam bono illi⁹ bonos ecclesię, malo autẽ illius malos significatos puto, tanq̃ in unitate

ISIDORI ENARRATIO,

unius aræ: sicut in uno illo homine bonos in granis, malos in paleis: aut in unitate unius segetis bonos in tritico, malos in zizaniis.

De diuisione decem tribuū. Cap. VII.

ILLUD uero quod post mortem Salomonis decem tribus à templo separatæ sunt & duæ relictæ, satis indicat, quod de tota gente ipsa Apostolus ait: Reliquiæ per electionē gratiæ saluæ fient.

De Helia, & uirtutibus eius. Ca. VIII.

QUID autē significet magni illi & insignes prophetae, qui etiam mirabilia multa fecerunt, Helias & Heliseus discipulus eius? Pascitur enim Helias tempore famis, coruis mane afferentibus panem, & ad uesperum carnes: ut intelligat illi Christum, cui quidam salutem nostram esurienti, confitentur peccatores fidem, primitias spiritus nunc habentes. In fine autem uelut ad uesperam seculi, etiam carnis resurrectionem. Mittitur Helias pascendus ad alienigenam uiduam: quæ uolebat duo ligna colligere priusquam moretur. Non hic solo ligni nomine, sed etiam numero lignorum signum crucis exprimit. Bene dicitur farina eius & oleum, fructus & hilaritas charitatis: quæ cum impenditur, non defecisse dicitur: Hilarem enim datorem diligit deus. Vidua enim ista ut opinor, ecclesia significatur: quæ Christus non frumeti sed uerbi pane satiat: De qua dicit per David: Viduam eius benedicens benedicam: Illam scilicet uiduam, quæ Apostolus dicit: Mortuo uiro quibus uelit nuptiis libera est: quia desinente lege cuius finis est Christus, ad gratiæ libertatem transitum faciens ecclesia, Christo quasi uidua legis innupsit. Huius nunc in uasis, oleum gratiæ & benedictionis farina non deficit, in omnibus foris gentibus fame manente. Quarum tibi uitæ esuriem, & fi
dei tri

IN LIB. REGVM III.

dei trinitatis mediam, cōgrue præfigurauit illa qñ
dam triennio fames. Quod uero per Heliam in tem
pore siccitatis nubes illa apparuit, & postea futuræ
pluuix signum in uestigio hominis ostensum est,
significabat quod nascente Christo in uestigio ho
minis, ad terras imber de celo descenderet qui nos
à peccato mundaret.

CAPITVLORVM IN LI
BRVM REGVM III. ELENCHVS.

De duobus quinquagenarijs cū militibus suis igne
combustis. I

De Helisæo, ubi aquas Iericho steriles & malignas
sanauit. II

De paruulis ab eo maledictis, & ab urfis deuora
tis. III

Vbi per seruum suum baculum mittit, & mortuus
non reuiuiscit. IIII

De ferro à ligno exiliente in profundum. V

De ægritudine Ezechix regis, & quindecim annis
additis. VI

De diuitijs eius Chaldæis morbo iactantiæ osten
sis. VII

De transmigratione populi à Nabucodonosor fa
cta in Babylonia. VIII

ISIDORI HISP A
LENSIS EPISCOPI IN LIBRVM

Regum IIII Cap. I.



MITTIT REX IMPIVS DVOS QVIN
quagenarios cū subditis sibi militibus
ut exhibeant Heliam: qui diuino igne
cōsumpti sunt. Tertius aut missus salua
tar. Quinquagenarius nanq; numerus
cōfessio pœnię est: q̄ declaratur remissio p̄ctōrum.

ISIDORI ENARRATIO,

Iudæi enim nolētes Christū deum esse perfectum, nec principē poenitētiæ, dicunt ad eū: Quinquaginta annos nondū habes, & Abrahā uidisti? In futuro diuini ignis incēdio extinguentur, Tertius autē quinquagenarius q̄a cōuersus ad fidē trinitatis, p̄niæ sacramēta cognouit, indulgentiam meruit.

De Helisæo, ubi aquas Iericho steriles & malignas sanauit. Cap. II.

Postulatur Helisæus à populo ut aquas Iericho steriles & malignas sanaret. Accepit uas rude fictile, & adiecit ī eo sal, & demersit illud in flumine, & statim aquæ sanatæ sunt. Quo facto pronuntiabat propheta, ut uerbū caro fieret, & habitaret in nobis. Inde similitudinē uerbi (salem. i. sapientiā dedit in uas fictile, in corpus scilicet humanū immittens, in aquā dimerisit: q̄d quidē significabat, q̄ oēs populi q̄ sub figura aquarū in toto mūdo steriles erant, per **C H R I S T I** incarnationē fecunditatem & benedictionem accepturi essent.

De paruulis ab eo maledictis, & ab urfis deuoratis. Ca. III.

Ipse quoq̄ Helisæus propheta, figurā Christi gessit. Deniq̄ uocabulū ipsum, salus dei interpretatur. Salus autē dei quis alius nisi filius eius ē, q̄ & saluator ubiq̄ uocat? Paruuli uero illi illudētes saluti dei Helisæo, Iudæorū habebāt personā: qui ad crucē dñō saluatori subannabāt. Q̄ autē dicunt, Ascende calue, ascende calue, q̄a in Caluarię loco Chrūs ascensur⁹ erat in cruce. Q̄ uero cōuersus maledixit eis Helisæus, & exierūt duo urfi de sylua, & interfecerunt quadraginta duos p̄teros blasphemantes, ita Chrūs post passionē & resurrectionem ex mortuis posteaq̄ ascendit ad cōelos, sicut Helisæus ascendit

in

in Bethel. i. in domo dñi, cōuersus maledixit eis: & quadragésimo secundo anno ascēſionis suæ, immisit duos urſos de syluis gētiū, Vespasianū scilicet & Titum: & eos crudeli strage deiecerunt. Venit ipse, coniungit se & coaptat mortuo, & reuiuiscit.

Vbi per seruū suum baculū mittit, & mortuus nō reuiuiscit. Cap. III.

Misit ergo Heliseus per seruū baculū super mortuū, & non reuiuiscit. Misit sermo dei legem per seruū suū, & nō profuit in peccatis mortuo gñi humano. Venit ipse descendēs de celoz: sublimitate quasi de montis altitudine: humiliavit se ipsum: confirmavit se nobis: mortuisq; membris sua mēbra composuit: nostræq; mortalitati de suo corpore medicinā aptauit. Deinde suscitāt mortuū septies oscitātem: qā septiformē spūm humano generi dat, per quod uiuificatus, à morte peccatorum resurgat.

De ferro à ligno exiliēte in pfundū. Ca. V.

Cum securibus ligna cæderenter, de ligno ferum exiliens, in profundū fluminis immerſum est: atq; in lignū desuper ab Helisæo proiectum, reuersum est. Ita cū impios Iudæos operata præsentia CHRISTI, tanq̃ infructuosas arbores cederet: quia de illo Iohañ. dixerat: Ecce securis ad radicem arborz posita est, ab eis interueniente passione corpus deseruit, & in inferni profundū descēdit. Quod in sepultura depositū, tanq̃ ad manubriū spiritū redeunte surrexit.

De egritudine Ezechia regis, & quindécim annis additis. Ca. VI.

Recubente in lectulo Ezechia, grauiq; aegritudine laborāti, ex persona domini Esaias propheta

ISIDORI ENARRATIO,

pheta adorsus est eum, prædicans illi quia moritur. Illo autem exorante dominū in ipso mortis præstituto termino, cōfestim dominus uocē eius exaudivit: & quindecim annis uitā deprecantis extendit. Qui numerus quindecim annorū, quod sacramētū contineat in mysteriū, uideamus. Nam ut Apostolus ait, secundū quod quis operat⁹ fuerit, ita recipiet: Ideoq; iste rex oēm decalogum legis cū quinque libris Moyſi compleuerat. Ideo quindecim annos secundum legis numerū quam custodierat, ad uitam auctus suscepit: per quod figuraliter sciremus, quā quicunq; per numeri istius mysterium totius legis plenitudinem custodiūt, & æternæ salutis præmiū consequunt, ac per legis cōsumatiōem, ad æternæ uitæ transeunt plenitudinem. Cuius quidē pro signo proferēdæ salutis, decem gradus domus suæ in quibus umbra descendere cōsueuerat, sol retrorsum ad ortum unde ascenderat, regressus scribitur: qui numerus quid mysterij habeat, uideamus. Nā gradus isti, temporū ordines sunt: per quos umbra figurarū Christi descenderat: & per quos iterū sol iustitiæ Christus post resurrectionem ascendit.

Primus itaq; gradus descensionis de deo in angelo fuit: quia magni consilij nuntius erat. Deniq; Iacob sic alloquitur: Et dixit inquit, angelus dei: Ego sum deus cui unxisti titulum & uouisti uotum: ut & angelum & deum ostenderet.

Secundus gradus descensionis de angelo in patriarchis fuit: quia in omnibus ut ait Apostolus, ipse operatur. Tertius in legis datione: quia & in lege ipse locutus est. Quartus gradus in Iesu Naue: ut populum in terrā promissionis induceret. Quintus in iudicibus: quia eūdem populū super eos ipse regebat

regebat. Sextus in regibus Iudæorū: quia in eis ipse regnabat. Septimus in prophetis: quia per eos dominus est nuntiatus. Octauus in pōtificibus: quia ipse est summus sacerdos patris. Nonus in homine. Decimus in passiōe. Per hos enim decē gradus ipse per umbrā legis priscæ Chrūs descēdit: ac rursus post resurrectionē suā sol iustitiæ per eōdem gradus sursum ascendit in cōlū: & oēm illam umbrā legis, ueritatis radijs illustrauit: obscura reuelans: clausa referans, & omnia tecta.

De diuitijs eius Chaldæis morbo iactantix ostensis. Ca. VII.

QUOD Ezechias rex diuitias suas Chaldeis appetitu ostentationis prodidit, & propterea periturū Israēl audiuit, significat dei seruum, qui dei uirtutes iactantix studio prodiderit, mox eas perdere, & dæmones operum suorū dominos facere: sicut ille per ostentationis appetitū, thesauros suos esse fecit sub domino Chaldeorū.

De transmigratione populi à Nabucgo donosor facta in Babylonia. Ca. VIII.

NAM ipsa in Babyloniā transmigration, q̄ etiā spūs dei per Ieremiā prophetam iubet ut p̄gāt, & orēt pro eis ipsis in quorū regno peregrinant, & in illorū pace etiam pax esset istorū, & ædificarent domos, & nouellarent hortos, & plantarēt uineas, q̄s nō agnoscat quid figurarit, q̄ attendat uiros Israēlitas: ī quibus nō est p̄ apostolicā dispensationē cū euāgelico sacramento ad regnū gētiū trāsmigrasse? Vñ nobis Apostolus tāq̄ Ieremias replicās dicit: Volo ergo primū oīm fieri de p̄cationes, adorationes, interpellationes, gratiarum actiones, pro omnib⁹ hominibus, pro regibus & his qui in sublimitate sunt, ut quietam & tranquillam uitam agamus

ISIDORI ENARRATIO,

agamus in omni charitate & pietate: Hoc enim bonum & acceptū corā saluatore nostro deo, qui oēs homines uult saluos fieri, & ad cognitionē ueritatis uenire. Ex hoc quippe, etiā illis credētibus constructæ sunt dñicæ pacis Christianarū basilicæ congregationū: latæ uineę populi fideliū & plantati horti: ubi etiā inter omnia olera granum illud sinapis regnat: sub cuius umbraculis longe lateq; porrectis, etiam altipetax superbia gentiū, tanq̃ in cœli uolatilibus, confitendo requiescit.

Enarrationis Isidori in lib. Regum finis.

CAPITVLORVM IN ESDRAM

ELENCHVS.

De septuaginta añis captiuitatis, & Iesu sacerdote.	I
De uasis domini in Babylonē deportatis.	II
Quòd rex Babylonius diaboli typū gerat.	III
De reditu populo in Ierusalem.	III

De Lxx. annis captiuitatis, & Iesu sacerdote. Caput I.

I Am quòd etiam post septuaginta annos secundum eiusdem Esdræ prophetiam reditur à captiuitate, & templum renouatur, quis fidelis **CHRISTI** non intelligat, post euoluta tempora quę septenario dierum numero repetitiōe transcurrunt, etiā nobis idest ecclesiæ dei, ad illam cœlestem Ierusalem, & ab huius seculi peregrinatione redeūdum? Per quē nisi per Iesum Chr̃m uere sacerdotē magnum? Cuius figurā gerebat Iesus ille sacerdos magnus illius temporis, à quo templū ædificatum est post captiuitatē: quem propheta Zacharias uidit in sordido habitu: deuictōq; diabolo qui ad eius accusatio

IN ESDRAM PROPHE.

ccusationem stabat, ablatā sibi sordidā uestem, & datum indumentū honoris & gloriæ: sicut corp⁹ Iesu Christi qđ est ecclesia, aduersario in fine tēporū per iudiciū separato, à luctu peregrinationis in gloria sempiternæ salutis assumitur. Quod etiā in psalmo dedicationis domus apertissime canit: Conuertisti luctum meū in gaudiū mihi: conscidisti sacco meum, & accinxisti me lætitia: ut cantet tibi gloria mea & non cōpungar.

De uasis domini in Babylonem deportatis. Cap. III.

QUOD autē uasa domini sacrificus uel sacramētis mysticis deputata, rex quondam Babylonius de Ierusalem abstulisse dicitur, pariterq; cum captiuis adduxisse & suis usibus deputasse, miserāte autē domiuo post solutā captiuitatem, uasa illa relicta sunt non conflata: & diuino rursus usui mancipata.

Quod rex Babylonius diaboli typum gerat. Cap. II.

REX Babylonius diabolus est: qui fideliū populum errorē captiuitate uinctum, de Ierusalem id est ecclesia, in Babyloniam id est confusionem hæreticæ prauitatis abduxit. Sed & partem uasorū id est sacramentorum, simul cum captiuis asportauit: Nā uasa sacramentorū, ipsa sacramēta significāt, per quæ diuini cultus perfectio adimpletur. Detulerunt namq; ex his nōnulla secū ex nostris hæretici: in primis nomen ipsum CHRISTI qđ se Christianos utiq; dicunt: asportauerūt legē, euangelium, Apostolū, Psalterium, baptisma, amē, alleluia.

De reditu populi in Ierusalem. Cap. III.

Cum

ISIDORI ENARRATIO,

CV M autem respectu domini ignorantia cōfusiōe relicta, populus ad Ierusalem id est uisionē pacis, quę est ecclesia dei uiui duce domino redire festinat, hæc uasa. i. sacramenta deferēs non immutat, sed reportat utiq; integra: nec cōfringit: quasi in melius renouanda, sed ea templo restituit, u sibusq; diuinis accōmodat: ita ut ea secū non perditā, sed etiā apud impios seruata fuisse, plebs restituta congaudeat. Nec delemus Euangeliiū, nec obliteramus Apostolum: Amen quoq; & Alleluia non commutamus: baptisma non iteramus.

ISIDORVS HISPALENSIS EPISCO

PVS DE MACHABAEIS.

DE MACHABAEIS autem fratribus quid loquar, qui sub Antiocho rege pro sacris legibus dira tormēta perpeSSI sunt? Mater pia cum diuersis supplicijs urgeretur, non solum non fleuit, sed & gaudens hortabatur ad gloriam passionis. Sic & mater ecclesia gaudet atq; in martyribus suis collētatur: maioremq; gloriā per martyria filiorum consequitur, dum eos per septiformē spiritum superasse diabolum gratulatur. Quis poterit omnia, quę illis ueteris legis & prophetarum libris figurate anuntiantur, quantalibet breuitate pstringere? nisi forte quis putat ingenio fieri, ut ea quę rerum ordine per sua tempora cucurrerūt, ad mysticas significationes interpretādo uertātur. Hoc forte Iudei possunt dicere siue pagani: Eis autē qui se Christianos esse uolunt, premit ceruicem apostolica authoritas dicens: Omnia hæc in figura contin-
geban

DE MACHABAEIS.

ant illis. Et hæc omnia figuræ nostri fuerunt,
nos finis seculorum omnium venit: suntq; uni-
a mysterijs consummata: per dominum nostrum
IESVM CHRISTVM cui est honor & glo-
ria regni, & potestas cum patre
& spiritu sancto in se-
cula seculorum,
Amen.

ISIDORI ENARRATIONVM
F I N I S.

Coloniæ impensis honesti
cuius Petri Quentel.



tion
on
bs
ec
tia

5

mid
ele
pia
n

82

i20235574

